

XXXE. 5.5

n









TECA NAZ.  
O. A. A.  
ID. EMP. AULE.

BIBLIOTHECA NAZ.  
ROMA  
VITTRIO EMANUELE.

SACRÆ  
MAIESTATI  
SERENISSIMÆ  
CHRISTINÆ  
SVEDIÆ REGINÆ.



**S**IBI qui ad Reges aditum stu-  
dent patefacere, PRINCEPS  
SERENISSIMA, morem  
hunc fere plerumque habent, ut  
si quibus illos muneribus venerari decre-  
uerint, ea potissimum conquirant, qua tan-  
ta dignitatis, & quam omnes post Deum



\*

illum omnium moderatorem, primam agnos-  
cunt, fastigio non indigna videantur Quid  
autem eos facere par est, qui non aliquem e  
vulgo principum adire statuerunt, sed  
præclarum aliquod ingenium, & ad omnia  
summa factum, & infra cuius magni-  
tudinem totum illud regalis opulentia cho-  
ragium sit? Heroinam aliquam, cui regia  
dignitatis fines visi sint angustiores quam  
ut iis contineatur? Te, inquam, ipsam  
**CHRISTINA PRINCEPS**  
**AVGVSTISSIMA**, quæ tanto  
supra ceteros Reges euecta es quanto illi  
quemlibet e populo dignitate sua superant?  
Mibi certe veterem superiorum sæculorum  
memoriam repetenti, & eorum, qui olim  
imperio relicto sibi vixerunt, exempla col-  
ligenti, nemo prorsus videtur iure tecum posse  
comparari. Quid enim, quaeso, tibi cum  
iis commune sit, qui magnam partem meri  
tyranni fuerint: atque adeò, si Dionysius  
ille Siculus, mirus hac in re artifex, au-  
diendus est, non satis prudenter fecisse vi-

deantur , qui cum tyrannide noluerint sepeliri ? Itaque multi etiamnum dubitant , an se dignum fecerit Sylla , cum suam illam Dictaturam , fatalem Romanae Libertati pestem , deposuit . Certe a nonnullis propterea **NE SCISSE LITTERAS** dictus est ; qui cum iustissimo omnium flagraret odio , in eum tamen locum descendit , qui nemini nisi innocenti tutus esse debebat . Nam Augustus ipse , tanti praeceptoris discipulus ( quod Satyrice olim , sed verè tamen scriptum est ) quia de relinquenda dominatione tantum cogitarat , hodieque culpatur . In nonnullis verò aliis ingenium crudele & efferum , atque odii conscientia fecere , ut ex hominum conspectu in hortos ac villas suas concesserint , ibi ut ignobili otio consenescerent . Alii porro , iique satis multi , idem consilium sequuti sunt , quod animum diuturnis laboribus fractum , vel luxu & deliciis , aut etiam senectæ aetate debilitatum , tanto rerum ponderi sustinendo imparem esse sentirent . Alii

denique quod rem tam arduam, quaque va-  
rios & ancipites euentus sæpe habuit,  
haud satis perpendissent, adeo præclarum  
consilium ceperant quidem, sed illud, cum  
summo suo periculo, turpi deinde pani-  
tentia mutarunt. In te autem, SERE-  
NISSIMA PRINCEPS, quid  
tale? Nam, si ab ultima rerum origine  
veterum monumenta reuoluantur, quando  
erit ut liceat Reginam aliquam reperire,  
quæ cum a bellicosissimo parente trans-  
missum haberet imperium, illudque integra  
atque incorrupta iustitia administraret, ar-  
dentissima in se populorum suorum haberet  
studia; singulari meliorum litterarum cogni-  
tione esset expolita; nil unquam in suos  
crudeliter, nil iracundè fecisset; egregia for-  
ma esset atque ætate integra; acerrimo in-  
genio, vegetis animi & corporis sensibus,  
(quæ omnia in Te summa sunt, SERE-  
NISSIMA PRINCEPS,) Quando, inquam, reperire licebit Reginam  
aliquam, quæ cum tot & tanta a natura,

Artium præclararum cognitione ;  
adiumenta haberet , regni ornamenta  
neglexerit ? Nimirum Tu una post innu-  
merabilem annorum seriem exorta es ,  
quæ perspiceres quam male conveniat  
& Diademati & Sceptro cum animi  
tranquillitate & vera vita. Rectè Tu  
quidem ac sapienter animaduertisti, nos non  
Reipublica tantum, sed nobis potissimum va-  
lere & vivere debere ; neque belluæ isti  
multorum capitum populo bonos principes  
perpetuò mancipari. Vidisti scilicet fieri vix  
posse, his moribus, ut Reges patriæ paren-  
tes esse possint , quod tu velles. Hoc præ-  
terea agnovisti, Reges , qui sibi liberrimi  
omnium videantur , exiguo tamen mundi  
limite claudi, neque ipsis ferme e finibus egra-  
di licere , nisi ut aliis bella , clades & lu-  
étuosam funerum materiam importent. Ita-  
que adeo quid aliud supersit, nisi ut, quod  
olim a prudentissimo principe dictum fuit,  
**REGIA DIGNITAS SERVI-**  
**TUS GLORIOSA HABEA-**

\*  
\* \*

**TUR?** Quid quod, ut hodie vivitur, vix  
est, ut ingenua fides, sincerusque ille fortis  
animi candor cum regia dignitate possint  
sociari? Vnde & aliquot abhinc annis, &  
verè, & ut sublimi illo animo tuo di-  
gnum erat, dixisti, **REGIIS VOLUN-**  
**TATIBVS NON SEMPER**  
**TUTO CREDI.** Quae omnia si  
quis maturo iudicio, non autem vulgi te-  
meritate ponderarit, na ille, approbantibus  
vniuersis, qui unquam extiterunt, Sapien-  
tibus, pro vero affirmare poterit, nunc il-  
lud esse, cum **REGVM REGINA**  
vocari debes. Quem titulum non urbes,  
non castra, non satrapiae, & reguli sub-  
diti tibi, ut olim Persarum & Partho-  
rum regibus, proprium faciunt, sed, quod  
miserae ambitioni prorsus incredibile videat-  
ur, regni contemptus: Qui omnibus mor-  
talibus ostendit, quam excellens ille tuus  
animus sit, quam pane Deus, cum ea pro-  
lembus ducas & Sapientis cura indignis,  
quae ceteris hominibus tanta videntur, ut



depecisci mortem non dubitent , modo ut  
tantis ornamentis , tanto splendore ac glo-  
ria frui paulisper liceat. Verum quo me  
virtutis tuæ , **SERENISSIMA**  
**PRINCEPS** , admiratio rapuit , &  
repentinus percussa mentis impetus ! Quæ  
enim a me sunt usque adhuc commemora-  
ta, quemadmodum non sine omnium & stu-  
pore & assensione dicta sunt , ita mihi nunc  
quidem , in primis obesse quis non videat?  
Si enim omnes , qui ad te hinc illinc ex uni-  
verso eruditorum orbe certatim in Suediam  
venerabundi antehac confluerunt , Ora-  
tores , Poetæ , Philologi , Scientiarum Ma-  
thematicarum Professores , Theologi de-  
nique , atque adeo artium omnium chorus,  
illi, inquam, longe meliori conditione quam  
ego nunc sum , fuisse videntur. Nam &  
longe præstantiora ad te deferrebant scripta,  
neque tunc supra Reginam eras : At nos,  
Parentis Epistolas dedicamus , Opus per  
se tenue ; Et id a nobis sit ea potissimum  
tempestate, qua multo quam unquam alias,

maior facta es atque augustior, ac vere, ut  
Homerus diceret, ΤΡΙΑΤΗ ΚΡΕΙΟΝΤΩΝ. Id etsi  
perquam est verissimum, PRINCEPS  
SERENISSIMA, a meo tamen  
consilio deterritus non sum, hac fretus fi-  
ducia, esse in te singularem animi bonita-  
tem, mirabilem benignitatem, facilitatem  
denique prorsus incredibilem, qua suppli-  
cum pietatem non aspernaris. Qua in re  
illam, quam omnes iampridem agnoscunt,  
animi tui excellentiam atque magnitudinem  
facile probare vel ignotis posses. Eius est, mu-  
neribus exiguis & grati animi testificatione se  
se exorabilem prabere. Non enim sēper sum-  
ptuosa hostia Divinum Numen placavit. Sæ-  
pe farre litatum est; sæpe lacte, aut thuris mica.  
Quid quod Libello nostro quiddam inferere  
necesse fuit, quod Tu, sat scio, non impro-  
babis? Non amābæas, quod quis fortasse sus-  
picari possit, Litteras CL. SALMASII,  
quem vltima Balthicum sinum paucis ante  
quā e vita decederet mensibus, & iam om-  
nia mirari defisset, incredibilis virtutis tuæ

contemplatio pertraxit : Non illas, inquam,  
non si quid fortasse aliud erit, quod cum  
legentium utilitate editum sit : Sed Tuas  
**SERENISSIMA PRINCEPS,**  
Tuas, inquam, ipsius Epistolas, in qui-  
bus mirabuntur posteri ; ad quos iam du-  
dum non tua facta tantum, sed & dicta  
& scripta spectant omnia, mirabuntur, in-  
quam, ut mittam cetera, lenem illam &  
inelaboratam sermonis nostri elegantiam,  
quæ vel summos Gallia scriptores possit  
fallere. Itaque Libelli nostri partes ceteras  
ut improbes, hanc certe, quæ Tua sit, non  
potes non probare. Quod autem a me editæ  
sunt, hanc veniam primùm meæ summae  
in Parentem optimum pietati concedes ;  
cuius gloria ingens ex illis cumulus accessit.  
Quem cum spirantem tanti feceris, ut ei  
sæpe victricæ illa tua dextera scriberes ;  
Quem extinctum luxeris ; Sacrisque eius  
Manibus hoc tribueris, ut Matrem obitu  
illius dolentem, in luctu ac squalore iacen-  
tem, scripta ad eam epistola erexeris ac re-

creaueris ; non potui sine meo summo flagitio facere , ut tam illustre , tam gloriosum , virtutis illius testimonium praterirem. Dein non sine meliorum seculorum auctoritate atque exemplo fecisse me spero. Fuit enim hic mos apud veteres , ut clarissimorum Principum Epistolæ colligerentur ; unde passim apud Scriptores quæ Græcos quæ Romanos , testimonia afferuntur ex Litteris Philippi , Alexandri , Eumenis , Caesaris , atque aliorum , quos prætereò sciens ; neque id haud dubie fectitari desitum esset , nisi desissent bene scribere Principes. His accedat hoc quoque : etsi mea in te pietas , & illa plane singularis veneratio , quæ mihi a Patente iure quodam hereditario relicta est , consilium meum non tuerentur , ac certe posterorum causa facere debui. Nolui quippe committere , ut cum tam luculentum domi cimelium haberem , illud ad se transmissum non fuisse iure queri possent. Hanc itaque Libellum propitia ac volens accipias , **PRINCEPS**

*AVGVSTISSIMA, supplex precor,  
eumque tui nominis amplitudine ac splen-  
dore circumfulgentem in manus hominum  
venire sinas. Scio quidem illum tantæ tuæ  
gloriæ fastigio non satis convenire, neque  
satis multa in se se habere, queis tuæ de se-  
spei respondere possit: Verum si nulla alia  
re, at certe puro quodam & candido ge-  
nere dicendi, varietate & novitate ipsa,  
quæ hominum animis solet abblandiri, eum  
tibi non iniucundum fore confido: Tibique  
persuasurum, atque ad eò omnibus, ad  
quos ex eo utilitas reditura est aliqua,  
nihil me unquam facturum enixius, quam  
ut eternum sim*

*SACRÆ TVÆ MAIESTATI*

*Lutetiae Parisiorum Jdibus  
Septembribus CXCICLIV.*

*Deditissimus atque  
deuotissimus*

*IS. SARRAVIVS.*



CL. SARRAVII  
SENATORIS PARISIENSIS  
EPITAPHIVM

*AVCTORE*

IACOBO PALMARIO

A GRENTMESNILIO.

**O** Quisquis ades, aduerte animum, Viator, intende oculos, te lapis alloquitur, oculis audiendus. Hic iacet CLAVDIVS SARRAVIVS, imo CLAVDII SARRAVII quod fuit. Si non omnino a litteris alienus, si Musarum sacris initiatus es, Viri nomen non ignoras, quem re-

ta nouit Europa, vniuersa litterato-  
rum respublica suspexit, & impense  
coluit. Is nobili prosapia oriundus,  
in Aquitania natus, optimi patris  
cura litteris humanioribus, Philoso-  
phiæ, & Iurisprudentiæ studiis op-  
time excultus, in ipsa suprema Ro-  
thomagensi curia purpuratus, tiro-  
cinium iuris exercuit. Inde in am-  
plissimum Senatorum curiæ Pari-  
siensis ordinem allectus, per XVI.  
annos ius dixit assidue, vbi & in-  
genii & morum specimen egre-  
gium identidem exhibuit, lenissima  
æquitate Summi iuris austeritatem  
sæpissime temperans, malis artibus  
semper iratus, hominibus nunquam:  
quorum litibus componendis me-  
liora vitæ momenta lubens impen-  
debat: licet toto mentis impetu ad  
nobiliores litteras excolendas rape-  
retur, quas in curarum solatium &  
animi relaxationem adhibebat quo-

tidie. Sic inter bonos optimus: inter doctos doctissimus existimatus, & magnam & optimam famam bonis artibus assequutus est, litterarum heroibus vbique terrarum notus, & viris principibus; sed præcipue Serenissimæ CHRISTINÆ Suedorum Gothorum & Vandalorum Reginae, virtute insita, & acri iudicio, morum & alienæ virtutis iustissimæ æstimatrici, merito carissimus. Talem virum bono publico, & nostri Sæculi gloriæ narum publice lugeri debere nemo negat. Igitur cum acutissimo morbo raptum luxere capita coronata, viri principes, ciues & exteri: luget amplissimus ordo, lugent omnes boni, omnes litterati, totus Parnassi confessus, vbi feralibus cupressis obsitæ marcent laurus. In eius denique funere Themis genas radit, comas lacerat, nouem Musæ lessum canunt. At tu Viator, si quid



iustitiam , & bonas litteras , & pio-  
rum memoriam curas , sortem pu-  
blicam luge , SARRAVIVM ne  
luge , nam felix est. In Christo enim  
obiit Maii xxx. Anno Christi Dio-  
nyfiano cıııııı. Vale.



100



# CLAVDII SARRAVII

SENATORIS PARISIENSIS  
EPISTOLÆ.



CL. SARRAVIVS  
HVGONI GROTIØ.

*Lutetiam.*



ONVM virum Tresellium nostrū ad te proficisci cogitantem, rogaueram, neme incio iter institueret. Verum apud Caletes aberam, Prouinciali nostrarum Ecclesiarum Synodo delegatus

mandato Regis <sup>ἐφορος</sup>, quando Lutetiam perrexit. Quod tunc itaque non licuit, modo breuiter perstringam. Summa me cumulauit lætitia tuus in Galliam aduentus, cum multis rationibus, tum hac maxime, quod amplissima ornatus dignitate te totum orbi exhibeas. Scilicet inter privatos excelsa tua virtus, maiori digna theatro, latere diutius non poterat. Tu nunc apud Optim. Maxim. Regem, maxima Europæ negotia tuis consiliis promoues. Tecum Germanicus Atlas magnus Axelius, ingentes partitus curas habet à tua solertia solatium

A

quod frustra ab alio quovis expectasset. Vtrique vestrum debere nos credimus quod aperto Marte cum ventosis & insolentibus huius regni perpetuis hostibus Hispanis bellum geramus; quod ut iustum, ita & Deo acceptum, novissima de iis tropæa satis produnt. Faxit Deus exercituum ut bene cœpta feliciter procedant, & felicissime desinant. Te vero precor obtestorque, avi nostri maximum decus, ut me cultorem & admiratorem tui præcipuum veteri & solita benevolentia prosequaris. Rothomagi III, Non. Iun. MDCCXXXV.

## CL. SARRAVIUS

IOANNI FREINSHEMIO.

*Argentoratium.*

**M**agnam à me iniit gratiam Amplissimus Senator Marefcotus noster, cum nudiustertius me rogaret, nunquid te vellem. Ex quo enim ejus beneficio Rothomagi primùm mihi innotuisti, semper animo meo obversatus es; & ingenii tui eximias dotes, eruditionem solidam & omnigenam, moresque candida simplicitate illustres, feci, ut debui, plurimū. Gratissimum ergo fuit te compellare, ut intelligeres quantum te colā, quantaque observantia doctrinam tuam complectar. Ex eodem Marefcoto nostro intellexi, te post Taciti textum, magna solertia & diligentia castigatissime emendatum, & luce donatum, constituisse eundem auctorem uberioribus annotationibus instruere & ornare; in quibus omnis Politices scientia contineatur.

## EPISTOLÆ.

5

Magno isto animo aude τῷ πᾶνν Casauboni Polybianarum curarum defectum supplere. Dic quæso an opus affectum, an confectum & editioni paratum: quidve in eo præsertim moliaris. Eo enim instituti tui penitus cognoscendi desiderio teneor, ut vixdum his epistolis exaratis, tamen tuam ad eas responsionem habere desiderem: qua ut me dignari velis καὶ ἀντιβολῶσι καὶ δέομαι. Si virum Clarissimum Berneggerum focerum tuum meo nomine salutaveris, magno me beneficio abs te affectum existimabo. Cumulet te ὁ ἐπὶ πᾶσι suis bonis: coniugiumque tuum fortunet ὁ γαμήλιος; teque ea prole donet, quæ virtute referat avum & parentem. Vale καὶ τὸν φιλεῖντα ἀντίλει. Luteriæ Parisiorum XIV. Iun. CIΩIOXXXIX.

CL. SARRAVIVS  
HYGONI GROTIO.

*Lutetiam.*

**H**Asce Notulas & Emendationes ad Statii Papinii Sylvas, cum adiunctis Epigrammatis, misit ad me Burdigala Peyraredus noster; ut ea tibi, Vir Illustrissime, censenda offerrem. Ea ego præsens præsentì obtulissem lubens, ni veritus essem frequentiori aditione seria tua interpellare, siue otia siue negotia. Sarius ergo duxi hæc tibi per famulum allegare, quæ quando vacabit, si tamen id tanti, pro tuo critico acumine expendes. Hanc meam subitanæ inscriptionem æqui bonique consulas rogo precorque. Vale, Vir Magne, & vive diu quam

A ij

4 CL. SARRAVII  
felicissime. Lut. Paris. xvi. Iunii c1610cxxxix.

CL. SARRAVIUS  
HUGONI GROTIO.

*Lutetiam.*

**E**Cce habes, Vir Illustrissime, doctissimi & diligentissimi Blondelli nostri schedas, ad Concilij Nicæni canonem sextum, operosas sane & luculentas. Postquam decretoriis armis egit cum Cardinali Perronio, de Suburbicariis Regionibus & Ecclesiis, etiam ipsi res fuit, cum amicissimis Salmasio & Gothofredo; sed adeo modeste cum iis se gessit, ut neutrum vel appellaverit, vel ulla circumlocutione designaverit; solo veritatis studio rationes rationibus opposuisse contentus, plane ut *inter bonos bene agier* dicas. Strenuam alio in loco navat operam Rufino, contra Hieronymum & alios. Liberior excursus vnus tantum de Eusebio Pamphili Arriano, quod hodie constet, quidquid plures etiam ex nostris, arguentur. Alias habeo fere totidem de secundo canone Concilij CP. quas faciam etiam tui iuris postquam istas, cum libuerit, commodo tuo, remiseris. Cæterum pro tuo iure in vniuersos huiusce Viri literarios fœtus, quod tibi minus placuerit, in spongiam incumbat: & magno beneficio autorem, cuius nomine hoc te rogo, obstrinxeris. Hæc mihi, qui te ex animo colo & suspicio, gratissima tui compellandi occasio. Vale literarum & sæculi decus, meque, quod facis, amare perge. Luteriæ Parisiorum x. Iulij c1610cxxxix.

CL. SARRAVIVS

IACOBO PALMARIO A GRENTMESNILIO.

*Vandoperam.*

**P**Endeo animi, quid in eximia tua & vere aurea Epistola prius laudem. Adeo enim omnia ἐξωνυχισμένα exactissima diligentia, ut merito illud vsurpem diuini vatis, *τί πρῶτον τί δ' ἔπειτα, τί δ' ὑσάπουν καὶ αὐτὸς*; Sive enim aduertam mentem ad summam humanitatē tuam, siue ad ἀκριβὲς illud disquisitionis tuæ, de loco Polybiano, in qua mirus verborum delectus, mira rationum pondera; siue ad fiduciam tuam, qua audes pugnare duobus, necesse est me omnia ista tua suspicere. Præcipue tamen amorem erga me tuum amplector: solis laudibus quibus me oneras, imparem me agnoscens. Absit enim adeo Suffenus ut siem, quin agnoscam eas omnino à benevolentia tua proficisci. De exercitatione tua super Casaubono & Liuiio paucis habe sententiam meam. Totus ego tuus cum illustrissimo Sueonum Legato incomparabili Hug. Grotio, qui εἰς μένει. O te beatū cui procul negotiis vacat hæc accurate exequi. *Nobis non licet esse tam beatīs*, certe ἡ ὅλη ἡμῶν. Itaque τὸ κατὰ λέαν noli expectare. Tu vero potes sæpiuscule eruditīs huiusmodi ferculis laute nos excipere, quod vt facias etiam atque etiam rogo precorque. Eliges autem postea argumentum quodcunque libuerit: Sed patere semel tibi à me præscribi: Mitte cito quæso censuram tuam de loco Demosthenicæ Syngraphæ ἐν τῷ κατὰ Λακρίε

Sam. Petito in Commentario ad Leges Atticas explicato. Quod postulo duabus de causis. Prima, quia quotidie expectamus Petiturum huc venturum; & gratum erit mihi tuis armis instructo cum illo decertare: Altera, quia ὁ πᾶν Salmasius postremis suis scribebat, se in suo novissimo Libro de Modo Usurarum, totum illud Petiti caput de Usuris Atticis perperam ab eo intellectis confutasse. Et iuvabit videre quid illi præripueris. Dabis veniam meæ temeritati, cui locum facit incredibilis tua comitas. Bochardus ad vos rediit negotio ex animi sui sententia confecto pro se affinibusque suis, uti ab eo cognoscere potuisti. Stipulanti spondit Diatribam de Paradiso terrestri, de qua fodes aurem velle. Launæus auunculus aliam poscit de Mandragoris. Cæterum pro tuis erga me meritis, accipe me totum, qui deinceps usu & mancipio tuus. Vale & me amare perge. Lutetia Parisiorum XIV. Iul. CIOIOXXXIX.

## CL. SARRAVIUS

HUGONI GROTIO.

*Lutetiam.*

**M**itto, Vir Illustrissime, quas pollicitus sum Blondelli nostri Observationes ad secundum canonem Concilij CP. Qui tot tantaque huius viri legisti, necesse est te hanc adhuc παραγγραφεὶ ἀποστέλλειν, ut cognoscere possis num ille par sibi, & respondeat ultima primis. Hic enim est finis prioris partis de Primatu. Secundam quæ de Conciliorum convocatione, in iisque



*ἡ ἀποκαθάρσις* & de Appellationibus, inchoabit postquam paululum respiraverit, sed lingua, si me audiet, Latina. Noli autem has chartas mihi remittere sine tuis miniatulis ceris. Habeo à Salmasio literas, ipsis Calendis Iuliis scriptas; quibus video fixum immotumque eius animo sedere consilium dispungendi Notas Heinſianas ad N. T. ipsum vero Heinſium vocat Vetus idolum Academiæ Leydenſis, quod vix ac ne vix quidem poſſit θαυμάσιον γένεσθαι. Vale, Vir Maxime, nosque, quite sine modo colimus, amamus, velis ἀντιποιεῖν. Lut. Paris. xv. Iul. c1616cxxxix.

CL. SARRAVIVS

HYGONI GROTIŌ.

*Lutetiam.*

**M**agni illius Pauli Veneti aliquot Epistolas naſtus, Vir Illuſtriſſime, rem tibi non ingratam facturum me exiſtimavi, ſi eas tibi legendas offerrem. Scriptæ ſunt ad noſtrum Philippum Mornayum, vtriuſque Palladis, ut noſti, ſtudioſum. Videbis, his auctoriſus primum fœdus initum inter Batauos tuos & Adriatici Pelagi regnatores. Sed quanto zelo reparationis diuinæ domus vterque flagrabat? Num admota manu invocabant Dominum? Perficiat tandem opus ſuum ὁ πατὴρ τῶν ἐλεῶν. Interpellat iterum Peyraredus; Statumque, ſed iam totū, ad partes vocat. Vale, Vir Illuſtriſſime, mihiſue plurimis nominibus colendiſſime. Lutet. Paris. xxvii Iul. c1616cxxxix.

## CL. SARRAVIVS

IACOBO PALMARIO A GRENTMESNILIO.

*Vandoperam.*

**A**lteram tuam Epistolam, prioris plane  
 Ageminam germanamque, parique ele-  
 gantiae & eruditionis sale conditam reddidit nu-  
 diustertius amicissimus noster Vallea. In ea

*Quam lepida λέξις, cōposita ut tessera, omnes*

*Arce, pavimento atque emblemate vermiculato.*

Amœnitatem ingenij tui, verborum vocumque  
 copiam, certe non possum satis mirari. Si iam  
 audet congrredi Petrus, spondeo ipsum ad te  
 deductum iri victum, victumque ὁπῶσω χεῖρας  
 ἐνὶ μῆτοσι ἱμᾶσι. Pusillum sui que nominis virum  
 eum præstabo, ni submisit se gerat. Quam vel-  
 lem reprehendere ταῖς ἰσχυρὰ κατὰ τὸ Ἠσίοδειον, αὐτῷ τῷ  
 μέτρῳ λῶιον: Verum

*Non eadem arboribus pendet vindemia nostris.*

Gratiam itaque quam referre εἶχ' οἷός ἐστιμι, habeo,  
 unde, quæ tua est humanitas, abunde tibi factum  
 iri confido. Nescio qui fiat, ut in tuis de Bo-  
 chardo εἰδὲ γρύ. Eum ego virum Neustriæ ve-  
 stræ, heu quondam meæ, Clarissimum iubar  
 appellare soleo. Non agat modo mecum eo  
 iure municipali quo vos, homines alioqui fi-  
 delissimi, vulgo male auditis. Me enim quod  
 attinet, promissorum memorem experietur.  
 Vale φίλτατον χεῖρα, & nos amate perge, qui te  
 in oculis ferimus, literariisque istis lauritiis  
 semper nos bea. Lut. Paris. iv. Non. Aug.  
 cccxcxxxix.

CL. SARRAVIVS  
VINCENTIO FABRICIO.*Bituriges.*

**E**Go quidem, Mi Fabrici, te primum visum mihi ex Salmasij commendatitiis ambabus sum amplexus, καὶ μάλα πόρρονι θυμῳ in animum meum admisi: Quod autem nunc te impense coque & amo, & inter nos amicitia coalescit, id ingentibus tuis meritis, & benevolentia erga me tuæ acceptum fero: nihil enim est in me, quo te demereri potuerim; nisi forte candidam & apertam vereque Gallicam, præfiscini dixerim, mentem meam, Germanicis tuis suavissimis moribus sociare voluisti: Vnde me tibi obnoxium cum agnoscam, me totum meaque omnia ecce dedo. Abs te enim omnis virtutis & eruditionis candidato cognosci, magno honori cedit, diligi, gaudio. Legi cum voluptate quos misisti ἐπιλαφίαις σίχαις; quibus tu sociusque tuus homines humanissimi, Bituriges jam vestros excusatum itis, quod nullo sepulchri titulo, Cuiacij cineres sint dignati. Carmen aliud tuum de Bibliotheca Thuana, cujus spem facis, avidissime expeto: Ita, *quicquid calcaueris, id rosa fiet.* Cæterum caue credas, te apud Illustrissimum Grotium mea aut alterius cujusquam egere opera, ut quam de te concepit opinionem retineat, & augeat. Noui enim apprimè quanti te faciat ille vere Magnus. Quod alij frustra tentauerant, ipse sibi tandem persuasit, nempe opera sua hic edere. Initium faciet à libris de

jure B. ac P. quos, exemplis, ex historiis, præfertim recentioribus, petitis lōge. fecit auctiores. Sequentur postea Veritas Religionis Christianæ cum testimoniis luculentis & appōitis. Tum demum Notæ in Nouum Testamentum, & Historia Belgica prodibunt: Frustra enim ab hæredibus suis gloriam expectaret, quam ipse sibi sæculoque suo inuidisset. A Leydensibus Curatoribus in Cunæi locum poscitur Iacobus Gothofredus Dionysij filius qui Geneuæ om̃ magna cum laude Iurisprudentiam professus, postea in vr̃bis Senatum cooptatus est: quare vereor vt Academicum suggestum velit denuo conscendere. Heinsius suas in N. T. Notas in publicum prodire passus est. Noluit Salmasius extremam manum imponere Præfationi libri sui de Modo Vsurarum donec eas vidisset: vult enim istas Notas serius ocius notare. Vale. Lut. Par. xxix. Aug. cııııccxxıx.

## CL. SARRAVIVS

VINCENTIO FABRICIO.

*Sancerræ.*

**Q**Vare relictis Biturigibus, Sancerræ te receperis, quod à Puteano nuper intellexi, valde aueo ex te cognoscere. Vereor enim vt te hospite satis dignum sit illud castrum: Hoc enim, non alio nomine, eas dignatur Sigebertus. Sed quid istic tibi est cum loco sola sua fame famoso? Quin potius redis in vr̃bem? Habemus enim vnde te laute & opipare excipiamus. Apponemus primum Exercitationum in N. T. li-

bros viginti, illas scilicet περιβοήτας Incomparabilis Herois, qui Sæculi Phœnix, literarum vnum decus & columen, ( Ita enim Heinſium velle ſua plenis & diſtensis buccis laudari docet Salmaſius in eximia Præſatione De Modo Uſurarum, quæ tibi erit pro bellariis ) Ecce vnde abunde te ſatiẽ. Si tamen adeo ſis ſtudioſus vt acidi aliquid recreando ſtomacho poſtules, dabit Gronovius noſter Elenchum Antidiatribes Emerici Crucei in quo miſer ille cruciarius miris vapulat & torquetur modis Nihil mihi dudum lectum eſt amœnius hoc poſtremo amici noſtri opere, quod jam ſub prælo ſudat. Et ſane iſ eſt qui poſſit cum eruditiffimis ad æternam aſpirare gloriam : parum dixi, quidni enim & de palma contendere ? O te beatum tanto populari & amico. Ego certe utrique veſtrum innotuiſſe, in maxima felicitatis meæ parte repono. Vale Vir Clariffime & Amiciffime. Lutetiæ Pariſ. xv. Nou. cldccxxxix.

CL. SAR. FREDERICO GRONOVIO.

*Lutetiam.*

QVomodo ceſſerit tibi heſternum iter ad CL. Heraldum, & an aliquas, an multas Caſauboni Epistoſas domum reportaueris, ſcribe quaſo, & ſi vllas, mitte. Vides tuũ Heinſium miſere angide parentis ſui exiſtimatione & honore : quæ, ſi verum fateri volumus, à Salmaſio in ſummum diſcrimen adducuntur ? Vereor ne ad extrema res deueniat. Quantumvis acerbe Satyræ reſponderi poterit ab aduerſario ; ſed

heus tu quid fustibus? Num qui ita se tuetur, ad incitas redactum se profitetur? Estne hoc consilium boni viri, estne hoc Christiani? An ejus qui Nouo Testamento nouissime, tractando, commentando, edoceri debuit (certe potuit) de eo qui λοιδορούμενος ἔκ αὐτὸς λοιδορεῖ? Scirem libens ad quod Sacrarum Exercitationum caput, istud referret. Apage tam sceleratum facinus; quod si in eius animo resedit, certe Heinsius tuus, nullius erit apud me, nec apud bonos & graues, pretij. Mollius dixi illum sane probi omnes abominabuntur. Ad filij quæstionem de Opere paterno quid sentiant in Gallia viri docti, poteris inter cætera ex veris respondere, omnes ex animo dolere quod tam acerbe insectatus sit Clarissimum Bezam, cujus eximij pro vera Ecclesia exantlati labores, merebantur, vt, si quid ei humanitus accidisset, mitius cum eo ageretur. *Exorietur*, proculdubio, *ex ejus ossibus aliquis ultor*, qui Exercitatori Batau Rhadamanthi δίκην reponet, & tunc non sibi dictum, sed responsum putet. Vale. Lut. Par. prid. Idus Decemb. CIOIOCXIX.

CL. SAR. FRED. GR.

Lut.

**Q**Uæ solvam tibi εὐαγγέλια, pro nunciato gratissimo Fabricij nostri aduentu? Ergo nobis redditum est tam carum caput, tam optatum? Verum quid nobis? quandoquidem proximum tuum discessum etiam scribis; adeo semper solliciti aliquid lætis interuenit. Sed vnde

tam subitæ profectiois consilium ? nondum enim è Batavia tabellarius , qui post duos demum dies est adventurus ? Non omnis saltem moriar te abeunte, & aliqua pars mei Libitinam vitabit, si modo hiemem in vrbe transigat popularis ille tuus. Miror Heraldum ceterosque ἑμοιοῦντες adeo sibi blandiri, vt non cognoscant ex Casauboni amicitia, orbi publicata, magnum suis laudibus cumulum accessurum. Quod ab iis pene conuicio poscimus & efflagitamus, ipsi deberent nobis obtrudere : forsàn vbi nolemus, volent ultro. Certum est tamen ab eo aliquid extorquere. Quod me in partem tui laboris affiscere volueris socium , magno me deuinxisti beneficio. Quam potui diligentissime mandata tua executus sum : An ex animi tui sententia, inspicere & operi tuo bene cedet. Credo enim adhuc nonnulla pumice egere : Sed secunda cura castigatiora omnia præstabo : amplam enim hic segetem errorum demessui. Remittat ergo typographes, circa vndecimam : ad quam me in palatinum pistrinum dedo. Vale α σέβασμωτάτῃ

Lut. Par. Idib. Decemb. ciuiccccxxxix.

CL. SAR. ALEXANDRO MORO.

**Генсекат.**

**E**Go vero neque te in simulo, neque mei im-  
memorem magis esse puto, quam ego sum  
tui. Exilui tamen gaudio ad amicam manum,  
& quam profiteris tui erga me amoris constan-  
tiam, legi magna cum voluptate. Verum con-  
scius egomet mihi tenuitatis meæ, istas quibus

me ornas, laudes deinceps quæso seponas. Summa sane perfusus sum lætitia, vbi accepi te in ea vrbe fixisse pedem, quam purioris Reformationis Metropolim appellare soleo: eamque palæstram nactum, in qua eximium tuum ingenium se iactet, & solidam veramque consequatur gloriam. Tot inter magnos viros, non poteris non esse magnus. Tantum excole sollicite raras illas dotes, quibus te ornauit, & cumulauit summus ille τῶν πάντων τῶν ἀγαθῶν δότης καὶ χρηρὸς. Quod de Castrensibus tuis purpuratis & eruditissimo Petito narras, magnopere placuit: illos ego impense colo & veneror, hunc etiam amo. Accedit me aliquando Samuel Sorberius eius nepos, qui est adhuc ἐν ταῖς μικραῖς τελεταῖς ministerij Ecclesiastici: quem ego cum ob doctrinam singularem, tum maxime, ob patruum magnam & ἐν δικαίῳ ἐπὶ ῥιζομένην famam magni facio. Sed heus tu! quid ais? Vnde ego semipaganus Gothofredo notus, vnde Spanhemio? Ego certe vnus è multis, eorum ingentia erga literas & Ecclesiam merita suspicere & prædicare non desino: quæ cum apud me tacitus aliquando reuoluo, exclamo subinde: Nemo Iurisprudentiæ palmam Gothofredo præripiat: Pauci, imo paucissimi Theologi Spanhemio pares. O te beatum tantis collegis! quidni, & ista tua ætate adhuc, magistris. Οὐαί τοι τῆς τύχης quæ te ad istas oras appulit. Gratissima etiam sunt quæ de istorum Semonum laboribus explicuisti. Sed quis illorum venerabili Bezæ feret suppetias? An impune feret Batauns Exercitator turbulentam obtrectationem tam sancti



nominis ? Multa illic habebit Spanhemius de  
 quibus DVBITET ; multa Diodatus quæ NO-  
 TET. Tu quoque Iuuenis specta lacertos tuos,  
 aude contra stare, aude concurrere. Iuuabimus  
 omnes, re, opera, consilio : *regnabis tu quoque*  
*notis*. Habeo vnde te excitem & spem faciam  
 non dubij euentus. Hercules ille Gallicus Sal-  
 masius ὁ μέγας dixit Riuetō, dixit Hugenio Hein-  
 sianæ glebæ quasi adscriptitiis, nullā nouam co-  
 gitationem plane & omnino Heinisianam insi-  
 gni aliquo vitio non laborare : nullum locum  
 ab eo præter aliorum sententiam sic expositum,  
 vt in eo secure acquiescas. Si legisti Præfatio-  
 nem ὁλοπόρουσαν De Modo Usurarum, rem non  
 adeo factu difficilem videris. His te præludere  
 decet auspiciis, non Hesychio, non Æschylo. Ad  
 tua tamen quæ sita sic habe : Ante quadraginta  
 annos ille Heinsius, magnæ tunc, quam non  
 impleuit, spei adolescens totum se esse prædi-  
 cabat in Hesychio adornando : eiusque editio-  
 nem, vt opus confectum putares, proxime se-  
 quentibus scilicet nundinis, vt moris erat, pol-  
 licebatur. Credibile est illum eam provinciam  
 Nicolao filio dudum demandasse. Sed nunc hic  
 tantum cogitat de Ouidio emaculando : itaque  
 occupa : Dignus enim Grammaticorum ille  
 Iuppiter in quo tua desudet industria : tum quia  
 multa habet peregrina quæ non sunt cuius  
 obuia, tum quia tot tantisque scatet lectionum  
 monstris, vt in his debellandis non possis existi-  
 mare operam tuam male positam. Omnes cer-  
 te linguæ Græcæ studiosos isto labore tibi de-  
 uinxeris. Æschylus MS. extat aliquis in Biblio-

theca vere Regia : Sed ex ea libri non egrediuntur nisi magno paratu. Magnus Grotius hic quartum recudit aureum libellum De Veritate Religionis Christianæ, cui adiungit amplam testimoniorum segetem ; quibus quæcunque in fidei nostræ commendationem à veteribus, Ethnicis præsertim, scripta sunt, continentur, opus quantiuis pretij. Sequentur breui Notæ in quatuor Evangelia. Milleterius pergit desipere : Imo furere ἀλλ' ὁλοαῖς μανίαις. Urbem libellis parvis, pravis, χυδαίοις, obscuris, & inficetis replet. Omnino παρπαρνέει, & serius aut citius meretricem ἐπιάλοφον adorabit. Gronovius Elenchum edit aduersus σαυράτημον Cruceum, quo suam ad Statij Sylvas Diatribam it vindicatum. Heraldus post diuturnum, id est viginti septem annorum silentium, veteres suas chartas, amicis obtorto collo trahentibus, excussit ; unde prodibit postaliquot menses De Rerum Iudicatarum Autoritate satis amplius Commentarius. Pergit Fabrotus in legendis & explicandis Basilicis ; quæ post vicennialia aiunt mature demum proditura. Si tuis commodis prodesse possim, dic & factum puta. Summatibus illis Diodato, Gothofredo & Spanhemio, quæso plurimam à me salutem. Vale. Lut. Par. xxvi. Dec. ciciocxxxix.

CL. SAR. IAC. PALM. A. GRENTM.

*Vandoperam.*

**D**Ebentur tibi ἀρίστη, νικητήρια. Vicisti quippe inclutam victoriam, Οὐαιο τῆς πρῆτης. In loco

loco Petiti de Demosthenica Androclis syngrapha vidit errorem Salmasius, non peruidit, quamvis proxime accesserit. Existimauit enim locum esse in Bosporo Thracio *Ἐπίεργ*: & quod mireris, autores scilicet locupletes habet suæ sententiæ an potius erroris? Harpocratonem & Suidam. Sed istis Glossographis non esse temere credendum iam pridem docti monuerunt. Neque etiam nomen istius loci intellexit Scylacis Caryandensis nouissimus interpres, Isaacus Vossius, magni Gerardi filius: Vertit enim *ἐπ' ἰεργὴν πρὸς τὸ φανόν*; deinde *ἀπὸ ἰεργὴ πρὸς τὸ φανόν*. De errore modeste monui & locos tuos addidi: ille vero nihil ad ista rescripsit: sed qui potuisset? in sinu gaude. Numquid habes amplum tui laboris præmium? Heinsius post Præfationem Salmasiano libro præfixam mutire non audet, quamvis in ea totus quantus cubet. Si Cadomum ut puto, quietum est, quare silet Bochartus nec stat promissus? Ei à me ni graue est multam salutem. Vale & me ama. xxvii. Decembris. CXCXCXXXIX.

CL. SAR. HVG. GROT.

*Lutetiam.*

**E**cce iterum Blondellus, & est tibi sape legendus. Aggreditur amplam & luculentam materiam De Conciliis; quatenus ex illis vel in illis Pontifex Romanus primatum sibi arrogat. Quando vacabit inspicias, & acri perpenſa iudicio scribes. Non enim is est amicus noster cui sit *χαλεπὸν μελετῆσαι*. Interrogaueram Bo-

theca vere Regia : Sed ex ea libri non egrediuntur nisi magno paratu. Magnus Grotius hic quartum recudit aureum libellum De Veritate Religionis Christianæ, cui adiungit amplam testimoniorum segetem ; quibus quæcunque in fidei nostræ commendationem à veteribus, Ethnicis præsertim, scripta sunt, continentur, opus quantiuis pretij. Sequentur breui Notæ in quatuor Evangelia. Milleterius pergit desipere: Imo furere ἀλλ' ὁλοαῖς μανίαις. Verbum libellis parvis, pravis, χυδαῖοις, obscuris, & inficetis replet. Omnino παμπριμανεῖ, & serius aut citius meretricem ἐπιάλοφον adorabit. Gronovius Elenchum edit aduersus σαυρώπριον Cruceum, quo suam ad Statij Sylvas Diatribam it vindicatum. Heraldus post diuturnum, id est viginti septem annorum silentium, veteres suas chartas, amicis obtorto collo trahentibus, excussit; unde prodibit postaliquot menses De Rerum Iudicatarum Autoritate satis amplius Commentarius. Pergit Fabrotus in legendis & explicandis Basilicis; quæ post vicennialia aiunt mature demum proditura. Si tuis commodis prodesse possim, dic & factum puta. Summatibus illis Diodato, Gothofredo & Spanhemio, quæso plurimam à me salutem. Vale. Lut. Par. xxvi. Dec. ciciocxxxix.

CL. SAR. IAC. PALM. A. GRENTM:

*Vandoperam.*

**D**Ebentur tibi ἀρίστεια, νικητήρια. Vicisti quippe inclytam victoriam, Οὐαιο τῆς πρῆξις. In loco

loco Petiti de Demosthenica Androclis syngrapha vidit errorem Salmasius, non peruidit, quamvis proxime accesserit. Existimauit enim locum esse in Bosporo Thracio Εφ' ἑσπ: & quod mireris, autores scilicet locupletes habet suæ sententiæ an potius erroris? Harpocratonem & Suidam. Sed istis Glossographis non esse temere credendum iam pridem docti monuerunt. Neque etiam nomen istius loci intellexit Scylacis Caryandensis nouissimus interpres, Isaacus Vossius, magni Gerardi filius: Vertit enim ἐφ' ἑσπν *ad fanum*; deinde ἀφ' ἑσπν *à fano*. De errore modeste monui & locos tuos addidi: ille vero nihil ad ista rescripsit: sed qui potuisset? in sinu gaude. Numquid habes amplum tui laboris præmium? Heinsius post Præfationem Salmasiano libro præfixam mutire non audet, quamvis in ea totus quantus cubet. Si Cadomum ut puto, quietum est, quare silet Bochartus nec stat promissis? Ei à me ni graue est multam salutem. Vale & me ama. xxvii. Decem; cxcxcxxxix:

CL. SAR. HVG. GROŦ.

*Lutetiam.*

**E**cce iterum Blondellus, & est tibi sape legendus. Aggreditur amplam & luculentam materiam De Conciliis; quatenus ex illis vel in illis Pontifex Romanus primatum sibi arrogat. Quando vacabit inspicies, & acri perpenſa iudicio scribes. Non enim is est amicus noster cui sit χαλεπὸν μελιδιδασκαλῆς. Interrogaueram Bos-

B

theca vere Regia : Sed ex ea libri non egrediuntur nisi magno paratu. Magnus Grotius hic quartum recudit aureum libellum De Veritate Religionis Christianæ, cui adiungit amplam testimoniorum segetem ; quibus quæcunque in fidei nostræ commendationem à veteribus, Ethnicis præsertim, scripta sunt, continentur, opus quantivis pretij. Sequentur breui Notæ in quatuor Evangelia. Milleterius pergit desipere: Imo furere ἀλλ' ὁλοαῖς μανίαις. Urbem libellis parvis, pravis, χυδαίοις, obscuris, & inficetis replet. Omnino παπμανεῖ, & serius aut citius meretricem ἐπιάλοφον adorabit. Gronovius Elenchum edit aduersus σαωράκιον Cruceum, quo suam ad Statij Sylvas Diatribam it vindicatum. Heraldus post diuturnum, id est viginti septem annorum silentium, veteres suas chartas, amicis obtorto collo trahentibus, excussit; unde prodibit postaliquot menses De Rerum Iudicatarum Autoritate satis amplus Commentarius. Pergit Fabrotus in legendis & explicandis Basilicis; quæ post vicennialia aiunt mature demum proditura. Si tuis commodis prodesse possim, dic & factum puta. Summatibus illis Diodato, Gothofredo & Spanhemio, quæso plurimam à me salutem. Vale. Lut. Par. xxvi. Dec. cııııcxxxıx.

CL. SAR. IAC. PALM. A. GRENTM.

*Vandoperam.*

**D**Ebentur tibi ἀρίστεια, νικητήρια. Vicisti quippe inclutam victoriam, Οναίστης πμύς. In loco.

loco Petiti de Demosthenica Androclis syngrapha vidit errorem Salmasius, non peruidit, quamvis proxime accesserit. Existimauit enim locum esse in Bosporo Thracio Εφ' ἑστῶν: & quod mireris, autores scilicet locupletes habet suæ sententiæ an potius erroris? Harpocratonem & Suidam. Sed istis Glossographis non esse temere credendum iam pridem docti monuerunt. Neque etiam nomen istius loci intellexit Scylacis Caryandensis nouissimus interpret, Isaacus Vossius, magni Gerardi filius: Vertit enim ἐφ' ἑστῶν ad sanum; deinde ἀφ' ἑστῶν ἀφ' ἑστῶν. De errore modeste monui & locos tuos addidi: ille vero nihil ad ista rescripsit: sed qui potuisset? in sinu gaude. Numquid habes amplum tui laboris præmium? Heinsius post Præfationem Salmasiano libro præfixam mutire non auder, quamvis in ea totus quantus cubet. Si Cado-mum ut puto, quietum est, quare silet Bochar-tus nec stat promissus? Ei à me ni graue est multam salutem. Vale & me ama. XXVII. Decem-bris MDCCCXXXIX.

CL. SAR. HVG. GROT.

Lutetiam.

**E**cce iterum Blondellus, & est tibi saepe legendus. Aggreditur amplam & luculentam materiam De Conciliis; quatenus ex illis vel in illis Pontifex Romanus primatum sibi arrogat. Quando vacabit inspicias, & acri perpen-sa iudicio scribes. Non enim is est amicus noster cui  
 ἔε χαλεπὸν μελετῆσαι. Interrogaueram Bo-





loco Petiti de Demosthenica Androclis syngrapha vidit errorem Salmasius, non peruidit, quamvis proxime accesserit. Existimauit enim locum esse in Bosporo Thracio Εφ' ἑσπερῶν: & quod mireris, autores scilicet locupletes habet suæ sententiæ an potius erroris? Harpocracionem & Suidam. Sed istis Glossographis non esse temere credendum iam pridem docti monuerunt. Neque etiam nomen istius loci intellexit Scylacis Caryandensis nouissimus interpretes, Isaacus Vossius, magni Gerardi filius: Vertit enim Εφ' ἑσπερῶν *ad fanum*; deinde ἀφ' ἑσπερῶν *à fano*. De errore modeste monui & locos tuos addidi: ille vero nihil ad ista rescripsit: sed qui potuisset? in sinu gaude. Numquid habes amplum tui laboris præmium? Heinsius post Præfationem Salmasiano libro præfixam mutire non audet, quamvis in ea totus quantus cubet. Si Cado-  
mum ut puto, quietum est, quare silet Bochartus nec stat promissus? Ei à me ni graue est multam salutem. Vale & me ama. XXVII. Decem:  
CICIDCXXXIX.

CL. SAR. HVG. GROT.

*Lutetiam.*

**E**cce iterum Blondellus, & est tibi saepe legendus. Aggreditur amplam & luculentam materiam De Conciliis; quatenus ex illis vel in illis Pontifex Romanus primatum sibi arrogat. Quando vacabit inspicies, & acri perpen-  
satione iudicio scribes. Non enim is est amicus noster cui  
ἡμεῖς χαλεπὸν μίσθον δίδασκαλῶν. Interrogaueram Bo-

me ornas, laudes deinceps quæso seponas. Summa sane perfusus sum lætitia, vbi accepi te in ea vrbe fixisse pedem, quam purioris Reformationis Metropolim appellare soleo: eamque palæstram nactum, in qua eximium tuum ingenium se iactet, & solidam veramque consequatur gloriam. Tot inter magnos viros, non poteris non esse magnus. Tantum excole sollicite raras illas dōtes, quibus te ornavit, & cumulanit summus ille τῶν πάντων τῶν ἀγαθῶν δόνηρ καὶ χορηγός. Quod de Castrensibus tuis purpuratis & eruditissimo Petito narras, magnopere placuit: illos ego impense colo & veneror, hunc etiam amo. Accedit me aliquando Samuel Sorberius eius nepos, qui est adhuc ἐν ταῖς μικραῖς τελεταῖς ministerij Ecclesiastici: quem ego cum ob doctrinam singularem, tum maxime, ob patruī magnam & ἐν δικαίᾳ ἐπὶ ῥιζομένην famam magni facio. Sed heus tu! quid ais? Vnde ego semipaganus Gothofredo notus, vnde Spanhemio? Ego certe vnus è multis, eorum ingentia erga literas & Ecclesiam merita suspicere & prædicare non desino: quæ cum apud me tacitus aliquando reuoluo, exclamo subinde: Nemo Iurisprudentiæ palmam Gothofredo præripiat: Pauci, imo paucissimi Theologi Spanhemio pares. O te beatum tantis collegis! quidni, & ista tua ætate adhuc, magistris. Οὐαί τοι τῆς τύχης quæ te ad istas oras appulit. Gratissima etiam sunt quæ de istorum Semonum laboribus explicuisti. Sed quis illorum venerabili Bezæ feret suppetias? An impune feret Batauus Exercitator turbulentam obtrectationem tam sanct

nominis ? Multa illic habebit Spanhemius de  
 quibus DVBITET ; multa Diodatus quæ NO-  
 TET. Tu quoque Iuuenis specta lacertos tuos,  
 aude contra stare, aude concurrere. Iuuabimus  
 omnes, re, opera, consilio : *regnabis tu quoque*  
*potis*. Habeo vnde te excitem & spem faciam  
 non dubij euentus. Hercules ille Gallicus Sal-  
 masius ὁ μέγας dixit Riuetō, dixit Hugenio Hein-  
 sianæ glebæ quasi adscriptitiis, nullā nouam co-  
 gitationem plane & omnino Heinsianam insi-  
 gni aliquo vitio non laborare : nullum locum  
 ab eo præter aliorum sententiam sic expositum,  
 vt in eo secure acquiescas. Si legisti Præfatio-  
 nem ὁλοπόρουεν De Modo Vsurarum, rem non  
 adeo factu difficilem videris. His te præludere  
 decet auspiciis, non Hesychio, non Æschylo. Ad  
 tua tamen quæ sita sic habe : Ante quadraginta  
 annos ille Heinsius, magnæ tunc, quam non  
 impleuit, spei adolescens totum se esse prædi-  
 cabat in Hesychio adornando : eiusque editio-  
 nem, vt opus confectum putares, proxime se-  
 quentibus scilicet nundinis, vt moris erat, pol-  
 licebatur. Credibile est illum eam prouinciam  
 Nicolao filio dudum demandasse. Sed nunc hic  
 tantum cogitat de Ouidio emaculando : itaque  
 occupa : Dignus enim Grammaticorum ille  
 Iuppiter in quo tua desudet industria : tum quia  
 multa habet peregrina quæ non sunt cuius  
 obuia, tum quia tot tantisque scater lectionum  
 monstris, vt in his debellandis non possis existi-  
 mare operam tuam male positam. Omnes cer-  
 te linguæ Græcæ studiosos isto labore tibi de-  
 iunxeris. Æschylus MS. extat aliquis in Biblio-

in-  
dic-  
te-  
n-  
e-  
,  
,  
:

*Lutetiam.*

ἸΕ χαλεπὸν μετὰθιτάσκει.

chartum Cadomensem De lingua Noui Testamenti Hellenistica : responsum eius vides , quo plane tecum sentit. Ego certe non inuitus in posterum vobis accedam , donec alius meliora & certiora attulerit : quamvis magno meo incommodo , Nouum Fœdus deinceps nisi meticuloſe ſua lingua non ſim lecturus. Verum τοῦ εὐ νικῶ. Addidi elegantiffimi Fabricij carmen , quod quia me amas cum voluptate leges. Vale Vir Illuſtriſſime. Lut. Par. Id. Ian. c. i. c. x. l.

CL. SAR. FRED. GRON.

*Andegauum.*

**V**erum fatebor , Vir Amiciſſime , à diſceſſu tuo , inter inſomnia mea nullus mihi viſus eſt Gronouius. Sed totos quantos dies animo obuerſatus eſt meo ; nec etiamnum eum deſiderare ceſſo. Ex binis tamen tuis aliquantulum recreor qui videam me non ei penitus exciſſiſſe : nec ſane id vñquam formidui adeo eius in fide & amicitia conſtantia mihi eſt perſpecta. Certe donec reſciuerim te ſaluum Andegauum adueniſſe , ſollicito timore non carui. Neſcio autem quo malo meo fato factum ſit , vt tantū poſt tredecim dies tuæ litteræ mihi reddite ſint , quas poſt tres habere debebam. Iter feliciter ceſſiſſe gaudeo , & aliquam te naſtum quietem tum tua cauſſa , quia poteris facilius & cum otio tractare literas , tum etiam mea ; quia ſapius ſiam certior de tua valerudine , & amore erga me tuo. De tui Elenchi perfectæ editione gratulor tibi , Additamenta ſerius venerunt ;

quam ut suis locis inferi potuerint : itaque inter  
 errata ad calcem operis reiecta sunt, ne tibi ope-  
 ra periret. Fabricius noster versum addidit ele-  
 gantem & σκωπτικόν, licet breuem. Itaque eius  
 amor non tuæ postulationi eum imputabis  
 ut & solidam emendationem typographicam.  
 Da veniam Amice, ego tibi vacare non potui,  
 coactus continuo adesse fratri quem Deus  
 magna plaga tetigit. Vxorem eius ad se, rece-  
 pit vix annos viginti duos natam, forma exi-  
 miam, moribus supra ætatem firmis & casti-  
 gatis, pietate & prudentia senili præditam. Qua  
 fortitudine calcauerit omnia terrena, qua in  
 Christum fiducia suis se exuerit peccatis, quam  
 siccis oculis, marito, liberis, familiæ, mihi vale-  
 dixerit, faxit DEVS nūquam obliuiscar, ut de eius  
 nouissimis sæpe cogitantem me quoque par ma-  
 neat exitus. Habes hic Epistolas à Salmasio &  
 Nicolao Heinsio. Binas ego accepi ab Hercule  
 nostro Gallico. Prioribus inter cætera laudat,  
 nedum damnat, temeritatem meam qua ali-  
 quot verba deleui in eius ad te edita jam Episto-  
 la. Immo vellet, inquit, ut totam induxisssem  
 ut pote properantius exaratam dum promissi  
 memor tibi morem gerit. Posterioribus proli-  
 xis, ideoque gratissimis, ostendit quomodo  
 τὸ χάριν, ἀπ' τῆ γράφειν quod est γλύφειν  
 scriptum sit. Quomodo intellexerit *rem alienam*  
*testamento relinqui non posse*; quæ quia longiora  
 sunt non exscribo. Sed ea explicabit ipse plenissi-  
 me in Tertio de *Vsuris Iustinianeis*. Addit de sua  
 circa linguam Hellenisticam sententia nihil ab  
 illo metuere, nedum à R. Thyſio qui aqua in-

tercute laborat: nec si valeret, is esset qui vellet cum ipso hanc ferram reciprocare. Nihil ab Imperatore, qui licet purum putum sit mancipium Heinsij, tamen se nuperrime inuiserit, posteaque amicum communem miserit quo si-  
dem daret de sincera amicitia secum ineunda. Itaque omnino necesse erit Batauo Exercitatori se contemptu vindicare, vel alium quærere optionem. Quæ de Antecessore Florente, Amyraldo, Cappello, Piterfio narras, non erant inaudita: Sed noli eorum amicitiam, quam tua tibi conciliauere merita, mihi adscribere. Immo honori summo mihi cedit à te cognosci. Etiam me immortalitate donasti quando in Opere nouissimo mentionem mei adeo honorificam fecisti, vt præ pudore sanguinem suffuderis. Profecto nisi veritus essem amicitia nostræ luculentum testimoniū repudiare offensionemque tuam incurrere, nonnulla tua verba deleta, deleta fuissent à me. Vale, & me ama tuum  
 κηρόθι μάλλον. Lut. Par. Idib. Ian. c1515CXI.

## CL. SAR. SAMVELI PETITO.

*Nemausum.*

**E**A sunt tua in Rempubicam Literariam & Ecclesiam merita, ea pro vtraque consilia, vt sanctos conatus tuos debeamus omnes iuuare & promouere. Egocerte equidem in his qui te doctrinamque tuam eximiam colunt & suspiciunt, nomen profiteor meum *ὡς ἀσπενέστα* Egi cū amplissimo Senatore mihiq; amicissimo Petauio, vt MS. Iosephi codicem tibi impetrarē. Ille vero nullo negotio se passus est exorari, itaque eum

hic habes. Si voto tuo respondeat habeo quod tibi gratuler, mihi gaudeam. Sed ut ita sit vereor, quandoquidem desiderantur libri contra Appionem, quos præcipue expetere videris. Quicquid id est utere, frui tuo arbitratu. Me sane omnia tua causa velle, persuade quæso tibi; *Tuus est explorare labor.* Cæterum cum se se offerat occasio tecum agendi, patere me quæso libere tecum expostulantem. Ægre enim, imo ægerrime fero quod à Critica Sacra, eruditissimi Cappelli Opere eruditissimo, tu vir doctus & æquus adeo mentem auertas, ut ab eo magnum timeas nostræ puriori Ecclesiæ damnum, ὃ μὴ γένοιτο εἰς τὸ ἔσθαι. Noli enim credere, eum id agere ut Sacrum Textum, quasi pumice Critico egeat, pro libito mutet & interpolat. *Hæu cadit in quemquam tantum scelus?* apage facinus tam atrox, tamque insignitam audaciam & proteruitatem. *Non obtusa adeo gestamus pectora*, ut hanc sententiam probare possimus. Esset hoc κατὰ τὴν ἀκρίβειαν. Hæc duo intendit præsertim Vir istarum rerum peritissimus. Quandoquidem Masorethici apices ut pote ἀνδραγαθὸν εὐρεμα, nos non ligant, ubicunque diuersa punctorum ratio meliorem & commodiorem fundit sensum, nihil vetare quin priori neglecta posteriori adhæreamus: quod magno cum fructu fieri posse infinitis exemplis, per singula puncta decurrendo, demonstrat. Deinde cum mirum quantum codices Græci & Latini à se inuicem & ab Hebræo fonte abeant diuersi, ostendit unde manarit ista discrepantia: quod scilicet affines litteras, & affinia verba Scripto-





res & Lectores male confuderint. Sed sedulo dat operam vt Hebræi Textus Sacro-sancta sit semper Autoritas : quem licet alias inextricabilem, *melius non tangere clamat* : liceat tantum in margine & in notis modestè de obuia difficultate monere & suam sententiam promere. An hoc de genere malorum ? an nouum & indictum ore alio ? Vtinam opus ipsum oculis vsurpares : scio editionem vrgeres. Si fallor mone errantem, nec inuitus tibi accedam. Vale Vir Excel-lens & nos ama. Lutetiæ Par. xix. Ian. cıııııııı.

CL. SAR. IAC. PALM. A. GRENTM.

*Vandoperam.*

**T**Res omnino accepi à te literas, tu jam nunc à me quatuor ; non est itaque quod mihi facias ἀργίας δίκην. Certe vt aliis vitiis tenear. de negligentia huiusmodi facile absoluo : nec enim in rescribendo soleo esse ὑπέρβουλος. Cæterum cum cogito de huius Prouinciæ statu, tum quem mihi describis, tum quem ipse præsens cognosco, cogor ire in lacrymas quæ mihi, penè singulis momentis effluunt. Inuitum certe me huc adactum esse scias vir amicissime, sciant boni omnes quibus nomine tenus notus sum. Sed habui parere necesse : ita viuitur sub regno. Quoties per urbem ambulo, cerno plurimas ades suis dominis, amplissimis Senatoribus, viris probis & bene circa Regem & Regnum animatis, destitutas. Mene oportuit in Veterum Collegarum meorum locum suffici ? Vtinam quam habui in hac ciuitate stationem numquam deseruissem : hunc saltem inde fructum collige-

rem, quod ea nunc abessem, & cum centum præclaris Senatoribus honestū exiliū exularem; & me solarer innocentiae conscientia. Sed inter injurias ira Principis annumeranda est. Punior hic ego qui non dicor deliquisse. Vno sane die plus vixi quam oportuit: eo nempe quo huc delegatus sum; vbi ego non miles quotidie excitor truci classico. Mitius feram hunc meum dolorem, si te sciuerō mihi condolare & tua causa hic aliquid possim; quod, amabo te, moneas. Procul à libris meis noli expectare à me aliquid literarium: non enim habeo in numerato vnde tibi satisfaciam & tuis quæsitis respondeam. Sane quod tu in seria meditatione non perdidisti, quā ego semipaganus inter arma explicem? Languet animus, languet stylus, ipsa etiam manus scribere refugit; nec ego bene mei compos. Erige me venusta & eleganti scriptione, quam te mihi benigne impertiri non pigeat. Vale. Rothomagi in hospitio Sciuri. Prid. Cal. Febr. c1515CXL.

## CL. SAR. VINC. FABRIC.

*Aureliam.*

**H**Eri & hodie vnam & alteram à te accepi Epistolam, Dilectissime Fabrici. Prior debuerat mihi tempestiuus reddi: si enim ante quindecim dies quando hic erat Cancellarius, fuisset ab amico tuo compellatus, ejus confectum fuisset negotium. Iam vero expectandus est ejus reditus Lutetiam, qui vix ante Paschales ferias sperandus est. Ejusmodi

B iiij

enim Concessionēs Regiæ , corroborandæ  
sunt Magnq vt vocatur , Sigillo , quod per-  
petuo apud Cancellarium cubat. Postquam  
fuerit reuersus , istam rem agam , ac diligenter.  
Hic ego misere crucior. Qui aliter , procul à te,  
procul à Libris meis , sine quibus omnis mihi  
vita acerba. Procul à magnis illis amicis nostris,  
sine quibus *quas nos suos amicos*. Vale. Roth.  
xxi. Feb. cxcix.

## CL. SAR. FRED. GRON.

*Andegauum.*

**Q***Vid me querelis exanimas tuis*, Amico-  
rum Suauissime. Accusemus vterque ma-  
lum fatū nostrum cuius inclementia factū est vt  
gravis fasciculus meus ad te nō peruenerit. Ejus  
jacturam pene inconsolabiliter lugeo. Sic vn-  
decunque coaceruati luctus animum crudeliter  
afficiunt. Resciuisti proculdubio de Parlamen-  
to Neustriæ omni sua functione interdicto.  
Centum & amplius Iudices Lutetiæ Regia iussa  
expectant dum ex nostro Parisiensi Senatu Sex-  
decim huc delegati an relegati? Sunt qui eorum  
vices implerent. Eos inter hic ego sedeo non  
sine magno animi mei mœrore , qui coactus fui  
inuitissimus veterum Collegarum meorum, præ-  
stantissimorum virorum , locum occupare;  
Procul à Lutetianis deliciis , fori insanis jurgiis  
misere distrahor. Si tamen valere te , & me sem-  
per abs te, amicorum purpura , amari intellexo-  
to, non parum inde recreabor. Vale xxii. Feb.  
cxcix.

CL. SAR. HVG. GROT.

*Lutetiam.*

**Q**Uod mei olim beatam, nunc lacrymabilem sub oram semoti, adeo oblitus non sis, Vir Illustrissime, ut volueris inter primos, imo ut ais primum esse aurei tui libri lectorem, non potuit non esse jucundissimum. Mihi certe summo honori cedit, à te totius eruditionis sacræ & prophanæ Coryphæo, cognosci & amari: quod quoties cogito, id autem vsu venit sæpissime, facere non possum quin toties prorumpam in eximiæ humanitatis tuæ laudes. Cum enim me meis intueor oculis, sentio nihil esse in me quod tuam possit allicere beneuolentiam: nisi forsan animum erga te meum aspicias, qui sane, & in hoc liceat gloriari, non magnus tantum, sed summus. Grates itaque ago gratissimas de tanto tuo munere: in quo effecit tuus hic postremus labor ut doctrinam cum pietate conjunctam haberemus. Consulisti nimirum sæculi vitio, cujus palato ipsa pietas per se vix sapit. Sed quod tam immensam testimoniorum segetem collegeris, constet inde necesse est, Christi gloriam tuo semper animo obuersari: cum tot tantaque, quæ aliorum sagaces oculos effugerant, sancta tua diligentia & industria eruëris. Faxit *ὁ δὴ σωτὴρ* ut diu super sis, omnibus suis bonis cumulatus: Sanctumque tuum propositum absolvas, Nouum Testamentum perpetuis tuis Annotatis explicatū, excudendi, sapius recudendum. Me, rogo te, Vir Illustris-



**ricensi tractu.** Verum ferendum est, quia cogitare te vltiora, vetat socij aduersa valetudo: tuam vt Superi tibi firmam semper præstent enixe ab illis contendo. Scribebat nuper Salmasius rabularium quemdam aduersus se Apologiam edidisse pro Manibus Cunei, quos queritur ab ipso violatos. Addebat sibi propter parentis obitum necesse esse in Galliam venire, & hac, quod anxie rogaueram, se transiturum. Quanto autem gaudio perfundar cum ibo in eius amplexus? Ego scilicet ante Magnas illas Parisienses Animas, sanctum illud caputadorabo, *Vt mos est meus, applicabo collum, jucundum os, oculosque suauabor.* Sed vereor vt ἐφ' ἡμῶν sit illud meum gaudium euanidique instar somnij. Is est sane in cuius sententiam omnes boni doctique libenter eant, adeo in literis suo merito principatum tenet. Misit nuper Illustrissimus Grotius Editionem Parisiensem libri sui de R. C. cum Annotatis, ὡς ἀπλῶς εἰπεῖν, Grotio dignissimis. Habeo quod addam nihil, nisi cedere me hic vitæ meæ, adeo ab omni literario consortio viuo alienus. Tu Vale felicissime. Roth. III. Cal. Apr. CIΩICXLI.

CL. SAR. FREDER. GRON.

*Andeg.*

**G**RATÆ mihi fuerunt tuæ litteræ, hisce Nonis Apr. datæ. Gratissimas dixissem si parcius tu te in meas effudisses laudes, à quibus in posterum etiam atque etiam rogo, manum abstine. Si quid enim est quo ego jactari merear, certe vnum illud, quod summa aliquot Literarum numina inter quæ tu, Magne Gronoui,

maxime conspicuus sedes, religiose colo; quod tanti esse non debet, ut me quoque Achiuis principibus permittum videam. Iterum vota fundo pro peregrinationis tuę secundo itinere: cui fauens adlit perpetuus comes Ερμῆς ὁ ὁδηγός. Vereor ne in Urbem ocius redieris quam ego Neustriam hanc reliquero. Perstat enim Rex agnomine Iustus in duro aduersus Prouinciales hosce proposito, ut scilicet Lutetię adhuc morentur miseri illi mortales, quorum aduersa fortuna in caput recidit nostrum; aliorumque, si Diis placet, scelerum, nos quoque luimus pœnas. Sed hæc aliquando fuerint. Non hoc ineunte vere sed æstate demum præcipiti expectandus est mihi Salmasius ὁ μέγας: antequam enim Lugduno discedat, ἔχῃ ἱέρμενος scilicet νόστοιο, vrget Typographos & ab iis vrgetur ut suscepta orlaque pertexat, in quibus habebis τὸν τριπόδην illū Simplificium; nisi consilia sua ad exitum perducere festinat Heinſius tuus cū suis Heinſianis qui de eo mactando quoties περιπύλαι solus vel cum famulo perambulat, & in fossas deiiciens cogitant. In eam adducti illi rabiem ex quo ejus imperterritus animus, Satyris & leuidentibus scriptionibus cedere nescius, iis plane perspectus est. Ita Salmasius ipse ad me scribebat ix. Cal April. addebatque se satis acerbe strinxisse calamum aduersus I. C. quemdam, quem vocari Cyprianum Regneri me docuisti, libello edito, in quo inter alia haud pauca penitus disquiritur, *An mutuum sit alienatio*: quod ab eo factum quia dixerint οἱ ἐξ ἐναντίας se ei ex-citasse aduersarium cui par, in hoc genere, non

esset. C L. Berneggeri obitum ex animo defleo. Quo nunc loco Tacitus ? *Quid breui fortes jaculamur ævo Multa* ? Plura non addam vbi apud te conquestus fuero , quod de tua Iustinianæ Laureæ non monueris in quo adeptos plausus tacere non debuisti. Patere hoc conuicium, & de rebus tuis scribe diligentissime. Vereor ne diutius morari me hic oporteat : hic , id est, procul ab omni literarum elegantiorum commercio. Vale & me ama , qui te colo , veneror , amo. Roth. Idib. Apr. cīdīcxl.

CL. SAR. FR. GRON.

*Andeg.*

**Q**uas tibi jam agam gratias , Carissime Gronouī , pro illa tua diligentia qua me tam prolixo , tamque grato responso beasti ? Tantum abest, vt exultationem moræ tuæ accipiam, vt contra me in ære tuo agnoscam libens ; reponis enim *χρῖστα χαλκίων*. Gaudeo voluisse te Elenchi tui perpurgandi à mendis nostris tædium deuorare. Culpam olim sum deprecatus adjecta causâ , quam quæ tua est humanitas mihi indulxisti. Mihi ad heroem nostrum quam ad ipsum dirigendam per me voluisti , & curabo vt eius responso , quod ab eo tibi flagitaui , quamprimum potiaris. Antequam è Batauis discedat, sedet ipsi perficere inchoata vel affecta opera hæc sua. Notas ad Arnobium , Philosophiam Stoicam ad Simplicium , Dissertationem de Saccharo & Manna, & Achillem Tatium. Penes me est *Diatriba De Mutuo*, *Quod non sit alienatio aduersus Coprianum quendam Iurii*



*Doctorem Autore Alexio à Massalia Domino à Sancto Lupo. A Massalia id est à Salmasia. Salmasia, Pagus est hujus nominis in Burgundia Balliuatu qui vulgo vocatur l'Auxois, cujus metropolis Autissiodorum vulgo Auxerre, è quo gens Salmasia Nobilissima originem ducit, inde hic dici vult Alexius. Quare à Sancto Lupo, quia non explicauit, interrogavi; nec dum accipere responsum potui: Iure merito clamabit foriarius: O Crudelis Alexi! adeo male habetur εἰς πόδας ἐν κεφαλῇς. Voluit scilicet Heros noster ceteros ab huiusmodi consiliis deterre-  
re & expectata gloria fraudare: dum nequidem eos agnoscit aduersarios silentio inuolutis eorum nominibus suoque. Scriptū hoc bonę sane frugis plenū, thesin strenuè tuetur, nec à posita Quæstione latū vnguem discedit: nec solemnem copiam desideres: & quod magis mirere, vix totis quindecim diebus conceptus formatus & editus ille partus à patre podagra laborante quę ejus bilem aliquando intendit. Sed quid ais de Magno Legato qui Amstelodami curauit edendam *Commentationem de locis N. T. in quibus mentio fit vel fieri videtur de Antichristo*, Eruditis, ita inquit, *expendendam*. Vult Virum illum peccati cujus mentio in Secunda ad Thessalonicenses, esse *Caligulam*, alterum de quo in Prima Iohannis esse *Barchosbam*, tertium de quo in Apocalypsi esse *Traianum*, cujus nomen Οὐλπος dum sedet ad calculos asserit esse τῷ θηρίῳ ὄνομα μυστηριώδες 666. Postremam literam vult senarium denotare numerum quę ducentesium arguit, confundendo τὸ σίγμα cum epísemo βαῦ de quo*

tam multa Magnus Salmasius ad eum scripserat. Iam credo, intelligis qua de causa adeo sedulo inquirebat de *Nota senarii numeri apud Græcos*, quod licet edoctus sit, maluit ignorare quam tam bellam cogitationem abiicere. Magna sane ab eo libro, famæ ejus, labes infligetur; addunt enim multa præterea dogmata Faustianam Scholam olere. Sed ohe! jam satis. De Exemplaribus Elenchi tui in Angliam nec ne missis nihil affirmare ausim: postremum tamen verius credam. Hic adhuc distinemur quatuor, ut aiunt, Collegis addendis, qui suppetias ferant. Nulla ergo copia vel spes prompti reditus. Si mei semper memineris, solabor me incomparabili tuo beneficio. Vale Roth. Non. Maiis. cxcxcxl.

Andreas Duchesnius nobilissimus Regni Geographus & Historiographus hac septimana miserabiliter obiit: è curru decidenti baculus ilia ingressus est, vnde magno cum cruciatu, post vnam aut alteram horam expiravit.

CL. SAR. FRED. GRON.

*Andegauum.*

**A**ccipio eximiam illam tuam epistolam, qua Frondatorẽ tuum iterũ crucias; nec responsum differre debeo, licet alias forensium negotiorum mole obrutus. Qui fit ut de Magni Salmasii *ἡρώδης ἡρωσίωνος* literis nihil rescribas? An hoc est fatum meum, ut quęcunque ab illo heroe per meas manus ad te destinantur, serius nec nisi post tardissimas moras habeas? De Pace Leidensi, ab

isto Triumviratu utcūque procurata nihil dicam; quia proculdubio ab aliis cognouisti. Cæterum non possum non laudare consilium tuum nihil respondendi Muscario illi de quo nihil prorsus audiueram. Hoc esset bonas horas male perdere: & omnino indignus ille ira tua. Notas tuas audidissime percurri: insulsissimum oportet esse illum Scriptorem, qui ea quę arguis publicare sit ausus. Næ ille lectores suos fungos & stipites putat, si fidem habituros existimat. Sueonum Legatus *De absoluto Reprobationis decreto* Commentationem Amstelodami edidit, quæ Remonstrantium suorum dogmata non tam defendit, quam aduersariorum sententiam infamat. Vale, & amorem erga te meum credas velim ita ratum esse fixumque, in virtute tua fundatissimum, ut nulla ratione conuellatur. Roth. III. non Iur. CIOIOCXLI.

CL. IAC. PALM. A GRENT.

*Vandoperam:*

**V**Ix, ac ne vix quidem, vllis commendatitiis quę ad me scribuntur respondere soleo: & in fori litibus enarrandis continuo occupatus, potuisssem etiam aliquid causari quod excusationem mereretur. Is tamen est τῶν σε ουσανκῶν lepos, ea gratia, ut solemne & vetus propositum meum cogar abrumpere. Bene est si in hac Prouincia possumus aliqua ratione afflictis opitulari. Credas enim velim me nulla pari affici letitia, quam si quando litium sinuosos nexus rescico & amputo. Faxit Deus ut affinis tuus ceteros

roſtam faciles ac benignos experiatur Iudices,  
quam me habiturus es promptum ad omnia tibi  
uiſque officia præſtanda. *Auſo deiſet.* Doleo  
tantum quod non ego futurus ſum ſolus Her-  
cules iſtius Antæi : nihil enim, vt noſti, ſinguli  
decernimus, nec aliquid poſſumus niſi numerus  
ſumus & collegium facimus. Quid autem agas,  
quid mediteris ſcire deſidero. Næ tu ludis ſuaui-  
ter, cum me ſententiam rogas de Grotij Antichri-  
ſtiana Diatriba. Tu ſolus harum literarum *χρῆσις*  
*ἀντιχρῆστος*, & Commentatione aduerſaria illi os  
obleueris : niſi forſan ſummum Bochattum pa-  
teris tibi adiungi ſocium. Ille nuper ea de re à  
me interpellatus diuinam Epistolam reſcripſit,  
eo rationum pondere & momento vt nihil vali-  
dius ſubtiliufve poſſit in eo genere cogitari. Vrge  
quæſo vt ſcriptionem perficiat & publici juris  
faciat : ex qua magnum autori decus, & Puriori  
Eccleſiæ compendium maximum accedet. Val-  
le. Roth. iſſis Calendis Aug. *ciocijcxl.*

CL. SAR. FRED. GRON.

*An degaunni.*

**N**on est quod improbum facinus , quo Summatis nostri Epistolâ, descripsi apud te excusẽm ; quandoquidem aduerso fato meo, tuoque res eò recidit, .vt de temeritate furtoꝝ meo gratiam mihi sis habiturus. Ecce enim, adest ipsa illa gemina & germana , non meis, vt satagebas, cogitationibus recentata , sed ipsissimis Autoris verbis. Sola venerabilis & diuina manus abest, quam sœra licet dies , ita angustæ

tor, & opto, repræsentabit. Hæcauri ramenta  
 latere & perire nequeunt. Vt ænigma de Lei-  
 densi Pace à III. Viris Leidenſibus procurata,  
 certe tentata, tibi pateat, descriptum habes  
 ἀποστολὴν ἐμὴν ex prolixiore ad me Epistola, in  
 qua nihil addidi aut detraxi. Postremis scri-  
 bebat nouum sibi procedere certamen cum cla-  
 rissimo doctissimoque medico Beuerouicio de  
 sensu Aphorismi Hippocratis LXXIX. Sect. IV.  
 quem asserit Heros noster nulli ex recētioribus  
 ἰατρῶν πρὸς intellectum, nedum Beuerouicio,  
 qui in Libro de Calculo eundem errorem er-  
 rauerit. Ita autem processit negotium. Interro-  
 gatus Salmasius à Beuerouicio, num recte acce-  
 ptus ille locus in citato Libro, rescripsit male  
 acceptū; rationibus quibus adductus ita sentiret,  
 leui manu, & vt apud familiares solet, tractatis.  
 Operosam & prolixam replicationem Epistoli-  
 cam misit resignatam Beuerouicius vni ex Or-  
 dinibus qui tum Lugduni, vbi olim habitauit,  
 aderat, à quo Salmasius eam acciperet. Nomen  
 siluit quia ille mihi ignotus. Quoniam autem  
 Vir ille Nobilissimus Heinsio priuatim vtitur,  
 non iniuria credidit Salmasius eam illi visam,  
 ne tutum fore aut etiam honestum aliter quam  
 publice respondere. Præterea, cum nimium  
 sibi confideret aduersarius, consultum visum est,  
 tantam fiduciam modesta scriptione retundere.  
 Vale. III. Non. Aug. CIOCCXI.

CL. SAR. HVG. GROT.

*Lutetiam.*

**P**Lenissime nuper satisfaciebas, Vir Illustris-  
 sime, dubiis quæ tibi proponere ausus eram,

circa Diuinitatem & Satisfactionem D. N. Iesu Christi, de quibus extare nihil in aureo tuo libello, nonnulli male feriat criminebantur: eoque nomine, quodque mihi tela suppeditaueris quibus eos confecero, ingentes habeo agoque gratias. Aliud autem superest, de quo quia tunc non succurrit, iterum, veniam dabit tua humanitas, te interpello. Pagina LIV. nouissimæ editionis, dicis; DEVM consilium suum de Mundi Exitio, celasse Apostolos; quinimo illos quasi imminens illud expectasse, & in scriptis suis docuisse: citatis in hanc rem pag. 369. in Notis 1. Cor. xv. 54. & 1. Thess. iv. 15. 16. quibus ex locis probare fatigis credidisse Paulum, diem Domini esse in proximo. Hæc autem opinio attentius ad calculos reuocata, omnem scripturæ auctoritatem eleuare videtur. Si enim istud crediderint & docuerint Apostoli, certe in eo falsi sunt. Si autem in hoc perperam nos docuerunt, in quo proculdubio quemadmodum in reliquis eos à Deo afflatos credere par est; qui constabit in aliis Religionis capitibus, quæ non vehementius ab illis affirmantur, eos non esse hallucinatos? Tu Vir Illustrissime, hunc nodum, si placet, solues, nec me, quem tot tantaque habere voluisti amoris tui testimonia, hac expectatione fraudabis. Ita quæso precorque, & me nominis tui studiosissimum, assiduumque cultorem, amare perge. Vale Roth. xviii. Sept. c10. c11.

*Inter epistolas Grotij illa reperta non est quam ad hanc rescripsisse debuit. Forte ea res in sermone acta fuerit.*

## CL. SAR. FRED. GRON:

*Venetias.*

**A**Ccepi tuas, Clarissime & Carissime Gronouii, Massilia datas, quibus gratissimum fuit cognoscere, de optima tua valetudine. Galliam nostram etiam in illis remotioribus partibus non displicuisse impensius gaudeo. Verum certe & perpetuum fructum ex tua peregrinatione colligis, visis insignibus illis viris quos commemoras. Nec dubito quin salutandi officium, quod illis comiter impertiris, ipsi vicissim mutua beneuolentia compensent. Sed quid omissus Petitus? Nunquid licuit Nemausum excurrere? an eum tibi reduci ex Italia seruas? Verendum tamen est, ne, omissa illa plaga, alio diuertas, idque optimo viro, qui te summe colit, foret acerbissimum. Laudo consilium tuum de peragrandâ etiam Italia: peragrandâ, inquam; Noli enim in hære vel manere diutius; te enim jam habitiores & coloresano pulchriorem Capuanæ deliciæ cum Annibale pessumdarent. Nec sola illa vltima ora formidanda, Venetiis quippe in ipsis, potest male fundata carina naufragium pati. Omen Deus auertat: sed tres fere totos annos hic moratus, nisi quod interea Italiæ vltiora non neglecta, scio quam difficulter ex istis paludibus emerferim. Tandem *Contigimus dextram qua nulla potentior armis Palladis.* Solidos decem dies illum hic detinui: diluculo, mane, meridie, vespere, nocte interpesta eius lateri indiuulsus hæsi. Expectas jam

ut librum scribam, non epistolam: omnino opus eo esset si cuncta exequi esset animus. Sed pauca hæc sufficiant. Non dixit postremum Vale Batauis, quorum Ordines quanti ipsum facerent, palam fecerunt, cum iusserunt ὑποθαλασπαρχῇ ut eum Diepam vsque cum toto comitatu veheret, eoque rediret quotiescunque significaret Magnus Heros velle se Hollandiam repetere. Plerique etiam è durioribus, eius partes sequuntur, posthabito antagonista: etiam Prætor, Elcontetum vocant, etiam Adolphus Vvorstius, alij. Synodus lectoeius Trapezitico, veteri more damnato, Lombardos ad Sacram Mensam admitti jus fasque esse dixit; nullo tamen condito decreto, nisi quod οἰκονομικῶς & pro variis causarum figuris, ἀρεσβυτέρια de summa illo jure poterunt aliquid remittere. Excerpta ex Trapezitico, licet Heinisianam manum prodentia; Magistratus, ex officio, nemine conquerente damnauit. Calumnias confutauit Heros, aduersariumque viuis, non adumbratum sed expressum, coloribus, omnibus bonis execrabilem proposuit. Cum Beuerouicio pugnatum est amicitia incolumi. Itaque iterum Leidam reuisset; ni obstiterit vxor, cui cœlū Hollandicum minus arridet: Ni etiam Eminentissimus Richelius eum in Gallia pedem figere velit, jubeat: non enim impune ei non paretur. Neptunum parum fauentem expertus est, Octauo quippe supra decimum die, Diepam appulit, cum majoris natu filia cadauere, quæ tertio nauigationis die expirauerat. Hanc jacturam forti animo & plane Christiano tolerauit. Vbi



aliquid nactus erit otij à domesticis negotiis Arnobianas Notas in mundū rediget, in quibus Heraldò sæpius quando ipse glaciem fregit, frigida suffundetur. Plura & alterius generis adderem, si certo scirem hanc ad te chartam peruenturam; quod quia vereor, *ἐπιχρῶ* Prima quaque occasione *Tumulum Berneggeri* amicitia quæ tibi cum eo intercessit, dignissimum monumentum Freinshemio mittam. Ego quoque te carmine donabo sed non meo, nisi quod argumentum poetæ dedi. An eo laudetur vel lædatur amicus tuus, ipse judica. Mihi elegans & obliquum videtur. In hac certe Neustria natum est. Vale. Faciam ut meæ vel in ipsum Capitolium te sequantur. Roth. II. Nou. ciciocxl.

# AD DANIELEM HEINSIVM

*De suis Exercitationibus Sacris in N. T.*

IN OBTRACTORES.

*De plagio suspectus eras, quia fama ferebat  
Hæc de SCALIGERI prompta fuisse penu.  
At, mihi si qua fides, mentitur Zoilus; omne  
Quidquid id est, nemo non videt esse tuum.*

CL. SAR. IAC. PALM. A GRENT.

*Vandoperam.*

**A** Duenit tandem optata illa diu & expectata epistola. Paucis sententiam dicam. Quicquid causseris, quod magno Bocharto, ad magnum Salmasium propius cognoscendum non addideris comitem, me iudicem non potes

absolui. De equo noli excusationem capere: quamvis enim verum sit vno equo duos sedere non posse, tamen poteras alicunde mutuo sumere, & amicum sequi quem comitari non potueras. Deinde, an tibi tanti erat Nobilis ille qui tua opera egebat, vt aliena negotia cures omis- sis propriis? Cæterum ne mitius tecum actum putes, erroris aut culpæ pœnas lūisti grauissi- mas, dum tanti Semonis affatu & afflatu Musas tuas non recreasti. Quanto gaudio perfusus es- ses, audiendo Bochartum de mille arcanis Sal- masium sollicitè & curiosè interrogantem, nun- quam inanem recedere. Iurasses non defecisse oracula. Vno in homine miratus esses piissi- mum & doctissimum Theologum, eloquentis- simum Oratorem, solertissimum Iurisconsultum, Medicum exquisitissimum, Philosophum nobilissimum, & omnigenæ linguæ, scientiæ, & eruditionis βιβλιοθήκην ἐμψυχον. Sed me inlibera- lem qui virtutes tanti Herois exiguitate sermo- nis mei minuam! scias oportet maximo in pretio apud eum esse Bochartum nostrum; gratiasque mihi singulariter actas quod eum huc euocas- sem. Vellet Eminentissimus Cardinalis Dux eum in Gallia pedem figere. Sed multa obstant: præsertim vero purissimus veri DEI cultus, cui omnino est nobiscum additus: nec hic liceret animi sensa eloqui, & publicare. Qua huma- nitate, quâ pompa & apparatû à Cardinali fue- rit exceptus, olim ad alios scripsi, à quibus id didiceris. Vale Roth. VI. Id Nou. ciciocxli.

## CL. SAR. VINC. FABR.

*Bituriges.*

COMMODUM succuristi altera tua Epistola. Laborabam enim in refellenda priore quamvis acceptissima, cum elegantissima juxta ac eruditissima sua prolixitate, tum amore præcipue erga me tuo. Adeo certe gratam opem tulisti, ut ne consilij quidem mei velim meminisse. Eam tamen partem, qua iter tuum festivissime explicas, sicut & alteram qua Illustrissimum Memmium Christianissimi Regis apud vos Legatum, meritissimis prosequeris laudibus, non possum quin magna cum voluptate sæpius legam, relegamque. O te felicem tanto virtutum tuarum æstimatore! Ille enim est, cujus longe lateque diffusa gloria, non potuit patriæ finibus contineri. Ille est, quem sapientissimi mortalium Adriatici profundi regnatores, sunt admirati. Ille est, à cujus industria Christianus orbis pacem Coloniae expectat. Summi tamen viri erga publicam rem merita non prohibuere, quin frater ejus Henricus, magnus Senatus nostri Præses, Illodunum in Biturigibus relegaretur. *Flent mæsti missantque Patres,* dum se tam claro sidere orbatos, densisque damnatos tenebris vident. Quodque magis stupeas, utriusque parens in Consistorio Regis primus sedet: *adeo quisque sibi statque caditque.* Verum silentio Deorum fulmina satius est adorare. De Salmasio quid dicam? ad eum quippe me vocas. Præcipiti Octobri ejus in am-

plexus iui : totos duodecim dies , te vix potui  
tres horas, hic detinui. *Superat præsentia famam.*

*Si me fata meis paterentur ducere vitam*

*Auspiciis , & sponte mea componere curas,*  
Cum eo viuere amem & obeam libens. Vis  
plura ? Siper impossibile cuiquam mortalium  
erigantur vnquam altaria. mihi Deus, Deus ille,  
Suanissime Fabrici. De omnigena doctrina,  
moribusque humanissimis tibi comperta nar-  
rare nihil attinet. Lutetiæ adhuc moratur, in  
Bibliotheca Regia totos fere dies sepultus ; Vult  
ὁ ἐξ ὁχώματος Richelius eum ibi pedem figere ;  
omniaque quæ petiturus est pollicetur. Nullis  
enim præscriptis conditionibus ; Pete, inquit, &  
dabo : Noster tantum sis, & Batauos obliuiscere.  
Ille tamen contra nititur & Leidam semper  
cogitat. Parum fauentem habuit Æolum, dum  
περὶ μέγα λαΐτμα θαλάσσης : totosque dies octo-  
decim cum aduersis ventis confliktatus est. Post  
Philosophiæ Stoicæ ad Simplicium partem prio-  
rem, cum tabulæ Ceбетis Arabica Elichmanni  
paraphrasi, quam eximia præfatione illustrauit,  
post libros tres de Trapezitico Fœnore, post  
Diatribam De Mutuo, post Commentationem  
De Calculo aduersus Beuerouicium, post Achil-  
lem Tatium, post aduersarios duos libellos con-  
tra Cloppenburgium & Heinsium, quæ omnia  
anno superiore bono publico edidit, quid am-  
plius expectes ? De Primatu Papæ prolixum opus  
mouet, centum puta & amplius quater nionum,  
cum duobus Appendicibus de Antichristo, & de  
Iohanna Papissa. In priore Pontificios, καὶ ἱεροῦ τοῦ  
πᾶν Γράπον, in posteriore Leonem Alla-

tium & Dauidem Blondellum confutare studebit. Sequentur tandem, ita ait, Arnobianæ Notæ vberes, quibus præfigitur accurata Disquisitione De Nominibus antiquorum Romanorum. Heraldii Librum De Aut. Rer. Iud. cum annexis Observationibus, apud me primitus conspexit. Statim omnes objectiones adeo facili negotio diluit, ut maxime & diutissime meditata eum adferre crederes: nec impune feret Desiderius. Sed diei unius aut alterius opera, labore isto defungetur. Idem sentias de Secunda Copriani cantilena, quam potius rabiosicantis feros latratus dixeris. Heinsius dysuria pæne interiit, conualescit tamen. De Hellenistis & lingua Hellenistica, dicunt aliquid eum commentari. Præses Marca tribus Voluminibus Concordiam Sacerdotij & Imperij aggreditur. Præses Gramondus Tulosanus Historiam Regis nostri ab excessu Henrici IV. lingua Latina, exterorum in gratiam, edere cogitat. Licet alumnum suum magni faciant Loyolite, si quid mei est iudicij, ex viso specimine, lulentus fuit & *suppositus* dñs. Blondelli Librum De Eucharistia Veteris Ecclesiæ mea cura hic excusum mitto: propediem missurus ejusdem grandem Tomum De Primatu Pontificis Romani in Ecclesia, aduersus Cardinalem Peronium, pro Iacobo Rege Magnæ Britannia: nobile opus & à multis auidè expetitur. Strigil Hippolyti Frontonis Caracottæ, autorem habet Petrum Molinæum, veteranum illum Christi militem fortemque athletam. Nihil est quod amplius addam. Sed pæne excidit. Heus

tu suauissime, Quare nihil de Poemate Bibliothecæ Thuanæ? An me oblitum credis? Habeat Lutetia, habeat Thuana domus, habeam ego istud amicitiae tuæ pignus. Te certe obtundere non desinam donec istud extrudero. Rogo precorque Vir Amicissime, patere te exorari, tumque me à te efflictum amari credidero. De Aminkio noli esse sollicitus: omnia ejus causa volo: nec de ejus Naturalitate obtinenda spem deposui, quanquam ut sunt tempora, res est sane difficilis. Vale. Scripsi in Rothomagensi adhuc Exilio. Prid. Calend. Mart. cııııcxıı.

CL. SAR. IAC. PALM. A GRENTM.

*Vandoperam.*

**S**ive commendes, siue expostules, semper gratum est à te interpellari. Imo postremum hoc placet magis, quia omnino est à tuo erga me amore. Factum autem aut potius non factum de quo quereris, possum vno verbo excusare. Volui non potui. Non quod defuerit *οδυσσεύς*. Quamuis enim affinis ille tuus, cujus vxor aures suauissime demulcet, se se non obtulisset, comitem aut ducem, quod tamen an fecerit fidem ejus appello, poteram alium reperire Mercurium. Non quod veritus sim ne à te laute & opipare exciperet: quamuis enim istic Attaliciis conditionibus usus essem, tamen procul est à moribus meis ut amicorum cœnationes aut cœnas, non potius animum attendam. Non quod de te adeundo sæpius non cogitauerim, ex sanctissimæ amicitiae proposito, quam mihi te-

cum intercedere gaudeo & gloriior. Accipe ergo quid causæ fuerit cur ad te non diuiterim. Cadomi ubi non plures dies sed vnum tantum moratus sum, inaudiui Senatores nostros Rothomagi ferriari, quia vnum forte desiderabant. Nempe quicquid apud Carentanenses negotij foret, quindecim diebus posse absolui existimaue-ram; quod tamen vix solido mense confectum est. Constitui itaque quam citissime eos inuisere. Sed falsus is rumor erat, à litigatoribus nonnullis mihi nunciatus, quorum nempe intererat me huc eorum causa aduolare. Frustra es si aliam tui præteriti rationem quæris. Absit enim, imo male sit mihi si te multis magnisque de causis mihi conjunctissimum & carissimum fugiam, vel, quod abominor, despiciam. Si peccaui, dum à popularibus tuis delusus, munus meum, inutiles erga te officio prætulī, rogo præcorque veniam, quam à te æquibonique amantissimo, consequi non desperem. In procinctu sumus nostri Lutetiam reditus. Plures enim hic adsunt nouorum illorum munerum candidati, quos ubi antiquo ordini addiderimus, nihil vota nostra morabitur, quominus veteres Lares nostros repetamus. Vt de libris semper aliquid admisceam: misit ad me nudius tertius Io Dallæus eximium Commentarium, in quo controuersiam De Imaginibus accurate exequitur, ex fide meliorum veteris æui Patrum, & Historicorum. Vale. Scribebam occupatissimus Rothomagi Nonis Aug. C1610CXL.

Prodibit breui Nicolai Fabri Peyreskij Viri

æterna fama dignissimi Vita à Gassendo conscripta, in qua plurima naturæ experimenta, mira & noua proferuntur.

CL. SAR. VINC. FABRIC.

*Hamburgum.*

**D**E Conjugio ante omnia gratulor tibi, Clarissime Vir & Præstantissime, præsertim, tam elegantem & sapientem puellam nactus: καὶ τὴν Δία Γαμήλιον ex animo precor, vt illud omnibus numeris fortunet; itaque fecunder,

*Vt post ter trinos reuolutis mensibus orbes,*

*Laudemus cuncti pulchra te prole parentem.*

In tua autem effusissimi semper erga me amoris plenissima Epistola, multa inter gratissima molestum fuit ostendisse te indisertas meas illis Sermonibus, Memmium dico & Lindenbrogium. Tenuitatis enim meæ probe conscius, scio nihil à me posse proficisci quod eorum oculos moretur. Itaque de meis, si tibi tanti videntur, deinceps in sinu gaude. Aut saltem nomen meum inducatur. Pauca illa quæ de Illustrissimo Memmio addideram nimis magni facit Maximus Legatus. Certe non existimabam eum apud vos adhuc morari; alioquin vel maiori spiritu tibias inflassem, vel omnino de eo tacuissem; veritus tanti viri merita & laudes, ingenti culpa deterere. Quam misit Clarissimus & numquam satis laudatus, Vir Excellens Fredericus Lindenbrogius salutem, ei quæso meis verbis redde, simulque offer quam rogauit An-



tecessoris Florentis Disputationem De Conso-  
brinorum Nuptiis. Dic etiam me esse prompto  
ergo illum animo , facturumque prolixè,  
quæ imperauerit. Quando autem , Vir Amicis-  
sime, tibi sunt accepta mea munuscula , ecce ti-  
bi Summi Mosis Amyraldi opus non nauci ad-  
uersus anonymum amicum nostrum, qui tamen  
sæpius toto libello nominatur. Lege modo &  
sat scio laudabis ingeniû solers & eruditionis π  
ράδος suspicies. Nec aliter decuit Ἰδὼν τὸ μαχαίτην  
Cameronis γήσιν καὶ ἐπισήθειον μαθητὴν. tua ad gro-  
nouium tuto & cito curata est Lutetiâ; vbi nunc  
ad duas tresue hebdomades degit, quibus elapsis  
in Hollandiam est trajecturus. Pollicetur se non  
soluturum me insalutato. Cæterum memineris  
promissorum, & de Thuanæ Bibliothecæ Car-  
mine, quam dedisti dasque fidem vide vt liberet.  
Sæpius à Puteanis Fratribus de eo interpellatus,  
quid respondeam habeo nihil, nisi esse te ἀξιόπ-  
στον καὶ ἀξιόχρεον , modicique temporis moræ  
leue dispendium re ipsa abunde compensatum  
iri. Magnus Salmasius Diuioni apud suos hie-  
mem transiget. Vidistin Vvallonis Messalini res-  
ponsonem Antipetauianam priorem? Precibus  
cælum fatigemus vt possit Leydam repetere , &  
duriuscule Loyoliticum caput dedolatum vide-  
bimus: quamquam parum , imo nihil , aduer-  
sario hac scriptione pepercit. Quidni autem ita  
agat cum veteri hoste improbo, sycophanta;  
qui suaues faceret ludos si suo Temporum Ra-  
tionario adderet; HOC ANNO PERIIT SALMA-  
SVS , prout hæc verba de Caluino , Scaligero,  
aliisque consecrancis nostris , nequissimus bi-

pedum vsurpare solet. Pars altera cum Præfatione post aliquod tempus prodibit: quamquam nunc totus est in adornandis linguæ Hellenisticæ Exequiis aduersus Exercitatore, Heinsum an Voetium? Hoc autem mense exacto, Parisios veterem optatamque sedem. repetendi omnino fit nobis spes certissima. Illinc vberiores & gratiores expecta literas. De Basilicis pæne sum oblitus. Fabroto cui ista demandata est prouincia, annum honorarium 11. M. librarum pronuntiata sunt; ne opere perfecto regia liberalitas cesset, aut saltem frigeat. non calet negotium. Lente itaque festinat, nec ante quatuor aut quinque annos aliquid inde expectandum. Vale & amorem erga te meum ama. Rothomagi III. Non. CIJDCXL.

CL. SAR. ALEX. MOR.

*Geneuam.*

**T**Andem aliquando restituit me Parisiensi mitiori cælo rigidior Neustria. Totos nempe viginti menses & amplius Vrbe abfui, morosisque litibus iudicandis & secandis ita miserabiliter vita & tempus mihi periit, vt vix de literis aliquantisper cogitare liceret. Itaque *βεβαρβάρωμαι χρονιώτερος ὢν το βαρβάεις*, vereorque post diuturnius silentium te interpellare. Sed ecce cōmodū succurrit Gronouius noster, qui tuam humanitatem & erga me beneuolentiam, *θυμόντε αγήνοεα*, prædicare dum non cessat, animum facit experiundi, quo statu apud te sint res meæ. Ego certe moriar, mi More, ni te

magnificiam, amem, & colam plus vice simplici. De rebus tuis & Academiæ vestræ certio-rem me facias velim. Inaudiui te majoribus Theologiæ mysteriis initiatum, frustra licet turbantibus quibusdam maleuolis; quorum palato non sapit liberalis & abundans tua doctrina. Maeste istis ingenij & pietatis dotibus, Vir Eruditissime, cogita Virtutis fidam esse comitem inuidiam. Spanhemio & Gothofredo reddes illis inscriptas cum plurima à me salute. Vale & me tui laudatorem admiratoremque perpetuum in intimis tuis cense. Lut. Par. v. Id. Non. CIOIOCXLI.

## CL. SAR. FR. GRON.

*Rotterdamum.*

**S**ALVE Plurimum Optime Gronoui, vel potius Vale Longum. Durum sane fuit à te diuelli tam subito, tanque præcipiti festinatione, contra tuam meamque mentem. Absque comite meo, absque sociis tuis non commisissimus uterque ut ita distracti fuissimus. Sepius sepiusque in tuos inuolasse amplexus & te nunquam forsan videndum, quod utinam, iterum utinam *μὴ γένοιτο*, æternum essem deosculatus. Sed nihil temere accidit. Consuluit scilicet Deus Optimus infirmitati meæ, nec voluit me proximam calamitatem meam ex absentia tua, nimis heu certam, attentius examinare. Compos enim vix essem mei, nisi amoris tui constantiam cogitarem; quæ spes me recreat, foreque spondet ut mei semper memineris, meque

meque semper ames. Tibi Viro Summo, omni virtute præstantissimo, omnigenæ doctrinæ thesauro, Musarum corculo, delicio meo fraterno animo conjunctissimo, amicitiam meam æternum duraturam obsequiumque nunquam defuturum: polliceor ego tuus magnis tuis meritis. Hæc postrema verba Albo tuo inscripsi, gaudiusque sum dum me magnis Principibus admixtum vidi. Quotquot scilicet Illustria Nomina vniuersa habet Europa pellibus exiguis arctasti. Ita decet peregrinari sapientem, non vt Porticus tantum & Amphiteatra metiatur, oculisque ea vsurpet quæ visa, delectent quidem, sed penitus admissa, ad bene beateque viuendum conferant omnino nihil. Volui in opistographo Herois nostri latere. Mentem meam æqui consule: si enim virtutes tuas ornatius explicare voluissem, non vnius chartulæ opus fuisset. Vale. Lut. Par. vi. Cal. Decemb. CIOIOCXLI.

Vtinam velles Luteriam vere proximo repetere: possem tibi de hospitio apud Amplissimum Senatorem prouidere cum honoratio mille librarum.

CL. SAR. FRED. GRON.

*Rotbomagum.*

**D**iligentiam tuam exosculor Suauissime Gronoui, qua me binis litteris præuenisti, quibus hoc vno responso faciam satis. Palmarix sunt tuæ conjecturæ ad Linium, agoque grates grauissimas quod eas mecum communicaueris,

D

istudque beneficium maximis, quæ tibi debeo deputabo. Si similes multas expiscatus es, papæ! quantæ frugis tua erit Editio. Iterum insto, noli alij istam lampada tradere: tu potius hanc facem accende nobis in tanta nocte. Scilicetis est labor tuus, ut Freinsheimianæ Editioni accedat Appendix? An liberalem facit frontis infirmitas? Audacter poscit; fortiter nega. Poteris credo apud Langlæum Solinum Salmasianum nancisci. Gratum tamen est quod *De Amplo Sestertio* compellasti, de quo nunquam forte sine te cogitassem. Heros ergo noster pag. 372. de Amplo & Minore Sestertio magnas nugas ait blaterasse Rei Nummaria scriptores, ipsumque Scaligerum. Sententiam autem suam sic explicat. *Ætate Solini Sestertium pro qualibet pecunia usurpatum, nullo tunc amplius usu Sestertiorum nummorum. Folles enim æream pecuniam tum temporis appellabant, qui in Sestertiorum locū successerant. Ergo Sestertios de omni pecuniæ genere dicebāt aureos, æreos, argenteos. Amplo igitur Sestertio posuit pro ampliore pecunia: sicut infra amplioribus pretiis vendunt; & alibi, ampliore pretio. Ammianus lib. XXIII. amplitudines pretiorum illa efficit ratio. Hætenus ἡ μάχη; quæ ad locum Capitolini tacet. Iovis ὄν Casaubonus tanquam de re obvia prior dixerat. Hæc sunt eius verba in Vero. Budæi æstimatione sunt aurei quingenti supra centum & quinquaginta duo millia. Nec mirabitur summæ hujus magnitudinem qui Neronis aut Vitellij cœnas meminerit: aut illius Margaritæ quam Iul. Cæsar in amiculæ gra-*

tiam emit pari fere impenso pretio hoc est sexagies HS. Scimus hæc nota eruditis. Καὶ ἄλλα καὶ ἑκατόμβας. Centenaria cæna leguntur quidem apud Tertullianum non in Pallio sed in Apologetico, ad quem nihil commentatus est Vir Incomparabilis. Horatij versum *Accipit & bis dena super sestertia nummum*, inuenies Lib. Epist. II. epist. item 2. ad Iulium Florum. Locus est de illo Luculli milite qui pauper libens & impiger difficillima belli munia suscipiebat, quæ diues postea factus detrectabat: cum ob aliquod ἀνδραγαθήματα donis honestis ornatus accepisset insuper bis dena sestertia nummum, recusauit deinceps prioria læ se committere. Nota historia. Bis dena sestertia explicantur vulgo viginti millia sestertium nummum. Hæc de locis quæsitis. De re ipsa olim edoctus sum *Sestertium* valere duobus assibus & semisse quando scilicet dicitur *sestertius* genere masculino. *Sestertium* autem neutro genere valere mille *sestertios*. Ratio est quia neutro genere subintelligitur *pondo*, vt in masculino *nummus* cum simpliciter dicitur *sestertius*. Plura non habeo quæ scribam, nisi valere nos hic omnes qui tibi ferentes secundosque ventos optamus. Vale.

Lut. Par. αὐτοκρατορὶς xvi. Decemb. cxi. cxi.

CL. SAR. HVG. GRO.

Lutetiam.

**A**Ccepi litteras ab amico viro docto tuique studiosissimo Maximiliano Langlæo Rothomagensi Ecclesiaste, quibus me rogat vt à te queram, Quis sit ille Magister Hebræus Nehu-

D ij

mias, qui quinquaginta annis ante Christi aduentum, apertè jactabat non posse ultra quinquagesimum annum Messie aduentum differri: cujus mentionem facis pagina 170. de Relig. Christ. Se enim consuluisse Salmuriensem Cappellum talium callentissimum, & alios, à quibus nihil potuit edoceri ea de re; de qua tu quoque, Vir illustrissime, nihil dicis in Annotatis. Cum autem sit inprimis notandum istud testimonium, professusque sis te nil nisi ex probatissimis autoribus desumpturum, rogo te id mihi explices, & gratiam debebo tibi. Vale. Lut. Par. xxii. Dec. cldccxli.

HVG. GRO T. CL. SARR.

*Lutetiam.*

**N**Echumiè illius Magistri Hebræi, Vir Amplissime, mentio fit in Thalmudicis. Ni fallor est in titulo de Synedrio. Ostendit istum mihi locum olim Hagè Stoctoxus. Puto ejus fieri mentionem & in Abenada ad Danielelem. Siquid est in quo perstet Ampl. T. inuenire faciam hoc perlubens & merito, vt ei addictissimus. Vale. Lut. Par. xxiii. Dec. cldccxli.

CL. SAR. FR. GRON.

*Gratianopolini.*

**I**stud ipsum quod nunc tibi, antea populari tuo Fabricio accidit, qui vix tres horas mecum Rothomagi moratus, dum Quillebouium properat, illic totos quindecim dies residens, meritas sue festinationis pœnas luit. Eo salte tu

felicior, quod in Ampliore vrbe, plures habeas  
 queiscum animum relaxes. Sed me infortunatū  
 cui tot bonas otij tui horas lucrificare non licet!  
 Heri inuisi Magnū Legatū quem fama est breui  
 alio delegandum. Ipse non credit; quoque fi-  
 dem faceret addidit sibi postremis è Suedia Lit-  
 teris, plura negotia mandata, quę non tam cito  
 expediantur. De ejus libro & libello postremis  
 interrogatus respondit plane Milleterio cōsona,  
 Romanam fidē esse veram & sinceram, solosque  
 clericorum mores degeneres Schismati dedisse  
 locum; adferebatque plura in hanc sententiam.  
 Quid dicam? Merito quod falso olim Paulo A-  
 grippa, τὰ πολλὰ σε γράμματι εἰς μάλας περιετίμη,  
 Sed hæc tibi soli, soli. Infensissimus est Riueto tuo  
 quem vnum plus ceteris omnibus excitasse illic  
 turbarum aduersum se affirmat, habereque se ait  
 pro comperto. Est fane in præcipiti, in quo diu  
 stare non licet. Deploro veris lacrymis tantam  
 jacturam, Deumque ex animo supplex veneror,  
 vt illi Spiritum suum mentemque meliorem  
 duit. Vale Lut. Par. Pridie Cal. Ian. Anni  
 MDCCXLII. quem tibi optatissimum precor.

CL. SAR. ALEX. MOR.

*Geneuam.*

**Q**Vas ego tibi grates beneficiis tuis pares;  
 persoluam, Suauissime More, pro tam  
 multis iisque gratissimis quę me docuisti? Ea  
 scilicet sitiebam maxime, quę ex amabili tua  
 Epistola auidissime hausi: Sed ante omnia acce-  
 ptissimum fuit cognouisse, puppim tuam validā

D iij



fundatam carina Lemannum æquor feliciter  
 fulcasse, tempestates enasisse, & jam esse in por-  
 tu. *Et hæc olim meminisse juuabit.* Possis ô diu,  
 Vir Præstantissime, parta ista victoria frui & in  
 summa tranquillitate securus venturum ævum  
 agere. Vidi tua indicina Croij Responsonem ad  
 Balsacium, pro Heinio. Plurima certe sapiunt  
 eruditionem altissimam: sed linguam Gallicam  
 & stylum quod attinet, fuit incultus, dissipatus,  
 inelaboratus: habebitque non pauca politissimi  
 ingenij & vibrantis orationis Aduersarius, etiam  
 in ipso argumento, quæ regerat. Opus itaque  
 laudo non opificem: idem aliquando de Gar-  
 risolij tui Poemate dicturus. Sed an Croius ipse  
 autor edendi? Vix credam. Scio enim & certo  
 scio, habere eum præ manibus satis amplum vo-  
 lumen Notatorum in Exercitationes Sacras τῆς  
 κοινῆς ἱερατικῆς Leydensis. Ergo quem Gallice, hoc est  
 quasi intra priuatos parietes, opus ob musteum,  
 laudauerit, Latine id est per totum Orbem Ter-  
 rarum in re non nauci, suggillabit. Explica quæ-  
 so mihi istud quidquid est ænigmatis: nisi for-  
 san Gronquius quem istam Diatribam ad vos  
 detulisse audio, voluit Heinium ad quem abitu-  
 riebat, hac siue arte siue officio demereri. Sir-  
 mondus Theodoretum suum tandem emisit  
 quatuor Tomis: magnum opus Senis octogin-  
 ta trium & amplius annorum. Satis multa pri-  
 mitus ibi conspiciuntur. Effugere tamen ejus  
 sagacitatem διαφοροὶ λόγοι Photio memorati qui  
 vulgo inrer Athanasij Opera habentur: certe  
 illos tam expectato in opere desiderari vix fe-  
 rendum est. Feruet prælum in excudendis Basi-

licis Fabroti. Gothofredi Philostorgium omnes flagitamus: quamvis enim Arrianæ hæresis labe & infamia merito notetur, fieri tamen non potest quin Historia Ecclesiastica inde aliquam lucem mutuetur. Carmen tuum cum voluptate legi. Næ tu plane ἀμυδῆς adeo apte, terse, & eleganter, σοιχῶσαι καὶ πρὸς ἡλέξει scribis. Vale.  
Lut. Par. Idib. Ian. cīcīcxlīi.

CL. SARR. ALEX. MOR.

*Genetiam.*

**D**Iu est cum nihil ego ad te literarum: seque apud me magna in gratia posuit Candalius profrater, cum in Italiam proficiscens constituisse se dicit urbem vestram prius lustrare; rogatque ut te compellare velim. Facio libens, precorque ne mihi diuturnius silentium vitio veritas. Hunc ego tibi non commendo viatorem, qui per se satis tibi cognitus de tua humanitate plurima sibi pollicetur: vnumque orat, ut ad Illustria vestre cum Ecclesiæ tum Academiæ Lumina, tua opera sibi pateat aditus. Ei dedi in mandatis ut de te præsertim rebusque tuis sollicite inquirat, diligenterque de omnibus me faciat certior. Tandem Spanhemium patientem aures Leidenibus accommodasse, cum Scholæ vestræ graui dispendio, nuper intellexi. An autem Heinssianæ partes ista accessione Salmasio formidolosiores sint futuræ, breui cognoscemus. Cogitat enim heros noster relicta patria, Lugdunum Batavorum repetere, eumque hic post paucos dies opperiri. Res litteraria hic jam friget, imo riget. Vidisti in Riucti Animaduert-

siones in Annotata ad Cassandrum? doctas plane & acutas! Eas nuper cum ingenti voluptate legebam. Habeo præ manibus Vvallonis Messalini imperfectum opus aduersus Petauium Loyolitam: Verum auctoris nomen tibi non ignoratum arbitror. O librum πολυτάλαντον, vt omnia, quæ ab illo viro. Celare te non possum, magno me desiderio teneri, videndi tuam illam pro Beza defensionem; siue typis editam, quod malim; & per aduersarij proximam migrationem num licet? Siue saltem alicujus discipulorum tuorum manu descriptam: nulla re magis me deuinxeris, meque à te gratiam istam consequuturum non habet leuis fiducia. Vide ergo ne falsus sum opinionis, quam de tuo erga me amore concepi. Vale Lutetiæ Par. xxii. Apr. MDCCXII.

Maussacus Præses ad Urbem est, & amicitiam nostram expetiuit: Editurum se minat ut Dionysium Thracem Veterem Grammaticum Græcum vt & Manlium Theodorum Latinum, & Iulium Cæsarem Scaligerum in Libros Ciceronis de Officiis: καὶ Ἰωάννης Pugionem fidei Ræmundi Martinij (non autem Sebundi vt volebat Iosephus Scaliger) quem Galatinus compilauit.

## CL. SAR. VINC. FABRIC.

*Hamburgum:*

**D**E eo quod postremum rogas, respondebo primum; vt quando ea te cura coquit, aliqua adiuuem. Aduersus debitorem fugitium, qui post contractum in patria graue æs alienum, fauentem fortunam expertus hic est in re lauta,

competere tibi actionem, ex contractu, etiam in foro nostro indubitati juris est. His tantum adhibitis cautionibus, tibi consule: ut si debendi instrumenta aut syngraphæ coram notariis, tabellionibus, scribis, actuariis, aliisque publicis personis scripta sint coram præcipuo Hamburgensis ciuitatis Magistratu: plures viri boni & idonei compareant, qui testentur eos Notarios siue Graphiarios esse homines publicos, solitosque ex jure communi ciuitatis excipere contrahentium pacta conuenta, juxta quæ datur actio legitima aduersus reos datam scriptamue fidem non seruantes. Cum autem apud Excellentissimum Memmium Regis nostri Legatum gratia valeas, in ejus palatio coram illo, ejusdem formæ instrumentum conficiatur, quo narret hos & illos coram se juratos eadem affirmasse, sibi que de dictorum veritate constare certissimis argumentis; & de usu & consuetudine ciuitatis testentur, Ille, omnesque alij, signis, sigillis & omni meliori modo quibus solent ista muniri. Quin conueniri possit reus à te actore qui istas probationes habueris, dubitare non debes: egoque ea in re operam polliceor meam, ut jurgantium sua constet autoritas. De Carmine Bibliothecæ Thuanæ scribis quæ olim mente præfaga notaueram. Post tot tergiuersationes tuas, falsus non sum opinionis, cum vidi te illud excusantem. Si recipias animum, velisque tuas Musas sollicitare ad nobilissimum argumentum, viros summos meque deuinxeris. Secus si accadat, istud quicquid erit tædij & doloris, fiet patientia leuius: guarì quippe sumus

Heliconias illas Virgines non suetas vim pati,  
 nec facile esse ab inuito poeta carmen extor-  
 quere. De isto itaque negotio imposterum vti li-  
 bebbit, decernes; de eo enim verbum non ad-  
 dam amplius; à te id forsitan aliquando rece-  
 pturus cum de eo minime cogitabo. Vt enim  
 de tua humanitate & fide desperem, quicquid  
 facias dicat se, efficere non possis; *stimulos da-  
 bit amula virtus*. De Grotij ad Papam defe-  
 ctione tanquam re certa, quod fama istuc distu-  
 lit, verum non est. Sed non sine magno metu  
 eum aliquid istiusmodi meditantem & conan-  
 tem quotidie inuiti videmus. Inter Protestantes  
 cujuscumque Ordinis nomen ejus adscribi vetat,  
 quod eos atrocius suggillauit in Appendice de  
 Antichristo, & Annotatis ad Cassandri Consul-  
 tationem. Hujus postremi scripti rationes exa-  
 minauerat Riuetus, cujus Animaduersiones  
 vix dubitem tibi non visas. Quid eis reposuerit  
 Vir Magnus vt scias, hunc adhuc à prælo ma-  
 dentem libellum ad te mittere volui: tum ne si-  
 ne munusculo à me vnquam conueniaris, tum  
 vt quid de ejus autore deinceps expectandum sit  
 aut metuendum, ipsi dispiciatis. Ansim erga Ex-  
 cellentissimum Memmium, fama magnum,  
 meritis maximum, salutationis & debiti obse-  
 quij cultusque officio defungi. Illi inquam,  
*Memmiade nostro, Superi quem tempore in omni,  
 Omnibus ornatum voluere excellere rebus.*  
 commendatum me velim: rogoque id facias  
 bonis verbis. Vale. Lut. Prid. Cal. Jun. c1610cxlii.

CL. SARR. ISAACO VOSSIO.

*Romam.*

**Q**Uæ tu magnifice nimis prædicas, à me in te collata Rothomagi & Parisiis beneficia, ea ego omnia debui vniuersa & singula, cum clarissimo nomini tuo, tum magnis & ingentibus tuis meritis. Præterea nihil in vita accidit accidetue mihi vnquam, iucundius, quam tuam, tuique similitum, benevolentiam, quibuscunque honestis modis & officiis promereri: Obuiis peregrinis consulere humanum est: eosdem virtutis ergo orbem pererrantes, & magno passu ad immortalẽ famam tendentes debent omnes boni & graues fouere. Hos inter merito nomen tuum refero: possum enim testari *μάρτυρ αὐτῶν*. feci faciamque semper libentissime, quanto cum impetu viderim te bonas literas sectantem, & quanto studio libris eruditis incumbentem. Perge tantum paucos adhuc annos in isto stadio decurrere, & audeo tibi Scaligeri, Casauboni, & Salmasij grande nomen polliceri. Sed næ ego imprudens & inficetus, qui aliud tibi quam domesticum & familiare exemplum Summi Viri Parentis tui imitandum propono. Ille enim omnibus istis par, si non superior. Quanta cū voluptate & fructu nouissima eius de idololatria volumina nuper legerim, explicare vix possum. Nihil enim illi in amplissimo argumento intractum. Sed quando ejus Artem Poeticam, Origines, Historiam Sacram & Profanam, vt innumera alia recensere supersedeam, typis expressa videbimus? Aude tu istius Aquilæ pullus haud de-

gener, ad sublimia aspirare. Quam æternę glorię in Laurentiana, Marciana, Vaticana & aliis Bibliothecis luculētam messem collegisti, sedulus reconde; vt te reuersum amplectamur & suspiciamus, dum hætenus ignotis & intactis thesauris nos ditabis. Sed præsertim in tam calido coelo valetudinem tuam cura diligenter, sine qua cætera omnia parum grata & inutilia. Vale. Lut. Par. prid. Cal. Iul. ciorcxlii.

## CL. SAR. ALEX. MOR.

*Geneuam.*

**I**Mputo tibi splendidum munus, quo me nuper donauit Iac. Gothofredus. Philostorgium illum scilicet, tanto ambitu petatum, tanto datum. Tibi inquam illud debeo & imputo; cum sciam nihil à me esse profectum, quo ejus beniuolentiam potuerim demereri. Nisi fortassis, qua summa præditus est humanitate, ei libuerit quæ ego laudator sincerus atque candidus virtuti ejus testimonia dedi, dum aliquando ad te scriberem, pro beneficio accipere. Quod ipsum certe totum adhuc muneris erit tui; qui videlicet effeceris, vt leuidensis & mustea scriptio mea ei placeret. Gratias ergo magnas ago tibi; & si possem referrem. Agnoscam enim semper profiteborque libentissime, debere me tibi quod me inter & Gothofredum auspiciis tuis, amicitia coaluerit. Omnem in posterum mouebo lapidem vt diutissime perennet; quam in rem tua etiam, amo te, laboret opera. Ægretuli postremas meas tibi non fuisse redditas a sororio meo, cui eas commiseram. Ille

Certe suæ intempestiuzæ properationis pœnas  
 luit grauissimas (nec acerbiores certum scio exi-  
 geres) dum adhuc Toloni hæret, triremesque re-  
 gias expectat, quæ eum, cum Galliæ ad Veneram  
 Remp. Legato, in Italiam deferant. Voluit  
 etiam aliquid rescire me de tua Epistola Salma-  
 sius ὁ ἱερομάρτυς qui de tuo erga se affectu exultat  
 & triumphat: nec vt ab eo vicissim colaris villo  
 parario, nedum me, opus habes. De literatis  
 nostris vix habeo quid dicam: nisi Petrum de  
 Marca Comitem Consistorianum, Virum in An-  
 tiquitate Ecclesiastica eruditissimum paucis ab  
 hinc diebus edidisse ex B. R. Vigili Papæ Rom.  
 Epistolam Decretalem hætenus incognitam pro  
 confirmatione V Synodi CP. Oecumenicę. In  
 ea ἀμαρτυρῶς scilicet Pontifex palinodiam ca-  
 nit; retractatque quæ pro Tribus Capitulis adeo  
 pertinaciter antea dixerat feceratque, vt satius  
 duxerit exulare, quam bene monenti Imperato-  
 ri Iustiniano Concilioque, aures præbere. Quan-  
 quam autem proluxa dissertatione eleuare con-  
 tur Editor luculentum istud Ecclesiasticæ Hi-  
 storiz monumentum, facere tamen non po-  
 test quin veritati sua constet autoritas; pos-  
 musque οἰκοθεν ἵστον τὸν μάρτυρα illis quandocunq;  
 opponere. Vale. Lut. Par. xvi. Aug. cıdıcxliı  
 CL. SAR. IAC. GOTHOFREDO.

*Genenam.*

**D**Onauit me tuo Philostorgio Clarissimus  
 Theodorus frater tuus: idque facere se tuo  
 mandato scire me voluit. Miror sane prolixam  
 humanitatem tuam, qua me plane tibi ignotum



hoc munere deuincire voluisti : magisque adhuc mirarer nisi Morus noster antea significasset, non fuisse tibi ingratam quam aliquando in meis ad feliteris, fecissem, de præclaris tuis erga Remp. Literariam meritis, mentionem. Sed non erat id tanti ut amicitiam tuam promererer. Imo tu nimis humanus, qui bonum meum animum, & nominis tui amantem, tam solido beneficio, tam prolixæ benevolentie testificatione compensaueris. Gratias itaque debeo tibi & habeo agoque summas. In utroque deinceps tuo beneficio gloriari mihi licebit; cum in luculentis tuis Dissertationibus possideam thesaurum sinceræ totius Historiæ Ecclesiasticæ: in honore vero quo me affecisti, gaudio meo indulgeam. Experire quæso num gratum habeas debitorem; & si causa inuenta est qua me possim ostendere beneficij memorem, certior fac me sedulo: & quicquid autoritate, sedulitate & gratia valebo, valebo tibi. Multam à me salutem accipe, qui suauitatem amicitiae à te accepi. Lutetiae Par. xvii. August. cldccxlii.

CL. SAR. IAC. GOTHOFR.

*Geneuam.*

**C**Um acutissimis nephritidis primùm deinde & podagræ balbutientis licet, doloribus, ex quibus etiam nūm decumbo, plurimos diēs luctatus, possum apud te absolui si ferius gratissimis tuis respondeo. Absit enim à moribus meis ut insuper habeam tam iucundum tamque gloriosum, te compellendi officium. Noli quæso Philostorgiani tui Opera

pretium imminuere : quamuis enim operarum typographicarum pluscula sint peccata , quę repetita Editio emendabit , ea tamen plurimis melioribus tuis non sunt equiparanda. Ego sane quam in eo autore , tum eruendo tum edendo & luculentissimis Dissertationibus illustrando posuisti operam , satis predicare non possum : rogoque ne huiusmodi donariis Musarum templa ornare cesses. Sed præsertim codicem tuum Theodosianum diu est quod omnes flagitant. *Cur tua tam laxas arca flagellat opes ?* Iuris prudentia nostra istis fundamentis superstructa , firmitus inniteretur , caputque attollet celsius , si eorum robur inconcussum orbi patefeceris. Manuscriptum illum codicem quod attinet , è quo Tilianę Cujacianę , & Pithoeanę editiones expressę sunt , extare eum audio apud Io. Tilium Senatus nostri Exactarium. Quamquam autem post tot tantosque viros qui eum versauerunt , frustra positus videri queat in eo inspiciendo labor , laudo tamen accuratam tuam diligentiam , qua nihil intentatum relinquis ut omni ex parte absolvas. Num autem difficilis & morosus senex , eo libro velit aliquot menses carere , quo possit semper , in tuam literarumque gratiam sedulo disquiram ubi conualuero : teque de ea re omni literis monebo. Lut. Par. Prid. Id. Octob. cııııcxliıı.

CL. SAR. ALEX. MOR.

*Genevam.*

**T**otum tempus rerum prolatarum & quod excurret κληήρης jaceo , Vir Reuerende &

& Ornatissime , ex pertinacissima nempe pedagra quę me etiamnum cruciat ; non quidem dolore sed diuturna mora. Facere tamen non possum quin tibi gratuler de noua Theologię professione , bonoque quem adeptus es gradu ; quanquam ex arctissima quę mihi tecum intercedit amicitia scire me id oportuisset ex literis tuis potius quam ex fama. Vide quam libere & familiariter tecum expostulem nec in isto initio grauissimas tuas curas reuerear. Laudo quod istic resederis nec Geneuensium vota precesque reieceris. Poteras etiam Londini honorificum Ministerium cum gloria & laude exequi , sed in continenti quam in insula , ad lacum quam ad mare , tempestas minus sequit. Illic præterea res adeo turbant vt nulli ordini sua maneat auctoritas. Nec pro tua modestia vereri debes ne decessorū tuorum meritis non respōdeas. Ausim ego expromittere futurum te omnibus istis statim parem , æqualem , aliquando etiam superiorem. Noli credere me aliquid gratię vel amicitię dare. Si magnifice loquor , at ore rotundo loquor , & in omnium sententiam. Rogo Deum Opt. Max. vt vigiliis laboribusque tuis benedicere pergat : vnde nomini ejus honor & gloria , Ecclesię vtilitas , tibi decus immortale , bonis omnibus mihiq̃ue imprimis gaudium cumulatissime accedat. Dum hac transiret sæpiuscule me inuisit vester Spanhemius , Vir si quid iudico vti doctus ita humanus & solers. Ingenti cum plausu hic concionem habuit ad populum. Quam faciles ventos in mari expertus sit , vt ab omnibus gratanter exceptus fuerit , oratione  
inaugurali

# EPISTOLÆ.

Inaugurali maxima cum laude defunctus sit, ipse procul dubio istuc scripserit. Salmasij nostri Hellenisticam scriptionem geminam dudum in Batauiam transmisi: Prior καλασκέυασκη vt loquuntur in scholis, niole stat sua: posterior tota est ἐλεγκτική. Nec tibi in Hellenisticæ Funere ejusue Ossilegio flere necesse erit; nisi forsan ex immoderato risu lacrymas non teneas. Vale  
v. Cal. Dec. ςΙΔΙϽΧΛΙΙ.

GL. SAR. PETRO CORNELIO.

*Rothomag.*

**T**antum debeo Menagio nostro quantum persolvere difficile est; quod me impulerit vt ad te scriberem, dum fidei meæ epistolam suam & aliquot Balsacij carmina comitteret quæ ad te allegarem. Is enim ego, Præstantissime Corneli, qui cum amicitiam tuam auro gemmisque contra caram habeam tam bellam te compellendi occasionem, insuper habere non debuerim. Vt valeas tu cum tuis Musis scire imprimis desidero: & vtrum tribus eximiis & diuinis tuis dramatis quartum adungere mediteris. Sed præsertim excitandæ sunt illæ tuæ Diuæ vt aliquod carmen te seque dignum pangant super Magni Panis obitu. *Multis ille quidem flebilis occidit; Nulli flebilior quam tibi*, Corneli. Ille tamen volens nolens Apollinari laurea caput tuum redimiuiſſet, si perennasset diotius. Operum saltem tuorum insignem laudatorem amisisti: Sed non eget virtus tua vllijs præconio: quippe quæ per vniuersum terrarum orbem, *Quæ sol exoritur;*

E

*quo sol se gurgite mergit*, latissime simul cum gloria tua diffusa, tot admiratores nacta est, quot viuunt eruditi & candidi. In tanto igitur argumento silere te posse, vix credam. Istud tamen omne fuerit tui arbitrij. *Inuito non si va in Parnasso*. Inaudiui nescio quid de aliquo tuo poemate sacro, quod an affectum an perfectum sit, quælo rescribe: ineq̃ue meritorum tuorum assertorem, si villo egeres, fortem crede bonumque. Vale & me vt facere te scio, diligere pergo. Lut. Par. Prid. Id. Decemb. ciciocxlii.

## CL. SAR. FR. GRON.

*Dauentriam.*

**D**Vdum gratissimas tuas ab optimo Ri-  
ueto accepi. Citius rescripsissem, sed  
non erant singula parata de quibus rogaueras;  
quæ jam vniuersa comparent. Eximia imprimis  
*Bullialdi Philolæi Rediniui Diatriba de Eclipsi  
solari* Liuianum ἀναγορεύων indicans. Ostendit  
Parauinum illū historicum errasse; cum Deca-  
dis. iv. Lib. vii. ad A. V. C. DLXIII. L. Cor-  
nelio Scipione, & C. Lælio Nepote COSS.  
Eclipsin Solis factam narrat: quam alio anno  
accidisse, ex Astrologorum *uueiais δόξαις* demon-  
strat. Sic decet etiam in veteres inquirere, nec  
semper pecudum more sequi præeuntes. Sed  
omnino pauci sunt quibus eo assurgere datur.  
Illi etiam pauci tanquam Gigantum filij contra  
Deos pugnare arguuntur: adeo laborem om-  
nem fugitamus, satiusque ducimus errare cum  
cæteris, quam inuia sectari. Poterit certe hic pan-  
nus purpuræ tuæ attexi. Inter defuncti Buccardi

chartas nulla Liuiana excerpta comparuere. Bene tibi succedere Dauentrienſem ſeceſſum ex animo gratulor. Recitationes ſolemnes tibi deinceps faciliores euadent : ſed & remotiores nos non afficiunt, quibus tamen, te amo, aliquatenus conſule. Quid Seneca Tragico, quid Alexiade factum ſit? gratum erit ex te intelligere. In iſto angulo licebit ſeueriores Muſas ſuauius colere. Si quid autem ex iſtarum Virginum complexu edas, nos, credo, participes facies. Sed non tantum *ſcimus* natalem diem, ſed etiam conceptionis pæne dixerim momentum ſcire volo. Verum heus tu! potuiſſe te ſuſpicari puſillum illum Dialogum Magni noſtri Hedui ſortum eſſe! Credat hoc Boxhornius cuius intereſt tam nobili aduerſario ſe ſe jaſtare: te vero qui eum intus & in cute noſti iſtud in animum induxiſſe tuum, mirari ſatis non poſſum. Non ſolet ille tam leuidenſi ſcriptione deſungi. Quoties ei libuit calamum aliquo felle madidum ſtringere,

*Tum magnum ſtridens contorta phalarica venit  
Fulminis æſta modo: ſequiturque è vulnere ſanguis.*  
Vapulet itaque Dialogiſta qui te etiam voluit impetere. Nihil hoc ad Semonem noſtrum qui te palam amat & colit, tantum abeſt vt per alterius latus vellicet aut etiam feriat. Age cauſam tuam fortiter, diſcatque ludio ille ſuo periculo, cautius de hominibus eruditiffimis ſermones habendos. *Bonis nocet, quiſquis malis pepercerit.* In Baſilicis latio donandis totus eſt Fabrotus: priore Volumine abſoluto, in altero pergit, aliaque ſuo ordine exequetur eo alacrius,

quod ea quæ in MSS. codicibus Bibliothecæ Regiæ desiderabantur Romæ nuper reperta sint ; vnde hiatum replere ingentem fuerit iucundissimum. De ejus Agellio ne per somnium quidem auditum aliquid est mihi. Si de eo cogitas in hoc stadio solus curre. Quod Illustrissimi Thuani necem desles, facis quod boni viri est & literarum amanti. Tam atrocis sævitæ auctori non diu fuit impune. Post innumera de facerrimo capite dira elogia vno verbo ei parentatus ero, si mihi dictus sit

*Vir ferus & Francos cupienti perdere fato  
Sufficiens.*

Quod olim vna voce mutata de Mario Lucanus dixerat. Superest in Thuanæ domo vnus Iacobus Augustus breui cooprandus in Senatum nostrum; in quo Pater, Auus, Ataus primas sedes summo cum honore & pari dignitate tenuere: polletque hic superstes iis dotibus quibus se tanti nominis dignum hæredem probet. Bibliothecæ nihil deperiit quæ cum omni defuncti patrimonio, post Cardinalis demum obitum, fratri à Rege donata est. De Tennulio tuo nihil scribo, quippe qui nesciam hic an istic degat. Disquiram sedulo qua in parte officium meum possit ei esse iucundum vel etiam vtile; vsque adeo velim animum meum ei declarare. Amicus noster primo Vere seriò in Batauiam cogitat. Fuit enim, qui vincula illi parabat, quæ aurea licet, dura tamen & molesta. Interim de Militia Romana commentatur, docetque quam versa fuerit sub Consulibus & sub Cæsaribus.

3, Lipsio, Saulio, cæterisque intentatum

Opus, arduum & difficile. Longiusculæ epistolæ modo, crediderat olim posse omne istud definiri, & absolui: sed jam sententiam mutat grandiusque volumen promittit, quod majoris adhuc operis ad Arausionensem Principem erit vice Apparatus. Sed quid vos de eius Hellenisticis censeatis? Tu præsertim quid de Ossilegio? Scribe quæso & libere scribe. Nisi enim me viri amor turbat, vix aliquid majori cum fructu, venustate, & elegantia ab eo vnquam fuisse scriptum edico. Isaacus Habertus Doctor Sorbonicus Ἀρχιεργαπκὸν siue Pontificalem librum Græcorum cum versione & obseruationibus nuper edidit satis amplo volumine: in quod plurima congesta quæ ad istius gentis Ecclesiæque præsertim ritus explicandos faciant. Alij Euchologium adornant, multosque istiusmodi libros pollicentur. Eruditissimi Rigaltij Minutius Fœlix sub proelo sudat. Miraberis ex vno MS. regio tot diuersas editiones prodiisse. Vidit tamen ille quæ cæterorum diligentiam effugerant; scilicet *solus Tranio vultures*. Nihil hic est nouorum amplius. Vale. Lutet. Paris. Idib. Mart. CIOIOCXLIII.

## CL. SAR. ALEX. MOR.

*Genenam.*

**B**Inas à te accepi, quibus vnis hisce respondebo. Priores diu est quod reddidit Gothofredus tuus: dumque vt paria facerem ejus ad vos reditum expectabam, alteras Candalius sororius attulit nuper. Hac ergo fidelija duos



istos parietes dealbabo, vnoque nummo festerio duo nomina, si pateris, expungam. Postremum hunc de rebus tuis sollicitè interrogavi, imò vtrumque, quorum *ſeu* fuere testimonia. Vterque enim de tuo erga literas & literatos studio, de doctissimis tuis recitationibus, de honiliis ad populum eruditis & elegantibus, de magnis vt abſoluam virtutibus, magna que inde fama, præclara & magnifica pronuntiauit. Blanda ſuſpenſam viciffim gaudia mentem meam pertentaui. Mentiari enim ſi dixero aliquid vnquam mihi auditum iucundius. Quamuis enim omnia iſta animo præcepiſſem, & voto ſpei que meæ belle reſpondeant, gratiſſimum tamen fuit ex illis intelligere, omnia eo ordine procedere quo arbitratus fueram. Tibi itaque gratulor tam felicia nouæ Profeſſionis initia, Deumque veneror vt quo cepiſti pede, ſic ſemper ire det & decurrere. Si tu quoque de rebus meis ſcire cupis; omnia triſtia & parum grata audies. Poſt vnici & dilectiſſimi fratris obitum, quid amplius voluptatis ſperem in hac lacrymarum valle. Quo præiuit ille ad Deum Immortalem breui ſequar, ita opto & vòueo. Poſt ſororem fratremque, ambos anno & altero me maiores natu, tertius numerabar, qui jam ſum primus. Meum eſt itaque hunc naturæ ordinem non deferere; & qua in ſtatione me collocauit Aternus Imperator mandata ejus, vel potius miſſionem, operiri. Libenti animo adueniet mihi hora illa nouiſſima, quandocunque aduenierit; homini nondum quidam quadragenario; ſed corpore tamen imbecillo fractoque; ani-

moque parū vegeto, imo languēte. Et nisi tu paucique alij tui similes succurreretis, & tædia mea recrearetis, verum dico, labascere animo deficeremque; forensibus negotiis, tutelaribusque quibus premor curis impar futurus. Inter paucos illos numero magnum illum Hedūm Lentulum meum, qui me inter sua cara putat, quemque etiam summè depereo. Mitte autem quando libuerit quæ ad eum destinās, ea præsens præsentī reddam. Hic jam habeo multas illius sarcinas, haberemque etiam earum Dominum, nisi leuicula tertiā eum aliquot dies remorata esset. Afferet secum suum de Militia Romana Commentarium, quo neotericorum omnium crassos & pæne pudendos errores recludit. Illi enim consularem & Polybianam militiam ab ea quæ sub Cæsaribus obtinuit, non discreuerūt: & dum vtramque confundunt, omnia susque deque habent, & ἀσύνκλωστα κλώθεισι. Afferet etiam alium plane Theologicum, de quo aliquid vlli dicere vetor. Mirabimini in materia sæpius agitata, tot nouas cogitationes & intacta argumenra. Funus Hellenisticæ Heinsium pæne ad restim redegit. Omnes docti & probi in amici nostri sententiam palam eunt. Familiam duxere Gerardus Vossius, Constantinus Imperator, Ioannes Laetius quos numeri innumerī sequuti sunt. Vergit ad vmbilicum pars κατὰσκηναστική; quæstionem ipsa illa semoto vlllo singulari aduersario, perpendit & negotium conficit. Vale. Lut. Paril. Cal. Iun. CIOIOCXLIH.

## CL. SAR. ALEX. MOR.

Geneuam.

**O** *Ptime More manum victricem mille laboribz  
Contigimus; Mi More manum qua doctior  
vnuquam*

*Nulla fuit.*

Præsens nempe præsentî, Claudiorum maximo, epistolam tuam reddidi; cui ille quam hic habes reposit. Valet cum suis & Batauiam primo vento cogitat. Dum hic moratur illum omnes Regni ordines, ita virtutes ejus merentur, sollicite & curiose inuisunt. Vult ô ἱεροχάρτης Mazari- nus ὁ πρῶτον παροδυνάμεις, volunt cæteri omnes cum Iulertiæ detinere Aftalicis conditionibus quas omnes aspernatur vt Leidam denuo repetat, ibique possit suo arbitrio vivere & scribere. Vbi deambulabit in porticu sua cum omnibus musis rationem habebit, & tum liceat isti Heroi, rapi ad spem immortalitatis, nobis admirationis. Faxit Deus vt vir ille incomparabilis & merito suo literarij sæculi Phœnix, æterna vita dignissimus, diutissime perennet, & quiete deinceps apud suos æuum agitet, quò possit omnes thesauros suos grato orbi patefacere & late spargere. Gronouius Livio suo æternum additus implebit Patavium suo nomine. Tot eximia in vnum caput congerit, vt pulchrè Tur- nebium referre mihi videatur; non autem jeji- nos illos, qui vt plurimum leues nugas magna & prolixo studio popello venditant. Nuper scripsit Legatus Gothicus Vindicias pro sua Dis-

*sertatione De Origine Gentium Americanarum*  
 contra Ioannem Lactium, qui satis modestè &  
 ciuiler cum eo egerat. Ille tamen quod Clarif-  
 simus tantum illic audiat; non etiam Illustrissi-  
 mus & Excellentissimus; obtrectatorem vocat.  
*Opaca quem bonum facit barba.* An istas ele-  
 gantes injurias, æquo animo vir bonus sit latur-  
 us, tempus palam faciet. Vale. Lut, Paris.  
 Prid. Non. Nouemb. ciciocxliii.

CL. SAR. CLAVDIO SALMASIO.

*Diepam.*

**D**E te valetudineque tua, semper ero sollici-  
 tus, donec de statu tuo aliquid rescuiero.  
 Citissime itaque quæso rescribe, quid te tuisque  
 actum sit. Res hic eodem sunt loco quo erant  
 ante discessum tuum. Rogauerat Milleterius  
 prima mensis Facultatem Theologicam, libello  
 supplici vt approbaret quoddam suum scriptum,  
 ad præscriptum quinque Doctorum Sorbonicæ  
 Domus à se concinnatum. Recusauit illa homi-  
 nis etiamnum in communione hæretica (ita eis  
 lubet nos infamare) viuentis, librum inspicere.  
 Veni ad nos, inquiunt venerabiles illi patres,  
 tum demum de tuâ doctrina cognoscemus, an  
 sit Catholica? *Is. 56. 1.* libros tantum legimus  
 vt condemnemus. Itaque miser ille nescit quo se  
 vertat. Tria vegrandia Volumina Loyolitę pro-  
 stant, in quorum postremo Vvallo Mellalinus,  
 nebulo, Catharus, Trapezita audit, cum hu-  
 jusmodi elegantix flosculis innumeris. Autor tibi  
 si ne lectione infamis scripti oculos tuos polluas.

Quis enim pudor aut modus conuiciorum?  
*At dignis si male dicitur: benedictum est meo  
 quidem animo.* In iis quas ad Laetium nostrum  
 & Riuetum dedi literis, magnifice insignem  
 tuam generositatem, qua omnes nostros auli-  
 cos cum suis amplis honorariis despuisti, prædi-  
 caui. Faxit benignum Numen ut quam merito  
 illis prætulisti libertatem, diutissime erga Ec-  
 clesiam officiis impendas. Vale Virorum  
 Maxime cum heroina tua, totaque domo; & si  
 mereor amare perge. Lut. Par. Prid. Id. Nou.  
 CIOIOCXLIH.

Superiora heri scripseram, nescius quo ea  
 destinarem? Liberauere me ista hæsitazione lite-  
 re tuæ, de quibus gratias habeo summas. Iter  
 tuum satis feliciter processisse gaudeo: utinam  
 de plenissime recuperata tua valetudine, breui  
 nos facias certiores, ventumque nanciscaris  
 πάντοτε ἐσθλὸν εἶναι ἐγὼ, qui te paucis horis in alte-  
 ram illam patriam tuam deferat. Paucā habeo  
 quæ prioribus addam. Eadem quæ ad Laetium &  
 Riuetum, dixi quoque Hoeuffio, prolixissime.  
 Effert ille in cælum nobilitatem animi tui, pro-  
 misitque apud dominos suos acturum sese, ut  
 liberalius tecum deinceps agant. Conuenit me  
 hodie Peyrerius, dixitque velle se edere opus-  
 culum illud suum, quo docere conatur ante  
 Adamum extitisse alios homines: consilium-  
 que suum esse illud tibi inscribendi, sub hoc  
 titulo, *Somnium Nobilis Aquitani de Præ-  
 Adamitis*, allusione scilicet facta ad scomma  
 Grotij. Rogabat num probarem ut experiretur:  
 se nihil de hisce statuere, sed tantum sententiam

suam modestè proponere, circa quam inuocaret eruditorum iudicia. Respondi me ad te relaturum. Tu vero scribe quid ei faciendum sit. Caussium rogaui ut te officiis omnibus demereretur. Puteani te saluant, totaque circumfusa cohors. Vtere jure tuo in me meosque. Iterum vale.

CL. SAR. CLAVDIO SALMASIO.

*Lugdunum Batauorum.*

EX binis Riueti nostri literis, quod ex vnis tuis maluissem, gratissimum fuit intelligere maritimum tuum iter satis feliciter processisse; teque tandem cum tuis omnibus Lugdunum Batauorum aduentasse. Vota ad Deum feceram, cum summa animi contentione, pro salute tua, rogabamque vteorum reus fierem. Nunc ipsi Deo immortalis ago gratias quod vota precesque nostras audierit, cumque veneror ut ea statione, diutissime sanus & contentus viuas:

---δρίπων μὲν

κορυφᾷς ἀπέβλεπεν ἀπὸ πασῶν.

Non plane inutilem tibi fuisse meam ad Caussium commendationem, ex animo gaudeo. Monitus ab eo te soluisse, grandem epistolarum fasciculum ad Riuetum destinaui, ut eum tibi reddi curaret. Epistolę ad Menagium editio, restudineo gradu procedit. Typographum vrgeo quantum possum, hortatibus insto, posco atque adeo flagito, & iratis precibus. quid inde? Nosti quam lentum sit omne istud negotium præsertim apud nos. Recepit Menagius ad te scribendi prouinciam super Epistola tua ad summum

Ærarij Questorem, quem audiui non cunctatum in respondendo, sed iis verbis ex quibus certior fias nihil ab ejus ingenio animoue licet in te pronis, expectandum. Ita homo est ut bene velit sed nihil potest. Narrabat nuper Milæterius (infelix amisso filio in nupera clade Germanica pater) se de te plenissime collocutum esse cum Emerio, qui effecturum se se pollicetur ut istinc cum honorario II. M. coronatorum à Regina euoceris. Tu vero, Vir Generosissime qui eos omnes coram cum suis muneribus despuisti, istis, sat scio, non moueberis. Facere non potui quin hæc nobilissimi juvenis & eruditissimi Io. Georgij Richteri, ad te curarem. Si qua juuare potes ejus studia queso rescribe, magnamque à me gratiam injueris. Et sane est ille si quisquam tui admirator summus. Nihil habeo quod addam, Num possunt pedes, manus, caput? num possunt omnia? Vale, Prid. Idus Decem. MDCCXLIII.

CL. SALMASIVS. CL. SARRAVIO.

*Lutetiam.*

**N**isi pactum conuentum quod utrique nostrum placuit (ut inuicem Latine scriberemus) ratum esse vellem, quia ita promisi, tuque stipulatus es, irritum ego mallem: adeo me deterrent à scribendo quas binas à te nuper Latine scriptas accepi: Sed quoniam pridem didici & assueui officiis à te vinci, ne hac quidem in parte superiorem te esse turpe existimabo, aut moleste feram. Si tamen credidissem adeo

promptam & paratam tibi esse; & quasi in numero puræ Latinitatis copiam: haud facile tecum in hoc certamen descendissem, nec tam temere hoc pactum iniuissem. Hujus communem conditionem esse velim, ut more Romano literas inscribamus; Cicero Cæsari, Cæsar Ciceroni. Hac fiet honesta libertate, ut quod maxime cupimus, istud literarum commercium continetur. Vale & me ama. Leidæ Non. Dec. c1313CXLIII.

CL. SAR. CLAVDIO SALMASIO.

*Leidam.*

**E**Go quoque binas à te accepi, utrasque molestas, sed Gallicam molestissimam. Amicus enim ille noster, qui etiam singulis hebdomadibus, Hagacomitis solet ad me scriptitare, expostulatoriam de te satis grauem hac vice exarauit. Queritur scilicet se nullo suo merito durius à te acceptum: eo quod Brasseti litteras, quæ tibi tanquam Professori honorario inscribebantur, misisset; quasi à se hoc illi esset suggestum, in tui offensionem & injuriam, quod sancte jurat à se non factum, non cogitatum. Cautius deinceps sibi tecum agendum, quando ita suspiciose & acerbè cum amicis agas. Se sane multa mala tua causâ perpeßum, mitius & humanius tractari debuisse, quam ut alienum peccatum sibi imputares. Ego vero hominem blande compellaui, monuique ne diuturnæ vestræ amicitiae tam facile nuntium remitteret: nec tamen injuriam tibi à Brasseto illatam dissimulaui vel excusaui, laudauique animum tuum quod rem judicatam



retractari non pateris. Hæc ego ad illum: jam ad te mea defleat oratio. Facere enim non possum quin qua libertate inter amicos uti par & æquum est, libere te moneam, videri mihi te satis leuem captasse occasionem ejus infectandi. Vixdum lares tuos salutasti: qui futuri sint amici, qui infecti nondum perspexisti: & prior ipse rixam auspicaris, cum viro parum tibi, satis scio, fido, sed cujus tamen artes non omnibus patent. Ille quippe, saltem in speciem, palam te colit: licet clam auerfetur & arrodatur. Hac in re sane, veniam dabis durius forsan censenti, prudentiam requiro tuam. Quid enim alienum crimen illi adscribis? Etiam si liquido tibi constaret istud facinus ab illo concinnatum, quod vereor ut ita sit; tutissimum erat, imo & honestissimum, ista ab hujusmodi viro profecta insuper habere, nec minutiis istis irritari. Nolim idem factum si à manu publica isto elogio appellareris; tum enim læderetur tua dignitas, resque judicæ nulla de causa rescinderentur. Itaque quemadmodum probavi quod diploma à Fæderatis Ordinibus hoc sub titulo missum, rejeceris; ita à viro priuato literas eadem ratione quod repudiaueris, improbare non possum: cum hoc tamen discrimine. Quod de priore negotio, necessario conquerendum fuerit, de posteriori vero melius factum foret si istud, quicquid id est esset neglectum. Ausim ergo à te enixe contendere ne istam simultatis scintillam longius serpere patiaris. Ut facile hominis ingenium noui, ad te breui redibit. Ista pascetur epistola discordiis. Singulare certamen quod inter Colinium

Castellionæum & Stradium Bonellam prouocantes, & Ducem Guisium Bridieuxiumque prouocatos, duodecima hujus mensis, hora tertia pomeridiana, in Platea Regia, celebratum est, aulam nostram hætenus turbauit. Vtinam deinceps non turbet. Itarum causæ reticentur. Ab ambabus partibus acriter & generose pugnarum: solus Stradius inuulneratus recessit. Dux Aurelianensis aperte affini Guisio fauet; Enguiennensis, Condzo patre reclamante, causam Colinij fouet. Regina non patitur se exorari vt reis Edicti pœnas remittat. Illi Vrbe excesserunt. Guisius tamen in suburbano Meudonio hæsit. Senatus noster rogante Cognitore Regio conuocatis classibus iussit acta probatoria confici, audioque jam aliquot testes coram delegatis iudicibus, testimonium dixisse. Ita redintegratam cernere est veterem & sopitam simultatem, inter Guisios & Castellionæos. Faciant Superi ne, Rege præsertim puero, hoc incendium latius grassetur. Vale. Lut. Par. xviii. Decemb. c1515cxlili.

Academia secundam Apologiam aduersus Loyolitas edicauit, Autore, vt vulgo fertur, eodem illo Arnaldo qui de Frequenti Communione tam prolixè commentatus est, sed reuera quodam Hersentio viro ingenij elegantissimi. Scriptum est acerbum, oratio persubtilis.

CL. SARR. CL. SALMASIO.

*Ludg. Batan.*

**C**essationis meæ eam rationem animo præsupisti, quæ utique sola vera est. Nescienti

nempe quid te actum esset, libuit operiri donec aliquid certo cognoscerem. Deinceps non cessabo, nisi ex fontica causa: & jam bis scripsi. Ex posterioribus meis didicetis Riuerti de te querimonias mihi perspectas. Nouissime scribebat, sibi jam tecum satis belle conuenire, rogabatque ne quid de eo ego ad te, sed *factum infectum fieri nequit*. Bene omne istud, quicquid id est, processit. Cum istis clanculariis cautius tibi agendum, ita tamen ne à solenni tua generositate discedas. Meliore tua valetudine impensius gaudeo. Amissi in patria triennii usuras nobis debes: graues creditores sumus, qui eas exigimus nec ferimus moram. Quotiescunque cunctaberis & cessabis à libris edendis insurgent inimici: quos vicissim deprimes si in publicum procedas. Itaque semper aliquid molire: nunc præsertim post tantam absentiam. Amyraldus Salmurienſis breui mittet Commentarium suum *De Vitæ Terminis*. Rogat ille vt de sua erga te sedulitate certiotem te faciam. Non omnis igitur natio Theologorum tibi infesta: ille enim inter primaria huiusce professionis Gallica lumina sedet. Quod calebat te abeunte negotium, an jam frigeat, nescio. Menagius enim adeo hero suo adhæret, vt vix mihi se se præbeat. Noli quæso huc respectare, & quantum poteris *perfer & obdura*. Si quid contra nitentur aduersarij, tu solus fortiter eos comprimas & contundes: liberum erit tibi totam virtutem tuam explicare: quod hic facere haud adeo erit promptum. Nuspiam enim fortitudini tuæ deerunt monstra debellanda. Sed  

præſentia

præsentia mala vrgent magis & de futuris semper melius ominamur. Compone statum nostrum cum vestro & videbis nos seruire vos dominari : non tantum de proceribus intelligo, sed etiam de priuatis. Vt vt sit Viros illos primarios qui te hic detinere satagebant non inuiso, vitam viuunt alienam à moribus meis aulicam id est blandam magis quam benignam; plerumque infidam & malignam: Vt voti sui composites fiant teque istinc euocent non repugno; sed vix aliqua iuuare eos possum. Ostende te tantum Batauis tuis & *Sceptra tenebis*; omnesque istas frigidiusculas nebulas difflaueris. Vale.  
Lut. Paris. xxi v. Decemb. cxcxcxliiii.

CL. S. CLAVD. SALMASIO.

*Lugd. Batau.*

**E**T valere te ex Riueti litteris intelligo; & prolixè satis scripseram de eo frigusculo quod te inter & illum, vt natum, vt denatum; & epistolam meam tempestiue ad eam quæ tuæ hic curat, miseram: quare ergo nihil abs te litterarum: propterea tamen non studiose minus & diligenter scribam; quanquam vix est vt dicam aliquid quod possit ferire oculos. Blanditus est Bautruuio Menagius qui non mediocria pollicetur. Eo tamen omne id recidit vt cum tribus talentis & semitalento istinc euoceris. De solutionis fide, Rege promittentè, solus perduellis scilicet, ambigat. Quam secuta sit & certa ista cautio, tuum est dispicere. Olim & nuper satis liquido super eo negotio sententiam dixi, nec al

ea ut recedam impetrare ab animo meo possum. Totum in eo est ut tibi imperes. *Supera virtute dolores.* Legebam hodie in Chronici Eusebiani libro posteriore hunc versiculum qui conclamatus est, ni medicinam facias: *Nam Latona Iovis coniux tunc partitia fugit.* Scaliger sibi ipsi non satisfacit. Casaubonus legebat sensu commo- & plena sententia *vsurpatitia*; sed versus, si versus esse debet, repugnat. Tu quid censes. Quid si *terrata*? Nisi meis quaesitis modum ponas vereor molestior ut siem. Vbi tamen cognouero te aliquid momentosum moliri faciam mihi modum bonae licet libidinis. Vale. V. Id. Ianu. CIOIOCXIV.

## CL. SAR. CLAVDIO SALMASIO.

*Lugd. Bat.*

**N**on amplius scribam de negotio aulico ne tibi molestus sim. Agnoscis tua verba? Ego vero non expectabam à te tam insignitam iniuriam ut existimares quicquam quod è re tua esset, mihi molestum futurum. Liberius forsitan scribenti exciderit aliquid quo in tuam offensionem incurrerem; sed non ea mihi mens, non consilium. Ex animi sententia olim & nuper ea sum loquutus, quae vera, quae certo futura arbitratus sum. Si unquam huc redeas, utinam falsus sim opinionis, meque *ψευδισμίας* possis arguere. Menagius istud solícite & cum affectu, sed lente, urget. Puteanus diploma confecit, quod nondum videre licuit. Nubletio, talium ut aiunt perito, censendum traditum est. Caue credas

nolle me in omnibus rebus, nedum in ista, tibi esse subadiuuam; si eam cordi tibi esse cognouerо, mearumque sit virium. Itaque quantum potero, opera & consilio proderо. Quod tamen eo recidat opto, vt commodius & honoratius istic degas: huñc enim perspicio esse animum tuum, cui prorsus accedo. Epistola de Connubio Angeli & Furia absoluta est. Publicationem eius solum priuilegium moratur, sine quo non ausit Typographus eam in vulgus spargere: & hoc ipsum hac hebdomade confectum iri spero. Primum hoc sentiet à tua manu telum Heinsius; quem sane miror te placatiore nolle vti. Pauxillulum existimationis, si quid ei superest, potuit hac sola via retinere: & audet ille post tot clades, Præfationes, Funera, dicere *Signa canant?* O miserum virum! *Quem perdere vult Iuppiter hunc dementat.* Fruatur ille suo iudicio, pereatque mille mortibus, qui in certo naufragio, quam ei prætendi curaueram tabulam, arripere insuper habuit. Decima quinta huius mensis Sorbona LXIV. suffragiis decreuit Pontificiæ Bullæ contra Ianßenium promulgationem esse differendam: triginta Doctoribus frustra obnitentibus. Condæus Princeps audet aliquid De Frequenti Communione, mouere & prælo committere. Ei salua dignitate, se respondurum iactitat Arnaldus. En tibi carmen à Guyeto nostro. Litis eius enarrator sedebam in Edictali Camera: Aduersarij iurisdictionem declinant, & in Consistorio Principis respondere volunt; *ad hoc sub iudice lis est.* Dum ille

nos desiderat, hunc libellum supplicem Cancellario obtulit. Vale, Vir Incomparabilis; Lutet. Paris. xxiii. Ianu. ciciocxliv.

CL. SAR. CLAVDIO SALMASIO.

*Lugd. Batav.*

Soteria DEO OPT. MAX. qui te tam Spræsenti periculo liberauit debere me profiteor & soluam libens. Vtinam immodica ista euacuatio, corporis tui sentinam & κακῆϊαν omnem exhauserit, vt inposterum tam sanus degas quam ipsa Hygieia. Cum voluptate in tuum extemporaneum hexastichon incidi; quod mihi renouauit memoriam carminis illius tui quod olim *Iucundum cum atas florida ver ageret* in Threnos Ieremiæ scripsisti. Si sub manum cadat, rogo te seponere illud velis, nec pereat tam illustre pietatis & Musarum monumentum. Quis ille sit qui primas tuas curas post tuum istuc reditum mereatur, quando libuerit sciemus: nec adeo pleni rimarum sumus vt non possimus, quod secretum velis, profundo inuoluere silentio: Imò sum, & credo non ignoras, arcanorum cælantissimus. Haberes vtinam Heraldii Observationes, aliquodque tempus otij illę tui occuparent! Quamquam enim leuia multa in tetela emiseric, nonnulla tamen videntur satis acutam habere cuspidem; qualia sunt illa quę ἐγὼς ἀνέκδοτον spectant. Ecclesiastes ille aulicus quem maxima minimaque ad me referre scribis, plane hæc septimana siluit. Curia: Subsidiarum Placi-

tum de nobilitate gentis tuæ nullus accepi; cum habuero, strenue, quæ mente constanti teneo, mandata faciam. Summus amicus tuus Abbas Radesianus die Dominica in Urbis Archipræsulem ἐχειροτονήθη: quod magna pompa & festiuitate transactum est. Condæi libellus aduersus Arnaldum Patres & Concilia crepat, vnde dicunt Loyolitam aliquem tulisse suppetias. Humillime se subiicit Pontificis Romani Censuræ: paratus sua damnare si Iuppiter Capitolinus illis atrum calculum apposuerit. Vale  
Lut. Par. iix. Idus Februarias. c1c1ocxliiv.

CL. SAR. CLAVDIO SALMASIO.

*Lugdunum Batavorum.*

**I**llo ipso die quo postremum ad te scripsi, curauit Nicolaus sarcinas tuas Diepam deuechi. Vbi eæ ad te peruenerint, velim verbo significes, meque omni sollicitudine quæso liberes. Tum habebis Heraldum quem poteris fale Burgundo defricare, cum altero illo Anonymo. Observationum cap. 2. ad l. 69. D. Pro Socio. in qua felicissime restituiſti ἐμποιλᾷ pro epulis, notat illam tuam emendationem quasi alienissimam: nihil tamen responderet ad exemplum quod attuleras ex alia eiusdem Iurisconsulti lege, in qua explicat *raſiunculas* per λογάρια: quod utique consideratione dignum erat. Reperisse me credo aliud exemplum quod coniecturam illam tuam stabiliat in l. 25. ff. ornamento D. de Auro & Arg. leg. vbi videndum legendum sit *reticula id est* χρυκώφειλα. Emen-



dationi fauet Glossarium H. ST. quod habet *Reticulum* *Κεχρηγυλως*. Et hæc lex est ipſdem Vlpiani qui hoc modo tribus omnino locis voces Latinas per totidem Græcas explicuerit. Si Scoexius incendat rogum Funeris tui, facile tibi fuerit frigidam suffundere qua omnis iſta pyra extincta in fumos abeat. Duræ ſunt illæ conditiones quibus Pacem te inter & Heinſium firmare vult Spanhemius, & iniquas dicerem niſi vereretur tam ſtudioſi *μεν* officia quæ inuocaui, damnare. Expectabo per proximum Tabellarium totius iſtius *παρυμμελίας* hiftoriam, ex qua tibi in poſterum tràquilliorẽ vitã opto. Vale. Lut. Pariſ. Idib. Februar. ciciocxliv.

## CL. SAR. FRED. GRON.

*Dauentriam.*

**Q**UANTUM tibi debeam, Vir Clariffime, lubet hic profiteri. Tantum certe vt ſemper in ære tuo futurus ſim, adeo me beneficiis olim cumulati, & nouiffime totum in limine Seſtertarij tui Commentarij obruiſti. Voluiſſe te nomen meum legi in fronte tam erudiſi operis, cum tot ad manum haberes viros omni ſcientiarum laude claros, qui iſtum honorem mererentur, forſan & ambirent: tanti facio vt æternum me tibi deditiſſimum deuoueam. Habeo tamen quod tecum expoſtulem, de illis elogiis, quibus oneraſti pudorem meum. Non iſ ego, Mi Gronoui, qualem pro amore tuo deſcripſiſti. Te virum tanto iudicio præditiſſum, tam grauem, amorem erga te meum dul-

cibus verbis voluisse alere ! Agnosce't Vir Clarissime omnes *blandæ mendaciæ lingua* , decedetque inde aliquid eximio & immortalis operi. Nobilissimus Richterus aliquando nos inuifit. Dixerit tibi quam mihi dilectus fit : primùm ex tua commendatione , tum etiam suo merito : est enim adolescens liberalis ingenij & honestæ indolis. Paludano tuo literas tibi inscriptas dedi. Dum hic moratus est , quibuscunque voluit officijs eum in tui gratiam demereri conatus sum. Sed dum ille pro sua modestia verecundius agit parcus fui cultor & infrequens. Audio Scoekium Ultraiectinum meditari Rogum Funeris Hellenisticæ. Viderit ille num molesta tunica indutus , in ipsa tæda lucere velit. Vale. Lut. Paris. Idib. Feb. MDCCXLIV.

CL. SAR. CLAVD. SALMASIO.

*Lugd. Batavor.*

**R**Econciliationem quam dudum optare incepì , totisque ego bonique omnes optauimus quinquatribus , te inter & Heinsium , procedere , immortaliter gauderem. Sed tibi parum æquæ sunt illæ conditiones , quas te audire volunt , vt ea confieri possit. Quid hoc rei est ? Exercitator tam procaciter Venerabili Bezae insultarit , & conscribent Prætores Edictum sine pœna ? Peribit immensa Observationum congeries quam tam glorioso viro defendendo paraueras ? Non potest diuturna esse Pax illa quæ istis firmamenti nititur. Annon sat erat abstinere conuitijs & dictæijs , quæ

F iiij

viros liberales maxime dedecent, ita tamen ut liberum esset aduersarium modestis & manifestis probationibus arguere? Ut ut fuerit, pactis standum erit; & ex regula iuris. *Quod semel placuit amplius non displiceat.* Quod autem tu Riuetusque noster à me enixe contenditis, præstare non est meum. Ut scilicet Epistolæ ad Menagium publicationem inhibeam: distrahtis quippe omnibus fere exemplaribus à Typographo, aut ab ipso Menagio non parcente manu donatis. Hoc ad tuam suamque gloriam pertinere existimauit, Vir politissimus, ut ea in amicos spargeret. Sed quicquid fuerit, nihil tibi potest ea de re imputari: tibi inquam, quo absente, inscio, & iam inuito, hæc editio curata est. Potui aliquando tenerum & nascentem istum fœtum suffocare, ἀλλ' ὅπως ἀσέβων εἶδον τὸ πῦρ, ut sine summa iniuria & crudelitate non potuerim ei lucis usuram dene-gare. Præterea scias hoc si non curassem alios non fuisse prætermitturos. Nunquam fuisset Menagius, nunquam Capellanus in Musæo diutius recubare, quod ad Balsacij sui defensionem à tanto Musageta elaboratum, immo bene ac velociter scriptum esset. Itaque hæc fuerint. Verùm ne hanc litem meam faciam omittere non debeo ad me tantum deuentum esse post inchoatam editionem, & vno alteroue ὁμολογῶ excusis: re ergo non integra. Hæc ego fusius prosequutus sum, omnem ut à te, à me aliquam saltem culpam amoliaris. Sed ut aliud ex alio; ecce Inscriptionem tuis oculis dignā. Iacet lapis Nanneribus in area Publicæ Domus.

NVMINIB.  
DEO.

AVGVSTOR.  
VOLIANO.

M. GEMEL. SECVNDVS. ET. C. SEDAT. FLORVS.  
ACTOR. VICANOR. PORTENS. TRIBVNAL. C. M.  
LOCIS. EX. STIPE. CONLATA. POSVERVNT.

Istic quæso eruditionis tuæ lumen eluceat.  
Quis ille Deus VOLIANVS ? Istius enim  
nullibi quod sciam extat mentio. Quid illæ li-  
tere singulares. C. M. Vox adhuc LOCIS  
turbat, & cui iungam non video. Cætera obs-  
curiora ni explices, æternum ignorabuntur.  
Itaque facem accende. *Obscuras odique tenebras,  
exultoque die.* Gruterus meminit istius Inscri-  
ptionis MLXXIV. 10. quem vide; nonnihil  
enim variat. Vale. Lutetiæ Parisiorum. xx.  
Febr. c1010cxliv.

CL. SALMASIVS CL. SARRAVIO.

*Lutetiam.*

QVod à me sollicitè quæris ut quam mit-  
tis Inscriptionem explicem tibi, faciam,  
quantum in me erit, euidenter & commode.  
Vrbs Nannetes vicus olim fuit nomine *Por-  
tensis* quia portus erat: Hodie *Fossam* vocant.  
VICANI igitur PORTENSES sunt municipi-  
pes illius vici Portensis; quorum ACTORES  
EX STIPE CONLATA COLLEGIO  
MVNICIPVM tribunal posuisse dicuntur.  
Sic singulares illæ literæ sunt exponendæ C. M.  
Vici præcipue maiores sæpe municipij iuribus  
fruebantur. Quod ad Deum VOLIANVM  
attinet, locale fuit numen illius municipij, vel

vici Portensis de quo frustra alibi quæras quod non sis inuenturus. Non solum singulis Prouinciis olim & ciuitatibus sui dii attributi fuerunt, sed etiam municipiis & vicis. Hi sunt quos Tertullianus in Apologetico scribit, municipali consecratione ceteri. *Romanas ut opinor Prouincias edidi, nec tamen Romanos deos earum; quia Romæ non magis coluntur quam qui per ipsam quoque Italiam municipali consecratione censentur. Crustuminiensium Beluontinus, Narniensium Viridianus, Esclulanorum Ancaria, Volsiniensium Nursia, Oriculanorum Valentia, Sutrinorum Nortia, Faliscorum in honore est pater Curis.* Ita in Gallia singula municipia & singuli vici suos peculiare habuere deos. Talis hic VOLIANVS apud Vicum Portensem, vbi Nannerum nunc est ciuitas. Totius Galliæ peculiare numen fuit Belenus. Noriæ eum tribuit Tertullianus eodem loco. Inscriptiones Gruteri plenæ sunt huiusmodi deorum municipalium vel localium, quos Græci *ἐσθίωνες* deus dixere: Marcellinus *locales*: ut Beza *Dei localiter* appellatio. Hic Deus localis. Pagi etiam suos habuere, inde Prudent. *Numina pagi.* Superstitio vltima resedit in his pagis, vbi tenaciore cultu rustici sua numina adorabant quam ciues sua in vrbibus. Certe *Religio pagana* inde appellata, quod in pagis adhuc perseveraret cum ab vrbibus iam esset exterminata. Lege Indicem Gruter. Inscript. multa ibi occurrent nomina numinum gentiliū municipalium & localium. NUMINA AVGVSTORVM sæpe etiam in illis Inscript.

ptionibus legere est, & NUMINA AVGVSTI, qui non nominantur sed intelliguntur. Et apparet duos Augustos Romæ tum imperasse cum illa Inscriptio posita est. Non solum NUMINIB. AVGVSTOR. dedicata est: sed etiam DEO VOLIANO *ἑγχεῖα*: de quo non magis tibi dicere possum, unde nomen nactus sit quam COSOSVS cuius mentio sola in alia Inscriptioe quam habeo. Quis unquam meminit ABELLIONIS Dei cuius in sola inscriptione memoria apud Comienes Nouempopulaniæ in tomo Inscript. Gruteri? Sunt alia sexcenta vicanorum & municipalium nomina propria, quorum nomina alibi non leguntur, nisi in illis pagis, municipiis, coloniisque in quibus peculiari consecratione loci dedicata fuere. Sed quoniam Romani sunt homines qui Inscriptionem illam Nannetense n posuerunt, & Vicus ipse, vel Oppidum, colonia Romana, videamus (mutata priore sententia) an ex illo VOLIANO Deum Romanum possimus fabricare? Eiusdem certe generis erit, cuius infiniti alij quos celebrauit Augustinus in libris de Ciuitate Dei, ab aliquo actu aut officio humano denominatos. Ita VOLIANVS quid prohibet à *volio* appellatum id est *voluntate*: quod voluntati hominum præsit, eamque dirigat, & ad optatum exitum perducatur? Sic *Libentina* & *Liburnus* libidinum dij apud Arnobium lib. 1v. Sed *volium* inquit quis dixit pro *voluntate*? Hoc etiam quæro. Sed quis à verbo *volo* *volium* pro *voluntate* non æque optima ratione & analogia factum con-

fitebitur, vt alia sexcenta eadem moneta cusa?  
 A colo *colium* pro *domicilio & habitatione*. Inde  
*Lares colio potentes*, Tertulliano: quorum po-  
 tentia intra penates & habitationes priuatorum  
 cernitur. Sic armipotens Mars, *in armis potens*  
*Cœlipotentes in cœlo potentes*. Et sic alia. Quis  
 vero potest infinitari potestatem Larium intra  
 domum fuisse conclusam? Hinc *οἰκιδίος θεοί*  
 & *οἰκονίδιος* id est *domestici*, vocati. Solinus  
*icidios* appellauit Græca voce. Sic *Lares colio*  
*potentes*. Quod tamen scio non probabit Vos-  
 sius noster. *Coliginem* alia tamen formatione  
 dixit Arnobius: pro habitatione & ædibus: &  
*coliginis focos* penatium focos. Vt *colium* a *colo*,  
*volium* à *volo*. Inde nostrum antiquum *veuil*  
 pro *volunt*. Videris an & Italicum respon-  
 deat. Certe dicimus *de bonne voille* quod fit  
 bona voluntate: quod mihi videtur ex Italico  
 deflexum. Ita ab *æstimo æstimium* pro *æstima-*  
*tione* apud Frontinum & Aggenum in libro de  
 Agrimenf. *Pro æstimio vbertatis loci*. Ita  
*studium* à *studeo*: *impendium* ab *impendo*: *præ-*  
*ludium* à *præluo*: *opprobrium* ab *opprobrio*: &  
 infinita talia. Sic ergo VOLIANVS Deus à  
*volio*, voluntatis præses Deus, si Latinus est  
 Deus, & non à loco denominatus est. Vix  
 potest aliunde deduci, NVMINA AVGVSTO-  
 RVM, Augusti sunt quibus illa inscriptio  
 dicata vt & Voliano Deo. Diui fratres fortean  
 fuerint, aut alij quicunque bini, aut terni si-  
 mul imperarunt. Sed de binis potius. Literæ  
 singulares C. M. non aliud exprimunt quam  
 id quod dixi. COLLEGIO MVNCIPII. Vox

LOCIS non vno loco tribunal positum significat, sed pluribus. Nam & honoris gratia in pluribus locis eadem sæpe poni solebat Inscriptio. Autor vitæ Attici de Atheniensibus qui Attico plures statuas consecraverunt. *Quandiu affuit, ne sibi poneretur statua, restitit: absens prohibere non potuit. Itaque aliquot ipsi & Pilia statuas locis sanctissimis posuerunt.* Posset & dici locis positum pro loco. Sic apud Virgilium, *His posuit fortuna locis: & Devenere locos.* Si quid amplius erit de quo dubites, verbo monitus satisfacere conabor. Mea valetudo adhuc incerta. Alternis ludunt pedes inter morbum & sanitatem. Spero meliora proximo vere. Ita illa cornix de qua apud Suetonium. *Est bene non potuit dicere, dixit erit.* Vale Vir amplissime, & me, vel merentem vel immerentem ama. Leidæ. Non. Mart. cjcjccxliv.

CL. SARR. CL. SALMASIO.

*Lugd. Batav.*

**P**rolixissimas tuas posteriores, eoque etiam nomine gratissimas, iterumque, iterumque summa cum voluptate legi: sæpiusque adhuc relegam: adeo præclara multa in illis habentur quæ frustra alibi quærerem. Tu nempe solus in omni Literatura principatum obtines: & quodcunque libet ventilare, frustra est qui illud postea attentat. Elegans sane est & erudita explicatio tua Nannetensis Inscriptionis: gratiasque ago de ea non quantas debeo debere, que semper, sed quantas possum, gratissimas.



Te inter & Heinſium ἀμνηſτὰν ſtabilitatem eſſe optauī vehementer ; ſed vt in eas quas accepīſti leges deſcenderes, nunquam autor fuiſſem, ſi ea res mei fuiſſet arbitrij. Sed vt Epistolam tuam ſupprimerem, animus non fuit ; nec eam ſoleo mihi autoritatem arrogare in amicorum conſilia, vt huiuſmodi quidquam, illis inconſultis decernam. Verū confectum eſt omne iſtud negotium, quod neutiquam volui aut potui diſturbare. Quicquid id eſt, veteribus offenſis annumerabitur nec nouis adſcribetur rationibus. Quid in veſtris maioribus Academicis Comitiiis, de te præſertim, actum ſit, ſilere te mirarer, niſi viderem te alia tua, minoris vt puto momenti, velle etiam mihi celata. Quod an rite & recte procedat, ipſe exiſtimabis. Ego quoque ſi eſſem ſuſpicioſulus, inde argumētum ducerem deceſſiſſe aliquid priſtinæ noſtræ amicitia. Sed abſit tale aliquid à ſinceritate animi mei, qua ſanctitatem fœderis inter nos initi violari arbitrarer. Quiduis itaque potius cogitare libet quam vt mutatum te erga me credere velim ; immo vel mutabilem. Principis Condæi libellulum prima occaſione amici mitam. Réſpondit Perauiſio Arnaldus, ſed non finit Cancellarius per Typographos librum edi: Sicut nec Milleterianum illud quo totius ſuæ Reconciliationis Eccleſiaſticae myſteria reuelat: quamuis vtrique ſcripto Sorbonici Doctores ſubſcripſerint. Vale. Lut. Pariſ. Prid. Calend. Mart. CIOIOCXLIIV.

## CL. SAR. IANO VLITIO.

*Hagam.*

**N**ON ingrata est mihi illa tua sollicitudo, qua cruciari videris, ne nomen virtusque tua animo meo exciderint : neve in meam offensionem silentio tuo incurreris. Eam enim habeo, pro amoris tui erga me certissimo argumento. Sed nihil necesse erat tam operose me aggredi, ut expugnares. Totus enim ego tuus, fuique semper. Te certe ut vidi ut amavi; adeo multæ illæ quæ te usque comitantur animi & corporis dotes eximiæ, sese statim in oculos mentemque ingerunt, nec facile est ab illis diuelli; nec quisquam velit. Itaque amo te Præstantissime Vliti, rogoque ut huiusce amoris mei experimentum capias. Capiēs vero si me amas, & videbis me tibi operam & studium nauare velle. Quid altero illo Arriani Cynegetico, quid Hygini Astronomico (quæ ad editionem parabas) factum sit, rescire gestio. Ostende te orbi Eruditissime Adolescens, nec diutius λάθε βιώπας, vel industriam tuam cela. Si qua iuuare possum consilia tua faciam libentissime, habebisque me semper tui cultorem studiosissimum, & ad omnia officia paratissimum. Vale & me ama, qui te amo *πᾶσι θυμῶ*  
 Lut. Paris. III. Cal. Mart. CXCXLIV.

## CL. SAR. CL. SALMASIO.

*Lugd. Batav.*

**C**Vriosus sum fateor, sed præcipue rerum  
 tuarum. Ei tamen parti, quæ scripta tuâ  
 spectat, modum posueram; ut ex postremis  
 meis litteris cognoueris. Sed nescio qui factum  
 sit, ut quod de illis me celatum voluisti, nec  
 ego scire amplius laborabam, mihi fortean indi-  
 catum sit. Sed an vera indicina? Tum certe  
 ὁ μαρτυρῶν λέγει ἔξει. Dicebat scilicet ὁ κρύφιος te de  
 quæstione *An Mutuum esset Alienatio* aliquid  
 iterum velle prælo subiicere: occasione sum-  
 pta ex summi cuiusdam amici tui, & Amplissi-  
 mum Audomarum Talæum nominabat, sermo-  
 ne qui priorem tuam, ea de re, Diatribam,  
 miris laudibus extulerat. Ego vero fidem ut in  
 continenti vel etiam ex interuallo haberem, vix  
 ac ne vix quidem impetrare ab animo meo po-  
 tui. Itaque etiamnum ἐπὶ τοῦ Num ille ἐυστοχία  
 litauerit explicabis. Tu vicissim, qui non in-  
 curiosus es, si ille verum dixit, quiritaaberis &  
 exclamabis, Non seruauit fidem Menagius ille,  
 apud quem arcana mea deposui; cum enim  
 video in flagrante tua gratia. Erga me certe  
 seruauit, quem ita fugit ut vix conspectum meum  
 sustineat; dum nempe veretur ne quid sibi in-  
 cogitanti excidar. Quis ergo ille sit, scire si  
 discupis, non habebis me adeo tenacem Har-  
 pocratis discipulum, ut interroganti non res-  
 pondeam. Vestras ille Paulus Dumayus To-  
 losas nudius tertius iactitabat hoc sibi liquido  
 perspectum.

perspectum. Nolui credere : quoque plura addebat , fidem vt faceret , eo me semper *ἀπιστόν* est expertus. Poteris si lubet alterum immo vel vtrumque damnare aut absolvere : hac enim in re perinde est. Sed Curatores vestros lingua Belgica conficere Diploma de viris celeberrimis & eminentis doctrinæ putidum est, nec eos absolvere possum : vti nec ferre quod tam perfunctorie negotium istud tractarint. Pacem expectabam , isti nec Inducias dederunt. Ego enim curiosus , rogo quo nomine cessatio ista perpetua inter infensos vocanda sit. Dum amplius deliberabunt, aliquid fiet. Vale & belle curiosum ama. Lutet. Par. Prid. Non. Mart. CXCIXLIV.

CL. SAR. CL. SALMASIO:

*Lugd. Batav.*

**B**ONum factum, quod meæ & Menagij litteræ, rationes tuas iuuerint : sed noli mirari quod tam belle inter nos conuenerit , vt Batavis tuis fucum faceremus. Vna enim res fuit, quam de compacto gessimus , quasi in Velabro olearii. Hinc querere lubet, An semper piæ fraudes reiiciendæ ? Habent illæ sua commoda ; quod inuitum te cum seuera tua philosophia fieri necesse est. Vereris ne arte ista , etiam aduersum te , aliquando vtamur. *Parce metu Vir summe nihil tibi tale verendum est* : quod in tui gratiam fecimus , an etiam in tui iniuriam facturos putas ? Tum certe non industrii non solertes sed bilingues & perfidi audiremus. In

isto negotio sibi plaudet Heinſius : dum exiſti-  
 mabit vulnerum ſibi à te inſictorum obſtructas  
 ita eſſe cicatrices , vt nullo pacto poſſent am-  
 plius recrudescere. *Tu verberando ille vapu-  
 lando ambo deſeſſi eratis.* Quid facilius , quid  
 rationi magis conſentaneum quam vt tot labo-  
 ribus aliqua quies ſuccederet ? Et habes tu , ma-  
 gnanime Hercules , aliud quod agas quam vt  
 ſemper cum iſtis Pygmæis decertes. De Epi-  
 ſtola edita , iacta eſt alea. Niſi velint fœdifra-  
 gi audire , neceſſe eſt amarum illud ebibant  
*χαταπόπου.* Iuſſus eſt Arnaldus Romam ad Pon-  
 tificios pedes , librum ſuum deferre. Interce-  
 dit generoſe Academia Pariſienſis : intercedit  
 etiam ſenatus noſter qui vetat tanta iniuria Gal-  
 licanam Eccleſiam affici Rege puero , vt non  
 iudicentur eius alumni in partibus ; vt dicta eſt  
 lex ex pactis conuentis , quæ Concordata vulgo  
 audiunt. Condæus , Cancellarius , Ieſuitæ in pro-  
 poſito perſtant. Apud Ambianenſes lanſſenia-  
 num diſſidium populum ita diuidit vt arma-  
 tus ad conciones aduerſarias prodeat , vim fa-  
 cere paratus ni magiſtratus prohibeſſit. Apud  
 Tolofates aliquid huiuſmodi factitari nuntia-  
 tur. En artes Ieſuiticas quibus contra regni iura  
 & commoda , omnia permittuntur. Nos Va-  
 lemus : Tu & Tua ſalvete. Vale. Lutetiz Pa-  
 riſiorum XII. Martij. CIOIOCXLIIV.

CL. SAR. ALEXAND. MORO.

*Geneuam.*

**S**atis multa hic leges à magno Salmaſio : ita-  
 que paucis te morabor. Iuſſit omnia hæc

exemplaria tibi mitti, quorum bina tua erunt, & reliqua inter Diodatum & Gothofredum divides; cum multa ab auctore, & à me quoque, ita rogo precorque, salute. Expectabimus, à tuo in tantum amicum studio, editionem Animaduersionum Croij, cum eximia illa tua Oratione pro venerabili Beza. *ἔξεχθ' ὅφελ' ἡλπε*, *quid gaudia nostra moraris?* Est præterea quod te velim. Burgi Sebusianorum diem obiit ante decem aut circiter annos, vir insignis Gaspar Bachetus Mezeriacus. Habere se dicebat paratum Apollodorum cum eruditissimis commentariis; in quibus omnis Mythica Theologia explicatur. Vir erat doctus & accuratus, ut constat ex eius libello de Æsopo & fabulis Æsopicis, aliquotque Sacris Epistolis ad Ovidianarum exemplum concinnatis: quæ omnia video à magnis viris in summo pretio haberi. Præter eius Diophantum, & Commentarios Gallicos in Epistolas Ovidij, nihil de eo cognoui. Inquire quæso sedulo de omnibus istius viri scriptis, & quicquid tantum nomen præferre inueneris, meo nomine & sumptu comparare ut velis enixe contendo: meque gratissimo beneficio deuinxeris. Pretium quod solueris refundam cum gratiarum actione. Vale & me ama. Lutet. Paris. xiv. Martij. cldccxlii.

CL. SAR. CL. SALMASIO.

Lugd. Bat.

**M**Erum amorem erga me tuum spirant postremæ tuæ literæ; cumque adeo *un-*  
G ij

isto negotio sibi plaudet Heinſius : dum exiſti-  
mabit vulnerum ſibi à te inſlictorum obſtructas  
ita eſſe cicatrices , vt nullo pacto poſſent am-  
plius recrudescere. *Tu verberando ille vapu-  
lando ambo deſeſſi eratis.* Quid facilius , quid  
rationi magis conſentaneum quam vt tot labo-  
ribus aliqua quies ſuccederet ? Et habes tu , ma-  
gnanime Hercules , aliud quod agas quam vt  
ſemper cum iſtis Pygmæis decertes. De Epi-  
ſtola edita , iacta eſt alea. Niſi velint fœdifra-  
gi audire , neceſſe eſt amarum illud ebibant  
*καταπόπιον*. Iuſſus eſt Arnaldus Romam ad Pon-  
tificios pedes , librum ſuum deferre. Interce-  
dit generoſe Academia Pariſienſis : intercedit  
etiam ſenatus noſter qui vetat tanta iniuria Gal-  
licanam Eccleſiam affici Rege puero , vt non  
iudicentur eius alumni in partibus ; vt dicta eſt  
lex ex pactis conuentis , quæ Concordata vulgo  
audiunt. Condæus, Cancellarius, Ieſuitæ in pro-  
poſito perſtant. Apud Ambianenſes Ianſſenia-  
num diſſidium populum ita diuidit vt arma-  
tus ad conciones aduerſarias prodeat , vim fa-  
cere paratus ni magiſtratus prohibeſſit. Apud  
Toloſates aliquid huiuſmodi factitari nuntia-  
tur. En artes Ieſuiticas quibus contra regni iura  
& commoda , omnia permittuntur. Nos Va-  
lemus : Tu & Tua ſaluate. Vale. Lutetiæ Pa-  
riſiorum XII. Martij. CIOIOCXIV.

CL. SAR. ALEXAND. MORO.

*Genueam.*

Satis multa hic leges à magno Salmaſio : ita-  
que paucis te morabor. Iuſſit omnia hæc

exemplaria tibi mitti, quorum bina tua erunt, & reliqua inter Diodatum & Gothofredum divides; cum multa ab auctore, & à me quoque, ita rogo precorque, salute. Expectabimus, à tuo in tantum amicum studio, editionem Animaduersionum Croij, cum eximia illa tua Oratione pro venerabili Beza. *ἐξέχῃ φιλῆαις*, *quid gaudia nostra moraris?* Est præterea quod te velim. Burgi Sebusianorum diem obiit ante decem aut circiter annos, vir insignis Gaspar Bachetus Mezeriacus. Habere se dicebat paratum Apollodorum cum eruditissimis commentariis; in quibus omnis Mythica Theologia explicatur. Vir erat doctus & accuratus, ut constat ex eius libello de Æsopo & fabulis Æsopicis, aliquotque Sacris Epistolis ad Ovidianarum exemplum concinnatis: quæ omnia video à magnis viris in summo pretio haberi. Præter eius Diophantum, & Commentarios Gallicos in Epistolas Ouidij, nihil de eo cognoui. Inquire quæso sedulo de omnibus istius viri scriptis, & quicquid tantum nomen præferre inueneris, meo nomine & sumptu comparare ut velis enixe contendo: meque gratissimo beneficio deuinxeris. Pretium quod solueris refundam cum gratiarum actione. Vale & me ama. Lutet. Paris. xiv. Martij. cxcxliv.

CL. SAR. CL. SALMASIO.

*Lugd. Bat.*

**M**Erum amorem erga me tuum spirant postremæ tuæ literæ; eumque adeo *hinc*  
G ij



isto negotio sibi plaudet Heinſius : dum exiſti-  
mabit vulnerum ſibi à te inflictorum obſtructas  
ita eſſe cicatrices , vt nullo pacto poſſent am-  
plius recrudeſcere. *Tu verberando ille vapu-  
lando ambo deſeſſi eratis.* Quid facilius , quid  
rationi magis conſentaneum quam vt tot labo-  
ribus aliqua quies ſuccederet ? Et habes tu , ma-  
gnanime Hercules , aliud quod agas quam vt  
ſemper cum iſtis Pygmæis decertes. De Epi-  
ſtola edita , iacta eſt alea. Niſi velint fœdifra-  
gi audire , neceſſe eſt amarum illud ebibant  
*αἰσχρολόγῳ*. Iuſſus eſt Arnaldus Romam ad Pon-  
tificios pedes , librum ſuum deferre. Interce-  
dit genereſe Academia Pariſienſis : intercedit  
etiam ſenatus noſter qui vetat tanta iniuria Gal-  
licanam Eccleſiam affici Rege puero , vt non  
iudicentur eius alumni in partibus ; vt dicta eſt  
lex ex pactis conuentis , quæ Concordata vulgo  
audiunt. Condæus, Cancellarius, Ieſuitæ in pro-  
poſito perſtant. Apud Ambianenſes Ianſſenia-  
num diſſidium populum ita diuidit vt arma-  
tus ad conciones aduerſarias prodeat , vim fa-  
cere paratus ni magiſtratus prohibeſſit. Apud  
Toloſates aliquid huiusmodi factitari nuntia-  
tur. En artes Ieſuiticas quibus contra regni iura  
& commoda , omnia permittuntur. Nos Va-  
lemus : Tu & Tua ſalvete. Vale. Lutetiæ Pa-  
riſiorum XII. Martij. CIOIOCXIV.

CL. SAR. ALEXAND. MORO.

*Genevam.*

**S**atis multa hic leges à magno Salmaſio : ita-  
que paucis te morabor. Iuſſit omnia hæc

exemplaria tibi mitti, quorum bina tua erunt, & reliqua inter Diodatum & Gothofredum diuides; cum multa ab auctore, & à me quoque, ita rogo precorque, salute. Expectabimus, à tuo in tantum amicum studio, editionem Animaduersionum Croij, cum eximia illa tua Oratione pro venerabili Beza. *ἐπεὶ δὲ φιλῶναι, quid gaudia nostra moraris?* Est præterea quod te velim. Burgi Sebusianorum diem obiit ante decem aut circiter annos, vir insignis Gaspar Bacherus Mezeriacus. Habere se dicebat paratum Apollodorum cum eruditissimis commentariis; in quibus omnis Mythica Theologia explicatur. Vir erat doctus & accuratus, ut constat ex eius libello de Æsopo & fabulis Æsopicis, aliquotque Sacris Epistolis ad Ovidianarum exemplum concinnatis: quæ omnia video à magnis viris in summo pretio haberi. Præter eius Diophantum, & Commentarios Gallicos in Epistolas Ouidij, nihil de eo cognoui. Inquire quæso sedulo de omnibus istius viri scriptis, & quicquid tantum nomen præferre inueneris, meo nomine & sumptu comparare ut velis enixe contendo: meque gratissimo beneficio deuinxeris. Pretium quod solueris refundam cum gratiarum actione. Vale & me ama. Lutet. Paris. xiv. Martij. cixcxliv.

CL. SAR. CL. SALMASIO.

Lugd. Bat.

**M**Erum amorem erga me tuum spirant potestatem tuæ literæ; eumque adeo *fin-*  
G ij

isto negotio sibi plaudet Heinſius: dum exiſti-  
mabit vulnerum ſibi à te inflictorum obſtructas  
ita eſſe cicatrices, vt nullo pacto poſſent am-  
plius recrudescere. *Tu verberando ille vapu-  
lando ambo deſeſſi eratis.* Quid facilius, quid  
rationi magis conſentaneum quam vt tot labo-  
ribus aliqua quies ſuccederet? Et habes tu, ma-  
gnanime Hercules, aliud quod agas quam vt  
ſemper cum iſtis Pygmæis decertes. De Epi-  
ſtola edita, iacta eſt alea. Niſi velint fœdifra-  
gi audire, neceſſe eſt amarum illud ebibant  
*καὶ ἀπόπινον.* Iuſſus eſt Arnaldus Romam ad Pon-  
tificios pedes, librum ſuum deferre. Interce-  
dit generoſe Academia Pariſienſis: intercedit  
etiam ſenatus noſter qui vetat tanta iniuria Gal-  
licanam Eccleſiam affici Rege puero, vt non  
iudicentur eius alumni in partibus; vt dicta eſt  
lex ex pactis conuentis, quæ Concordata vulgo  
audiunt. Condæus, Cancellarius, Ieſuitæ in pro-  
poſito perſtant. Apud Ambianenſes Ianſſenia-  
num diſſidium populum ita diuidit vt arma-  
tus ad conciones aduerſarias prodeat, vim fa-  
cere paratus ni magiſtratus prohibeſſit. Apud  
Toloſates aliquid huiuſmodi factitari nuntia-  
tur. En artes Ieſuiticas quibus contra regni iura  
& commoda, omnia permittuntur. Nos Va-  
lemus: Tu & Tua ſaluate. Vale. Lutetiæ Pa-  
riſiorum XII. Martij. CIOICXLIV.

CL. SAR. ALEXAND. MORO.

*Genueam.*

Satis multa hic leges à magno Salmaſio: ita-  
que paucis te morabor. Iuſſit omnia hæc

exemplaria tibi mitti, quorum bina tua erunt, & reliqua inter Diodatum & Gothofredum divides; cum multa ab auctore, & à me quoque, ita rogo precorque, salute. Expectabimus, à tuo in tantum amicum studio, editionem Animaduersionum Croij, cum eximia illa tua Oratione pro venerabili Beza. *ἔξεχθ' ὁ φίλῳλῳ*, quid gaudia nostra moraris? Est præterea quod te velim. Burgi Sebusianorum diem obiit ante decem aut circiter annos, vir insignis Gaspar Bachetus Mezeriacus. Habere se dicebat paratum Apollodorum cum eruditissimis commentariis; in quibus omnis Mythica Theologia explicatur. Vir erat doctus & accuratus, ut constat ex eius libello de Æsopo & fabulis Æsopicis, aliquotque Sacris Epistolis ad Ovidianarum exemplum concinnatis: quæ omnia video à magnis viris in summo pretio haberi. Præter eius Diophantum, & Commentarios Gallicos in Epistolas Ouidij, nihil de eo cognoui. Inquire quæso sedulo de omnibus istius viri scriptis, & quicquid tantum nomen præferre inueneris, meo nomine & sumptu comparare ut velis enixe contendo: meque gratissimo beneficio deuinxeris. Pretium quod solueris refundam cum gratiarum actione. Vale & me ama. Lutet. Paris. xiv. Martij. cixcxliv.

CL. SAR. CL. SALMASIO.

Lugd. Bat.

**M**Erum amorem erga me tuum spirant postremæ tuæ literæ; eumque adeo *hinc*  
G ij

## CL. SAR. CL. SALMASIO.

*Lugd. Batav.*

**C**Vriosus sum fateor , sed præcipue rerum  
 tuarum. Ei tamen parti , quæ scripta tua  
 spectat , modum posueram ; vt ex postremis  
 meis litteris cognoueris. Sed nescio qui factum  
 sit , vt quod de illis me celatum voluisti , nec  
 ego scire amplius laborabam , mihi fortean indi-  
 catum sit. Sed an vera indicina ? Tum certe  
 ὁ μανὺλᾶς γέγερθε. Dicebat scilicet ὁ κρύβιος te de  
 questione *An Mutuum esset Alienatio* aliquid  
 iterum velle prælo subiicere : occasione sum-  
 pta ex summi cuiusdam amici tui , & Amplissi-  
 mum Audomarum Talæum nominabat , sermo-  
 ne qui priorem tuam , ea de re , Diatribam ,  
 miris laudibus extulerat. Ego vero fidem vt in  
 continenti vel etiam ex intervallo haberem , vix  
 ac ne vix quidem impetrare ab animo meo po-  
 tui. Itaque etiamnum ἐπὶ χῶ Num ille ἐυσχε-  
 litauerit explicabis. Tu vicissim , qui non in-  
 curiosus es , si ille verum dixit , quiritaberis &  
 exclamabis , Non seruauit fidem Menagius ille ,  
 apud quem arcana mea deposui ; eum enim  
 video in flagrante tua gratia. Erga me certe  
 seruauit , quem ita fugit vt vix conspectum meum  
 sustineat ; dum nempe veretur ne quid sibi in-  
 cogitanti excidar. Quis ergo ille sit , scire si  
 discupis , non habebis me adeo tenacem Har-  
 pocratis discipulum , vt interroganti non res-  
 pondeam. Vestras ille Paulus Dumayus To-  
 losas nudiustertius iactitabat hoc sibi liquido  
 perspectum.

perspectum. Nolui credere : quoque plura addebat , fidem ut faceret , eo me semper ἀπιστέον est expertus. Poteris si lubet alterum immo vel utrumque damnare aut absolvere : hac enim in re perinde est. Sed Curatores vestros lingua Belgica conficere Diploma de viris celeberrimis & eminentis doctrinæ putidum est, nec eos absolvere possum : uti nec ferre quod tam perfunctorie negotium istud tractarint. Pacem expectabam , isti nec Inducias dederunt. Ego enim curiosus , rogo quo nomine cessatio ista perpetua inter infensos vocanda sit. Dum amplius deliberabunt, aliquid fiet. Vale & belle curiosum ama. Lutet. Par. Prid. Non. Mart. CXCIXLIV.

CL. SAR. CL. SALMASIO.

*Lugd. Batav.*

**B**ONUM factum, quod meæ & Menagij litteræ, rationes tuas juuerint : sed noli mirari quod tam belle inter nos conuenerit , ut Batavis tuis fucum faceremus. Vna enim res fuit, quam de compacto gessimus , quasi in Velabro olearii. Hinc querere lubet, An semper piz fraudes reiiciendæ ? Habent illæ sua commoda : quod inuitum te cum seuera tua philosophia fieri necesse est. Vereris ne arte ista , etiam aduersum te , aliquando utamur. *Parce metu Vir summe nihil tibi tale verendum est* : quod in tui gratiam fecimus , an etiam in tui iniuriam facturos putas ? Tum certe non industrii non solertes sed bilingues & perfidi audiremus. In

isto negotio sibi plaudet Heinſius : dum exiſti-  
mabit vulnerum ſibi à te inflictorum obſtructas  
ita eſſe cicatrices , vt nullo pacto poſſent am-  
plius recrudescere. *Tu verberando ille vapu-  
lando ambo deſeſſi eratis.* Quid facilius , quid  
rationi magis conſentaneum quam vt tot labo-  
ribus aliqua quies ſuccederet ? Et habes tu , ma-  
gnanime Hercules , aliud quod agas quam vt  
ſemper cum iſtis Pygmæis decertes. De Epi-  
ſtola edita , iacta eſt alea. Niſi velint fœdifra-  
gi audire , neceſſe eſt amarum illud ebibant  
*καταπόπιον*. Iuſſus eſt Arnaldus Romam ad Pon-  
tificios pedes , librum ſuum deferre. Interce-  
dit generoſe Academia Pariſienſis : intercedit  
etiam ſenatus noſter qui vetat tanta iniuria Gal-  
licanam Eccleſiam affici Rege puero , vt non  
iudicentur eius alumni in partibus ; vt dicta eſt  
lex ex pactis conuentis , quæ Concordata vulgo  
audiunt. Condæus, Cancellarius, Ieſuitæ in pro-  
poſito perſtant. Apud Ambianenſes Ianſſenia-  
num diſſidium populum ita diuidit vt arma-  
tus ad conciones aduerſarias prodeat , vim fa-  
cere paratus ni magiſtratus prohibeſſit. Apud  
Toloſates aliquid huiusmodi factitari nuntia-  
tur. En artes Ieſuiticas quibus contra regni iura  
& commoda , omnia permittuntur. Nos Va-  
lemus : Tu & Tua ſaluate. Vale. Lutetiæ Pa-  
riſiorum XII. Martij. CIOIOCLIV.

CL. SAR. ALEXAND. MORO.

*Genavam.*

Satis multa hic leges à magno Salmaſio : ita-  
que paucis te morabor. Iuſſit omnia hæc

exemplaria tibi mitti, quorum bina tua erunt, & reliqua inter Diodatum & Gothofredum divides; cum multa ab auctore, & à me quoque, ita rogo precorque, salute. Expectabimus, à tuo in tantum amicum studio, editionem Animaduersionum Croij, cum eximia illa tua Oratione pro venerabili Beza. *ἔξεχθ' ὅλ' ἡλ' αἰ*, quid gaudia nostra moraris? Est præterea quod te velim. Burgi Sebusianorum diem obiit ante decem aut circiter annos, vir insignis Gaspar Bachetus Mezeriacus. Habere se dicebat paratum Apollodorum cum eruditissimis commentariis; in quibus omnis Mythica Theologia explicatur. Vir erat doctus & accuratus, ut constat ex eius libello de Æsopo & fabulis Æsopicis, aliquotque Sacris Epistolis ad Ovidianarum exemplum concinnatis: quæ omnia video à magnis viris in summo pretio haberi. Præter eius Diophantum, & Commentarios Gallicos in Epistolas Ovidij, nihil de eo cognoui. Inquire quæso sedulo de omnibus istius viri scriptis, & quicquid tantum nomen præferte inueneris, meo nomine & sumptu comparare ut velis enixe contendo: meque gratissimo beneficio deuinxeris. Pretium quod solueris refundam cum gratiarum actione. Vale & me ama. Lutet. Paris. xiv. Martij. cldccxlii.

CL. SAR. CL. SALMASIO.

Lugd. Bat.

**M**erum amorem erga me tuum spirant potestatem tuæ literæ; eumque adeo sum-



gularem & sincerum, ut oscula dulcia dulcissimæ epistolæ denegare non potuerim. Nec sollicitudinem zelotypiamue meam damnabo, quæ à te tam magnifica affectum erga me tuum testantia verba expresserit. *Ψυχῆς γὰρ εἰδύια φιλεῖν ἥσαν αἱ μέμψεις ἐκείναι.* Hodie demum natum me gratulor mihi qui videam, omnibus istis suspicionum nebulis difflatis, amicitix nostræ cœlum sudum & serenum. Viuamus Mi Salmasi, atque amemus: huiusmodique affectiones omnes impofterum vtius æstimemus assis. Amicitix gloria excellamus, neque in nobis fidelitatem atque constantiam ventura ætas desideret. Militiam tuam omnem tandem maris fortunam superasse, cum alacritate intellexi, ut & velle te eam Elzeuiriis statim tradere. Et militare sane suadet anni pulcherrima tempestas, ver iniens. Dum typogtaphos ista exercebunt Primatui tuo vltimam impones manum. Sarcinas enim tuas breui habiturum te niam habere credere par est. Valetudinem tuam aliquantulum firmari bene est; pristinum robur mitius deinceps cœlum & corporis exercitatio restituent. De inscriptione Ultraiectina ago gratias; digna illa est quæ Gruteri Thesaurum locupleteret. Arnaldus latere cogitur, ne in apertam vim inimici aduersus eum prorumpant. Nec senatui nostro liberum est iura regnicum doctissimi & piissimi viri causa & innocentia coniuncta defendere. Sic viuimus. Est adhuc quod te velim de tua Hellenistica. *Ἀπὸ τοῦ* inquis *quod nemo adhuc notauit, purus putus est Hellenismus.* Sed qui potest esse Hellenismus;

cum dictum sit Anacreonti qui ut puto Latine nesciebat. Et obseruauit olim Beza noster Marci xiv. 41. & nuper excellentissimus Gothorum Legatus. In loco Iosephi Σελευκὸς ὁ Νικάνορος non est *Seleuci Nicanoris filij* sed *Seleuci Nicanoris* ut posterius verbum sit prioris epitheton. Seleucus enim ille Nicanor dictus, vel Nicator; & illius Nicanoris filius aut successor non vocabatur Seleucus sed Antiochus Soter. Vale. Lut. Par. Prid. Pascharis. c1510cxlii.

C. S. IOANNI GEORGIO RICHTERO;

*Noribergam.*

**V**Nas tuas Lugduni III. C. Maij scriptas accepi : de prioribus enim quas ad me Biturigibus dedisse te ais omnino nihil intellexi. Curaui ad amicissimum Gronouium, quas ad eum à me mitti voluisti : eique gratias egi maximas quod se auctore tibi tanto Musarum delicio, Charitum animulo, literarumque ornamento innotuisssem. Verum dico, Mi Richtere, ægre fero te à nobis tam cito diuulsum: à me inquam, cui vix licuit significare tibi quanti te facerem, cum in te vellem totos affectus effundere. Nec enim cum à me discessisti vnquam existimaui fore ut huc non redires. Habeo sane de quo hac in re silentium tuum accussem: alias enim tota mente, toto animo te essem intuitus, meque quod officia mea tibi defuissent excusauissem, essemque deprecatus. Quod itaque tum non licuit iam perago, fumina spei Adolescens, meque credas perue-



est & cuius obuium. Sed hoc in loco aliud plane esse videtur, nec me extricare possum: nec omnium Glossographorum quæ versavi volumina satisfaciunt. Neque Fronto Duczus, quem, ad hunc locum, notasse hanc vocem video, tanquam Chrysostomo propriam, aliquid iuuat. Itaque amabo fer opem, & quæ sit illa *ἀπόφασις* *ᾗτις διόρισμὸς* doce me vel nunquam sciam. Gratiarum actioni, pro libris donatis, miscet Bochartus noster, quas dudum premebat querimonias, sed elegantes & suauis. Tu vero humaniter, vt soles, rescribe. Ille enim est Cadomensis noster, qui te plurimum colit & amat, quique ob immensam suam eruditionem dignissimis tuis meritis, verum pretium ponat. Vale. Lut. Par. ix. Aprilis. cxcxliv.

CL. SAR. CL. SALMASIO.

*Lugd. Bat.*

Certissima est tua emendatio in loco Chrysostomi, qui iam optime intelligitur, leuicula illa mutatione, quam fecisti ex auctoritate optimi Glossarij, à te itidem emendati. Nihil magis apposite dici potuit, ad sanctissimi Patris mentem. Tuus itaque victor *διόρισμὸς*, cui cedat alter *διόρισμὸς*. Ago gratias quod me hoc inter infinita alia docueris. De Terrarchis quam habes paratam Diatribam quid publicare vetat? Tua ista omnia quæ ad scripturæ sacræ illustrationem quomodocumque spectant, semper pronis animis accipientur. Quod cum dico laudo digressionem tuam epistolicam

quam scribere te audio *De coma Prophetizantium*. In eo Apostoli loco plurima sunt, quæ accuratum examen requirant: cum praxi præfertim Romanensium & nostra quoque comparata. In verbo ἐξουία multa est difficultas. Habeo penes me manuscriptum codicem Latinum satis antiquum in quo nitidissime habetur pro eo verbo *velamen* quod in suis etiam vidisse se testatur venerabilis Beza. Iacobus Gothofredus non ita pridem emendavit ἐξουσία quod Latinarum vocum censum augeat ut sit *exuniam*. Satis acute; non enim vere dicere auserim. Credo dici posse in gratiam istius coniecturæ, pellem quæ animalis ἐκ δυνάμει fuerit, posse etiam tegmen & velamen humani capitis esse. Virgil. *Æneid.* ix. *Dat Niso Mnestheus pellem horrentisque leonis Exunias*. Nunquid ut illis se indueret sicut vulgo pingitur Hercules leonis exunias caput corpusque totum circumamictus? Idem. lib. ii. *Quantum mutatus ab illo Hectore Qui redit exunias indutus Achillei*. De Clericorum & Monachorum tonsura fuse ut solet Baronius disserit ad A. C. H. LVIII. Si ea omnia examinanda tibi sumas prolixioris Diatribæ argumentum & materiam suggerent. Mihi simile vero videtur morem istum à servis manasse, qui etiam nunc in triremibus nostris raso capite conspiciuntur, nisi quod capillorum pauxillulum iis in summo vertice relinquitur: vel ut cum Tertulliano dicam in Pallio tuo *cultri vertex solus immunitis*. Aristophanes in *Auibis*, ὄντος αὐτὸν ὁμῶς ἔχεις; ubi Scholiastes, ἥν δὲ τῶν ἐλευθέρων το κομῶν; quod & ibi ex Homero

probat Bifetus. Vale. Lut. Paris. Pridie Pentecostes. CIOICXLIV.

CL. SAR. CL. SALMASIO.

Lugd. Bat.

**X**Ρήματα χεωσῶ ἱνι. Ταῦτα ἐὰν χαλαράνῃς ὁ  
δύνασαι καὶ παρ' ἐκείνῳ εἶναι καὶ παρ' ἐμοί : ἀλλ' ἀπ'  
ἐμὲ μὲν ἀνέχθησαν , ἐκείνῳ δὲ προσεκολληθήσαν.  
Verba sunt τοῦ χρυσορρήμονος Homilia sexta de Pœ-  
nitentia Tomo VI. Sauiliano pag. 793. ex qui-  
bus viderit Alexius an , ex sanctissimi viri sen-  
tententia , recte concludat *Mutuum non esse*  
*alienationem*. Certe nisi secunda de eo argu-  
mento Diatriba plane perfecta sit , non erit  
inutilis huius loci explanatio. Hæc de priori  
tuo Opusculo. De secundo aliquid vt dicam.  
percurrebam heri Saluiani Massiliensis Presby-  
teri editionem Rittershusij secundam , qui ad  
hæc auctoris sui verba lib. VIII. De Guberna-  
tione D. *recisis comarum fluentium iubis ad cu-*  
*tem consuem videre* nonnulla habet pag. 592 quæ  
accuratū examen merentur. Notat enim Ton-  
suram clericalem tanto in pretio , etiam olim ,  
habitam , vt inde *corona* etiam dicta sit Epis-  
copalis dignitas , καὶ ἐξοχήν. Quod satis  
quoque probare videntur talium callentissimi  
Sauaro & Sirmondus ad Sidonij sui epist. 3.  
lib. VI. & epist. 8. lib. IX. At ego existima-  
uerim *coronam* tribui Episcopis vt *monarchia*  
Leontio Arelatensi Episcopo tribuitur , ab Hi-  
lario Papa epistola 3. Tomo III. Concil. Gall.  
Sirmondi pag. 128. Locum non adscribam vi-

tandē prolixitatis gratia & satis sit indicasse:  
 Nec omittenda tibi *Papalithra* in fictitia dona-  
 tione Constantini ad Siluestrum memorata &  
 à Balsamone explicata ad Nomocanonis Tit.  
 VIII. c. I. ad can. Trull. XXI. De Coma &  
 Tonsura clericorum habet nonnulla idem Sir-  
 mondus ad Sidonium commentarij sui pag. 86.  
 & 87. Vt & Laurentius Bochellus in Decre-  
 tis Ecclesiæ Gallicanæ lib. 3. tit. 2. pag. 387.  
 & pag. 992. *Sine tutuphis congruentem deferen-  
 tes tonsuram incedant psalmodiantes* & pag. 995.  
*qui cucupapham deferent in capite.* Vide totum  
 ritulum XIII. lib. VI. de vita & Honestate Cle-  
 ricorum: & præsertim hunc ipsum Bochellum in  
 opere Gallico *Somme Beneficiale* in verbo *Ton-  
 sure* pag. 1166. & seqq. Vt & vestratem Flo-  
 rentem in Dissertationibus Selectis Iuris Ca-  
 nonici. Sed hæc hæctenus. Post Romanensium  
 Comam etiam caput attingere conueniet hoc est  
 Primatum tuum absoluerē: alias iocarentur Pô-  
 tificij minatum te ipsis *καταπομῆν*, solos capil-  
 los vellicasse. Sed & si duriter nimis clerica-  
 lem istam comam vellas, nescio an consul-  
 tum sit librum vicinis meis dedicare. Quam-  
 uis enim, vt viros sapientes decet, omnes istas  
 minutias parum curent, nolunt tamen videri  
 publice præsertim eas despexisse. Quod dispi-  
 cere te sedulo velim. Sane, de consilio tuo,  
 nihil illis patefeci. Si vno & altero tantum loco  
 calamus tuus efferbuit mallet aliquid, rebus  
 adhuc integris, te mutare quam isto calore tibi  
 ipsisque gratis nocere. Vale plurimum Lut.  
 Paris. XXI. Maij. C1710CXIV.

## CL. S. CLAVD. SALMASIO.

*Lugd. Batav.*

**R**idere voluisti, quando veritum te scribebas ne Græce rescribendi onus à me imponeretur. Satis enim est mihi Latine scire & loqui, nedum vt in Græca lingua apud te præsertim, gloriër; quod vt facerem nunquam in mentem venit, nec aliquando veniet, nisi eam habuero in astragalis. Vt librorum inscriptionibus fauorem magnatum venareris, non suaderem nisi illis artibus, olim & nunc apud bonos & graues familiaribus, viderem eorum gratiam expugnabilem. Volunt illi coli & ornari secundum cuiusque animum & facultatem. *Quis enim virtutem amplectitur ipsam?* Nonnullis amicos, illos etiam nonnullis donare potes. Secus si facias certe non iniuria de te postulabunt, æmulique te calumniabuntur *ὡς κυριότητας ἀθελῶντα καὶ δοξας βλασφημῶντα*. Seque-  
re itaque consilium meum quod non potest non bene cedere. Hieroclis *ἰὰ ἀσῆτα* aliud fere agens, culpam fateor, legeram, & quem nuper misi locum descripseram. Ea dum diligentius reuoluo in capite *περὶ ὀκνηρῶν* hæc inueni quæ interpretationi tuæ, aduersus Heraldī obiectionem, fauere videntur. *Ὀκνηρὸς ὀκνηρῶ ὄφειλε δυνάριον*, *Ὁ δὲ φησὶν εἰς τὸ μάσπελον με δέδειω, λῦσον ἄρην. ὁ δὲ ἀπελθὲς φησὶν ἐπληρώθην*. Ita scripta habentur in codice 1S. Vossij. Pro *μάσπελον* quod quid sit non reperio vide num legendum sit *μῦσος* : aliquid certe huiusmodi



intelligendum est. Pro ἀπαλθης existimo scribendum ἀπαλθς *abi*. Habet nonnulla Isaacus Habertus, *De ritu tonsuræ à Lectoris ordinatione minime seiuncto apud Græcos* in nupero libro cui nomen fecit Ἀρχιερατικὸν siue *Pontificalis liber Ecclesiæ Græcæ*. Quia scio Petrum Blaisium, qui eum anno superiore excudit, exemplaria istuc misisse, observationem non describam, quæ habetur pag. 41. & 42. Secus enim fieri norat apud Latinos qui statim post Baptismum, vel octavo aliquando die, infantes tondent. Tu & tua Saluete à me & mea. Lut. Paris. III. Iun. CIOIOCXIV.

CL. SAR. CL. SALMASIO.

*Lugd. Batav.*

**R**eddet tibi de quo nuper scribebam fasciculum, Andelottus Castellionæus. Sed vereor ne in obsidione Grauelingana, aliquandiu moretur. Quod si forte contingeret, rogatus est eum ad te prima quaque occasione mittere. Emendauisse me ex festinatione præcipiti natum peccatum, dum Hieroclis γελοῖα euoluo, ex litteris meis postremis cognoueris. Laudo quod Sancolumbani querelis non tangaris. Palam & publice causa acta est. Non solum Talæus, qui eam primus vulnerauit, sed alij omnes qui iudicauerunt, consenserunt in eius damnum. Itaque cunctis conspirantibus non fuit comperendinandi locus, & misericordiæ genus fuit cito occidisse. Urget negotium aulicum Talæus: sed Magnates nostri, quibus

de eo decernere incumbit, sunt iam occupatissimi propter vndecumque bella parum prospera. Expectat itaque occasionem, assumitque sibi socium Puteanum, cuius consiliis res non potest non procedere. Tu interim magnanimam gère mentem. Inuolue te virtute tua donec lux hinc aliqua affulgeat. Cum sciam te variis distractum esse curis, volebam à te interpellando cessare: sed non patitur Guyetus noster qui cum nuper incidisset in Horatij vitam; rogauit vt de loco difficili sententiam tuam requirerem: quod viro doctissimo negare non potui. Verba hæc sunt: *Bello Philippensi tribunus militum meruit: victisque partib. venia impetrata* **SCRIPTVM QVÆSTORIVM** comparauit. Quid sibi velint hæc verba ipse doceas; qui me soles omnia docere, minima, maxima, mediocria. Percurri Donij orationem de Pænula sacra & profana. Satis leuiter videtur omni isto negotio defunctus. Inuenies in Præfatione Naudæi ad Slingelandum quod existimare possis de te dictum: quando Gronouij & Ferrarij laudat minutulas De Sestertiis & Re Vestiaria commentatiunculas, præ illis voluminibus quæ mole sua lectores obruunt. Sed nolim esse te ita delicatulum vt istis immoreris. Non omnium qui litteras hodie colunt, immo nullius est immensam copiam tuam imitari. Ego sane istorum ieiuna & famelica scripta despicio qui statim ac cœperunt desinunt: quia nempe domi curta supellex, & parua penus paruo spatio consumpta perit. Ne itaque rideatur ludibrioque sit eorum tenuitas, occu-

pant ingentes tuos bonæ frugis aceruos plenæ  
que horrea damnare. Tu vero Sol eruditorum,  
perge litterarium orbem illustrare magno puro-  
que lumine, nec nisi cum Sole cœlesti extin-  
guitor. *Nostris DEVS annue votis.* Mea te  
tuamque salutat, ego vos ambos. Lutetiæ  
Parisiſorum XVII. Iunij. CIOIOEXLIV.

CL. SALMASIVS CL. SARRAVIO.

• *Lutetiam.*

**H**Aga tandem in hanc urbem reuerſo, vi-  
deo mihi in Latium eadem via & eodem  
die eſſe redeundum. En quantum iter & quam  
longum; quam breui tempore confici debet in  
tuam gratiam. Sed quoniam hoc onus ſemel  
impoſuiſti, perferendum; cuius laboris amplam  
videor mercedem percipere, tot latinas tuas  
elegantiffimas litteras. Audi itaque de *SCRIPTO*  
*QUÆSTORIO* quod ſibi comparaffe dicitur  
Horatius poſt Philippenſe bellum. Nomina  
hæc verbalia neutrius generis quale eſt  
*Scriptum*, non ſemper το' ἀποτέλεσμα ſignificant,  
& quod actum eſt; ſed quod agitur, & ipſam  
actionem. *Scriptum* itaque *Quæſtorium* eſt of-  
ficium Scribæ *Quæſtoris*. Vt enim χαμματέω's  
dicitur Græcis *Scriba* à voce χάμμα; ita & *Scri-  
ba* eſt latinis qui *Scriptum* facit, qui *Scriptum*  
emit. Emebantur quippe iſta officia, & *Scri-  
ptum emiſſe* dicebatur, qui emerat. Codicil-  
lum aliquis poſſet interpretari, ſed inſcite. Nam  
in hoc ſolo ſcribarum officio vox *Scriptum* ſo-  
lita uſurpari, quæ munus ſcribæ omnino ſigni-

ficat. Vis alium testem ? ecce idoneum. Veteres Glossæ Iuuenalis in Sat. V. de Sarmento cuius ibi mentio, hæc narrant. *Sarmentus natione Thuscus*, è domo *M. Feronij* ; incertum. *libertus an seruus*, plurimis forma & urbanitate, promeritis, eo fiducia venit ut pro Romano Equite ageret : decuriam quoque Quæstoriam compararet. Quare per ludos quibus primum in XIV. Ordinibus sedit, hac à populo in eum dicta sunt :

*Aliud Scriptum habet Sarmentus, aliud populus voluerat ;*

*Digna digni. Hic Sarmentus habeat crassas compedes.*

Notabis interim decuriam Quæstoriam comparare, & Scriptum Quæstorium, idem esse. Hoc igitur voluit populus cum in Sarmentum in XIV. Ordinibus sedentem istos versus funditavit ; aliud scriptum habere Sarmentum, nempe decuriam Quæstoriam, vel officium scribæ apud Quæstorem, aliud populum voluisse ut haberet ; nempe *χαίμα* vel *ἐπίχαμμα* in fronte, ut seruis nequam qui fugerant solebat inscribi. Paulo post idem auctor Scriptum appellat, quod decuriam Quæstoriam prius dixerat. Jam autem senex in maximis necessitatibus ad quas libidine luxurieque deciderat, coactus auctoritari, cum interrogaretur, cur scriptum quoque venderet ; non infacete bona se esse memoria respondit. Ita enim hæc verba legenda sunt quæ vulgo in editis habentur corruptissima. Scriptum simpliciter dixit pro Scripto Quæstorio, ut in versibus populi. Ludit in ambiguo

cum dixit se bonæ esse memoriæ ; ideoque Scriptum vendere, quia qui memoria non valent, de scripto recitant quod dicunt. Ordo scribarum Quæstoriorum honestissimus fuit, ut docet Cicero III. in Verrem : de isto ordine scribit ita loquens. *Ordo est honestus quis negat ? Aut, quid ea res ad hanc rem pertinet ? Est vero honestus quod eorum hominum fidei tabula publica & pericula magistratuum committuntur.* Magna quoque eorum fuere emolumenta & commoda. Ex pecuniis publicis quas pendebant populi vectigales vel stipendiarij duas quinquagesimas quidam quæstores & prætores deducebant, quæ commodis cederent suorum scribarum, & id Verrem fecisse Cicero arguit. Equites etiam Romani plerumque fiebant, & annulo aureo donabantur. Et Verres scribam suum annulo aureo donasse traditur ibidem à Cicerone. Sarmentus quoque postquam decuriam quæstoriam emisset, pro equite Romano se gessit. Liberti plerumque, & qui serui fuerant huiusmodi decurias Quæstorias siue Scripta Quæstoria sibi comparabant, ut ad Equestrem dignitatem pervenirent. Ita Horatius cum Libertino patre natus esset, finita militia quæ male successerat, scriptum emit quæstorium ut pro equite Romano se posset gerere. Ista scripta quæstoria vendebantur cum reliquis bonis in auctionibus ; cum eius qui scriptum habebat, bona sub hasta veniebant. In responsis Adriani de quodam habetur filio qui questus est apud Imperatorem cum bona patris adiudicata fisco fuissent, decuriam ipsi quoque ereptam fuisse & confiscatam.

consecratam. Mentio in antiquis inscriptionibus frequens, *Scriba librarij quaestorij, trium decuriarum & quatuor & quinque decuriarum.* Sæpe etiam corrupte scribitur *S. R. LIB.* pro *SCR. LIB.* idest *scriba librarius.* Fuere & *Scriba Tribunitij, Edilitij*, quorum officium etiam *Scripti Edilitij* nomine, & *Scripti Tribunitij* dici potuit. Habeo de his alia multa, sed hæc sufficere nunc opinor. Vale. Ego & mea tuam teque ipsum salutamus. Leideꝝ xxvii. Iunij. CIOICXLIV.

## CL. SAR. CLAVDIO SALMASIO.

*Lugd. Bat.*

**H**Æret animus πῶς τοι, τί δ' ἐπεῖτα, τί δ' ὕψις τοι miretur & laudet, in postremis tuis litteris. Tam cito, tam erudite, tam copiose, tamque eleganter potuisse te, quaestioni nostræ satisfacere? ὅιος πένυσται. Humanum id captum superat, omnia nosse, in numerato habere & expedite eloqui. Quid amicū nostrum sentire existimās? Plane obstupuit voxque hæsit faucibus lectis illis quæ super eius ἀποεία scripsisti. Crederes illum magico aliquo carmine defixum, deuinctumque. Viue diu vere solusque διδασκαλος δίκουμένης & scientias omnes plena manu undiquaque sparge, effunde. Sed præsertim sanctioribus da te litteris, ad quas ornandas ab amicis omnibus, ab ætate tua ἐν τῇ ἀκμῇ maturissima, ab ingenio etiam tuo, quotidie excitaris. Tum

H

coryphæus merito audies. Et cum tui inferior ætas meminerit, celsio tonabit ore ΜΕΓΑΛΑ ΧΑΡΙΣ ΑΥΤΩ. Et quia video te, pro summa humanitate tua, quæ cum doctrinâ immensâ coniuncta, καλὴν facit συζυγίαν, æquo animo ferre libertatem meam: non verebor de legitimis quæstionibus te interpellare. Serius tandem prodiit in lucem Censura Facultatis Theologicæ aduersus Milleterium, quæ in gratiam trium Approbatorum, quorum nomini partitum est, bis terque emollita fuit. Quod tamen celsum Conciliatorem spectat, continet ea quibus ille fautoresque eius, si qui sunt, imposterum fateantur lusisse se operam. Arnaldus etiam, quem sibi clam adstipulari ὁ ἴστος arbitrabatur, epistolam edidit ad Præsules sui libri Approbatores scriptam, in qua damnatum postea librum erroris, falsitatis, & hæreseos accusare præuertit. Hæc tamen omnia κατ' ὀικονομίαν fieri, iactat Henotes. *Credat Iudeus Apella.* Sed quid huic homini facias? Eum ego qui tam insanum sapit Deo irato suo relinquo. Cecus ille τὸν τε νοῦν, τὰ τε ὀφθαλμοὺς nigrescat suis tenebris; suas amet sordes, sua vulnera. Bene prætulisti Comam Mutuo: caput enim pecunia pretiosius. Sed quicquid id est, utrumque tandem depropera, & finire labora. Ego hic finio cum solita salutatione quam tibi & Caiæ & deo debeo, reddo. Vale. Lut. Paris. Nonis Iulii. CXCXLIV.

CL. SAR. CLAVD. SALMASIO.

*Lugd. Batavor.*

**N**ON ita est. Exerte respondi ad quesitum illud tuum, quo rogas an non ita sit, solere me interdum fingere plurimum mihi placere quæ scripseris, quamvis reuera maxime displiceant. Nec sane is ego qui cuiquam, nedum tibi viro forti, quicquid dicas, sed non duro, sententiam meam ita largiri contra meam mentem soleam. Et possum tibi reuocare in memoriam, pectoris mei robur & æs triplex, quando non ita pridem de re momentosa, ad fastidium molestus fui: qua potui eleuando meis & aliorum quoque verbis, omnia illa quibus opinionem tuam firmare nitebaris. Assentator sim, non amicus, si omnia inexplorato approbem, quæcumque amico semel arriserunt. Quæ supra caput meum assurgunt, silentio & prona mente reuereor: sed vt calculum apponam meum iis quæ improbo, improbus sim & audiam si faciam. Comam tuam ad talos deductam an vltius crescere sines? *μήτερον ἐν πᾶσι ἀπιστοῦν*. Pro vna epistola, duas tresue aut plures simul de eodem argumento necesse, laudabo copiam: vt in immensum vnâ ad vnum producas, erit inter exempla quod exemplis tueri nequis. Scio varium esse & longe lateque diffusum istud argumentum; nullumque pene esse in humano capite crimen, qui suam formam non habeat; si singulas gentes percurrere lubet. earumque ritus & instituta inuestigare



gare. Verùm ne abeant in prouerbiū *Salmasiana Epistola*. Ἡ τῆς ἀρχῆς πολυπραγμοσύνη, de qua nuper scribebam, animum fateor meum occupat, *In partesque trahit varias perque omnia versat*; nec tamen turbat. Quod affirmare non possum de tuo negotio, quod vocare solemus, aulicum. Mentiar enim, si dixerō me eius prospero (quem alij arbitrantur & nuncupant) euentu non cruciari. Vnum tamen me recreat, quod videam in te animi nobilitatem ingeminatam, cui census omnes postponas. Constantiam, grauitatem, perseuerantiam retine: & quod olim Mæcenati Venuſinus vates; id ipsum tibi æternum cantabimus, NEMO GENEROSIOR EST TE. Vale. Lut. Parisiorum xxiv. Iulij. cxiocxlv.

CL. SARR. CL. SALMASIO.

*Lugd. Batav.*

**D**E prospero expugnatæ Granelingæ successu, gratulabundus τῷ Εὐχαρίστω Ταλέῳ, eum conuenit: postque officij istius functionem, Vir Eminentissime, dixit, Accedat titulis tuis reductus in Galliam SALMASIVS: nec minor inde tibi gloria, quam ex vrbis istius deditione. Huius rei, respondit Cardinalis, plenam dudum feci tibi potestatem: Regine assensum merui; erga ceteros quorum ea curatio est, vt ere illius meoque nomine vt statim id negotium consieri possit, nec amplius trahatur. Summi viri laudauit animum Taléus, astisque, qui finis est omnium cum dominans

te sermonum, gratiis, strenue inquit mandata exequar. Intra hunc diem sperabat tum Diploma tum alias litteras, quas sigillares vocant, paratas fore, istuc mittendas. Quid actum sit præterea nescio: & ab aliis resciscēs. Ego interea non cessaui: amicos prensavi & cum iis de ista re consultaui, deliberaui, ne quid Respublica litteraria & purior Ecclesia detrimenti capiat, te in Galliam reuerso. Neque consilij locum, neque auxilij copiam habemus nisi in mora.

*Non mihi non vlli vincere fata datur.*

*At trahere atque moras tantis licet addere rebus.*

Quid alia cogitemus? DEVS PROVIDEBIT.

Graui me falce leuasti, assumendo tibi mediam partem *τὴν σὺ ποῖς*: impar enim eram isti oneri, quod excutere meditabar, nisi subsidio accurrisses. Sit ergo nostra: ita vt reuera neutrius nostrum sit vel fuerit, nec in solidum nec partim. Ea vtamur vt Medicorum filij venenis solent ad alia venena retundenda.

Vale. Lutetię Parisiorum Idibus Augustiis, CIOIOCXLIY.

CL. SAR. CLAVDIO SALMASIO.

*Lugdunum Batauorum.*

**P**Auca omnino à me, hodie habebis: plura fortasse septimana proxima: quo tempore plane Alcedonia erunt in foro nostro. Cum in eo totos dies sedeam nihil habeo quod scribam de aulico negotio. Deinceps per res prolatas omne istud expedit facile Talaus.

H iij

talium peritissimus artifex : & cuius humeris dulce hoc onus incumbit. Gassione in Flandriam non eunte omnis spes nostra ad Douchantium redacta est : nec vanum tamen inde auxilium auguror. Launæus enim meus, cui plurimum obnoxius est, operam sedulo nauabit, ne preces suas insuper habeat. Scripsi ad Morum nisi alij occupassent ad me mitteret opus Croianum, quo posset illorum rethnas eludere. Rebus integris, fauebit, sat scio, nobis : sed si Magistratus prior eum aggressus fuerit ; vereor ut potuerit obniti. Certe quicquid fiat deridendos se omnibus propinant dum Principis auctoritatem obtendunt suæ inscitæ, dicam, an pusillanimitati ? nempe Ezechiam imitati, volunt vitæ suæ tempus in Pace transigere. Vale. Lutet. Paris. xxvi. August. CIOIOCXIV.

## CL. SAR. CL. SALMASIO.

*Lugd. Batav.*

**E**Legans est & arguta in Aristophanis Lysistrata, sententia qua notatur differentia vetulæ virginis, & senis proci.

*vid. p. 293.*

ὁ μὲν γὰρ ἦκον καὶ ἡ πολὺς, ταχὺ πάντα κόρην γάμηναι.  
τῆς δὲ γυναικὸς μικρὸς ὁ καιρὸς. καὶ νῦν το μὴ πλαβῆται,  
οὐδεὶς θέλει γῆμαι ταύτην: ὀτλειομένη δὲ κείνηται.

Verbum ὀτλειομένη recte interpretes per *vaticinans* exponunt, consentientibus Hesychio & Suida. Sed quænam fuerit illa ὀτλία, & qua ratione ab istis Virginibus procuraretur, nullum adhuc vidi qui palam faceret. Si quid tibi

ea de re obseruatum fuerit, vel si quid ex nominis notatione exculpi possit libentissime id à te docebor & quæso doceas. Certe per has forenses ferias, frequentius te interpellabo & procul dubio quiritaaberis nimirum mihi superesse otij, quod negotia tua non satis reuereatur. Sed ita olim iussisti, nec verebor tibi obtemperare donec contrario mandato primum abrogaueris. Non improbo consilium de refusing Heraldò : qui nuper dicebat mihi se id inaudiuisse ; ideoque supersedisse à gratiis tibi agendis, pro libris donatis : sed pro illis quæ se publice docturus sis te non priuato Eucharistico remunerandum esse. Habere enim vnde redhostiat. Lex 25. D. de Auro & Arg. leg. omnino ea est quam ante aliquot mentes notaueram in qua dubitabundus proposueram num legendum foret *reticula* id est *προκύφαντα* : vt scilicet Vlpianus istius legis auctor, morem suum retinuerit, explicandi Latinas voces, haud satis vulgo perspectas, per Græcas sibi bene, aliis vero minus forsan notas : quemadmodum fecit in l. 69. D. Pro socio ex tua emendatione *nundinas* id est *ἑμπόλας* : & in l. 3. §. Seruius D. de Penu legata *rationes* id est *λογάρια* : vt tribus exemplis potest existimari, esse id doctissimo Iurisconsulto familiare. Certe H. ST. Glossæ *Reticulum* *μεγάδος* & *προκύφαντος*. Extemporaneum tuum carmen ad Hugenum vidi ; & laudaui Musæ tuæ suauem facilitatem. Cum hæc tibi tam limpida & saporis gratissimi fluant ; quod olim rogavi, iterum rogo, vt quæcunque habes huiusmodi *πυγνία*, ea seponere ve-

lis, gloriæ tuæ & eruditionis omnigenæ non  
vana aliquando argumenta. Vale. Lut. Paris.  
ix, Sept. cjcjccxliv.

CL. SAR. CL. SALMASIO.

*Lugd. Bat.*

**M**iseret me tui, quem, summo cum dolore animi, video, tot premi aduersis, cum domesticis tum externis. Sed fata viam inuenient; aditque DEVS OPT. MAX. cuius proprium est ἐν ἀπόγεις πόρων εὐπορεῖν. Douchantium tamen non neglexisse amici mandata, ex misso apographo cognoueris: & commodum accidit ut, Gandauenſi illo Castello feliciter ab Arauſionenſi expugnato, huius anni bellum ſit in præcipiti; & cogitaturus ſit Imperator, de reducendis in hiberna copiis. Interea Diploma Regium quo iſtinc euoceris ſigillo munitum eſt, & pauca ſuperſunt agenda donec mittatur. Menagius noſter qui ſane apud Bautruuium ſedulam operam nauauit, omnia ſigillatim perſcribet. Petrus Puteanus commoda & incommoda tuæ in hanc Urbem profectionis, aperte, more ſuo, explicauit. Facile ſemper ego & ille, conſenſimus, non expedire libertati tuæ iſtam migrationem: tu ipſe id animo quoque præſumpſiſti: Ut iſtic hæc aliquid, quo nunc molitiones aulae noſtræ diſturbentur, noſtrum non eſt. Itaque iam expectabimus, quid ſerus veſper vehat. Diuina mihi ſemper viſa eſt illa emendatio, qua Heſychium in verbo Ἐγγρία ſæde corruptum,

pristinæ suæ lectioni restituiſti : vt poſtea ſcilicet legatur ἡ Λυκία τὸ πρότερον. Nimirum vt Lycia Gigantum patria, idcirco fuerit aliquando dicta Γίγαντια. Sed quo auctore nititur hæc duplex aſſertio ? prima vt Lycia fuerit patria Gigantum , altera vt dicta fuerit Gigantia. Gloſſographis enim iſtis , ſine teſte idoneo, non eſſe temere fidem adhibendam iam pridem inter eruditos conuenit. Nullum autem ſententię tuę auctorem laudaſti : & Stephanus μετὰ πολλῶν , quem memini te ad id coram citare, nihil docuit. Si aliquem alium habeas, edere queſo ne pigeat. Salue tu cum tua, à me mea- que. Lutet. Pariſ. xvii. Septembris. ciciocxlii.

CL. SAR. CL. SALMASIO.

*Lugd. Bat.*

**A** Cerbum filiæ tuæ obitum doleo : faxit ADEVS OPT. MAXIM. vt , iſto contentus funere omnis familia , in capite præſertim , & poſtea in membris , ſana perennet. Feciſti quod pium virum & ſapientem Patrem decebat , qui eius vitam aut mortem Diuinæ Prouidentię committebas. *Debemur morti nos noſtraque* , meliusque nouit Deus quam nos ipſi, quid nobis conducatur. Spes Typographiæ Cadomenſis plane decollauit : & instantique- rentique mihi cur adeo inique agerent, reſpondit Comes Conſiſtorianus, nec in aurem ; **NIHIL VOLVMVS A MANIBVS VESTRIS.** Applica aures iſtis vocibus ; & tum veni in Urbem. Habes Schedulam ex qua doceberis

quid Romæ actum sit, ut Cardinalis Pamphilius in Papam Innocentem Decimum eligeretur. Aperte fauet Hispanis; nec illum magis reiiciebat nominatim Orator noster, cuius aperta intercessio neglecta est. Ne recedam à more meo; vnum te rogo ex Iuuenalis Satyra VIII. Verba sunt

——— *populi frons durior huius*  
*Qui sedet & spectat TRISCYRRIA*  
*patriciorum.*

Hoc verbum quod credo esse τῶν ἀπαξ λεγομένων, varie docti explicant. Vetus Commentarius à Pithoeo editus hoc loco mutilus est, nec ideo iuuat hilum. Iosephus Scaliger legebat *transcurria*; Petitus ad Leges Atticas pag. 245. *tricharia*: quæ omnia fateor me non capere. Tu quæso doceas post inspectum Petiti laudatum locum, qui è Tertulliano adfert aliquid animaduersione dignum. Vale. Lutetiæ Parisiorum Calendis Octob. MDCCXLIV.

## CL. SAR. CL. SALMASIO.

*Lugd. Bat.*

SECUNDUM quod duxisti funus, me quoque, qui tua omnia mea putare soleo, summo mœrore confecit. Fieri enim nequit quin doloris sensu premamur acerbissimo, aulsi nostris tenerrimis visceribus. Immo *Moritur qui amittit suos*. Ne tamen morti iltius infantis nimium illacrymes; huius memento oraculi, Οὐ φιλεῖ ΘΕΟΣ ἀποθνήσκει νέος. Ostendi Launæo Diploma, ad quod charta paricla scripta est,

quam hodie ad amicum suum mittit à se signatam : vt nempe possit Hagam reuersus , hac occasione , cum Principe eam communicare , & quæ suarum sunt partium agere. Sed quis Heinsum ad meliorem mentem reduxit ? An Spanhemius mirus blandimentorum artifex ? an voluenda dies attulit ultro ? Vndecunque id prouenerit , bonum factum. Sincera modo sit ea reconciliatio & perpetua , sine fuco & fallaciis. Quidni autem talem credam post *φρικὰ ταῦτα μυήρια* coram Ecclesia palam & publice celebrata & à vobis simul sumpta ? *Θεός δ' ἐπιμάρτυρος* esto vt qui fidem fregerit spretum numen ultorem habeat. De *πληρωτῇ ἐργῶν* disputanti cum Heraldò : Aristidis locum non stabilire suam sententiam , quinimo illam prorsus inde labefactari ; magnam quippe intercedere differentiam inter *πληρωτὴν ἐργῶν* & *τὸν ἐργῶν τὸ ἔλλειμμα ἀναπληρώσαντα* ; posterius hoc pro sua mente belle procedere ; at non de eo agi , sed tantum de *πληρωτῇ ἐργῶν*. De triscurriis patriciorum & spatharocandidatis , quas agam gratias ? Nihil clarius certiusve adduci potest , & ne dubitandi quidem vllus superest locus. Triscurria sunt etiam in vsu in comœdia nostra præsertim Italica , vocantque *Trior*. Tres actores vna prodeunt in scenam canuntque ridiculum aliquod *ἀχράμα* , singuli , bini , terni ; vt vix possit ad iocum & elegantiam amplius aliquid desiderari. Nondum aduenit amicus ille cui Ebeubitarem , & Epistolam Comatam mihi reddendam commisisti ; nec scio quid eo factum sit. Tantum vereor ne ob longiorem fortean cesa-



riem , Absalomi in morem in aliqua arbore implicatus hēserit. Nec tamen ideo capillitium prolixius improbem , modo intra modum aliquem , qui sexum distinguat cēdatur. Vale.  
Lut. Paris. xxii. Octob. cīdīcxliv.

CL. SAR. PETRO PITHOEO.

*Trecas.*

**F**Acio quod imperastī , si rusticana otia tua interpello. Voluisti scilicet ut te monerem de Picherelli Cosmopoea , & Hospitalij Carminibus , huc proximis Martinalibus tecum afferendis. Ecce aurem vello , rogoque ut ea seponere velis , nec diutius istas opes orbi litterario inuideas. Ut enim cum nominis tui gloria edantur , si per te liceat efficiam lubentissime. Hęc prima mandata est mihi à te causa scriptionis. Sed ecce alreram è Batavia. Eru-  
ditissimus adolescens qui Hagæ Comitīs habitat , Ianus Vlixius ; in eo est ut pręlo Elzeviriano committat satis amplam collectionem auctorum qui de Venatione olim & nuper scripsere. Libro titulum fecit , *Venatio Nouantiqua*. In eo primas tenet Gratius ille anno superioris sęculi nonagesimo ab illustri viro Petro Pithoeo patruo tuo , bonis literis iuvandis nato , inter Epigrammata & Poematia vetera publicatus. Miratur autem ille , emendationes in eo auctore satis multas factas ope veteris codicis , cum tamen nullum alium extare audierit pręter eum ad quem Aldus primam editionem adornavit. Me ergo rogat , ego te , quid

factum sit illo manuscripto libro & apud quem  
resederit. Apud te certe, Vir Magne, legiti-  
mum & in solidum istorum thesaurorum dignis-  
simum heredem. Excute ergo veteres chartas  
tuas, & quod pridem nobilissimæ Pithoeorum  
genti familiare est, omnibus bene facere, stu-  
diosi iuuenis industriam iuua, magnamque ab  
eo, maximam autem à me, qui dudum tibi  
sum obnoxius, gratiam iniueris. Vale Sena-  
tus nostri magnum decus, meque quod facis,  
amare quæso perge. Lutetiæ Parisiorum re-  
bus prolatis, decimo Calendas Nouembres.  
CICIDCXLIIV.

CL. S. CLAUD. SALMASIO.

*Lugd. Batav.*

Grandis tua Nota de Poetis Tarficis insi-  
gnem locum obtinebit inter Laertianas  
amici nostri lucubrationes. Ei ego indicaueram  
Κιλικίης λόγους apud Hesychium, qui fortean  
ijdem sunt cum τοῖς Ταρσιχαῖς quos ad autorem  
Cyrbasim vel Cyarbasim refert, ἀναφέρει. Sed  
quis ille Cyrbasis? Nescio: vide quæso locum  
& perge nos docere. Heraldus tuus iam factus  
est comis & ciuilis: Urbem circumcursat, eru-  
ditorum ambit suffragia; apud ignaros queri-  
tatur quod ipsum impetas nullo suo merito:  
denique nescio quæ laruz & intemperiz hunc  
agitant senem. Sibi imputet, qui quietus vi-  
uere non potuit, quod istam crucem ferat.  
Cum tamdiu distuleris emittere Trigam tuam  
de Mutuo, expectare adhuc aliquantis per in-

uet & Quadrigam è carceribus effundes. Andegauensis enim ille Antecessor Germanus credit se operæ grande pretium fecisse, vultque suas contra te notationes publicare. Hodie mittitur Regium Diploma cum litteris sigillariis ad Ordines & ad te. Tu vide ne deliberes, sed in qua es statione maneas; modo scilicet illi officio suo fungantur. Tum querentur hic satis multi, male positam sibi pro te operam, qui beneficium Principis cum amore patriæ & consuetudine amicorum coniunctum, insuper habeas; sed evanescent post octiduum omnes istæ querimonix. Tu vero huc si venias totam vitam seruias miserabiliter, nec, quod nosti apprime, præstabitur pacta fides. Nuper à Nuncio Pontificio rediens Mottha Vahierius, dicebat coram magno virorum eruditorum cōfessu; ego quoque aderam; velle Apostolicum de tuo in Galliam reditu controuersiam facere; te enim pestilentissimum hæreticum, Romanæ Ecclesiæ hostem infensissimum, in Christianissimum regnum cum honore redire, immo vocari (vnde si in eo esses, deberes eiici) non esse quod ferri possit. Præsta te virum, & fortunæ tuæ faber esto. Tandem Epistolam Comatam legimus, sed vicibus repetitis. Quis enim vno spiritu eam legat? Interrogabat quidam satis facete, quantus futurus esset liber cuius tam grandis Epistola. Omnes sane stupent & copiam mirantur. Æmuli quorum video te magis scire velle & explorare quam amicorum semper fauentia iudicia, dicunt esse calami sine exemplo intemperantiam. Meam senten-

tiam promere vix audeo : suspectus enim tibi sum. Sed quia verus amor in causa est , liberius quid de eo mihi videatur declarabo. Quod præcipuum erat , Paulinus nempe locus , non poterat nitidius explanari ; fortiusve vrgeri , aduersus fanaticos Dordracenos. Cætera eruditionem omnigenam , infinitam , elegantemque produnt. Alias de quibusdam , extra principale tamen argumentum , inquiram diligentius. Interea tantum monebo frustra te culpæ consecraneos nostros quod in Bibliis Gallicis summi Iudæorum sacerdotis pileum expreserint *καρνοειδῆ* , cum teres & rotundus fuerit : & hoc postremum verissime affirmas. Verum quidem est olim , hoc est ante annum Mille-  
 simum quingentesimū octagesimum octauum , quo vetus nostra versio additis iconismis recensita est , nostros homines hunc errorem errasse , sed ab illo tempore ex sententia Hieronymi in epistola ad Fabiolam , ista Pontificalis tiara reformata est , nec in vllius reprehensionem incurrit. Vale tu cum tua à me iam solo , mea cum parentibus peregre profecta. Lutet. Parisiorum v. Nouemb. cıdııcxliıv.

CL. SAR. CL. SALMASIO.

*Lugd. Bat.*

**E**O me redigis , vt de scriptis tuis , deinceps silendum mihi sit omnino. Vt enim ea quæ docti & probi omnes in cælum efferunt , ego quoque laudem , æquo animo ferre non potes. Si etiam æmulorum ad te defero querimonias

nec illis patientem accommodas aurem, & eorum statim stultitiæ & imperitiæ reuincis. Hoc tamen postremum eligam, quod præ priore maxime arridet. Immo quicquid culpes & vitio mihi veritas ab utroque meo instituto non recedam: & laudanda laudabo amicissimus & de maleuorum suggillationibus, vel etiam nugamentis monebo. Non enim omnis amor cæcus est, ut iusto nequeat discernere iniquum. Certe summus meus erga te amor, qui in virtutibus tuis altas egit radices, oculatissimus est & perspicacissimus, non cæcus, non luscus. An vis ut oculos mentis corporisve eruam mihi, ut de te sanius iudicem? Tu vide quid præcipias, certe non parere certum est. Placet mihi mentis hic gratissimus error, nec sanari vnquam sustinebo; si me amas, & sane amas, ama me quæso cum isto amoris erga te mei μέγρω καλῶ, πεπρωμένω σπουδευμένω, καὶ ὑπερεκχυμένω; sine me in isto vivere, in isto mori. Sine morem in hoc tibi à me non geri. Tu ama me ut libuerit, sed patere ut amoris erga te mei modus sit, sine modo te amare. Beuerouicij studium laudo: sed non satis capio, quomodo coma tua, Hebræo, Græco, Latino cultu, ornata & interstincta, Belgicæ plebi placere poterit. An tot locorum veræ suæ lectioni restitutorum, nitorem & elegantiam, capit, miles, nauta, artifex Batauus, sequiorne integer sexus? Impatienter expecto quid de te rebusque tuis statuerint Academica comitia. Diploma litteræque regiæ calcar currentibus & bene affectis animum addiderint. Douchantij me-

morem

morem gratumque animum exosculor. Mitto ecce alterum *ὑποπαράκλητον* ex eius ad Lauerum epistola, quod si vera narrat, nec dubitare fas est, magnam in spem adducor omnia ex voto nostro successura. Et in hoc triumphabo si opera industriae amicorum meorum tibi non fuerit plane inutilis. Deum veneror ut te, tuam, tuos, tuaque omnia fortunet. Vale Luteriæ Parisiorum ipso Martinalium Nouembrium die *κικιδεχλιν*.

CL. SAR. CL. SALMASIO.

*Lugd. Bat.*

**F**Acere non possum, quin tibi assentiar, de vitioso, ante tuam emendationem, Hesy-  
chij loco: nihil tamē vetat, quin Tarsici *λόγος*  
dicti sint etiam Cilicij; cum constet Tarsum  
Ciliciæ fuisse metropolim. Sed cum nihil ha-  
beam quo id probem, omnino in tua exposi-  
tione, cui nihil contrarium adduxi, nec etiam  
adduci posse existimo, acquiescendum est. De  
ea ex solita formula, ago gratias. Iam de non-  
nullis plane curiosis, te interrogabo, quæ in  
Epistola Comata, maluisti non exprimere cla-  
rius. Videlicet quod sit illius Diuionensis Se-  
natoris nomen, qui risu emortuus sit, dum vide-  
ret obesulum virum in equum frustra anniten-  
tem? Ego etiam, cum istud spectaculum mihi  
ob oculos pono, à risu temperare nequeo: ob  
quod tamen, nec in rem præsentem, vita fun-  
gi vellem. Contendisti tonsuram clericalem Gre-  
gorio Magno demum sedente, in Ecclesiam

te huc euocando, laborem, sæpe apud me ridebam, sæpissime indignabar. Nec vana spæ lactabar τὸ κρείττον bonorum votis & conatibus, quantumvis tenuibus, non defuturum. Hæc ego fiducia sustentatus bene ominari non destiti. Bene sit Launæo, Douchantio, Vosbergio, Hughenio, Bonchorstio, Veulichonio, aliis omnibus, sed præsertim bene sit, bene sit Serenissimo Arausionensi; qui consilio, opere, re, opus istud ad optatum exitum perduxere. Manet tibi libertas illibata, honor integer, quæ salua hic, nisi cum summa difficultate, retineri à te non poterant. Τοσούτοις μερονεχτίμασι vtere fructere diutissime; hæc votorum meorum summa est, hic cumulus. Proxime, quod iam rogas, misi, pariculum regij Diplomatis: simillimum est illi quod cum Principe Douchantius communicauit, alterique quod Briennæus comes misit, vel mittere debuit: & authentico omni ex parte consentaneum. Ego qui ea omnia vidi & religiose ab amanuensi meo describi curauim, sancte id affirmo; & verissimum esse præsto; præter signa eorum qui de exempli iuxta exemplar veritate, testimonium locupletissimum perhibent. Vale Tu & Tua cui casta faueat Lucina. Lutetiæ Parisiorum 11. Decemb. C1710CXLIV.

CL. SAR. CL. SALMASIO.

*Lugd. Batav.*

**D**E certo consilio propositoque tuo istic mandandi (vt ibidem aliquando quiescant ossa tua molliter) nunquam dubitavi: nec apud me,

adeo sollicite , causam istam agere debes. Scio etiam quibus difficultatibus torquearis , & præcipuam tuam esse , nec parum difficilem , curam ut eas cures. Quæ olim decumbens dictaueram , ea ex aliorum mente , neutiquam ex mea , erant : & si autem ea duriora forsitan existima-ueris , scito tamen me plus satis ea emolliuisse. Tertium quod duxisti filiolæ funus , argumentum Caiæ tuæ suppeditabit de irato cœlo conquerendi , cuius inclementiam , sane asperam in re omnium tenerrima , experimini. Sed silentio venerari oportet Superiorum , non dicam iniurias , sed plagas & calamitates ; quemadmodum de beneficiis non loqui impium est & nefarium. Ab hac aula nihil tibi est formidandum : nisi enim Magnates ab amicis tuis moueantur & impellantur , vix de te cogitabunt. Illi quippe litteras litteratosque omnes , ut parum eruditos homines decet , negligunt. Nihil itaque hic fiet nisi quod volueris , cum id omne à te pendeat : nec stabis inde vel cades nisi tuo arbitratu. Prolixioris operis edendi quam habere te affirmas voluntatem laudo , ut trahatur tempus in mediam ætatem : interea de arte alia cogitandum erit , ut autumnus etiam accedat ; adëritque adiutor DEVS qui nunquam suis defuit. Hic Petrus Marca librum edidit de Primatu Lugdunensi , aliisque Primatibus : nondum eum legere vacauit ; quod ubi attentius exequi datum fuerit , tum ad te scribam quid rei sit , & , si ita videbitur mittam ; sunt enim ista tui fori. Vale. Lutetiæ Parisiorum xvii. Decemb. CIOIOCXLIv.



CL. SAR. CL. SALMASIO.

*Lugd. Batavi.*

**T**ibi puerperæque tuæ gratulor, de noua  
columna, qua domum tuam fultam or-  
natamque scripsisti. Pro tribus filiabus, quas  
sibi Æternus & Bonus Pater assumpsit, qui  
vnum filium reddidit, plus donauit quam ac-  
cepit. Illæ sane vt plurimum familiarum sunt  
in pedimenta; mares vero, vere *κύριαι τῶν οἰκῶν*.  
Cæterum in hoc triumpho, quod omnino con-  
siliū meum Militiam tuam mihi non inferri-  
bendi, tibi placuerit. Regiū illud murus pri-  
uatam fortunam meam superabat, vt appropin-  
quissime Principem decebit. Sequere ergo omni ex par-  
te sententiam meam, alias; *Hæc dicam mox  
sunt iniciamque manus*. Solis quippe Regum  
filiis Imperatorumque nepotibus cedere didici,  
vbi de gloria & immortalitate agitur. Interea  
abunde erit mihi amicitiaque nostræ, in ali-  
cuius opusculi tui angulo & recessu nomen  
meum legi. In Epitaphio Mariæ Scotorum mi-  
serabilis Reginae, apud Cambdenum in Anna-  
lib. Elizabethæ, quid est TACITVM RE-  
GALE? quis vnquam ius regiū *καὶ τὴν αὐτοκρατορικὴν  
βασιλικὴν* ita vocauit? An veterum aliquis *τὴν  
αὐτοκρατορίαν* Regum *Regale* simpliciter dixit: vt ta-  
citum regale sit ius regium per se, vt loquuntur  
in scholis, & sine vlla explicatione, satis mo-  
nere Reges sui officij. Hæc mira loquutionis  
formula mihi videtur & ad veterum puritatem  
parum accedere, Istud mihi quæso enarrare

CL. SARRAVII

v is. Interim Vale tu cum tua, à me & mea.  
Lutetiæ Parisiorum pridie Cal. Ianuarias. Anno  
MDCLXIV,

CL. SAR. CL. SALMASIO.

*Lugd. Bat.*

**I**Ntensissimum & penetrabile gelidi Boreæ  
Iquod vrit & secat frigus, facile me apud te  
excusauerit, si pauca tantum dixero & breuif-  
sime: cum præterea nullas à te hac vice, acce-  
perim. Arnaldi liber, vel potius Sanfyrani ne-  
potis, contra Iesuitas & præcipue Racouisium  
I piscopum Vaurensem eorum assentatorem, de  
SS. Petro & Paulo binis Romanæ Ecclesiæ, in  
vnum, à Papa representatum, conuenientibus  
capitibus, amplius non prostat. Cancellarius  
qui Loyolitis aperte fauet, apparitores misit  
qui Bibliopolam in vincula coniicerent & exem-  
plaria asportarent. Hi strenue & fideliter man-  
datis obtemperauerunt. Sed Henricus Bouche-  
rus collega & amicus summus meus, cum sci-  
ret me vno ad te mittendo opus habere, statim  
suum exhibuit, ut eo te suo nomine donarem.  
Itaque id quam potero citissime ad te mittam  
cum Petri Marcæ libro De Primatibus. Cæ-  
terum quod scripsit Arnaldus tale est ut Roma-  
nensium nullus post eius probationes id con-  
futare audeat. Certe, quod binos illos Apo-  
stolorum coryphæos spectat, non est nouum  
dogma, quod olim verbis disertissimis scripsere  
Irenæus, Epiphanius, Leo, Gregorius, alij.  
Ex Romanistis Bellarminus idem tuetur. Cum

ergo aduersarij, turpis ignorantia rei, non possent aduersus librum scribere, maluerunt eum proscribere: quod facile à Magnatibus, qui ipsis sunt addictissimi, qua pollent apud eos auctoritate, impetrarunt. Vale. Lut. Parisiorum XIV. Ianu. CIOIOCXLIIV.

## CL. SARRAUIVS AL. MORO.

*Genueam.*

**R**editæ mihi sunt Amici tui Observationes in Prolegomena iacentis & afflictæ autoris; pro quibus magnas tibi debeo, & ago gratias. Opus est eruditum, varium, elegans, multi- iugi doctrina & lepore refertum, Placet præsertim θυμὸς ἀγῆνωρ, quo hominem audacter, nec sub persona, aggreditur. Si autem in solo pæne hærens προπυλαίῳ, tot inscitia & ἀχρίστια portenta profligauit, quid non speremus amantes ubi ipsa adyta reserauerit? Vnum vereor, ne languescat eius impetus, quia aduersarius nihil est repositurus. Tantum enim viuit vt bibat, in sua quondam fama sese jactans, cum de futura desperet. Quod cum dico, vides opinor, nullas esse Principis partes in hac fabula, nec is superis labor est. Ex animo doleo diuidiam natam inter summos heroas nostros. Quam nacti sunt Spartam ornare pergant; communemque hostem iunctis animis armisque impetant. Illum qui feriet mihi erit Carthaginien- sis, Nec se amplius laceessant. Vale. Lut. Parisiorum XV. Ianu. CIOIOCXLIIV.

## CL. SAR. CL. SALMASIO.

*Lugd. Bat.*

NE deinceps expostules, nullum à me tibi  
 prolixioris scriptionis suppeditari argu-  
 mentum, Ecce tibi e sacris vti reor, amplif-  
 simum. Vetus est, nec hodie aut heri nata,  
 controuersia, & sane ardua, inter Theologos,  
*De Imputatione peccati Adami.* An scilicet vt  
 pœnæ sic culpæ malum nobis pepererit? Dicunt  
 qui affirmant; Omne genus humanum in lum-  
 bis primi parentis ab eius fato, factoue, pe-  
 pendisse: eius itaque casum omnes posteros af-  
 flexisse. Qui negant, fatentur quidem per vnus  
 peccatum mortem omnes inuasisse, nec tamen  
 omnes idcirco peccatores habendos, sed vnum-  
 quemque suo merito damnari. Exemplo rem  
 illustrent; Miles in excubiis positus obdormif-  
 cit, occiditur: tum reliqui commilitones, male  
 in eius vigilantia quiescentes, ab hostibus op-  
 primuntur. Vnius culpa omnes pereunt, non  
 est tamen omnium culpa sed vnus. Vel po-  
 tius, Prodigus in lauta re pater in lustris & ga-  
 neis fortunas suas dilapidauit; filiis deinde vt  
 & patri in minus honesta paupertate, vita est  
 transigenda. At vnus patris vitium est, mise-  
 ria etiam filiorum. Tertium accedat ex versu  
 Horatiano, *Quicquid delirant Reges plebsuntur*  
*Achiui*; An etiam Achiui delirasse censendi?  
 Præterea non potest pati iustitia diuina, vt sit  
 ita innocenti sicut & nocenti Genes. xviii. 25;  
 vt filius ferat iniquitatem patris Ezech. xviii. 20.

quinimo anima quæ peccauerit ipsa morietur. Deuter. xxv. 16. II. Reg. xiv. 6. Vtraque sententia magnos habet assertores. Prior Augustinum, Ambrosium, Chrysostomum, Theophylactum, Bezam. Posteriori fauere videntur Hieronymus, Theodoretus, Erasmus, Leo Iudæ, Iunius, Tremellius, Martyr, Marloratus, Vatablus, Chamierus, etiam Calvinus; plures non consului. Magnum autem est momentum huius controuersię in explicatione Paulini loci epistolæ ad Romanos cap. v. 12. ὡς περ δι' ἑνὸς ἀνθρώπου ἡ ἁμαρτία εἰς τὸν κόσμον εἰσῆλθε καὶ διὰ τῆς ἁμαρτίας ὁ θάνατος διήλθεν ἐφ' ᾧ πάντες ἡμαρτον. Postrema hæc verba ἐστὶν ᾧ trahunt omnes in suam sententiam. Alij *in quo* nempe Adamo omnes peccauerunt: alij *eo quod*, *per hoc quod*, *quantum* omnes peccauerunt. Nec nauci est hoc discrimen, cum ex hac vel illa explicatione, alteram opinionem stare vel cadere sit necesse. Te vero hic ego appello qui linguæ Græcæ penetralia adiunxisti, totasque Athenas cum Alexandria & Cilicia imbibisti, vt huius locutionis vim explanes & in nobilissima lite pronuncies. Quod ad Anglicam vel Scoticam vocationem attinet, ostendi tuas litteras vni nostro Puteano, prout iusseras; qui, rebus ibi turbatissimis, nullum esse deliberationi locum mecum censeret. Vbi composita & pacta erunt omnia tum, secundum ea quæ proponuntur, singula examinabimus. In Britannico regno, docto Rege imperante parum sibi consultum putabat olim Casaubonus perpetuę morę causa habitare. Illa quippe gens exteros auersatur & odit: Gallos

vero odio plusquam Vatiniano. Iam vero Rege bonarum litterarum imperito, quid præsidij litteratorum coryphæus ab eo expectet, qui sibi ipsi non sufficiat? Interea magno tibi honori cedit hinc, illinc, istinc prensari Rigaltius custodiam Bibliothecæ Regiæ transtulit in Puteanos, qui sedes, æstate proxima, mutare cogitant & illuc migrare. Vale. Lut. Par. x. Feb. ciciocxliv.

## CL. SAR. CL. SALMASIO.

*Lugd. Bat.*

**P**RO negatiua opinione, quam impugnamdam suscepisti, possem cum argumenta à me allata fulcire, tum alia proferre maius pondus ei dare idonea. At illa iustitia cuius curæ nos seruire verum est, litium numeris innume-  
ris nos adeo obruit, ut pene oneri succumbamus. Ut dubitare mouerat me acutissimi Theologi, & in Pauli idioma & doctrinam non indiligentis scrutatoris, Theodoreti, auctoritas, qui ad locum epistolæ ad Romanos cap. v. 12.  
ἐφ' ᾧ πάντες ἡμῶν hoc habet, ὡς διὰ τὴν τῆς ἀνομι-  
ας ἀμαρτίαν ἀλλὰ διὰ τὴν δικαίαν ἑκάστος δέχεται τὴν  
θανάτου ἴδαν ὄρον. Utinam autem & hanc controuersiam aliasque omnes ad ipsum Apostolum enarrares! quid dignius summa tua eruditione possis aggredi? quid Ecclesiæ utilius? quid tibi honestius? Materia est ampla & varia in qua omnis eruditio locum habeat. Nulla hinc deerunt tibi e B. R. subsidia, statim ac illustres fratres in ea resederint. Cum enim ex

illa Georgius Monachus olim ad Scaligerum auolauerit : quidni etiam nunc Catena Græca in Psalmos & alia omnia ad Salmasium? Cum Grotij libro Manuscripto & Amyraldi edito inuolui maritimas conchas in Heduis tuis reperi-  
 tas quas patruelis, tibi ὁμάνιμος, ad te mittendas tradidit. Existimauerim eas Naturę potius esse lusus, quam vt ab vniuersalis diluuij tempore illic permanferint. Viri enim nobilis qui eas exhibuit, fides, dubitare non finit, plurimas similes ibi reperiundas: te præterea αὐτόπῃν testem laudat. Certe in locis παραθαλάσσις vel à mari haud plusculum remotis, verbi gratia in Euganeis ad Patauium montibus, multa huiusmodi inueniri non mirantur qui sciunt fieri potuisse, immo factum esse, vt aliquando mare eo vsque peruenerit Sed in mediterraneis vestris hoc est in media Gallia, familiare id esse, summa dignum est admiratione. An veteres Naturę mystę aliquid παρεμφερές obseruauere? Certe, quod non abludit, pisces fossiles Aristoteles, Plinius, Strabo memorauere. Ecce aliud eruditę Epistolę argumentum. Nos valemus: vos quoque, ita precamur, valete. Lut. Par. xxiv. Febr. cıııcxliv.

CL. SALMASIUS CL. SARRAVIO.

*Lutetiam.*

**Q**Vo me vocasti ad vadimonium venio. Scilicet vis expediam naturalem illam questionem *De ostreis in mediterraneo longe à mari nascentibus*. Non illa naturę lusus esse existi-

marim : nihil enim bona illa mater creauit , nisi aut vtile aut necessarium aliquo tempore futurum. Terra omnium rerum quæ creata sunt , seminia & principia continet ; tam earum quæ ex ipsa nascuntur proprie , vt plantarum , reptilium , & quadrupedum ; quam etiam illarum quæ in medio mari aut in fluminibus generantur : siue illa *φυτα* sint , siue *ζῷα* , siue *ῥέθυστα*. Nam hæc tria genera tam in mari quam in terra vbi mare non est , reperiuntur. Vt diuersæ sunt marina formæ à terrestribus , plurima tamen in mari generis eiusdem prouenire certum est , qualia sunt in terrâ nascentia animalia. Habere etiam homines sui generis non vana est fabula. Quamuis in mari ea omnia viuant , à terra tamen proprie ducere originem constat. In fundo quippe maris qui terrenus est , aut saxosus , aut arenosus : gignuntur , coalescunt , atque etiam pabulum ibi habent. Mare terram ambit , & aer vtramque. Animalia autem *ἀέριμα* quæ sunt volatilia , non aeri ipsi sed terræ ortum sui debent , haud minus quam terrestria , quam & marina. Tametsi autem extra mare illa viuere nequeant quæ in mari oriuntur ; aqua per se eorum principium & seminium non continet , sed terra quam mare operit. Terra autem illa quæ mari occupatur , non minus herbarum , fruticum , metallorum , animalium primordia genitalia intra se habet , quam ea quæ non est mari obruta. Vice versa terra quam mare non tegit , æque eorum quæ in mari nascuntur omnium genitale semen continet , atque illa quæ aquis cooperta



est. Et sane si mare recederet ab illis vallibus quas nunc implet, vt eas à quibus longè abest inundaret, verterentur vices, & spatium illud omne terrę quod mare deseruisset; plantis herbisque omne genus, illisque animalibus quę ex limo lutoque concrescunt, protinus occuparetur. Experientia id comprobat. Tractus est in Zelandia aliquot milliarius à quo mare ante centum annos recessit: & reperiuntur ibi hodieque cum foditur, anchorę & fragmenta nauium quę limus operuit. Viridissima autem & lætissima pascua toto illo tractu nunc visuntur vbi mare olim fuit. Eadem experientia docente illud etiam scimus; si stagnum fiat vbi prata fuerint, tametsi pisces non eo mittantur; post triennium piscibus abundans sepeprehenditur, & præcipue luciis: reliqua genera ideo minus comparent quia ab istis deuorantur. Non in omnibus tamen locis id æque contingeret, sed in illis præcipue in quibus tellus piscium semina magis haberet. Vt *Non omnis fert omnia tellus*, non solum illa quę aquis tegitur, sed & illa quę in sicco est. Effodiantur in medio campo lacunę satis profundę quę aquę pluuię conceptaculum sint, diutule ibi duraturę; ranūculi in iis prouenient plurimi tametsi aliunde non intuleris. Vnde hoc nisi quod terrę illius vis genitalis ad procreandas ranas idonea est? Idem est de conchis & ostreis quę in mediterraneo inueniuntur, multis locis. Non aliud enim potest dici quam conchis generandis aptam naturam illorum esse locorum. Non vbique reperiuntur. Sane nec omne mare ostreosum

est & κογχυλιώδης : Cuius fundus saxosus est ibi præcipue abundant. Similiter istæ terrenæ conchæ vel concharum simulacra non in omnibus terrarum locis reperiuntur : sed aut in montibus, aut in agris saxosis ; ut illa quæ tradidit patruelis meus, in villæ ipsius agris lapidosis inter alios lapides passim iacentia inuenire est. Cum ante annum illac transirem, & inambulando per circuitus eius agrorum quasi ambarualia facerem ; ut omnia soleo circumspicere, explorare : cum vidissem passim iacentia illa κογχυλιώδη, statim quæsiui de ea re, & dixit mihi infinita talia reperiri. Colligebam tum ipse magnam copiam quam attuleram mecum, sed relicta in capsis carrucæ & oblita, carrucarius qui lapides putabat abiecit. Vbi huc sum reuersus cum de iis aliquando differerem cum Laetio nostro, rogauit me & studiosus est talium, ut curarem aduehenda. Itaque feci. Hæc habebam quæ tuæ quæstioni reponerem. Vale. Te & uxorem, ego & vxor salutamus. Lugd. Batau. Nonis Martiis. cıciıcxlv.

## CL. SAR. CLAUD. SALMASIO.

*Lugd. Batavor.*

**A**bsit, absit, ut auctor tibi fiam dedicandi Primatum tuum vtriusque Parlamenti Britannici proceribus. Nec ea de re diutius deliberandum existimo : nisi forsan certum tibi se deat consilium, in vltimam Scotiam statim migrandi. Ut enim post huiusmodi ἀνδραγαθίμια, amplius cogites de huc redeundo, vel etiam

de istic manendo, nihil ab omni ratione magis est alienum. Nec credo te à tua prudentia solertiaue ita destitui vt id tibi in mentem venerit. Superest igitur vt arbitrer exercitationis tantum gratia esse hoc à te mihi propositum. *Dum rides lepido tanta est tibi gratia risu.* Omnino debetur iste ingenij tui nobilissimus fœtus, Fœderatarum Prouinciarum Ordinibus: sub quorum cœlo si non conceptus at formatus est & editus. Nec vlli magis hunc honorem merentur; quamuis minus mirer, quod multi eum ambiant, dum vnusquisque de se fere tantum, parum autem de aliis cogitat. Quamuis autem quas in te merito & libentissime effundo congeroque laudes suspectæ tibi sint, facete tamen non possum quin suspiciam & in cœlum efferam quæ nouissimis tuis litteris de conchis ostreisue ad me scripsisti. Siue enim maris penitissimum fundum, siue montium celsa cacumina adeas: inde semper gloriæ amplam materiam refers. Nihil tibi est imperuium, nihil quo non penetret incomparabilis tua solertia & sapientia. Siue naturalia, siue supernaturalia, siue Græca, siue Latina ad te deferam, omnia explicas & erudite & copiose. Quid tibi maius rependam pro immēsis tuis beneficiis præter sincerissimam gratiarum actionem, nihil habeo. Hanc ergo à me habe & accipe gratissimam & plenissimam, quam submisse defero. In mea igitur coniectura, de Riueti erga te amicitia *ἀσυχος* fui, quemadmodum antea fueras parum felix de Grotij erga me animo. *Iam sumus ergo pares.* Hic in Suediam post Pascha proficisci cogitat expo-



licem exitum deducendo, nondum desperare; magnamque sibi inter Pontificios melioris Reformationis auidos esse messem paratam. *Sabinus*, dixi, *quod volunt somniant*; tantum caue ne proxima Gazeta nobilissimum tuum facinus quod post totum decennium in fumos abiit, minus honorificis verbis, orbi significet. Hæc enim prima te manet rei bene & præclare gestæ dignissima merces. Laudauit amicum animum & secessimus. Deinceps igitur vir confidentissimus in Romanis castris militabit. Quæ est hominis *φιλανθρία* ibi quoque omnia turbabit. Sed possunt illi pœnali iudicio erroneos suos coercere. Vidi Disquisitionem de Mutuo Amplissimo Talæo inscriptam & missam. Inexhaustam argumentorum copiam satis mirari non possum. Ausurum quæquam impofterum istam causam aduersus te agere, vix existimem. Certe licet responsonem contra te scripturis, si ulli sint, miniteris, nolim quæso hisce diutius immorari. Et serio cogita te, ex quo istic habitas, nihil fere nisi alio impellente & arrodente edidisse; nec Mineruam tuam solam fœtum vllum magno tuo cerebro dignum peperisse. Vel Primatus vel Militia sese prodant & promissum concessumque, at non præstitum, locum obtinebis. Immo virge Primatum tuum, qui aut nunc aut nunquam excludendus est, nupero Pontifice Romæ sedente quocum nescio an satis belle nobis conueniat. Ille certe coruum delusit hiantem dum Polonum, pro altero quem promiserat, Cardinalem renuntiavit. Me quoque pedum morbus æquinoctio

verno inuasit sed renissius. Credo quia à forbendis singulis mensibus catapotis, binas ternasve Lunas cessavi. Vsurpanda sunt hæc ergo & frequentanda mihi remedia, quæ ipso malo, prout eo nunc afficior magis sunt molesta. Vale. Lut. Paris. Prid. Cal. Apriles. c1515cxlv.

## CL. SAR. CL. SALMASIO.

*Lugd. Bat.*

**V**elit nolit Ecclesiastes aulicus, mihi tibi & omnibus æqui bonique amantibus, semper Magnus erit Hugo Grotius. Optimus ille est qui vitiis minimis vrgetur, nemo enim sine vllis nascitur. Eminentissimus quondam Richelius, ingeniorum acerrimus æstimator, tres tantum sæculi sui summa eruditione insignes viros magni faciebat; TER, GROTIUM, & BIGNONYM. Cæteros in ordinem cogebat veluti plebem sine nomine. Quis ausit hanc conuellere sententiam, vt hunc triplicem funiculum rumpat, vel vt quartus vobis accedat? Omnino rumpitur inuidia, qui dignas laudes bene de litteris merito heroi negat. Bonum est, quod Nilum & Barlaamum post Primatum tuum recudis: optimum quod in Præfatione Loyolitam, post Vvallonem Messalinum retractas. Sed an ab hoc præstantissimo amico derelicta omnia exequeris? Hoc si facis, vti nam digna esset mea notula de loco ὅς ἐργασίας ἀπλάχθαι ἀπ' αὐτοῦ quæ tam immortalis lucubrationi infereretur? Animaduersioni Petauianæ quæ habetur lib II. cap. 7. §. 9. pag. 291.

dudum respondit Magnus Amyraldus, Defensionis Caluini, De absoluto Reprobationis decreto, cap. VIII. pag. 91. cum honorifica tui mentione. Negat ΕΤΑΙΡΟΣ eiusdem libri capite VIII. §. 5. pag. 300. exceptionem diuortij vetiti *εἰ μὴ παρεκτός τῆς πορνείας*, noui postea matrimonij ineundi facere potestatem: aitque §. 3. pag. 296 persuasum hoc in Ecclesia vetere fuisse, post diuulsos quacunque de causa coniuges neutri licuisse cum alio copulare nuptias, quandiu superstes alter coniugum fuerit. Quod esse falsissimum euincit Cōcilium Arelatense primum, canone X. apud Sirmondum Tomo 1. pag. 6. cui adde Marculfum libro II. Formularum cap. XXX. p. 159. & Veteres formulas Romanas cap. XIX. pag. 326. apud Bignonum. Quin & huius rei illustre exemplum, quanquam tamen recentius, extat apud Ioannem Tilium nostrū, in Chronicis ad annū Christi c1000cxlii. Plura procul dubio è ditissimo tuo penu protuleris. Sed facere non potui quin de pauculis hisce monerem. Plura scribere supersedeo. Tu actua valete a me ac mea. Lutet. Parisior. xxi. Aprilis c1010cxlv.

CL. SAR. CL. SALMASIO.

*Lugd. Bat.*

**V**Idi Confutationem Thesium Franekerarum, cum inscriptione nominis mei: & in isto æterno amicitie nostræ monumento triūpho & gaudeo. Quid pro ista in me collata, gratia dicam an immortalitate, tibi rependam.

K ij

præter gratiarum actionem nihil habeo. Hanc ergo à me accipe quantum cogitare possum maximam. Nam quemadmodum voluisti immerito amico tantum honorem decernere, scito gratum animum meum hoc immensum beneficium tuum perpetuo cultu & obseruantia esse prosequuturum. Iam credo vides non posse mihi probari quod ais par esse vt id mihi paruum videatur: quinimo tanti illud facio vt hodie demum natum me gratuler mihi; nec vnquam in hac vita simile gaudium sperem. Ægre fero podagram ita pertinaciter te vexare vt liberum pedum vsum & ingressum in Musæum prohibeat. Tantum enim immensę eruditionis periculis, quantum temporis crudelis & socors illa hospita sanitati tuę eripit. Sed quia multa ferre necesse est mortalem mala, æquo animo feramus, quod mutari non potest. Heraldique relas, furias, minas alij scribent. Parum enim iuuat istud lutum tractare. At ecce ex Cyrilli Alexandrini Homilia Paschali quarta quod ei apprime conueniat, Τὸ μὲν πᾶσι χρεὶ ἐν τοῖς ἡγῶσι, φερεῖν δὲ μᾶλλον ἢ ἐπὶ ἐσμέν, πρὸς τῷ μετὰ τὴν δικαίαν καὶ κινδύνων ἐκ ἀμοιρεῖ. Dum dentibus frendit & icit femur, nobis licebit Ad-uocatum Parisiensem deridere qui dum aliena vineta cedere voluit, luit pœnas à forti manu acerbissimas. Per bibliopecti tarditatem nondum licuit integrum tuum librum euoluere. Placuit tamen, quod statim initio *παρὰ τὴν ἐργὴν* expugnare libuit. Generosus scilicet est Imperatoris hostiles fortiores copias primum inuadere; quibus fuis animus reliquis labascit &



Victoria est certa. Non inficetum est quod de Bononiensis Senatus Decreto narras. Quid ? Bononienses de te vocando cogitant, & iuris Canonici stratam & longam cathedram tibi parare scribit Licetus Fortunatus ! Gratulationi me offero. Quidni etiam ipse Innocens Decimus te in Collegium Romanum vocet ? *Iungenturiam gryphes equis.* Eternum in tua Batavia sedem tene Magni literarum & literatorum Arbitri. Vale. Lutet. Parisiorum III. Calend. Maias. CIOIOXLV.

## CL. SAR. ISAACO VOSSIO.

*Amstelodamum.*

**I**vcunda mihi est & suavis illa tua sollicitudo, qua diuturnum tuum silentium adeo diligenter excusas : cum eam non dubitem ab amicitia proficisci. Sed hoc dum agis, videris morum meorum, meique, quem minore apparatu adire poteras, esse oblitus. Ego enim si quisquam alius, omnem istum externum cultum parui facio, in amicorum sincera benivolentia securus. At ingenium tuum immensa & nobili eruditione fœtum, semper suspexi : amorem autem erga me tuum ingratus sim si amare vnquam desinam. Et vnum me cruciat, nempe non potuisse me vlla satis conuenienti ratione tibi testari hunc animum meum tui studiosissimum. Minutulis enim officiis quę tibi libentissime pręstiti, maius pretium ponis, quam vt beneficiorum nomen mereantur. Dum adhuc premis Ignatium tuum, est quod queramur, to

spes & gaudia nostra diutius morari. Vide igitur ut statim fidem liberes : & cum studiosis antiquitatis Ecclesiasticæ sacrum illud depositum communices ; magno tuæ famę & honoris incremento. Quidni autem & Barnabæ Epistolam adiungas ? Inquire autem diligenter in eius *γνησιότης* : adhuc enim viri magni ambiunt de eius veritate. Nec monachi, quieam nuper hic edidit labor, quanquam alias non contemnendus, detertere te debet ut eam intactam omittas. Antiochus de quo quęris extat in Bibliotheca Patrum Gręco-Latina : excerptum autem quod desiderabas, ecce hic habes, ab erudita & eleganti manu Blondelli nostri. Optarem quoque ut Batauvus vester æternum siluisset, nec purissimos sacrarum literarum fontes suis sordibus turbasset & inquinasset ; nisi ex ista fæce, mirabile dictu, enatam immarcescibilem coronam Salmasius noster decerpisset, & capiri suo aptasset. Desinam longior esse, ubi te rogauero, ut iudicium de me tuum tuearis ; & quem amare semel voluisti, ista tua gratia porro beare velis. Maximum & immortali vita dignissimum virum, parentem tuum, omni cultu & obseruantia me prosequi, testari hic mihi, quęso liceat, cum plurima a me salute. Vale. Lutet. Parisiorum v. Maij cıııccxlv.

CL. SAR. CL. SALMASIO.

*Lugd. Bat.*

**R**editam pedibus tuis eundi ambulandique facultatem, illis tibi que toti gratulor, bonis

litteris gaudeo. Valeant ergo iam Professores iuris & Antecessores Barauī, Frisij, Germani; etiam Aquilextenſes & Andegauenſes. Valeat aduocatus Pariſienſis cum omni Ultraieſtino- rum furioſa gente. Illi quippe ſunt podagrici Salmacij ludus & iocus. At idem ſanus & va- lens cum vniuerſa Roma, purpuratorumque patrum omni collegio, cumque veterum Qui- ritium tota Militia rem ſibi eſſe vult. Ponti- ficia Monarchia & Acephalorum Anarchia di- gna ſola ſunt tantę eruditionis & pietatis argu- menta. Noli ergo ab hoc opere auertere men- tem, oculos, manum. Totis viribus Capito- linum Iouem ſi aggrederis, ruat ille neceſſe eſt & bonis Chriſtianis ludibrium debeat. Hęc ſcio dudum eſſe vota conſiliaque tua meque τὴν ἀντιſτοχίαν ὁρῶν : ſed facere non poſſum quin aperiam tibi ſenſa animi mei qui te totum orbi conſpici iamdudum deſiderat. Vix adhuc vn- gues exeruiſti aduerſus indignos ira tua tene- briones, iam ergo moue fortes lacertos & ad- uerſarios elige quibūſcum bene compoſitus vi- dearis & quos viciffe ſit glorioſum. Dialogus tuus fuit à ſeriis non ingrātum laxamentum. Sed eſt quod te moneam, me exiſtimare vitioſum videri quod Curtius nimis facile aſſentiatu- r Cæſario, vt vix vnquam in contrariam eat ſen- tentiam. Dic aliquid contra, ille olim aiebat, vt duo ſimus. Cæſarij partes volo eſſe potio- res, ſed non ſine certamine. Curtius vero alie- nis tantum armis & rationibus pugnat, & ſta- tim cedit. Niſi autem anceps ſit victoria, in ludicris præſertim ſpectaculis, minus placet,



porum mutationes in me sentio ; sed adhuc ita leues , vt de illis non conquerar. Quod tantum possumus , superos pro tua valetudine votis precibusque fatigabimus , eam vt tibi dent bonam & diuturnam. Cauisti abunde ne de Heraldo amplius esses sollicitus. Ille enim , vno vt absoluiam verbo , κῆνται. Iacet , æternumque iacebit , infelix Aduocatus nisi quod magni Æneæ dextra cecidit. Audet tamen *ὡς κέντρε λακίζειν*. At frustra calces iactat pronus , pædagogicam exhalans animam. Inter cætera miratur te ausum tam impotenter se aduersum , ita loquitur , debacchari ; cum tamen non nescias , eum de te multa scire quæ , si litteris mandarentur , æternæ ignominie nota nomini tuo inureretur. Nec desunt qui suadent vt isti operæ non parcat. Ille tamen , peream potius inquit , *Ante pudor quam te violo aut tua iura resoluo*. ὅτι δὲ σπικὰ ἐστὶ τῶν τὰ μυσήρια debeo laudare testes quos , ita credo , licet vna ex domo , non eiurabis ; amplissimos viros Hieronymum Bignonium & Stephanum Bricquetium ; socerum & generum. Quod autem istis duobus dixit , id eum aliis plurimis non tacuisse est verisimile. Dum autem ille suas adornat *Ἀντιρήσεις* , quas vtinam velles contemnere , procedat magnifico apparatu instructus Primatus tuus. De Grammaticorum albo tum eradendus Salmasius , inter primæ classis Hæreticos Romæ traducendus. Quicquid enim dicatur & scribatur leue est apud eos , immo nihili , modo caput non feriat. Tu autem illud omnino tollis. Vbi liber prodierit , Monachorum

examen in eum irruet magno, ne dubita, impetu. At tu eorum iras furiasque amabis, teque afficient illæ suauiter. Isti enim clamores ciuilatusve, vulnus alte inflictum esse testabuntur, Frustra me impellis in Philistarum partes, quamquam nec Mallotis quoque faucem. Mediam enim viam sequi liber, ita tamen vt Curtius magis videar quam Cæsarius. Sanitas mihi melius sic procedit, ab ineunte ætate isti capillitio assueto. Gaudeo Ultraiectinos ista coma ornanda defatigatos tibi concedere. Nec sunt iam ista tanti vt iterumque iterumque retractentur. Sed clypeus tuus septemplex milienis iaculis sustinendis & retundendis sufficit; solus contra omnes. Vale. Lut. Parisiorum xxiii. Iun. ciciocxlv.

CL. SAR. IACOBO GOTHOFREDO.

*Genueam.*

**R**Eddidit mihi vir ornatissimus tuus ex fratre nepos bina exemplaria postremarum Dissertationum; pro quibus magnam tibi debeo & habeo gratiam. Fateor enim me non insuauiter esse affectum, visa inscriptione nominis mei, in operis fronte. Quemadmodum autem hanc a te non eram promeritus gratiam, ita profiteor libentissime, me eam solidam debere tuæ erga me beniuolentiæ. Gratissimum etiam fuit quod me comitem addideris Clarissimo Iustello, viro probo, docto & amico. Argumentum prioris Diatribæ cuius non obuium, reconditam præ se fert eruditionem: id enim

docte & solerter es executus. Elegantes literas magnifice ornas, & nobilissimam iuris scientiam e tuo ditissimo penu splendide instruis & locupletas. Optamus tantum, ut aliquando possis ex eo depromere tot vtriusque antiquitatis sacrę & profanę insignia monumenta, publicatione Codicis Theodosiani quam tantopere rogamus & flagitamus. Id quodocunque libuerit, & sese commoda obtulerit occasio, belle procedet. Interea facimus quod possumus, & Deum veneramur ut tibi tempus præstet iis quę parata habes edendis. Ego vero me semper prædicabo eo honore a te esse cumulatam, qui me tibi perpetuo nexu deuinctissimum gratumque præbeat. Vale Vir Clarissime & Doctissime, cum optimo Moro nostro; & me ama. Lutetię Parisiorum Calendis Iuliis. CIOIOCLV.

CL. SAR. CLAVD. SALMASIO.

*Lugd. Batavor.*

**B**Ene coniicis, frustra futuram Transisalani Concilij ad Ecclesias Gallicanas contra te querimoniam. Hic enim, ubi nullus, aduersus bene meritum de omnibus litteris virum, regnat liuor, omnes tibi fauent. Parisiense presbyterium, in quo scis quinque sedere reuerendissimos omnique laude clarissimos Episcopos, te vnum loquitur, suspicit, colit, sexto adstipulante Blondello. Quid Rothomagenses, Cadomenses, Salmurienes, alique, in tua causa dicturi sunt, apprime nosti; quia omnes in suis

ad te litteris frequentibus sententiam ferre occupauerunt. Vtinam efficiant æmuli tui, vt ad nos istę querelę deferantur ! Tum videbunt quam præclara magnificaque Dalleus, Langleus, Bochartus, Amyraldus concinnaturi sint de te elogia ; nec vnquam ad tuam illustrandam gloriam maior sese dabit occasio. Splendor tuus istorum luminibus officit, virtutemque incolumem oderunt, & diuturno odio prosequantur precor, potius quam, vel ex oculis, sublatam querant & desiderent inuidi. Sed ab assuetis, inquit philosophus, non fit passio. Tu autem semper cum æmulis luctatus es, nec vlla regio in terris non plena tui laboris. Absit autem vt Apparatus tui amplitudo in Censuram meam incurrat. Quinimmo ipsius operis molem equet ac superet, bene erit. Tantum rogamus vt cito prodeat & dum parum belle conuenit nostris Præsulibus cum Vaticano. Verendum est enim ne si Romanis rebus florentibus huc adueniat, pro grata victima Capitolino Ioui mactetur. Sed fallor aut ista quietem tuam non turbant, nec huiusmodi bruta fulmina vel metuis vel optas. Ecce tibi Carmen super Motta Capta : siue placeat siue displiceat, scribe quęso quid de inuentione vel eloquutione tibi videatur. Mihi sane improbari non potest : quin audacter dico, Batauos vestros, nec ipsum Heinsium, Barleumue excipio, longe his deteriora sæpissime ad nos mittere. Si posset titulis nostris accedere Dunkerca ; cum Parnassi Nymphis, omnis Nereidum chorus, Pæana caneret. Sed vergens in



Autumnus annus istam victoriam in proximum ver seruat; decumbente præsertim Achille Gallico, Gassione qui nimis multis vulneribus pæne occubuit. *Dij carum seruate caput.* Vale. Lutet. Paris. xxviii. Iul. cxcxcxlv.

CL. SAR. CL. SALMASIO.

*Lugd. Bat.*

**I**ngrediemur ergo vastum & immensum Apparus tui pelagus, quotiescunque tibi libuerit Primatus tui nauem soluere. Dum adhuc dies longiores sunt vnam totam istam ingenti æquori arando libentissime impendimus: brumalis enim solida non sufficeret, si verum est quod audio typographum iam ad viginti *τάπητα* processisse, nec adhuc littora conspicienda sed dare. Nec hanc tuam prolixitatem, in nobilissimo argumento, culpæ possum: quinimo laudo & in cælum effero, quod istam materiam accuratissime velis exequi. Tantum minor tibi tantopere placere mores tuos ut nobis præsertim podagricis non consulas, nosque velis tantum iter conficere sine vilo milliario lapide in quo quiescamus. In tuam tamen gratiam audebimus tentare, nec, qua incedemus alacritate in via deficiemus. Vidi quæ *πρὸ ἀρχοντικῆς τῆς Ροανῆς* ad amicum scripsisti; nec iudicij libertatem improbo. Monere tamen debeo ut in hac re cautius procedas. Omnis aula propter hunc puerum in factiones diuisa est. Nec deest dubitandi ratio utrinque intricatissima. Ego ubi audiui *ἀπὸ τῶν τῶν* ista fata euoluentem, somniorum illius

fionibus turbari me arbitrabar, adeo fabulæ est hæc historia proxima. Hoc certum est, filiam, quæ imparibus nuptiis Cabotio nuper copulata est, curasse eum varias in terras asportari, inscia matre, cui postmodum persuasum erat eum diem obiisse. Nec unquam istic mater pensionem soluit sed filia. Mater autem ante paucos dies, filium viuere edocta, tot tantaque τῆς Ἰᾶ παιδείᾳ γησιόσητος affert testimonia, ut eam mentiri nescio an aliquis credat. Veniat ergo cum bona tua gratia ἡ σε δέσποινα, quæ ita gratior adueniet: ei quæcunque potero officia libentissime impendam. Tu Vale & ama. Lut. Parif. 14. Augusti. c1610cxlv.

## CL. SAR. CL. SALMASIO.

*Lugd. Bat.*

Singulos ruinæ Voëtianæ gradus, gratum fuit Sex litteris tuis intelligere, uti ea semper omnia, quæ te tuosque, siue amicos siue æmulos, spectabunt. Nonnulla istius viri olim legeram, in quibus satis multa congerere per πολυαναγνωσίαν videbatur, sed paruo aut nullo indicio, cōgesta. Vincebat tamen, sed causa non ingenio. At malis modis malignitatem summam tutari dum voluit, artes eius patuere, refractisque tantæ nequitiae claustris, iam viuet bonis omnibus, mitius dicam, contemptibilis. Ita nemo læditur nisi à semetipso. Sic pateat quod ubique mali est pereatque. Dionysius Taleus Audomari filius, de Vniuersa Philosophia Græce καὶ μάλα πεπαιδευμένος, nudiustertius in Re-

gia Nauarra respondit. Præter Nuncium Papalem adfuere quadraginta circiter Episcopi vestibus Põtificalibus insignes. Fecit hanc frequentiam conuentus Ecclesiæ Gallicanæ qui hic iam magna pompa celebratur. Hierosolymitanũ primum Concilium, de quo in Actis, Pastoribus constabat, hoc autem Regibus abundat, qui tamen omnes Ludouico nostro seruiunt, vel potius suo Emerio, qui ab ipsis quanquam renitentibus grandem pecuniæ summam emunget. Caiæ tuæ opto facile maris vadum, tibi-que, cum & sine illa, omnia prospera. Hic valemus, vos valete. Lut. Paris. xi. Augusti. CIOIOCXLV.

Non ita pridem didicisti qualem Antagonista tuus Sedani exercuerit professionem scholasticam ex infimis & pædagogicis vnã scilicet. Sed scin tu qualem eius parens? Adscriptus erat eorum laterculo qui tormenta bellica curant & incendunt. An miraris eum tot fulmina & tonitrua crepare? & in flammis ignemque ausu temerario ruere? Hoc si iam discis, aliquid in futuri libri titulo mutabitur. Nos interea hunc Salmonea crudeles dantem pœnas aspiciamus in prima quę prodiit parte: & sane satis est. Habet.

CL. S. CLAVD. SALMASIO.

*Lugd. Batav.*

**A**ccipiet libentissime & cum meritissimã gratiarum actione, Vidua Rohania, quam polliceris defuncti coniugis tumulo inscribendam epigraphen. Ita mihi roganti ipsa nuper

respondit. Mitte ergo , quando voles , tanto viro teque scriptore dignissimum monumentum. Sed vide ut in pauciora contrahas quæ olim diffusius exarata ostendisti. De Eloquentia quæ nulla aut mediocris fuit silere satius est, & de descriptionis genere quod Principem apprimè decuit , aliquid dicere. Interea hic laborat amplissimus ordo in Tancredi filij causa cognoscenda ; quæ sane licet multo favore subnixa , suis non caret difficultatibus : & adsunt utrinque strenui vindices qui summa contentione negotium vrgent. Adolescentis liberalis indoles suauiter ad se allicit plurimos , quos sororis ferocior animus parum sibi conciliat. Si diutius in Edictali auditorio iudicis officio functus fuisset , satis notabiles fuissent partes meæ in hac causa. Me enim mater delegerat qui de rebus suis ad Senatum referrem ; nec infelicitèr hætenus in iis versatus sum. Sed post exactum biennium ex ordine inter nos constanter seruato , oportet me loco cedere & lampadem tradere sequuturo. Cæterum satis leue fuisse videtur argumentum quo eius filius *videtur* tibi suspectus fuit. Quid enim , an adultera vxor non potest ex marito suscipere prolem legitimam ? Pater est quem nuptiæ demonstrant , inquit leges nostræ. Vbi libellus supplex curiæ oblatus fuerit , rem omnem tecum communicabo & ut video tibi inaudita audies. Vale. Lut. Paris. iix. Cal. Sept. cldccxlv.

CL. SAR. CL. SALMASIO.

*Lugd. Batav.*

O Ccafione cuiusdam litis , quæ generum  
 fuum fpectabat , adfuit mihi nuper Ca-  
 nonicarij filius. Num miraris quam me faci-  
 lem difcipulum habeas qui tam cito doctrinam  
 tuam imbiberim ? Mitius folito querelas fuas  
 expofuit , ita tamen vt offenfum & inimicum  
 animum fubinde proderet. Quia autem con-  
 trouerfa inter vos argumenta tenuia ei viden-  
 tur , cogitat ea inferere præclaris de iure difpu-  
 tationibus , quibus lector magis capiat quam  
 nudis veftris erifticis. Dira illa quibus te po-  
 teft peffumdare , extant in tuis ad illum olim  
 exaratis litteris. Singula non explicauit. Sed  
 audi quod rideas , & affem para. Immo noli  
 foluere facculum , ἐπιμαρτυρῶν ; quod gratis da-  
 tum eft , gratis accipe. Sic ille ad me. Vixit ,  
 non ita pridem Vir eruditiffimus & inter  
 prima fæculi noftri decora fuo merito cenfen-  
 dus Cl. Salmafius. Nihil illum Græcæ , nihil  
 Latinæ fcientiæ fugiebat. Sed vir ille eximius  
 ante decennium in Bataviam feceffit : ex quo  
 autem iftic moratur dicas eum cecidiffe *anno*  
*78* , adeo in omnibus eum ratio fugit ; cada-  
 uer fpirans & ambulans vere aliquis existi-  
 met. Defiderantur enim omnia illa doctrine  
 miracula , quibus olim defixi ftupebamus.  
 Meras agit nugas , quifquilæ grammaticales  
 funt eius deliciæ , in quibus tamen fapiffime  
 offendit , ficut apertiffime oftendam in Ref-

' ponsione quam adorno. Vix à risu tempe-  
 ' ravi. Mirum est dixi, vniuersam orbem cæ-  
 ' cutire, nec tantam mutationem vlli adhuc  
 ' suboluisse. Sed à conuitiis saltem abstine,  
 ' Atrociora nonnulla induxi; respondit, com-  
 ' muniumque amicorum precibus hoc concess-  
 ' si: vt enim lapidis instar eius ferocia verba  
 ' non intellexisse aut etiam cont. pisse videar,  
 ' nondum à me potui impetrare. Et hic finis  
 ' fuit nostræ confabulationis. Heri Rex Puer  
 ' in suo Iusticię vti vocant Lectisternio sedit: quod  
 ' omnino factum semel, infelicissimo exemplo,  
 ' anno vltimi sæculi sexagesimo tertio, docent  
 ' annales nostri. Plurima Edicta burſalia publi-  
 ' cari & curiæ actis inscribi iussit, adstantibus  
 ' cum Regina Matre, Aurelianensi, Condæo  
 ' & Cardinalibus, Lugdunensi, Bichio & Maza-  
 ' rino, non paucis regni primatibus. Cancellar-  
 ' rius aulicam & scenæ personæque suæ conue-  
 ' nientem orationem habuit. Molæus Princeps  
 ' Senatus, amplissimi ordinis dignitatem gene-  
 ' rose & modeste tutatus est. At Talæus tuus  
 ' eleganter & fortiter cum auditorum summa ad-  
 ' miratione & bonorum omnium gaudio dixit.  
 ' Cogitabam in Aquitaniam proficisci. Sed hac  
 ' ipsa nocte inuasit me acutissima podagra, quam  
 ' in turba & tumultu hesternæ cæremoniæ lucrifeci.  
 ' Vltima Augusti obiit Pinarolij ante quin-  
 ' que menses eò relegatus, Vir Magnus Ioan-  
 ' nes Iacobus Barillonus Præses meliori fortuna  
 ' dignissimus. Vale. Lutet. Paris. VIII. Sept.  
 ' CIOCCXLV.

CL. SAR. CL. SALMASIO.

*Lutetiam.*

**Q**Uod te scire iuuabit primum scribam. Vxor tua huc salua cum vasis comitibusque aduenit. Iactata est ventis & pelago nouem dies. Nauis qua vehebatur Angliæ tetigit littora: Diæpæ descendit. Vnum diem in vrbe morata, ad fratrem properauit. Reliquam itineris fortunam ipsa enarrabit. De eius ingenio erga istam hancue regionem quid dicam? respondebo versus Horatiano *Cælum non animum*, nosti cætera: & quod fuit ante, manet. Vnum me vehementer afflixit quod de perpetuo nutante tuâ valetudine dixit. Et sane hoc vnum suadere debet migrationem. Sed quo? In Septentrionem? Omnia bellorum plena. In patriam? Scis quibus legibus hic viuamus. Nisi iam res essent prolatæ non inuitus postquam iudex esse desij, patrocinium susceperem causæ Tancredi: nec enim adeo deplorata est, quam te existimare video. Sed post Martinalia forum celebret ista nobili controuersia, quam nefas est prælibare. Dicam tamen nonnulla quæ ignorare te video. Contendit Mater & turba testium vult probare, Rohanium patrem sciuisse Venetiis se grauidam esse: quia autem nunquam nisi cum summo vitæ discrimine parere soleret, consensisse vt in Galliam paritura veniret: præbuisse ad iter pecuniam & familiam: sciuisse ex hoc partu filium natum: celari voluisse quia verebatur ne Eminentissimus mortalium quæ

L ij

odio in parentem, Olympiæ filiolæ, quæ Luteriæ apud nutricem relicta fuerat, custodes olim adhibuerat, filium itidem prehenderet & in eum crudele aliquod facinus statueret. Patrem postea Parisiis moratum non diu, filium læpiuscule clanculum inuississe: In Neustriam educatum eo volente missum esse. Filiam vero per militum manum curasse, parentibus insciis, eum in Batauiam asportari, tum mortuum publicari: pensionem soluisse quamdiu istic ignotus vixit. Ex quo autem socialia subiit vincula omnem lapidem mouisse ut per interpositas personas istinc alio educeretur, quia illis quorum opera sua facinora patrauerat, infensis utebatur. Capilli, Oculi, Patrem & Matrem referunt. Alia minutula numero infinita omitto. Coniecturalis est hic causæ status & negat Filia testibus sed testimoniis negotium decidi oportere: & habet forsitan Mater nonnulla non inualida suo tempore publicanda. Certe si hæc omnia veritate nitantur, fatearis necesse est non iniuria diuidi aulæ & fori animos & iudicia. Cæterum audi me iam valde mutatum. Post absolutam Primatus tui partem priorem, non rogo quid aggressurus sis, nec de eo te sum interpellaturus. Sed vide an cornæa sit illa porta qua ingressum est somnium quod forsitan non vanum somniaui. Dialogus secundus contra Dematij secundas Theses breui prodibit. Tum iuris Antecessorum biga iugo submittetur. Denique Canonicarij filius Antonio Mercatori præbebit scapulas. Hæc integram hiemem da-





lis vsurpant, reliquis vltro claudentibus oculos, ne eam admittere cogantur. Certe vna eademque Gratia, non potest, eodem modo considerata, esse specialis & vniuersalis. At Gratia fidei & Gratia quam fides complectitur, diuersę sunt: altera enim consistit in vi & efficacitate aliqua Spiritus illuminantis, altera in promissione remissionis peccatorum, propter Christi satisfactionem. Itaque hæc potest esse vniuersalissima, cum illa sit maxime specialis. Quemadmodum offerri potest sol vniuersaliter omnibus, ea lege vt omnes aperiant oculos, cum tamen paucis detur vt velint aperire oculos, quorum ope oblatam lucem videant. Dum autem affirmas, Gratiam Vniuersalem *illuſori*am fore si ab ipso DEO ad paucos per specialem restringatur; quia specialis vniuersali potentissime derogat: ausim iterum dicere Andegauenſium mentem tibi non esse cognitam. Gratia enim specialis non potest vniuersali derogare nisi prohibeat quominus vniuersalis rata esse possit atque efficax: At Andegauenſes (pro quibus aperte stat quicquid fuit Græcorum & Latinorum Patrum totis octo prioribus à Christo nato sæculis) ita doctrinam suam explicant, vt Gratiam specialem statuunt quidem in Electis agere longe potentissime, at eandem in aliis quicquam operari negant. Illuminat quidem DEVS Electorum oculos, at Reproborum non occæcat, sed eos tantummodo sibi permittit. Idem igitur facis ac si diceres, vim videndi, quam DEVS dat nonnullis natura cæcis, derogare luci solis, quominus omnibus offera-

tur. Et foret quidem illa Gratia *illusoria*, si DEVS quæ eam offert, aliquid in Reproborum mentibus operaretur, cuius vi credere prohiberentur: at nihil efficit istiusmodi. Itaque Gratiam Vniuersalem offert maxime serio. Præterea statuis vniuersalem Gratiam stare posse iuxta Pelagium, quia Deus talem esse voluit, nec per eum stat sed per homines quominus omnibus proficiat: non vero ex dogmatis orthodoxi sententia, vbi ille qui videtur dedisse vniuersalem, eam restringit ad paucos, adeo ut per eum ipsum qui dedit reddatur specialis. Sed videtur posse retorqueri. Si enim nihil requiritur ut Gratia possit esse vniuersalis, nisi ut per solos homines stet quominus omnibus proficiat, ex orthodoxo dogmate, per solos homines stat quominus DEI gratia hoc est Christi satisfactio omnibus proficere queat. Per nos enim stare dicitur quominus aliquid fiat, cum ipsi causa sumus cur non fiat. At sane soli homines causa ipsi sunt cur non seruentur per Christi satisfactionem, nec est DEVS auctor incredulitatis & exitij hominum, *Tua perditio ex te Israel*. Omne illud quod circa hominum incredulitatem agit DEVS, in eo consistit quod nihil agit. Offert quidem obiectum quod amplectantur si velint; at à se omnino habent quod nolint illud amplecti, non autem à DEO. Nec enim si DEVS auctor est & causa efficiens fidei in Electis, sequitur eum esse auctorem & causam efficientem incredulitatis in Reprobis. Quod tamen addis DEVM ipsum facere gratiam illam particularem indiget explicatione. Nosti

apprime, cum nihil pæne te lateat, quæ sit rerum conditionatarum natura. Offerat DEVS lucem, vt in eodem simili maneamus, offerat inquam, omnibus, ea lege vt sit omnibus viuifica modo oculos aperire velint: hætenus Gratia est vniuersalis, sed conditione subnixæ. Pergat DEVS vltèrius & paucis quibusdam indulgeat vt oculos aperire velint; reliquos vero permittat suæ pertinaciæ, per quam oculos nolunt aperire. Idem ille qui Gratiâ proposuit Vniuersalem omnibus, effecit vt esset paucis specialis. At quod specialis est nonnullis & absoluta, non vero conditionalis, non facit quominus aliorum respectu conditionalis maneat & etiam vniuersalis. Quod enim in paucis factum est, in reliquorum conditione, plane nihil immutauit. Et à te allatum exemplum, si recte constituatur, hanc sententiam confirmat, aduersariam funditus euerit. Rex subditis suis rebellibus, Edicto proposito, gratiam delicti sui omnibus vniuersim condonet, ea lege vt à rebellionē desistant & ad meliorem mentem redeant. Gratia illa ex tua mente, potest vniuersalis esse & dici. Ea re non contentus Rex, quia scit in omnibus ex æquo vigere tantam tamque inuictam in rebellionē pertinaciam, vt nemo non sit in rebellionē perfiturus, aliquid amplius designet, & aliquos seponat quibus eam gratiam indulgeat, vt eos criminis sui pœniteat & ad obsequium se componant; vnde fiat vt reuera gratiam consequantur. Certe quod Gratia illa veniæ delicti, facta sit paucorum respectu specialis & absoluta, ideo

quia conditionem impleuerunt, nihil mutat in natura Edicti, quod, reliquorum respectu, gratiam fecit & conditionalem & vniuersalem. Quod enim Rex dat nonnullis vt resipiscant, non impedit quominus idem ille Rex Edictum suum promulgauerit in hæc verba. Volo delicti gratiam esse communem omnibus modo omnes resipiscant. Vniuersali ergo Gratia optime conuenit cum Orthodoxo dogmate: at cum Pelagiano nequaquam. Pelagianum enim dogma in eo situm est, non quod Pelagius docuit DEVM offerre Gratiam vniuersalem omnibus, alioqui Christus ipse Pelagianus foret, qui dixit *DEVM tantopere dilexisse mundum vt filium suum unigenitum dederit, vt quicumque credet in eum non pereat sed habeat vitam æternam*; sed in eo quod statuit, Gratiam illam vniuersalem, à nonnullis accipi atque admitti, viribus naturalibus liberi arbitrij, non vi gratia illius subiectiua, atque particularis, quæ in Electis operatur. A quo errore DEI beneficio, maxime abhorremus. Sic soluta esse crediderim, quæ à te in doctrinam nostram disputata sunt. Vnum tamen addo; Cum Reprobos cæcis comparaui, Electos vero quos DEVS illuminat, iis quibus videndi facultas concederetur, nolle me id ita accipi quasi cæcitas mentis, quæ in Reprobis à natura est, esset plane similis oculorum cæcitati: hæc enim consistit in aliquo vitio quod neque boni neque mali moralis rationem habet, quodque est istiusmodi vt homini pertinaciter adhærescat etsi id vehementer velit excutere: ideoque vix ac ne

vix quidem Lux serio offerri potest iis qui eo vitio laborant, nisi pariter vitium ipsum tollatur. At illa consistit in malitia voluntaria, quæ ita quidem voluntati penitus insedit, ut tolli nequeat, nisi potentissima vi spiritus DEI, sed est malitia tamen, ideoque inter mala moralia censetur. Nihil autem obstat quominus DEVS gratiam illam obiectivam & externam maxime serio iis offerat qui tali vitio laborant, ut est à Dordracena Synodo disertis verbis definitum. Ait enim illa & *omnes vocari*, ut res ipsa indicat; & omnes qui vocantur *serio* vocari; & omnibus qui vocantur *serio* pariter promitti salutem & requiem æternam animarum. Et hæc hæctenus quæ fusius prosequutus sum, quia per hoc rerum prolatarum otium, licuit mihi Sapientiæ tēpla serena ingredi. Scribit Carolus Feramus fori nostri non incelebris causarum patronus, in agri Bononiensis pago, cui Courseto nomen est, effossum esse non ita pridem vetustissimum è lapide candidissimo sepulcrum. In eo quattuor urnas fictiles, quarum aliæ cineribus & ossiculis, aliæ quodam ignoto liquore essent plenæ, repertas esse, cum *sede ferrea*, plane ad earum modum fabricata quas plicantes vel potius plicatiles vocamus, variis clavis auratis interstincta: & orbe quoque fictili cui inscriptum erat ALBVTIANI. Turbat hæc epigraphe, ut & sedes ferrea quæ fortassean veterum sella curulis fuerit. Si quid inde reconditæ eruditionis erui possit, ultro inuocat virorum doctorum iudicia, & tuum imprimis. Vxor tua peregre adhuc abest apud

fratrem. Hic omnes gratia DEI valemus, nisi quod podagra me domi sedere cogit. Tu quoque Vale. Addo quod oblitus eram; Pagum illum Coursetum adstare itineri, quod *Viride* vulgo vocatur & à Romanis stratum esse, ex veteri fama, affirmatur. Iterum Vale. Lutetię Parisiorum xxii. Septembris cııııcxlv.

CL. SAR. CL. SALMASIO.

*Lugd. Bat.*

**F**Vit ergo proh dolor! Vir re & nomine Magnus, clarumque sæculi nostri sidus Hugo Grotius. O casum litteris acerbum, ô iacturam gravissimam! Sit illi terra lenis, & super eius tumulum surgant violæ. Magnum certe erit Grotij nomen quamdiu honos erit libris & scientiis. Ego certe dum spiritus hos reget artus ei aliquando familiaris innovuisse semper gloriabor. Solus ille de principatu literario tecum contendere posse videbatur. Solus ergo iā regnas & diutissimè regnes, DEVM opt. max. veneror precorque. Nihil iam prohibet eius Commentarium De Imperio summarum potestatum circa sacra, cum amicis communicari vel etiam cum omnibus per editionem. Absit enim ut pereat vel etiam amplius lateat tam illustre doctrinæ exquisitoris monumentum. Sed an habet Gulielmus eius frater Historiæ Belgicæ annales, vel Anthologiam Græco-Latinam? an habet Gotthica & Vandalica multa quę dudum auctor premebat? Post hæc lugubria accipe quod te non mediocri per-

fundat statim lætitia , sed nescio an sincera aut diuturna. Penes me iam est, è .B. R. codex MS. Anastasij Bibliothecarij in quo disertis verbis legitur Vita Ioannę Papiſſę quam huic epistolę cum DEO adtexam. In charta pergamenæ scriptus est manu valde recenti vt pote quæ Paparum seriem ad Martini quinti tempora deduxerit. In principio satis belle illi conuenit cum editione Moguntina anno M. DCII. ex M. Velferi codice procurata : in sequentibus multę reperiuntur varietates & habet plurima editus quę in Regio desiderantur. In Vita Benedicti III. hęc leguntur quę ex ipso exemplari describam cum suis mendis. *Leo quidem hac luce subtrahctus presul occubuit. Mox enim omnis clerus istius adeo protecte romane sedis , vniuersi proceres cunctusque populus ac senatus domini clementiam congregati sunt exorantes vt beatificum illi in omnibus demonstrare dignaretur pastorem qui apostolatus culmen regere valuisset tranquille. Qui diuinitus ethereoque lumine inflammatus vno consensu vnoque eum ( hęc postrema vox, nescio an à manu recenti, reformata est in hunc modum e um ) conamine pro tantis quibus pollebat sacris aperibus pontificem promulgauerunt eligere. Illico vero alacri studio vniuersa plebs & populi cetus , &c.* Hęc sunt molesta. Si enim Leone mortuo mox clerus populus ac senatus congregati elegere Benedictum , quis locus intermedius Ioannę relinquatur ? Quin inde pater quod de ea ibi dictum est , *assumentum esse hominis otio abusi.* In epistola dedicatoriâ ad Velferum typographus Io. Albinus alios duos



locos citat ex Vitis Nicolai I. & Hadriani II. qui in eius editione extant pag. 306. & 329. quibus idem omnino euincatur Leoni nempe immediate successisse Benedictum : at in MS. nostro non comparent , contractior quippe est narratio gestorum istorum Pontificum in scripto quam in edito. Hæc volui nescius ne esses. Dum autem hunc auctorem verso , multa occurrunt vocabula propter quæ fateri debeo ignorantiam meam ; verbi gratia pag. 262. in Leone IV. *Fecit vela de fundato ornata ex utraque parte de blattin numero viginti. Blattin pro purpura sumi* , olim ad Hist. Aug. docuisti : sed quid verbi est *de fundato*. Tu quæso iuua qui huius auctoris Glossarium dudum nobis debes quia promissisti. Plura huiusmodi congerere possem , sed satius est tuæ meæque ut operæ parcam. Vale à me ac mea. Lutetiz Paris. XXI. Septembris MDCCXLV.

## VITA IOHANNÆ PAPISSÆ EX MS.

CODICE B. R. ANASTASII BIBLIOTHECARI.

**P**ost hunc Leonem ( quartum scilicet ) Ioannes Anglicus natione Maguntinus sedit annis duobus , mense vno , diebus quattuor & mortuus est Romæ & cessauit Episcopatus mense vno. Hic ut asseritur femina fuit & in puellaræ etate à quodam suo amasio in habitu virili Athenis ducta sic in diuersis scientiis profecit ut nullus sibi par inueniretur : adeo ut post Romæ legens magnos magistros discipulos & auditores haberet. Et cum in vrbe vita & scientia magnæ

*opinionis esset in Papam concorditer eligitur. Sed in Papatu per suum familiarem idem impregnatur. Verum tempus partus ignorans cum de sancto Petro in Lateranum tenderet angustia inter Coliseum & sancti Clementis ecclesiam peperit : & post mortua ibidem , ut dicitur , sepulta fuit. Et quia Dominus Papa cum vadit ad Lateranum eandem viam semper obliquat creditur à pluribus quod ob detestationem facti hoc faciat. Nec ponitur in catalogo Pontificum propter muliebris sexus deformitatem quatum ad hoc.*

## CL. SALMASIUS CL. SARRAVIO:

*Lugd. Bat.*

**B**inas à me habebis hac vice. Ista litterula *Vestem de fundato* explicabit. *Vestis de fundato* Est vestis eo opere facta & aurata quo reticula fiebant quibus capita feminarum ornabantur. *Fundus* etiam appellabant , ut Græci *σπευδόντες* ; quia funde quibus lapides iaciebantur ea parte cui lapis imponebatur vel glans , reticulato opere erant contextæ. In vestibus autem viæ ex auro intextæ vel phrygionico opere insutæ decussatim se interfecabant ut maculæ in reticulis. Quod opus *de fundato* appellabant , id est *de funda*. Sed *funda* ut dixi intelligitur capitis muliebris ornamentum , quod Græcis *σπευδόν* & *ἰμδοσπευδόν* dicebatur : quæ ornamenta erant *ἐμπευδόν* ut Pollux notar. Inde & in vestibus fila aurea ita reticulatim & fundatim intexta nomen acceperunt. *Vires* vocavit Tibullus.

— *Vestes quas femina Coa  
Texuit, auratas disposuitque vias.*

Virgil. — *tenuique vias discreuerat auro.*

*A funda autem fundatum, idem quod funda.  
Ut ab arena arenatum a fossa fossatum. Quip-  
pe recentiores dixere fossatum quod veteres  
fossam. Vale. Lugduni Batauorum Cal. Octob.  
CICIDCXLV.*

CL. S. CLAVD. SALMASIO.

*Lugd. Batau.*

**Q** Vicquid de Papissa confidentius dicas in-  
tricatissimum est omne istud negotium.  
Sederit illa nec ne, longior est disquisitio, nec  
vnius epistolæ. Iam autem quero tantum num  
Anastasij Bibliothecarij legitimus sit fœtus,  
Vita illa quam ad te nuper transmissi. Ut cum  
censeam *υποβολιμαῖον*, præter iam allatas ratio-  
nes, hæ suadent. Prima sit quod tum tempo-  
ris vnico nomine Pontifices aliosue vno nomi-  
ne vocari moris erat. Percurratur totus Ana-  
stasius, cum Pontificali Damasi, vix vnum aut  
alterum binominem reperias, vt hic *διώνυμος*  
*Ioannes Anglicus*. Secunda, si Anastasius hanc  
historiam conscripsit: rem sua ætate, se viro  
& Romę agente, gestam litteris mandauit.  
Atqui tanquam de re parum comperta & sibi  
tantum ex fama cognita loquitur hic auctor,  
cum ait *vt asseritur, vt dicitur*. Qui ita loqui-  
tur non curat suo testimonio fidem haberi, quasi  
diceter, *credat qui voluerit, fides sit penes  
auctores*. An autem credibile est virum doctum

& sagacem, de adeo singulari sui temporis euentu, non inquisiuisse diligenter, vt ad posteros res notabilis, vt quæ maxime, indubia fide cum suis omnibus circumstantiis, dimanaret? Tertia, Expendantur hæc verba *Romæ legens, & magnos magistros*. Non existimo ætate Anastasij verbum *legere* in vsu fuisse, pro, *scientias ex cathedra profiteri, & in scholis publice docere*. Hęc loquutio sequioris est & posterioris ætatis. Vti & illa quæ *magistros* vocauit eos qui gradum & titulum acquirebant in scientiis Philosophiæ, Medicinæ aut Theologiæ. Nondum enim isti honorum apices doctrinales baccalaureatus & magisterij vigeant in Academiis. Quarta, Anastasij ætate non habitabant Papæ in sancto Petro siue in Vaticano palatio ad S. Petrum, cuius Ecclesia tunc temporis erat extra vrbis pomoeria, sed in Lateranorum ædibus. Et tamen auctor noster supponit Ioannam enixam esse *cum iret de S. Petro in Lateranum*. Eum autem intellexisse Papam solitum habitare in S. Petro, constat ex eo quod alias dixisset *cum rediret*. Quintam addo & finio. *Coliseum* non erat vox vsitata ea ætate pro *Colosseum*, sed est verbum mere Italicum quo iam vocatur famosissimum illud Vespasiani Amphitheatrum. Suscita si lubet, labantem istius fœminæ historiam, sed quæ superius artuli omnia impedimenta amouenda sunt. Blondellus noster contendit etiam ex ratione temporum exacte inita non posse istam Papißam locum suum tueri. Vale. Lutetiæ Parisiorum XXI, Octob. MDCCXLV.

CL. SAR

CL. SAR. LVDOVICO BALSACIO.

*Balsacum.*

Cum primum allatus ad me est tuus ille elegantiarum venerumque plenus libellus, Balzaci Clarissime, incredibile vero dictu est quam varij in animo repente mihi motus extiterint. Quod enim me tanto honore auctum volueras, id sane, uti debuit, gaudio mihi fuit perquam maximo. Quod autem tibi homoplane ignotus essem, non potui non summopere mirari, id mihi honoris à te tributum fuisse. Verum id quod res est suspicione videor attingisse. Videlicet in sermone, quem, ut fit, variis de rebus cum urbanissimo Morino habueris, de me quoque inciderit mentio; Et quia mihi cum illo affinitas est, voluntatumque summa coniunctio, ita de me fortasse fuerit locutus Amplissimus Senator, ut necessitudini plus dederit, quam rerum veritati; maluerit que de nobis amicè sentire, quam ut tenuitas nostra postulabat. Id ni ita est, Vir clarissime, mihi haud dubiè patrocinata fuerit notitia Claudij Salmasij Principis literarum, quem & amas & miraris ex æquo. Is autem cum me in interiorum amicorum cohortem jamdudum nescio qua virtutis fortasse significatione impulsus admiserit, facere noluiti ut me, quem is plurimum amat, negligeres. Ut ut sit, Balzaci Politissime, munus istud tuum mihi perpetuum *μνημόσυνον* erit vel amicitie, quam mecum institutam voluisti: vel certe amoris quo Salmasius

M

sium , atque adeo omnes quos ille suos fecit , complecteris. Ceterum quod tibi nihil munditiarum illarum venustatumque , quas iam pridem tuo quodam iure proprias fecisti , hæc Epistola rependat pro donis istis tam lepidis , apud te non excusamus ;

*Nam non hæc mihi viæ ; nec tibi talium*

*Res est aut animus deliciarum egens ;*

Sed aliud multo præstabilius pollicemur , magisque in agenda vita expetendum , fidem scilicet & sincerum colendæ amicitiz studium ; cui nullo vnquam in loco deerimus ; sed contrà quouis officiorum genere quæ , quidem à tenuitate nostra proficisci queant , in dies magis magisque cumulabimus. Vale. Lutetiæ Parisiorum v. Calend. Nouemb. c1610cxlv.

A MONSIEVR SARRAV,  
CONSEILLER DV ROY , EN  
SA COVR DE PARLEMENT.

MONSIEVR,

*Vostre modestie m'est iniurieuse , & en vous humiliant vous me mal-traitez. C'est en effet me traiter vn peu trop de Prouincial , que de chercher avec tant de raisonnement & tant de curiosité , les causes de nostre nouvelle connoissance. Quoy que ie sois du village , ie ne suis pas si mal informé , que ie ne sçache quelque chose de temps en temps , & que ie n'aye quelque communication avec le Monde. Pour le moins ie puis estre instruit par la Renommée. Elle vole quelquefois*

iusques à nous. Elle apporte iusqu'icy les noms des Braves, des Sages & des Sçauans, que le Monde estime. Vous estes, Monsieur, vn de ces Illustres, que ie connois, sur le rapport de la voix publique, & par vn telmoignage qui ne flatte point. Et quand Monsieur de Morin ne vous seroit rien, & que vous ne seriez pas le grand confident du grand Monsieur de Saumaise, vous auez des parties essentiellement vostres, par lesquelles vous meritez bien d'estre regardé. Vostre vertu toute pure, & toute séparée de l'autrui, sera tousiours vn tres-digne objet de ma passion & de mes respects. Vous seul me pouuez fournir dequoy louer plus d'vn Senateur, & faire plus d'vn Eloge: Et vous trouuez encore estrange que ie face cas de vous? Estre Prestre de la seuerè Themis, & ne laisser pas de sacrifier aux Graces, qui sont des Deesses moins austeres: Recevoir d'egales benedictions du Peuple Catholique & de la Nation Huguenotte: N'estre pas moins Grec, ny moins Romain, que François: Et pouoir opiner dans l'Arcopage & parmy les Peres Conscripts, avec la mesme facilité qu'en la Chambre de l'Edit: Tout cela, Monsieur, est-ce peu de chose dans la barbarie des derniers Siecles? Ne sont-ce pas des qualitez, qui m'ont deu obliger à rechercher vostre amitié, & à vous faire vn petit present, pour m'introduire dans la possession d'vn tres-grand bien? Il n'est pas necessaire que ie vous parle de mon present en termes desauantageux. Je ne veux point en vous détrompant, me priver du fruit que ie recueille de vostre erreur. Je vous diray seulement, sur le suiet de

*l'amitié que j'ay recherchée, qu'elle est il y a long-  
temps un de mes souhaits, & que ie ne seray  
point possesseur iniuste, si pour cela il suffit d'estre,  
comme ie suis de toute mon ame,*

*MONSIEVR,*

Vostre, &c.  
BALZAC.

*Le 5. Novembre 1645.*

CL. SAR. CL. SALMASIO.

*Lugd. Bat.*

**C**Oncedis comparationem à me institutam,  
inter DEVM, quo gratiam suam omnibus,  
etiam reprobis, offert, & solem, qui omni-  
bus itidem, etiam nolentibus aperire oculos,  
radios suos immittit, aliquo modo procedere,  
vt illa gratia, sicut & hæc radiorum effusio,  
dicatur vniuersalis. At inquis, si Sol aliorum  
oculos illustraret, aliorum vero occæcaret, an  
dici posset eum solem lucere omnibus, aut lu-  
cem suam velle vniuersis datam, cum multis  
eam negaret? Facilis est responsio. An ergo  
DEVS vllum occæcat, vt possit tua compara-  
tio paria facere, cum illo sole quem statuis ex  
hypothesi, multos visu priuare? Nemo hoc  
dixerit. Qui pereunt, suo fato, vel potius suo  
facto, pereunt. *Perditio tua ex te, Israel.* Nec  
absolutum Reprobationis decretum villo mo-  
do cogit impios quin liberrime in exitium suum  
ruant. Ergo procedit omnino à me allata com-



paratio, nec, ut aiunt in scholis, instantia à te allata quicquam turbat. Sed hæc omitto, quæ magnificētius aliquando magistri artis enarrabunt. Apparatus tuus visus est breuior, quam pro chartarum mole existimasset: adeo delectatus sum eius lectione. Sensim sine sensu me ad finem deuenisse vidi & dolui. Magisque doluissem, nisi alia superfuissent, ex quibus non minorem voluptatem expectabam. Opus integrum tandem deuoravi. Meam laudem non expetis, quam me nimis libenter, nimisque facile impedere sæpius exprobraſti. Sed mori meo, vel si vis amoris, indulgere libet, tantum ut dicam, te nobilissimum argumentum magna cum eruditione, solertia, & generositate esse exequutum. Si pergas istis machinis Urbem concutere, breui RVET ALTO A CVLMINE ROMA. Non potui parcius quam vno hemistichio laudem tuam absolvere. Omnem mouet lapidem Petauius ut aliquod exemplar nanciscatur. Illi omnia displicebunt & plurima arrodet. Ausimne ego istius Veneris carpere scandalium? Non placet quod ea in Apparatu culpes quæ in ipso opere laudas. De Ignatianis Epistolis intelligo, quas in Apparatu, qui prior legitur, merito *his vobis* reuincis, & tamen earum auctoritate postea sæpiuscule vteris, quasi essent legitime, nec titulus auctorem mentiretur. Saltem de ista tua sententiæ mutatione aliquid significasses. In Apparatu optime dicis Cypriani locum legi debere negatiua inducta, quam tamen postea videre est in ipso opere. Quia ex interuallo & vicibus repetitis, opus istud

resumpſisti, hinc ista tecum discordia. Sed hæc  
leuia sunt & desino molestus esse. Vale. Lu-  
xetiꝝ Parisiorum IV. Nouembris CIOIOXLV.

## ECCELLENTISSIMA SIGNORA,

**P**Er sodisfare a quel tanto ch'io deuo a V.S.  
Ecc. ardisco di salutarla con queste poche  
righe per assicurarla, ch'io mi ricorderò sempre  
mai del obbligo ch'io tengo di riuerire e seruire  
V.S. E. Non haurei tanto badato di darle te-  
stimonianza di questa mia gratitudine: senza che  
il Sre. della Rocca m'hauea promesso di non scri-  
uere a V.S. E. senza darmene auviso. Di modo  
che fidandomi nella sua parola, ho lasciato traf-  
correre assai tempo senza darle conto di fattimiei.  
Adeſso vedendo che V.S. E. gradisce l'importu-  
nità di voler leggere qualche volte alcuna delle  
mie lettere, non mancarò di darle parrecchie volte  
quel fastidio: si ch'io temo che V.S. E. mi com-  
mandara di ritornare alla prima mia taciturnità.  
Hora diuolte solamente che di poi la sua dipar-  
tita ho fatto vn acquisto misereuole d'vna patro-  
na d'importanza. Ella si chiama la Signora PO-  
DAGRA, la quale descendendo fin a piedi  
miei mi tiene fedelissima compagnia. Per la pri-  
ma volta albergò in casa mia intorno a quattro  
mesi, con tanta crudeltà, che non mi diede fra  
tanto tempo licenza d'uscire solamente vna volta  
della camera. Adeſso ne sono ne qualche modo  
libero se non ch'io sono zoppicante. Ne cauo tut-  
tauia questa vtilità che caminando io vado con  
maggior grauità chinnanzi sentendo l'ardor mio

*attemperato. Con tutto cio La moglie non lascia di trouarsi pregna : e dicono li medici che lo stesso humore che fa la gotta fa ancora figliuoli. V. S. E. mi perdonera di questo mio cianciare , e per non darle maggior noia finiro bacciandole humilissimamente le mani : e con licenza sua ancora all' E. Sr. Ambasciatore : essendo d' ambe due le Eccellenze loro*

*Humilissimo e deuotissimo , &c.*

CL. SAR. CL. SALMASIO.

*Lugd. Bat.*

**D**E Papissa , miraret te eam deperire , hac ipsa tempestate qua Papam infestis signis prosequeris , nisi scirem ab vno fonte diuersum istum affectum prouenire. At noli credere me omnia argumenta exhausisse , quibus euincerem eam nunquam fuisse. Hoc enim tantum volui & statim professus sum , Anastasium non esse auctorem istius narrationis quæ in codice Regio habetur. Certe quod lacera sint hoc ipso loco exemplaria , quæ in multis bibliothecis extant , malum factum. Non enim dubitare licet quin idem plane scriptum fuerit in illis quod in regio. Amplius dicam , certum esse id non casu processisse , sed dolo malo esse patratum ab auctoritatis Pontificiæ patronis quidem , sed historiæ & verarum Papalium defensionum , ita credo , ignarissimis. Sed sit ita , Anastasium auctorem esse illius historiæ.

M iij

fuit apud me auctoritas tua ut vel solitaria sese statim mihi probauerit. Non ingrata fuit tamen illa tua sollicitudo, qua, ex aliorum præstantissimorum magistrorum scitis, eximiam & quantiuis pretij emendationem voluisti in aperta luce collocare. Pauci sane, omnino pauci, ita veteres legunt & in eos requirunt ut sensus adeo reconditos ex illis eruant. O beatas illas horas quas nudiustertius tecum & cum tam natura quam sublimi doctrina vere germano tuo Hadriano, præsentibus quoque Menagio & Heinsio iuniore, transigere mihi contigit. Has quoties mente reuoluo, summa votorum meorum est ut *Proueniant multi sic mihi sæpe dies*. Non possum autem non laudare alteram tuam in Philostrato correctionem, qua de Apſine loquens optat ut ille qui tunc erat diu etiam superesset *ἔσσι τε καὶ ἐν*. Sed non solis Græcis familiaris est hic loquendi modus: nam aliæ quoque gentes ut bona quibus fruuntur æterna sibi perennent precantur. Ouid. lib. 1. Trist. Eleg. 10. *Est mihi sitque precor flaua tutela Minervæ Navis*, &c. Plautus Aulularia III. 6. *Immo est, & Dii faciant uti fiet diu*. Perge, Vir magne, literis interioribus te inuoluere; & magna apud omnes gloria æternum erit Valesij nomē. Vale Lut. Par. XIII. Nouemb. CIOIOCLV.

CL. SAR. IACOBO CANDALIO.

*Fontinalia.*

**N**ihil dudum gratius & inopinatus accidit mihi, quam accipere à te litteras, Ciceronis lingua & stilo scriptas. Te enim, quem

ante satis multos annos abieciſſe omnem iſtius ſtudij curam exiſtimaueram, adeo pure, adeoque eleganter, poſſe familiariter & ciuilitè iſto ſermone garrere, dignum eſt non mediocri laude. Certe diu deliberaui an auderem eadem lingua tibi reſpondere. De-terrebar quippe orationis tuę nitore, verborum proprietate & ſententiarum grauitate. Auſus ſum tamen, humanitate tua non vulgari fretus, qua benigne mecum agere aſſuetus, comibus oculis me aſpicias. Ego quoque narra-  
bo tibi quomodo mihi perierit omne rerum prolatarum tempus. Statim me inuaſit acerrima podagra quę plures dies me lecto decumbere iuſſit. Volens nolens morem geſſi. Quid enim feciſſem? Imperioſa eſt illa Domina nec ei impune non paretur. Tandem melior me DEVS reſpexit & iſto tormento liberatus, liberius per urbem, cui fruſtra omnia veſtra rura cum dulcibus ſuis pomis, caſtaneisquę ſi vis mollibus & preſſi lactis copia opponeres, ſum diuagatus. Adfuit interea priuatim mihi, ſæpiuſcule, incomparabilis Amyraldus, cuius ab ore μέλιτος γλυκίων ῥέειν αὐδῆν. Bis publice de cathedra, cum ſummo ſacri cœtus plauſu, eum dicentem audiuiſus, abſtruſos ſacrę ſcripturę cum erueret ſenſus. Eo ad ſuos reuerſo, iſtius abſentię dolorem leniit, non ingrata lectio libri quem diutius expectatum tandem à Salmaſio meo accepi. Argumentum ſi quæris, Hiſtorię Eccleſiaſticę caput & fundum eſſe ſi dixerò, verum dixerò. Scilicet de Primatu ſummi Romanenſium Hierophantę, quem Vir Magnus

in ordinem cogit, docetque frustra hominem illum peccati superbius cornua sua attollere, quæ satis strictim ei accidit. Has inter delicias pudet referre Polonorum Legatorum ingressum pompaticum, qui, nouitate & magnificentia suarum vestium totiusque regij apparatus, non insuaue fuere spectaculum. Serenissimam Reginam in Sarmaticum regnum suum abiturientem salutauit Ordo noster Amplissimus, totus purpuratus: ego quoque, isto habitu debita exhibui officia libentissime. Sed cheu! quod præcipuum fuit mihi gaudium, nec in hunc locum reiici oportebat, pæne omisi. Paulo post discessum vestrum huc migrauit dilectissimus auunculus noster Launæus vir præstantissimus, quicum serios iuuat habere sermones, quibus miserę huius vitę ærumnę detergentur. Iam in forense pistrinum me dedo; & post binos quos Edictali auditorio annos impendi, καθάπερ εἶπετε vt aiunt, criminibus puniendis per trimestre spatium addicor; postea Inquisitionum Cameræ Quintæ restituendus. Præterita, præsentia, & futura Calchantis in modum plenissime tibi enarraui. Superest vt me, tibi, optimisque parentibus nostris, ac formosis quæ vobis adsunt puellis, cum animi deuoti obsequio commendem. Quod facio intimè. Vale. Lutetiæ Parisiorum xiv. Nouemb. cıciıccxlv.

CL. SAR. FREDERICO GRONOVIO.

*Dauentriam.*

**T**Anti non erat, istud παραδιδόν Observatio-  
 num Petiti, vt de eo iterumque iterumque,  
 etiam ex interuallo, esses sollicitus: adeoque  
 diligenter minutissima quæque perscriberes.  
 Vti nec opus erat inuocare superos, vt fidem  
 tuam apud me stabilires, cuius sanctitatem,  
 verum dico, nunquam fuit animus in dubium  
 reuocare. Sunt ista nihili & quæso fuerint: cre-  
 dasque peruelim, me ex æquo animi tui ab-  
 solutani generositatem, & consummatissimam  
 eruditionem magni æstimare. Quod spectat  
 Fabricium nostrum, quis ei inuideat tam pro-  
 pera blandientis fortunæ initia? quanquam om-  
 nes istos honores, & processus, melius im-  
 putemus eius dignissimis meritis, quam cæcæ  
 illi Deæ. Ita scilicet πάσαις κορυδαλίσι καὶ Σιμων-  
 νίδην καὶ λόφον ἐγγενέας. Cæterum gratulor tibi  
 de Liuiio tuo tandem ad optatū finem perducto.  
 Eum iam aliquot dies verso, cum summa si-  
 mul voluptate & fructu. Præcipuus tibi quam-  
 quam non solus, scopus, in textu emaculan-  
 do: quod si quid video, ita magnifice præsti-  
 tisti, vt iam Liuium legamus. Liuium inquam,  
 non autem inficetorum correctorum hariola-  
 tiones: adeo penitissime omnem eius, quæ-  
 cumque illa sit, Patauinitatem imbibisti, &  
 exhibuisti. Quis enim istius Historiæ Romanæ  
 parentis, plenius vnquam cognouit & pene-  
 trauiť sensus? quis sagacius phrasin odoratus

est & indagauit ? quis repertam felicius expref-  
 sit ? Æterno beneficio deuinxisti omnes pror-  
 sus literatos qui auctorem istum terent , cum  
 nominis tui nunquam intermoritura gloria.  
 Sed ego tibi plurimum debeo priuatim , quod  
 volueris nomen meum in nobilissimo opere  
 legi. Fecit aliorum eruditio , vt in eo locum  
 haberent : me vero ab officio leuiculo , magna  
 nimis mercede pensato , commendare voluisti.  
 Aliquando adest mihi Nicolaus Heinsius vir  
 eruditus , cuius virtus multas habet *ἰσχυρας* quæ  
 me ad se trahant. Fiet tamen ita crede , quæ-  
 cunque poterit accessio à tua commendatione.  
 Sed nihil omnino prohibet quin cum impen-  
 sius colam & vtraque ansa quod nolebas , ac-  
 cipiam. Eadem enim tecum pro eo rogat ὁ *παῖς*  
 Salmasius , cui nosti quam sim obnoxius. Ni-  
 hil est communius illo : adeo ciuilitate etiam  
 odia exercet , vt iuris titulum *Ne Filius pro*  
*Patre* apprime calleat. Eius est itaque experiri  
 quid possim : omnia enim eius causa , om-  
 niumque qui te amico apud me se iactabunt ,  
 volo & cupio. Vale. Lutetiæ Parisiorum xxv.  
 Octobris. cxcxcxlv.

CL. SAR. CL. SALMASIO.

*Lugd. Batav.*

**E**Go vero ; quanquam æger & decumbens  
 non dubitavi an rescriberem ; quin hanc ne-  
 cessitatem vidi mihi à te impositam nouissimis  
 tuis. Nihil sane vnquam inopinatus accidit  
 mihi , quam videre te ita paratum ad amici-



tiam nostram , quam trabalibus & adamantin-  
 tinis clavis compactam arbitrabar , dissoluen-  
 dam. Scilicet , non placet tibi libertas , qua  
 soleo tecum de rebus scriptis tuis agere. Mo-  
 nitus cautius agam impoſterum. Nonnullas tuas  
 voces durius ſum interpretatus , quam id fieri  
 debere , ex tua mente , credidiſti. Atqui idem  
 quoque tibi nuper in meis acciderat. Hanc  
 itaque veniam poſſumus viciffim dare & pete-  
 re. Poſſum ferre acius increpantem : ſi non  
 fero & malo vlciſci , modo fiat cum modera-  
 mine inculpatæ tutelæ , nihil eſt propter quod  
 durus , diſtus & non amplius amicus credar.  
 Ego autem , Iucundiſſime Salmaſi , amicitiam  
 tuam inter præcipua mea putare ſoleo : quibus  
 poſſum officiis , cultu & obſervantia , æternam  
 mihi efficere conor. Si hætenus imprudentius  
 te laceſſiui , credo facile tibi eſſe , vt erga ho-  
 ſtes eſſe immitiorem , ita erga amicum eſſe pau-  
 lo humaniorem. At ſi fontes irę tuę repetas ,  
 eam videbis ab amore ſummo erga te meo de-  
 fluxiſſe. Arbitratus ſum debuiſſe te Primatum  
 tuum viris de te bene meritis inſcribere. Quid  
 mea intereſt , niſi vt illi quoque ſint erga te  
 bene affecti. Præponere te volui Viro Ma-  
 gno. Non hæc mea eſt , ſed tua magna gloria.  
 Quod ergo crimen meum ? Salmaſium amo  
 impenſius & contra omnes eruditi ſæculi viros  
 magnos. Hoc proſecto crimen ſit apud Læyo-  
 litas. Si idcirco apud te excidere gratia mereor ,  
 veniam non deprecor , & pœnam quamlibet  
 ſtatuas acerbam alacri animo ſubibo , modo  
 elogium addideris. Incomptam meam *παρρησίαν*

facile coercebo. Possum enim ego quoque gratiose loqui, & ea quæ mihi minus placent dissimulare & silentio inuoluere. At hoc potestum si facerem, vitio carere me non arbitrarer. Faciam tamen si iusseris & quocunque libuerit modo, amabo ego te vel volentem vel nolentem. Nec amicus noster publicus est librorum censor: nec ego tales delegandi potestatem habeo: nec semper censuræ istæ vitia arguunt scriptionis quæ examinanda proponitur; quin sæpius laudes & honorifica testimonia continent, ut videbis in adiunctis Censoris à me designati litteris. Sed desinamus litteras questibus implere. Immo quidni aliquando dulce queramur? Amicorum, ut amantium, iræ, amoris redintegratio est. Vale. Lutetiæ, Parisiorum Calend. Decemb. c1610cxlv.

CL. SAR. CL. SALMASIO.

*Lugd. Bat.*

**S**Edebam in balneo, acutissimis cruciatibus quatrduanæ nephritidis, solatium querens, cum penultimas tuas accepi. Nullis remediis illa abcessit, nisi post alios quattuor dies. Totum itaque fere octiduum miserabiliter transegi: & iam aliquantula successit reni dextro quies. In eo enim hæret lethalis calculus grandior, qui sine maiori dolore, maximoque periculo auelli non potest. Ita censent Medicorum filij, præstantes & cordati viri. Qualis deinceps futura sit vitæ meæ conditio, plane incertum est, cum pendeat ex motu &

quiete istius lapidis , qui mihi comes adest in-  
 diuulsus. Millies interea optaui finire hos vitæ  
 acerbissimæ labores : quod non placuit DEO  
 opt. max. qui me vult ita affectum adhuc du-  
 rare. Viuo itaque , mi Salmasi , sed eo animo  
 vt de proximo discessu cogitem semper , eum-  
 que non metuam sed optem. Fiat voluntas  
 Domini cui parere me equum est. Hęc causa  
 fuit omnino fontica silentij mei ; vereorque ne  
 sepius recurrat. Nec enim alias gratissimum  
 ad te scribendi officium omissem. Nolim au-  
 tem vt propter id quod ego nuper ad te , de  
 amico leuiculo & versatili , desinas cum eo lit-  
 teras reciprocare. Hoc enim agit ille potius  
 vanitatis studio , dum omnibus innotescere &  
 placere satagit , quam vlllo malo animo. Tum  
 merito audiat Parisiensis buccina quę omnia  
 libere satis , susque deque occinat. Nihil du-  
 dum scripsisti de Militia tua , quoue pede ag-  
 men istud procedat. Dicunt nonnulli , te ea  
 in hibernis relicta , altero Dialogo illusisse De-  
 matio & adhuc defricare aliquot Mutuaticios  
 Iurisconsultos Germanos ; Gallis deinde sequu-  
 turis Sengeberio , Fabroto & Merillio , quem  
 etiam audiui Spartam ornandam suscepisse. Om-  
 nibus istis conficiendis hostibus non anni de-  
 cem , non mille carinę , nedum vna tua suffi-  
 ciat claua , aliis quotidie succrescentibus capi-  
 tibus. Certe plurimum tibi perire temporis , in  
 istis minutiis , necesse est , dum maiora & ne-  
 cessaria opera pendent interrupta. Nuper cum  
 Epistolam tuam ad Menagium relegerem offen-  
 dit me quod ibi habetur , *Primæ antiquitatis*  
*Christianos*

*Christianos templa idolorum pleraque à Gentibus consecrata conuertisse in templa veri DEI. Primus enim Gregorius Magnus de consecrandis Gentilium tēplis decretum condidit. Epaonen-  
sis Synodus anno Domini DXVII. canone XXXIII. hereticorum ædes sacras destruendas pronuntia-  
bat ; quanto magis paganorum ? Honorius templa Ecclesiis contulit A. D. CCCXCIX. sed  
ut euertere liceret. In ciuitate notissima & emi-  
nentissima Carthagine Africa, Gaudentius &  
Iouinus Comites Imperatoris Honorij, XIV. Ca-  
lendas Apriles falsorum Deorum templa euer-  
terunt & simulacra fregerunt. Verba sunt Au-  
gustini De Ciuitate DEI libri XVIII. cap. vlt.  
Quoniam iussisti rescribo Heinsio humaniter  
& ciuilitè. Et sane varia eruditione homo ille  
repletus, famam temeritatis non subiisset ; nisi  
fuiſſet Herculei laboris æmulus. Vale. Lute-  
tiæ Parisiorum Nonis Ianuariis anni CIOIOXLVI.  
qui tibi & tuis sit felicissimus.*

CL. SAR. DANIELI HEINSIO.

*Lugd. Bat.*

**M**inus prospera valetudo qua vsus sum ali-  
quot abhinc septimanis, Vir Eruditissi-  
me ac Præstantissime, facile apud te excusatio-  
nem merebitur, si humanissimis literis tuis se-  
rius videor respondere. Iam autem quia aliquan-  
tulum à grauiſſimo morbo respirare licet, gra-  
tias ago gratissimas pro illa tua, mellitissima co-  
mitate condita, epistola ; qua non ingrata tibi  
fuisse minutula officia testatus es, quæ filio tuo

N.

exhibui. Atqui debui ego illa omnia, immo  
& maiora præstare eius eruditioni non protritæ,  
modestięque singulari; addo & Heinſiano no-  
mini; quod dudum in magna & præclara glo-  
ria famaue à te constitutum, in hoc virtutum  
tuarum dignissimo hærede, maius adhuc efflo-  
rescet æternūque vigeat. Et habet ille *ἐλευσικόν*  
*τι* quo sibi bonos omnes conciliat & deuincit.  
Quid possim tantis dotibus denegare? nihil cer-  
te velim: cum præsertim accesserit ( verum di-  
cam Vir Magne, nec fallere meum est ) non  
quæſita, nec fucata, amicorum meorum vti  
& eruditorum summi, Nobilissimi Salmasij in  
eius gratiam commendatio, cui aliquid recu-  
sare nec debeo nec soleo. Utatur itaque &  
fruat me toto quem ei dedo libentissime.  
Vtere frui tu quoque Vir Maxime, quem  
semper experieris tui studiosissimum, cultorem-  
que obseruantissimum. Lutetiæ Parisiorum vi.  
Ian. MDCCXLVI.

## CL. SAR. CL. SALMASIO.

*Lugd. Bat.*

**B**Reues licet & Gallicæ postremæ tuæ, non  
tamen non gratissimæ fuere. Quidni, cum  
merum erga me, tum afflictissimum, amorem  
calidissimum spirarent? Ita soleo ego quoque,  
Mi Salmasi, tuis siue bonis, siue malis non  
leniter affici. O vtinam possent animi mei pe-  
netralia tibi denudari! In illis certe, & nomi-  
nis tui gloriam, & ob amorem quo me pro-  
sequeris, non leuem lætitiā altissimis defixam

radicibus, videres. Si quæris quam belle iam habeam. Respondent Medici, me in statu neutro; spemque metumque inter dubium, extrema, non vitæ sed doloris, incommoda quotidie, immo singulis horis vel etiam momentis, non temere formidantem. Cæterum in bonitate Domini confido, qui nihil de me statuet, quod seruulo suo non expediat. Miror litteras quas ad Reuerendum Spanhemium Eucharisticas scripseram, serius quam oportuit, ad eum peruenisse. Eas enim statim post librum acceptum ad Heylmannum Medicum miseram, qui receperat se eas sine vlla mora curaturum. Ingratus præterea essem, nisi eius humanitati & benevolentia multum me debere agnoscerem, vel profiteri refugerem. Cum enim vir bonus Ludouicus Cappellus, in sua dedicatione, satis familiari titulo & sermone me ornasset & compellasset, ita vtrumque reformauit (quod me attentare pudor nescio an modestia prohibuerat) vt sine dignitatis meæ detrimento, iam nomen meum ibi legatur. Quia autem in illis, quas à me habuit, serotinis litteris, hæc, quæ iam scribo, nescio quomodo notare omisi, sciat ex te quæso, hoc suum beneficium neque in inscium neque in immemorem esse collocatum. Tum virum magnum non amare non possum qui te serio amat. Ei ni graue est à me plurimam salutem. Tibi quoque, Vir summe, omnino parem. Scio nobilissimam vxorem tuam diu in Morinis hæsisse, an in Zelandiam transierit, nescio. Omnia ei, tibi que, fausta precor. Vale & me vt facis amare perge. Lu.

## CL. SAR. CL. SALMASIO.

*Lugdunum Batavorum.*

**V**Is ergo me exerte dicere , quid sentiam de postremo Grotij libro , & an omnia mihi in eo probentur. Rem rogas non magnam , nec adeo difficilem , quamque expedire promptum est. Tantum abest ut omnia probem , ut vix aliquid in eo reperiam , cui sine conditione calculum apponam meum. Verissime dixit ille qui primus dixit , Grotium Papizare. Vix tamen in isto scripto aliquid legi quod mirarer , quodue ἀπεροδύκηνον occurreret. Nunquid enim omnes istiusmodi eiusdem auctoris lucubrationes , erga Papistarum errores perpetuam συγκατάβασιν & κρύψιν , erga Iesuitas amorem , erga nos plus quam Vatiniarum odium produnt & clamant ? In VOTO quod eius nomen præferebat , an veritus est hæc παρασμένως profiteri ? Itaque , nescio quare istic , ubi nihil non licet puduit Typographum nomen suum apponere. Quod enim de Oldenbarneueldij supplicio , ab eius hoste spectato , narrat , non magnifacio ; cum Principem , licet intellexerit , non nominaverit. De Augustino quod dixit , omnibus Remonstrantibus debet esse familiare. Certe id hac in Vrbe Iesuitæ , contra Ianssenium perorantes , quotidie pro suggestu prædicant. *Non est inquit , hic Pater regula fidei. Ut se expediret ab argumentis hæreticorum sui temporis , multa liberius*

*inconsideratus dixit, quibus non tenemur.* Habes sententiam meam satis liquido, ita puto, pronunciatam. Tempestatis rigor hic plane defecit: unde non vana spes est, quicquid hariolentur vestri Astrologi, tecum cis paucos dies futuram nobilissimam tuam uxorem. Queritur Menagius se nullas dudum à te accepisse; mihi que hanc tarditatem imputat, sine cuius nutu, ita iocatur vir urbanus, nulli harum regionum audeas rescribere, Vale. Lutetię Paris. II. Febr. MDCCXLVI.

CL. SAR. CLAUDIO SALMASIO.

*Lugd. Bat.*

**V**tinam lapide qui me, vel dolore vel metu, perpetuo cruciat, iuxta vota tua, statim liberet. Sed vix vlla spes est, posse id mihi tam cito accidere. Conueniunt Medici, me renis dextrj crassiore calculo laborare: quod acutissimus in ista parte sensus, & insolita grauitas, cum aliquoties urgente cruris dextrj stupore euincunt, nec sinunt dubitare. Vrinam sanguinolentam ante quinque sexue menses, quoties curru veherer, mittebam: sed de nullius mali acerbitate tum querebar; sine vlllo quippe incommodo cruenta fluebat. Iam vero ex quo me premit acrius durissima nephritis, vrina plane naturalis est coloris, nisi quod de die tenuior est & parum tineta. Morbo itaque meo, minus cum tuo conuenit. Quia non succurrit, quod scribam, de duobus te interrogabo. Primum non erit forsan abs re, cum consuram &





mum hoc gloriæ, quam nuperum pecuniæ incrementum. Quid superest, nisi ut omnibus istis *πλεονεκτήμασι* diutissime, quod voueo & spero, cum DEO, fruaris. Ut conciliatio instituat<sup>ur</sup> Matthæi cum Luca, volunt verbum *ἀπὸ γὰρ* tantum significare *pro doloris vehementia quasi elisis faucibusangebatur*, quod Gallice dicimus *creuer de dépit ou de rage*. Ut nempe Matthæus furoris duntaxat initium, Lucas vero supplicium quod de se *ὁ καὶ ἀγῶνος* postea sumpsit, descripserit. Ioānes de Launoy Doctor Sorbonicus Dissertationem edidit *De Vera causa secessus Brunonis in Eremum* qua euincit meram esse fabulam, narrationem de rediuiuo canonico Parisiensi qui ter è feretro sublimis clamauerit, se iusto DEI iudicio accusatum, iudicatum & damnatum fuisse. Scilicet vir solers qui Parisiensibus Dionysium Areopagitam Galliarū Apostolum pseudonymum, & Prouincialibus Magdalenam Massiliensem eripuit, etiam Cartusianorum fictitiam originem voluit denotare. Sunt tamen ista omnia superstitionis insignia monumenta sed quæ in tanta litterarum luce diutius latere & fraudem facere non poterant. Ita olim Bullialdus noster ausus quoque est aduersus Benignum vestratem aliquid commentari, sed ea de re sibi meditata edere veritus est. Ut aliquid præterea scribam. Accipe insignitam forsitan temeritatem meam de loco Pauli in epistola I. ad Cor. XVI. IO. *Εὰν δὲ ἔλθῃ ὁ Τιμόθεος βέλτε ἵνα ἀρόβως γίνῃται πρὸς ὑμᾶς*. Non possum me expedire ab isto *ἀρόβως*, quod alij *sine timore* vel *metu* quod idem est; alij *secure* exponunt.

Quorsum enim aliquid formidaret Timotheus à Corinthiis ? An tam cruciabantur Corinthi à gentibus ministri Euangelij ? Aliud ergo quero quod mihi satisfaciat. Certe nisi vetaret sacrosanctus exemplarium omnium consensus auderem pro apostolus minima mutatione legere apostolus : ut sensus esset : *Providere si Timotheus ad vos venerit ut liberaliter excipiatur*. Id est *Solicite curate ut sit liberaliter apud vos*. *Eius difficultatibus ita provideate ut nihil ei desit*. *Nihil à vobis habui , gratis docui* 2. Cor. XI. 7. 8. 9. *Eum vero volo laute haberi*. Glossa H. ST. *apostolus sine parcimonia*. Desino plura scribere , ubi te rogauero ut inspicere velis Plinij caput v. Lib. xxviii. cuius initium mendum videtur. Quid si legamus. *Servit totius corporis valetudini inuariata victus observatio*. Vale. Lutet. Paris. Calend. Mart. cjcxcxvi.

## CL. SAR. CL. SALMASIO.

Lugd. Bat.

**N**ON sine moerore , eoque summo , integram tuam Epistolam legere potui. De te enim merito extrema formidem , ubi cogito quem tuum statum mihi describas. Rem ergo feceris gratissimam , nisi melius iam valeas ; si morbi tui singula symptomata accurate descripseris , cum medicis nostris communicanda : & curabo sedulo ut eorum sententiam , cum de causa , tum de remediis , resciscas. Interea noli queso , ita tui omnem curam abicere , ut morbus qui iam non difficulter curari posset , tractu temporis insanabilis , euadat. Cogita quid tibi

& tuis, litterisque, immo & DEO ipsi, debeas; qui te tot eximiis dotibus, ad gloriam suam, cumulavit, ut eas sibi impenderes. Nec æquum est, præclara tua consilia ita interrumpi, ὁ μὴ γένοιτο οὐν θεῶν μὴ τ' ἔσται: quin potius, ex animo dico, *De nostris annis augeat ille tuos.* En proponitibi novam, & ut opinor veram, expositionem loci cuiusdam novi fœderis, nec veterum nec recentiorum ulli quod sciam memoratam. Ioh. xv. 20. hæc verba habentur, Εἰ ἐμὲ ἐδίωξαν καὶ ὑμεῖς διώξεσιν. Εἰ Ἰὼν λόγον μου ἐτήρησαν καὶ Ἰὼν ὑμεῖς τὴν τήρησιν. Omnes, postrema hæc verba ita interpretantur, *Si custodiverunt sermonem meum, vel mandata mea, etiam vestrum custodient, ei obtemperabunt.* Atqui non ea est hic notio verbi τηρεῖν, quod hic sumi debet, non pro *servare* & *custodire* simpliciter, sed pro *observare* & veluti *insidiari*. Quasi diceret Christus, *quia* ( si enim hic pro *quia* ) *mea verba observaverunt, malo animo ut ansam calumnie ex illis arriperent, etiam vestra, ut vobis isidem noceant, observabunt.* Quod porro Dominum nostrum expertum esse testatur Lucas xx. 20. καὶ παρατηρήσαντες ( Iohannes dixisset τηρήσαντες ) ἀπέστειλαν ὑπακούοντας, ὑποκρινομένους ἑαυτοὺς δικαίους εἶναι ἵνα ἐπλάβουνται αὐτῷ λόγῳ, εἰς τὸ παραδόξαι αὐτὸν, &c. Qui locus superiorem omnino illustrat. Nec insolita est istius verbi τηρεῖν pro *observare* notio apud Gentium scriptores. Vnum exemplum in sacris iam succurrit Ecclesiastæ xi. 4. τηρῶν ἄνεμον ἢ σπερεῖ καὶ βλέπων ἐν ἰαῖς νεφέλαις ἢ διεῖσι. Qui verteret, *servans* vel *custodiens* ventum, &c. nullum sanum sensum eliceret. Dicen-

dum ergo vt recte vulgus interpretum , *Qui observat* ventum ( scrupulosius scilicet ) non feret. Vale. Lutet. Parisiorum Idibus Martiis. CIOIOCXLI.

## CL. SALMASIVS CL. SARRAVIO.

*Lugd. Batav.*

**T**Am gratum mihi fuit , quam minime expectatum , quod de iam veluti plane recuperata valetudine tua , diligenter ad me perscripisti. Eam enim ita affectam audieram , vt nihil non timerem potius , quam tam subitam *ἀναβίωσιν* sperarem. Audiit ergo DEVS opt. max. bonorum vota , iisque annuit benignus : pro quo summo beneficio gratias ei ex animo agimus immortales. Sed ausim te rogare iterumque iterumque , vt omnino exuas aliquando belligerandi animum aduersus istos tenebriones , qui de mutuo aliisue minutiis te perpetuo adoriuntur. In Dialogis trium aut quatuor *ὀκτάδιον* aliquando vapulent. Vna Præfatio *Φοινικιδιον* deplumavit. Ad hoc exemplum si alij habeantur ; non vana spes est omnes istas funestas auiculas simili ratione elinguandas. Possunt illi , potest fere quilibet , huiusmodi scriptiunculis sufficere : at satis satisque ita illos retudisti , vt , etsi nihil in posterum reponas , non possint silentium tuum suam gloriam arbitrari. Quin potius , alia quæ potes infinita , te digna , scribe : quibus cum neutriquam pares sint æmuli tui , tum eximiam vindictam de iis sumptis , cum de bonis litteris

optime meritis fueris. Excute scrinia tua & aliquid ede τὸ εὐαγγελίον καὶ πρὸς πάντας. Αἰτίον. Vel Militia Romana : vel Arnobianę Notę ; vel Concilium Eliberinum : vel Notę In N. Fœdus, desiderata omnia procedant. Quæso ignoscas si sæpius incudem istam tundo. Sed hæc duo simul semelque rogavi omnium bonorum datorem ( scit ille qui nihil non scit me non mentiti ) vnum, vt te orbi diu, etiam de meis annis, superstitem incolumemque seruaret; alterum, vt quam larga manu dedit tibi eruditionem, Ecclesię suę & filij sui glorię in explicatione Noui fœderis, omissis leuisculis & profanis tractationibus, addiceret. Hasce legitimas preces meas, ita demum credam audiuisse omnipotentem & bonum DEVM, si tibi id præstare suaserit, quod ego ipsum rogavi. Nec remoram obiciant vllę æmulatorum vel etiam amicorum intempestiuę querele. Tibi scribe & posteris si hæc ætas iniquior, laboribus tuis ad æternitatem natis minus fauet. Quanquam si verum amamus, non est quod de ea grauitèr expostules, cum IN PRIMA ERVDITORVM CERA grandibus characteribus nomen tuum scripserit. Verumtamen cum te in omni doctrina summum prædicet, nihil non excelsum à te expectat; doletque cum eximia multa præstare possis, te ad minora, licet per se laude digna, diuertere. Vide ergo vt nominis tui nobilitatem & gloriam constanter tuearis, nec innatam quam in te agnoscis generositatem patere istis rumusculis infringi. Nosti enim si placare paras inuidiam virtute si non relictā saltem se-

posita, quid ita decernentibus Poeta minetur.  
 Quod possum precibus DEVM veneror, vt te  
 diu seruet cum tota domo, incolumem. Vxor  
 te tuamque salutat Lutetię Parisiorum 14. Maij.  
 CIOIOXLVI.

Ad me nuper missa sunt Excerpta ex Verini  
 Epistola: nonnulla non inelegantia visa sunt.  
 Ea tamen genium tuum non omnino referunt.

CL. SAR. CL. SALMASIO.

*Lugd. Batav.*

**Q**uotidie magis magisque gaudeo, feliciter  
 tibi processisse, difficili in morbo, tui ip-  
 sius curationem; quod tamen ipsi etiam me-  
 dici, interdictum sibi esse ex veteri communi-  
 que scito, contendunt voluntque. Tu vero  
 qui omnia, & te quoque apprime nosti, ideo-  
 que facilem reperisti curandi methodum quam  
 illi inuenire fere desperabant. Sit laus DEO  
 vni qui tibi istam compotem rectricemque  
 bonam mentem, etiam in malis, largitus  
 est: perpetuaque hæc, aliaque sua munera,  
 faxit. Cum hæc vota mihi sint valde familia-  
 ria, nec minus sincera, quod non dubito tibi  
 esse certissimum, tua tamen Caia me tui pene  
 interfectorem libenter nuncuparet: Tu vnus è  
 multis inquit, mauis eum hic cito occidere,  
 quam in patria diu viuere. Non ferrem in alia  
 istam siue animi siue calami iniquitatem: cui  
 iam indulgere potius inuat quam eius implaca-  
 bile erga istud cælum ingenium, frustra edo-  
 mandum suscipere. Credo Arausionense Prin-  
 cipe parum valente, Fæderatarum istarum Pro-

vinciarum Militiam parum hoc anno processuram. Idemque de tua suspicari libet, quam illius fere tantum causa scribere aggressus es. Sed Divinæ Militiæ semper studere oportet. Quod dum facio quando vacat, ἐν τῇ τῷ Θεῷ πανοπλίᾳ quam explicat Apostolus Epistolæ ad Ephesios capite vi. 13. 14. &c. plurima occurrunt armaturæ genera, quibus fateor me non posse indui cum ea non satis intelligam. Clypeum fidei, quia quid esset dixit, facile capio. Sed reliqua, nempe σῆτε περὶ φορέμενοι τὴν ὁσπρὺν ὑμῶν ἐν ἀληθείᾳ, καὶ ὑποδησάμενοι τὰς πόδας ἐν ἐτοιμασίᾳ τοῦ Ευαγγελίου τῆς εἰρήνης, Item δώρεα δικαιοσύνης & περιβαλεῖσθε τὴν σωτηρίαν, & μάχαιρα πνεύματος, quam χάριν habeant cum virtutibus Christiani militis, paratus sum discere si tibi libeat me docere. De secundo Verini libro, cogita quæso rationem aliquam qua possit ad me citissime deuenire. Non enim credas quam impatienter istiusmodi omnia desiderem. Si ille fortunam minus reuerenter habet, quamuis Dea etiam cum conviviis aliquando bene colatur, non debet illi mirum videri, si ab ea itidem parum commode habeatur. Nec enim semper ita cæca est quin aliquando erga se prensantes benigna videatur. Vale Lutetiæ Parisiorum Nonis Maiis. CIOICXLVI.

CL. SAR. CL. SALMASIO.

*Lugd. Bat.*

**C**VM dixi *non inelegantia* mihi visa esse ad me missa excerpta ex Simplicij Verini Epistola, eius auctori nihil detractum volui, quasi



minus eleganter scripta forent , aut *καταμειώσιν* essent verba mea intelligenda. Quin potius ea esse elegantissima sensi , quibusque non leuiter afficerer. Ita T. Liuius *haudquaquam spernendum auctorem Polybium* dixit , oratione figurata , cum præcipuæ auctoritatis historicum significaret. Ita Matthæus vel potius Micheas, de Bethleemo *Ἰδαμὸς ἐλαχίστη ἐστὶν τοῖς ἡγεμόσι Ἰσραὴλ* , cum vellet eam urbem magni facere & extollere , quod Christi prima incunabula esset habitura. Nec tu ista docendus es ; Et hæc tantum addidi vt morem tibi gererem , qui me verborum meorum interpretationem rogauisti. Absit enim vt summi , quisquis ille sit , viri meritis laudes , frigida & vituperationi proxima laudatione voluerim eleuare. Cum autem postea dixi ea genium tuum non referre , sic arbitrabar , pauca ea quæ tum mihi tantum visæ erant fragmenta , scripta esse operosius quam pro tuo more , qui omnem fere ornatum negligere soleas. Iam vero vbi totum opus lustrare & delibare contigit , beneficio amici qui mihi ad paucas horas eius vsuram fecit , liberius dico & prædico Simplicium Verinum virū esse cuius pectus multiiugi eruditione fætum , possit imo & debeat inter apprime doctos huius ætatis viros , inter generosos & multiplici lectione admirandos , merito suo censeri. Vis eius laudes vno verbo absoluiam , SALMASIO SEDERE POTEST PROXIMVS , NVLLO INTERVALLO. Scire te oportet Germani hominis fætum in *δισκοπωλίῳ* conceptum & editum fuisse : inde enim poterit in Dialogo alicuius festiui ioci captari occa-

ſio. Quæ pro Heinfio adducit circa Ariſtotelis locum iteratam diſcuſſionem tuam requirere videntur ; nam in reliquis quæ ipſam controverſiã ſpectant *εις ἀέρα λαλεῖ ὡς αὐτὸν ἰὼν αἴετα δέραν*, In quo deſino. Vale. Tibi tuæque à me mea-que plurimam ſalutem. Lutetię Pariſiorum Idibus Maiis. CIOIOCXLVI.

## CL. SAR. CL. SALMASIO.

*Lugd. Batav.*

**N**ON tantum proterue & inſolenter facit Amſtelodamendiſis qui te laceſſit Anonymus ; ſed etiam immaniter & tota via aberrat qui te vult gloriamque tui nominis Grotij de te laudationibus acceptam referre. Illas enim ei olim expreſſit cum veritate meritorum tuorum, mutuus amor, quas poſtea ſummæ eruditionis tuę vel reuerentia vel metus extorſit. Certe ab eo quò illi innotuiſti tempore, vix aliquid ſcripſit, quin tui cum præſatione honoris & luculento elogio meminerit. Nec maligne tantum laudavit velut æmulum, ſed etiam liberali manu meritam capiti tuo aptavit coronam. Num enim qui Salmaſium *Incomparabilis doctrinæ virum & decus ſæculi* agnoſcit & prædicat, is liquido affirmat ſe nihil in litteris maius invenire quod in cælum tollat ? Tu vero quem calumniantur *νακρῷ σῶμα λέοντος ἀπορίλλειν*, quaſi cum viuum auſus non fuiſſes limis intueri, oſtendiſti, Grotium parum metuendum tibi fuiſſe aduerſarium. Ex quo enim à vera orbita in religionis negotio deſlexit, captaviſti occaſio-

nem , toto biennio antequam fato fungeretur, cum illudendi , certe irritandi. Sic enim accipio non paucas eius reprehensiones & in eum animaduersiones quas libris tuis cum *Funeris & Commentarij de Hellenistica* , tum etiam *Miscellarum Defensionum* satis crebras inspersisti; nec semper eius tacito nomine , quod aliquoties expressim legitur notatum. Ceterum miror te Simplicij epistolam *malum factum* dicere ausum , cum sublimis spiritus opusculum eam merito credam. Quis enim validiori impetu Iesuitas & Romanenses aggreditur ? Te vno excepto nemo. Quis fortioribus machinis Babylonis mysticæ muros subruit ? Idem habeto responsum. Mihi quod ex ea legi pusillum , mirifice placuit. Vt autem omnino etiam *lois amisois* fidem facias te non esse legitimum istius licet nobilissimi filij parentem , consultum foretan foret , in proximo quodcunque à te prodibit opere istam siue invidiam siue iniuriam à te amoliri. Ita tamen vt constet aduersus hostem , qui etiam mortuus veram religionem infectatur , omnem hominem esse militem. Præterea , an postumo libro potuit aliter responderi quam post humatum eius patrem ? An non licet in defunctos perduellionis reos lege agere ? Quod autem infamiae pœna quæ post mortem irrogatur , non sit semper frustranea , docet Milestarum Virginum exemplum. Sed de his satis , imo plus satis. Vale. Lutetiæ Parisiorum Calendis Iuniis. CIOIOCXLI.

CL. SAR.

CL. SAR. CL. SALMASIO.

Lugd. Bat.

Somnia narrare inquebat ille, vigilantis est.  
 Tu vero non inelegans mihi enarrasti. Licet  
 autem ista iuueni tibi *κατ' ὄρα* visa sint, cre-  
 dis tamen, ita sentio, cuilibet tuæ ætati appri-  
 me idem conuenire. Certe si sole in ipso, ple-  
 no meridie iam legeres Romanū ΤΡΙΚΑΡΗΝΟΝ  
 velle te sibi assumere in consortem suę omni-  
 potentię Papalis, modo properares in media  
 Romę saburra comparere; non dubito te pro  
 tua prudentia, istiusmodi inscriptioni fidem non  
 adhibiturum, quamuis sine vllis Notis aut Si-  
 glis facillime legeretur. Quia, merito diceres,  
*Me vestigia terrent*, &c. At somnos tibi pauore  
 aufero. Imo audi magnum & terribilem tibi  
 paratum aduersarium, quique iam sit in pro-  
 cinctu, vt sese tibi sistat, & pedem pede vrgeat  
 feruidus. Virum dudum nosti, quoque turbine  
 hastam torqueat non ignoras, licet eius vali-  
 dissimos ictus aliquando eluseris. Is est Io. Ar-  
 tifiſius alias de Manibus Parisiensium iuris Pon-  
 tificij Doctorum professor decanus. Totum se-  
 mestre tempus aduersarię scriptioni impendit  
 assiduus. Nihil habet scilicet Roma terribilius  
 quod Apparatu opponat. Nulli fortiori bra-  
 chio potuit Capitolinus Iupiter fulmina sua quę  
 in te ferocientem vibraret committere. Iocari  
 me arbitraris vel serio agere. Certe iocor vel  
 potius indignor; adeo miseret me Romanen-  
 sis causę quę ad tales sui defensores redacta sit.

## CL. SARRAVII

Hic sane leuissimę armaturę non tiro sed veteranus, parum dignus est qui nobilem ensẽ tuum suo sanguine imbuat. Itaque parce precor parce deliro seni & potius feriri libeat imo & κορυμβίας γράφειν quam ad ista ridicula cõfutando descendere. Vbi Triarij surrexerint, tu quoque moue fortiter lacertos & *bella horrida bella gerantur*. Tu & Tua à nobis Valere. Lucretię Paris. Prid. Idus Iunias. CIOIOCLXVI.

## CL. SAR. CL. SALMASIO.

*Lugd. Batav.*

**A**D me tandem rediit Faustinus Simplicius, comite assumpto Simplicio Verino, pro quibus magnas habeo agoque gratias. Hic iterum accuratius lectus pulchrior & excellentior visus est. Valde placet quod ibi de Primatu Pontificis R. disquiritur, quem prout ab eo vsurpatur *Suprematum* vocare ait fore consultius. Quid si eum nouo sed vero vocabulo, à magno Paulo Veneto solerter excogitato, *Totatum* dicamus? Ita enim ille in *idioxiëgis*, quas nuper versare contigit mihi, ad Villerium Horomannum Epistolis. Hęc sane vox digna est quę ad posteros in hac controuersia tractanda deueniat; cum mirifice immensam ambitionem & auaritiam istius *Απνορχίσου* designet. Quid enim aliis relinquit dum omnia sibi plenissimo iure vindicat? Cæterum noli credere tibi illuisse Ordines, cum amplius honorarium pronunciarunt. Quin potius ex more nostro in extremum annum eius præstationem

esse reiectam : hoc enim dudum heic circa huiusmodi negotia inualuit. An enim istic quoque periit publica fides quæ iam dudum heic omnem pudorem cum meretricia fronte commutauit ? Haud facile crediderim. Nostris Gallicis sit hæc propria laus & gloria, vel potius, quid enim iocari iuuat ? pudenda infamia. Vigeanť vero istic pudor ; simplicitas, modestia, veritas & fides, quæ, postremam intelligo, vt ait Tullius, *Dictorum & conuentorum constantia sic est appellata quia fiat quod dictum est.* Si enim cinilis hæc & humana virtus istinc quoque exulat, alias vel cum barbaris ipsis quære sedes. Ab iis enim decipi & falli bonum virum nihil mirum : vbi vero exuberare debet bona fides eam reperiundam non esse omnino ἐν τῶν ἀπορήτων mihi videatur. Sed hoc auertat DEVS quem rogo tibi tuisque semper benignum. Vale & ama. Lutetię Paris. XXI. Iunij. CIOIOCLVI.

CL. SAR. CLAVDIO SALMASIO.

*Lugd. Bat.*

**E**GO vt scribam quis ὁ γνωστότατος Petrus Aurelius ? μέγα μ' αἰτῆς, & τοι δίδω. Ille enim adeo latuit, latetue vt sibi notissimus, præterea ignotus omnibus, sit, fueritue. Nec enim formidolosæ societatis minis potuit adduci vir generosissimus simul & prudentissimus, vt personam deponeret : nec metu dempto, promissis honorariis, ab huius regni Præsulibus, vt se se illorum conuentui sisteret. Ante quinquenniũ Clerus Gallicanus immortalibus eius

scriptis hunc honorem à se deberi arbitratus est, vt publicis typis suo mandato & sumptibus excuderentur. Iterum hoc ipso anno, eodem curante, recusa sunt, & addidit Monchalius quod vidisti elogium. Hęc totius rei gestę series, quę nihil Primatum tuum spectat: nisi forsan quia tibi, Aurelio & Verino idem hostilis exercitus, nempe Loyoliticus venit debellandus. Cęterum nihil est quod huic postremo heroi, qui tua tibi suffuratur, inuideas, cum non inuito domino ea contrectet. Patere ergo tantum virum in tua inuolare; nihil enim à manu solertis huius artificis operi tuo decedet, siue ad Botanica se accingat siue ad ritus Ecclesiasticos; siue etiam Militiam Romanam, Helenam illam tuam, velit in ordinem cogerere. Si ad mitiora te conferas studia, minor inuidia non minor fama gloriaque te sequentur. Ita tamen vt è Noui Fœderis codicibus aliquid semper aspergas. Hoc enim sine condimento vix aliquid iam mihi sapit. Etiam in postremis Notis arcani illius Alphabeti, quod explanandum suscepisti, satis multa sacra sunt quę ab Isidoro, Ambrosio Mediolanensi tribuuntur. Mense proxime præterito præfui editioni cuiusdam Italicę scriptiunculę *De Vita Sobria*, quę Ludouicum Cornarum auctorem habet. In ea nihil omnino meum; mea tamen quia dicitur, aliquot exemplaria ad te communesque amicos proxima occasione adlegabo. Vale. Lutetię Parisiorum Pridie Calendas Augustas. c16cxlvi.

CL. SAR. IS. VOSSIO.

*Amstelodamum.*

**N**Vdius sextus ex Aquitania, post quadri-  
mestrem fere absentiam, in Urbem reuer-  
sus sum. Statim me cepit impetus veteres ami-  
cos meos, libros scilicet, amplexandi. Et com-  
modum Ignatius tuus, mihi hætenus à limi-  
ne tantum, culpam fateor, salutatus, inter pri-  
mos occurrit. Dum omnia studiose verso, iis  
characteribus in Notis nomen meum scriptum  
inueni, iisque elogiis ornatum, quæ propen-  
sum & effusum tuum erga me amorem pro-  
dunt apertissime. Adeo enim prono affectu,  
exquisitisque verbis, id effecisti, ut omnium  
hominum habear ingratus, nisi profitear  
me eo nomine plurimum iam tibi debere & in-  
posterum semper esse debiturum. Ago itaque  
gratias, ago gratias tibi summas, Mi Vossi,  
æternum enim me tibi deuinxisti tanto & tam  
præclaro erga immerentem testimonio. Video  
enim ibi famam meam æternitati consecratam,  
eo monumento quod saxa & marmora dura-  
tione vincat. Verbum *καταργῆται*, quod im-  
menso tuo beneficio occasionem dedit, non  
legeram in vulgatis Ignatij editionibus, sed  
frequenter mihi lectitatum erat in Paulinis Epi-  
stolis. Diuino enim Apostolo eique pæne vni,  
adeo est familiare, ut libenter eius Cilicis  
illud annumerem, nisi intercedat purioris Hel-  
lenismi auctor Lucas, qui tamen eo semel om-  
nino utitur. Non habet M S. meus codex istius



vestri Bonifacij Vitam, aut cuiusvis alterius qui in Batavia floruerit. Sciat quæso Incomparabilis parens tuus me eius egregiorum meritorum esse religiosissimum cultorem. Vale. Lutetiae Parisiorum IV. Ianu. MDCCXLVII.

## CL. SAR. NICOLAO HEINSIO.

*Romam.*

**N**E prioribus tuis literis statim atque illas accepi responderem, obstabat iter Aquitanicum, in cuius procinctu me deprehenderunt. Post quadrimestrem autem absentiam, non sine magnis ab hienae & parum firma sanitate difficultatibus, in Urbem redij. De te quid factum esset, Vir eximie, & ubi gentium degeres, sollicitè percunctatus, intellexi te valere & in vrbe Aeterna vigere; in qua thesauros eruditionis & gloriae inæstimabiles labore improbo, industria singulari, solertiaque prouida comparares. Non mediocri voluptate nuncio isto affectus sum. Sed quod iam ab alteris tuis me abs te semper amari etiam cognosco, mentiar ni dixerò me totum suauissima lætitia perfundi. Utinam vero possem insigni aliquo officio testari quanti virtutes tuas faciam! Nulli parcerem rei ut affectus meos tibi penitissime recluderem. Aliquando forsitan sese dabit id commodè præstandi occasio. Interea hoc animo meo contentus esto: & ad nos reuertere gazis onustus, quas ab iniquis possessoribus extorseris. Veræ enim & solidioris eruditionis cara dudum istic est annona. Sed paucissi-

mos Romæ reperiri , qui elegantiores saltem literas religiose colant , vix crederem nisi affirmares. Atqui ipsum cœlum , ipsę illę quas merito laudas , statuę , quam multa solę sui aspectu docere possunt quę in libris frustra sepe quęrimus. A mutis istis nec fastidiosis magistris , discas , quę postea toti orbi imputabis. Nec illis inuidebimus tanta decora , vbi verum eorum vsum chartis mandaueris. Quin potius inuidebunt Rerum Domini Batavis tam eruditum diuitiarum suarum dispensatorem , tamque profundum mysteriorum suorum interpretem. Quod autem sponte offers è diuite tuo penu ; & quod ostentas è Galilæi hæreditate auctarium , non recuso. Hanc quęso operam tui amicissimo & bonis omnibus impende. Mihi sane rem feceris gratissimam. Te rogaue-  
ram cum discederes , & si pateris , iterum rogo , vt sedulo exquiras num in MSS. exemplaribus Anastasij Bibliothecarij , reperiatur , suo ordine , inter Leonem IV. & Benedictũ III. Vita Ioannę Papissę. Retulit olim ad me amicus cui mandaueram , laceros esse codices omnes quos vidisset , eo loco vbi ea narratio esse deberet. Vidisse se tamen in Ambrosiana vnum , non in membranis sed in charta exaratum , qui eam haberet : sed describendi copiam factam non fuisse. Si per te compos esse potuero istius historici fragmenti plurimum tibi ego debebo, Vir Pręstantissime , quem in tuorum numero habere velis quęso precorque. Lutetię Parisiorum v. Martij ipso Hilariorũ die cccccxlii.

*Lugd. Bat.*

**D**Euenisse tandem aliquando in tuas manus doctissimi & amicissimi Iacobi Gothofredi dudum editas *Quinque Dissertationes*, non sine voluptate intellexi. Cum enim in illis factis multa habeantur quæ te vnum petunt, dolebam tui defendendi non suppetere facultatē. Præterea mirabar, auctorem, cui tuo nomine publicatos à te libros sæpiusculè misissem, non curasse ut eas à se potius quam ab alio quopiam acciperes. Absit tamen ut quod melioribus studiis & ad æternitatem factis lucubrationibus tempus debetur, istis confutandis male colloques. Pleraque enim tanti non sunt ut data opera de illis te commentari oporteat: & dabitur forsitan occasio in Præfatione maioris alicuius operis ista obiter explicandi. Prima quæ statim sese tibi obtulit *Dissertatio* materiam continet arduam impeditam & à non vno tractatam. *De mutatione & augmento monetae.* Quia mihi inscripta est, eam maxime à te expendi velim. Plurima enim in ea leguntur, quibus difficulter emergam, nisi manum porrexeris. Imprimis vero negotium faceffit, quod ille veluti pro axiomate, de quo ne dubitari quidem oporteat, statuit, modo auctam modo imminutam auri libram; quæ aliquando septuaginta duobus, aliquando octoginta quatuor solidis constiterit, manentibus solidis eiusdem ponderis. Nihil enim difficilius & incer-

tius fuerit rei monetariæ explicatione, si libra, vncia, scrupulus, pro arbitrio Principum & pro temporibus variauerint. Nummis quidem, hoc est forma, pondere & pretio nihil pœne mutabilius: pro copia & penuria auri & argenti modo augetur, modo minuitur nummorum ex illis conflatorum pondus & pretium: atque ita plures aut potiores solidi pro eorum diuersis ponderibus libram constituerint. Vt vero libra ipsa etiam variauerit fateor nouum mihi videri. Quid ergo de ista amici nostri sententia, imo quid de tota ista Diatriba sentias, fac rogo te intelligam. Tu enim solus de istis rebus ab eruditorum cognitione remotissimis potes iudicare. Et quantum etiam in re nummaria supra ceteros præstare possis, clamant ea quæ perimmortali gloria dignissima opera tua, sparsa de eo argumento, legimus cum summa admiratione. Mihi enim non vacat in ista diligentius inquirere, forensibus negotiis assidue occupato, & quod superest temporis sacris Noui Fœderis literis lubentius impendenti. Proxime præteritos Hilariorum dies insumpsi collationi codicis manu exarati Amplissimorum Puteanorum fratrum, qui olim venerabili Bezæ Claromontanus dicebatur & Paulinas tantum Epistolas cōplectitur. Magna sane optimi & doctissimi senis in eo tractando fides & diligentia; qua tamen adeo non omnia exhaustit quin post amplissimam messem supersit adhuc spicilegium alienæ industrię. Exemplum hoc habeto illustrissimum & quantiuis pretij. Rom. viii. 24. & 25. vulgo legitur *πυλαί πινος*

ἐγὼ ἄνθρωπος τίς με ρύσεται, ἐκ τοῦ σώματος τοῦ θανάτου  
 τίς τε ; quę omnino recte cum interrogatione  
 leguntur. Tum sequitur *Εὐχαριστῶ τῷ Θεῷ διὰ Ἰησοῦ*  
*τοῦ κυρίου ἡμῶν*, Ad quę diuini Apostoli verba hęc  
 ‘ annouit Beza. Vulgata *Gratia DEI* χάρις  
 ‘ *χριστοῦ τοῦ θεοῦ* repugnante Syro interprete & Grę-  
 ‘ *cis omnibus* codicibus, nisi quod in vno legimus  
 ‘ *χάρις δὲ τῷ θεῷ*. *Sic autem Gratia DEO*.  
 Hęc illę ; qui postea contendit omnino errasse  
 vulgatum interpretē ; & erroris fontem , si DEO  
 placet , non contemnendis , vt quidam arbi-  
 trantur rationibus , aperit. Atqui verum non  
 est quod ait Beza repugnare vulgatę lectioni  
*omnes* Gręcos codices. Ego enim duos vidi , qui  
 contrarium euincant. Ille certe Claromonta-  
 nus quem cum cura versauit , diserte habet  
 ΗΧΑΡΙΣ ΤΟΥ ΘΕΟΥ : & in versione Latina ę re-  
 gione vt loquuntur , apposita , GRATIA DEI :  
 plana & verissima sententia ; qua liquido res-  
 pondet Apostolus difficili alias quęstioni , iis  
 verbis , quę , Vulgatum interpretem , quem  
 merito multis magisque de causis plurimi fa-  
 ciunt Romanenses , absoluunt. Eamdẽ quo-  
 quę lectionem totidem literis & apicibus extare  
 video , in alio manuscripto vetustissimo etiam  
 Gręco-Latino codice , Bibliothecę Abbatię  
 Sancti Germani à Pratis. Temperate mihi non  
 possum quin aliam lectionis varietatem ex eo-  
 dem Puteanęo libro depromptam nec minoris  
 momenti tecum communicem. Galat. 11. 4. & 5.  
 vulgo legitur *διὰ δὲ τοῦ παριστολῆος ψευδαδέλφους*  
*οἵτινες παρεσῆλθον κατασκοπεῖσαι τὴν ὑπευθείαν ἢ μὲν ἢν*  
*ἐχόμεν. ἐν χριστῷ Ἰησοῦ , ἵνα ὑμᾶς καταδολέσωσιν*, *ὅτι*

ἡ δὲ πρὸς ἄραν εἰσαγωγὴ ἢ ὑπογραφή ἵνα ἡ ἀλήθεια τοῦ  
 εὐαγγελίου διαμείνῃ πρὸς ὑμᾶς. Ad quæ postremi  
 versiculi verba , annotavit Beza , Ambrosium  
 non legere ἡ δὲ repugnante omnium Græcorum  
 codicum fide & ipsa quoque sententia : quam-  
 vis non videatur etiam legisse negantem parti-  
 culam Hieronymus & eam tollendam esse cen-  
 seat Tertullianus , libro aduersus Marcionem  
 quinto. Atqui verum non est quod ait Beza,  
 nullos Græcos codices non habere istud ἡ δὲ :  
 In Claromontano enim illo venerandę antiqui-  
 tatis quem in manibus & præ oculis habebat,  
 desideratur in Græco non tantum illud ἡ δὲ : sed  
 etiam δὲ quod præcedit : & in Latina quoque  
 eius versione eadem duo verba desiderantur.  
 Disertis enim verbis legit AD HORAM CES-  
 SIMVS SVBIECTIONI sine negatione : ma-  
 iusculis enim characteribus Græcis & Latinis  
 descriptus est totus liber , manu eleganti. Nec  
 est nauci hæc varietas. Tertullianus de vitiatis  
 sua iam ætate exēplaribus laudato loco ad Mar-  
 cionem conquerebatur ; & disputabat inducen-  
 dam negationem argumentis validis , quæ ro-  
 go , apud ipsum inspice. Si habuisset quem  
 iam tero & laudo manuscriptum codicem quan-  
 tis laudibus illum extulisset , aliisque omnibus  
 prætulisset. Doctrina inde educi possit diuersa,  
 pro varia lectione , in re non exigui momenti.  
 Alij enim dicent , aliqua συγκατάθεσις vten-  
 dum ad tempus , erga dissidentes , etiam  
 in religionis negotio. Alij ne quidem ad ho-  
 ram vel momentum cedendum esse : Quæ tam  
 diuersa sunt , quam diuersæ existunt nostrorum

codicum & Puteanæi lectiones. Et laudabunt singuli Paulum suæ vel seuerioris vel mitioris sententiæ auctorem. Nec sunt ista indigna tua disquisitione : maxime collata cum alio Apostoli loco ad Rom. XII. II. in quo idem Puteanæus codex , sicut & editiones Stephanorum , legit ΤΩΧΑΙΡΩΔΟΥΤΑΕΤΟΝΤΕΣ : & in Latina versione SERVIENTESTEMPORI quod etiam Beza non animaduertit. Vide autem num belle conueniant τῷ χαίρῳ δὲ λυμέν & ἀπὸς ὧν εἶχεν. Vale. Lutetiæ Parisiorum Nonis Martiis. CIOIOCXLVII.

CL. SAR. IO. FRED. GRONOVIO.

*Dauentriam.*

**L**ibet has impensas conferre nobilissimo ; quod exstruere te audio , operi Obseruationum Liuianarum. Nempe est penes me Titi Liuij codex magno Scaligero olim versatus , cuius manus paucis hisce locis medicinam fecit. Plures habebantur , sed quia à te occupati sunt , frustra eos transcripsissem. Hoc à me tui studiosissimo & obseruantissimo æqui bonique consule , iisque pro arbitrio vttere. Sumptibus regiis , & superba sine exemplo , magnificentia , editus hic est ante annum Io. Cantacuzenus : & iam prodit Cedrenus cum Curopalate. Si libeat Annam tuam ad me transmittere , eius editionem , iisdem typis , procurabo. Volunt enim qui isti rei præsunt , omnes Historiæ Byzantinæ scriptores Græco-Latinos quam castigatissime fieri potest , recudere. Vide num ra-

tionibus tuis id conducatur, quidue hoc ut facias, à me fieri velis. Operam enim meam hac in re aliaque omni, tibi libentissime offero. Vale & me amare perge. Lutetię Parisiorum viii. Martij ciciocxlvii.

## CL. SAR. IOSVÆ PLACÆO.

*Salmurium.*

**M**aximam forensium harum feriarum partem hæctenus impendi & porro impendam collationi aliquot Manuscriptorum Novi Testamenti codicum, qui in manus meas inciderunt. Nec omnino luisse operam mihi videor. Vnum autem reperi locum, quem non indignum existimaui quem tecum communicarem. Idque facio eo libentius, quod non ingratum tibi fore certo persuasus sum, cum ob prolixam tuam erga omnes humanitatem, tum præcipue ipsius argumenti fiducia: Diuinitatis nempe Domini Nostri Iesu Christi; cuius te magnanimum Assertorem, & strenuum aduersus impios hæreticos propugnatorem, cum magna tua gloria, præstas. Codex est venerandæ antiquitatis qui scripturæ speciem præfert ultra octingentos, vel etiam mille annos exarata. Locus autem de quo ad te refero habetur Apocalypsis cap. xix. 10. & vulgo ita legitur, σύνδουλός σε εἰμι καὶ τῶν ἀδελφῶν σε τῶν ἐχόντων τὴν μάρτυριαν τοῦ Ἰησοῦ. τῷ θεῷ προσκύνησον. Codex vero quem iam versò legit in hunc modum. σύνδουλός σε εἰμι καὶ τῶν ἀδελφῶν σε τῶν ἐχόντων τὴν μαρτυρίαν Ἰησοῦ τῷ θεῷ προσκύνησον. Quæ lectionis



varietas non est nihili, ut statim perspexeris. Vulgata quippe lectio iungit hæc verba μαρτυρίαν Ἰῶ Ιησοῦ cum articulo Ἰῶ, qui in meo codice desideratur; sed habet εὐγμήν post μαρτυρίαν. Tum addit Ιησοῦ τῷ θεῷ προσκύνησιν. O insigne pro diuinitate Christi testimonium & de quo reperto merito exultem & triumphem. Ne tamen sincera sit voluptas mea, duo obstant. Vnum quod dubitem, an phrasis scripturæ ferat ut dicantur οἱ ἀδελφοὶ φέροντες τὴν μαρτυρίαν simplicitet, sine vlla τῷ χριστῷ vel τῷ πνεύματι adiectione. Altera num hæc verborum ἀκολουθία, Ιησοῦ Ἰῶ θεῷ sit sacro textui vsitata: cum videatur legi oportere Ἰῶ Ιησοῦ θεῷ, vel Ἰῶ Ιησοῦ τῷ θεῷ προσκύνησιν. Ego tyro istis impediore: tu ἐν τέτοις πρίβων animaduerte. Ecce aliud ἄτοπον. Quæ sequuntur ἢ γὰρ μαρτυρία τῷ Ιησοῦ, ita omnino videntur intelligenda, ut de Iesu testimonio aliquid præcesserit. Hæc quæso accurate perpende Vir Magne, nec paruum à me gratiam iniueris. Si quid vicissim ego tua causa potuero, me virtutum tuarum obseruantissimum, & accepti beneficii memorem experieris. Vale. Lutetiae Parisiorum xxvi. Octob. ciciocxlvii.

CL. S. IACOB. VSSERIO ARMACHANO:

*Londinum.*

**D**Vdum tibi obstrictum pro honorifica in Ignatio tuo mei mentione, Illustrissime ac Reuerendissime Antistes, nouo adhuc beneficio deuincire voluisti. Dono enim tuo accepi Diatribam tuam *De Symbolis veteris Ec-*

*elej. a.* Pro illis tuis erga me meritis, debitas rependo gratiarum actiones. Magna cum voluptate, nec sine fructu, legi postrema ista tua opuscula; in quibus igneum ingenij vigorem, & reconditam eruditionem, abstrusissima quæque rimantem & bono publico eruentem, ex animi sententia dico, sum admiratus. Omnino enim cum optimum sit quod antiquissimum, in Originibus indagandis opera merito & bene collocatur. Te vero ista præsertim ætate & tot inter turbas hæc tuæ curæ ducere, summam profecto laudem meretur. Aderit DEVS se & sua quærentibus. Ita precor & spero: cumque veneror vt Regi Regnoque vestro ea suggerat consilia & effecta det, quæ suæ gloriæ vestrisque commodis, Tibi vero imprimis, Vir Bone & Magne, conueniant. Interea perge sacras ornare literas, nosque huiusmodi munusculis beare. Sed ante omnia, qua istic polles auctoritate, effice, vt Biblia illa THECLÆ typis vestris cum orbe Christiano communicentur. Nullo illustriori monumento fama tua post tot exantlatos labores, æternitati consecrabitur. Hoc te rogant omnes qui sacra amant & colunt, ego vero *ὁς ἐκλεγεῖσθαι*. Si quid hic vicissim tua causa potero, beatum me existimaue- ro. Virum amicissimum & eruditissimum Io. Pricæum cuius familiaritate & consiliis plurimum profecisse me profiteor, ni graue est meo nomine saluta: & vrge suas chartulas componat, & sacra curare & illustrare non desinat. Vale Vir summe; meque tui obseruantissimum vt tuorum in numero habere velis, etiam atque

etiam rogo. Lutetiae Parisiorum xxviii. Octobris ciciocxlvii.

## CL. SAR. CL. SALMASIO.

*Lugd. Batav.*

**R**ogatus ante aliquot annos, Vir Reverendus Daud Blondellus, ut ad examen reuocare vellet, quæ utrimque vulgo iactarentur de IOANNA PAPISSA, libenter amicorum desideriis obtemperavit. Re igitur diligenter perpensa, existimavit fabulosum esse, ullam Romæ aliquando sedisse Pontificem feminam, inter Leonem quartum & Benedictum tertium. Sententiæ suæ rationes scripto Latino consignavit, quod multorum assensum meruit. Multorum dixi tantum, quis enim vnquam omnium? Imo in multorum propterea offensionem incurrit vir optimus: quasi probosum foret viro Protestantium partibus addicto, quidquam attulisse, quod vulgaras suorum opiniones conuelleret. Ille vero, cui semper propositum fuit, sine vlllo partium studio & sepositis præiudiciis προπιάν την αλήθειαν, securus conscientiae suæ fiducia, factum suum ita tutatus est, ut tamen infirmorum vano timori voluerit consulere. Itaque contentus doctis viris satisfecisse, apud me suum scriptum deposuit, ne frontis forsan infirmitate cogeretur illud liberalius communicare cum quibusdam qui illud, contra suam mentem, temere vulgarent. Factum est autem ut anno millesimo-sexcentissimo trigesimo nono, coactus fuerit eandem  
incudem

incudem tundere , sed Gallico breuiore commentario , in gratiam Geneuensium , apud quos magnificum eius opus de Primatu in Ecclesia tum excudebatur. Rumor nempe percrebuerat in eo Papissam validis argumentis fortiter oppugnari. Illi vero vt parcerent labori versandi maioris operis , vt inde cognoscerent an vera esset didita fama , maluerunt auctorem consulere ; qui statim respondit , nihil in isto suo libro ea de re haberi : quid autem circa illam sentiret candide professus est. Breuius hoc Gallicum scriptum in multorum manus deuenit. Tu quoque , cum hic esses anno millesimo sexcentesimo quadragesimo primo , illud vidisti. Quomodo autem factum sit vt anno superiore Blavvius Amstelodamensis eximius Typographus id typis suis publicauerit , quærere aut dicere nihil attinet. Certe auctor affirmat se inconsulto , quidquid id est procuratum fuisse. At vbi præli beneficio communior factus est hic libellus , alij gaudere de comperta vt credebant , veritate , alij pene optimo viro conuiciari. Ita varia expertus est auctor hominum iudicia : aliis ingenuitatem eius laudantibus & in cælum tollentibus ; aliis eius saltem imprudentiam damnantibus : nam doctrinam eius reconditam & immensam vel æmuli admirantur. Interea factum est , vt ad amicos scriberes , Te nouum Assertorem fore vulgaris istius apud nostros opinionis ; idque nullo negotio & statim à te confectum iri. Recreasti animos eorum quibus dolebat eripi sibi telum vt arbitrantur acutissimum , quo Roma in ca-

pite feriretur. Ego quoque gauisus sum inter  
 viros summe doctos & amicos hanc natam in-  
 dagandæ veritatis curam : nec dubitavi à vestro  
 congressu statutum iri , quid deinceps de omni  
 ista siue historia siue fabula iudicandum sit. Nec  
 debet fraudi esse Blondello quod Reformati  
 pœne omnes hætenus per manus traditam nar-  
 rationem acceperint & defenderint. Si enim  
 alij incuriosius in historiis versentur , non cre-  
 didit , qua pollet in omni antiquitate sacra &  
 profana eruditione , sibi nefas esse in verum  
 penitus inquirere , origines à primis initiis  
 repetere , & tandem suam sententiam aperte  
 profiteri : nihil cuiquam præscribens , nec pro  
 auctoritate aut imperio , assensum imperans.  
 Rationes expendantur , tempora ad exactam  
 normam ponantur , circumstantiæ æqua truti-  
 na librentur , præcedentia cum sequentibus  
 componantur , testium ætas fides & testimo-  
 niorum *ισότης* examinentur , tum demum de-  
 cernatur. Hæc quia à te factum iri arbitratur,  
 vir doctior nescio an melior , non inuitus con-  
 sensit vt ad te mitterem suum Latinum scri-  
 ptum : quod à te expetitur , cum hisce meis  
 literis ecce tibi reddet iunior Elzevirius , qui  
 istuc proficiscitur. In eo igitur , quando ita  
 lubet , confutando , ita versare Vir Magne , vt  
 scias , non tibi rem esse cum aduersario con-  
 tumaci , quem veris victum rationibus pudeat  
 errorem agnoscere. Imo inquiebat mihi nuper  
 vir optimus , si mei triumphator fuerit Salma-  
 sius , ego cum eo triumphator ero erroris. Ve-  
 rumtamen quid aggrediaris cogita : res est enim

ardua & magnis difficultatibus impedita. Sed omnia forsan pręuidisti. Nec enim credibile est te ista doctrina & prudentia, aliquid polliceri quod pręstare non possis. Noli autem credere primum aut solum è nostris Blondellum, ita sensisse: quamuis fortassis nemo vnquam fortius & pressius istud solum calcauerit. Fuisse enim olim in eadem sententia non incelebres inter Reformatos Theologi: & adhuc vigent in hac vrbe insignes fide & pietate viri, qui audierunt ex ore Camerij, se istam historiam vulgo creditam, fabulosis deputare. Vidi nuper scriptas literas docti & vegeti senis tibi, & mihi amicissimi, Petri Molinæ, quibus idem semper sibi esse visum affirmabat. Multa certe cum scripserit quibus Romanum suggillauerit pudorem, ab ista tamen femina semper manum abstinuit: & poterat tamen vir non infacetus, alicuius liberalis ioci inde captare occasionem. Penes me sunt literæ Samuelis Bocharti quibus testatur sibi esse pro comperito vanum esse & fictitium, quidquid hactenus de ea sit proditum. Quanti autem sit, apud bonos & graues, trium istorum auctoritas, facile intelligis. Poteris vicissim satis scio innumeros nobis opponere. Sed vide num illi pręcedentiū gregem sequuti, rem minus exacte considerauerint. Omnino tutius est recentioribus omissis in antiquis & coætaneis præsertim quid tenendum sit querere. Vnus Anastasius sibi constans possit rem conficere, Quid in huius auctoris Manuscripto Regio de ista femina legatur, olim ad te misi. Sed liber est

à manu recenti, quæ vsque ad Martinum Quintum, Historiam Pontificiam produxit: Et insertam esse narratiunculam euincunt quæ in Benedicto Tertio leguntur non vsquequaque convenientia. Hęc tu & alia omnia pro solito acumine diligenter expendes. Vellent alij quod ab aduersa valetudine tibi superest otium, impenderes vel ingenti operi dudum expetito de Ordine Ecclesiastico, vel sacris in N. T. Exercitationibus concinnandis. Sed malle nos oportet quod ipse malis. Quidquid enim à te proficiscitur cum ingenti laude tua & gaudio bonorum omnium excipitur. En mitto Epigraphen quam ipse nuper composui, precibus adductus Senatoris V. Inquisitionũ Camerae. Seruet te DEVS diutissime, cui te tuaque omnia commendata quæso precorque. Vale & me ama. Lutet. Paris. xviii Ianuarij. ciciocxlviii.

IACOBO. PHELYPEAVX. BLESENSI.  
BVRGIMEDII. ABBATI.

IN SENATV. PARISIENSI. PER. ANNOS. XLVII.  
CONSILIARIO. INTEGERRIMO.

VERÆ. SIMPLICITATIS. STUDIOSSIMO,

VITÆ. INCVLPATÆ. VIRO.

HÆREDES. MOESTISSIMI.

H. M. PP.

VIXIT. ANNOS. LXXVII.

OBIIT.

A. CH. MDCXLVII. OCTOBRIS. DIE. XXI.

CL. SAR. PETRO LAMBECIO.

*Romam.*

**B**Ene est, suauissime Lambeci, quod sola voluminis Epistolarum Balzacij iactura, effecit, ut me insalutato Romam profectus fueris? Aliam enim capitaliorem causam subueirebar; cum præsertim pro yno exemplari desperito bina remisisses. Vnde spes subit non vana te huc reuersum mecum in gratiam bona fide & sine exceptione rediturum; quo nihil magis in votis habeo. Tuam enim ad omnia magna natam indolem & factam, vti & ingenium liberale & solers, laborem improbum, eruditionem haud vulgarem & supra ætatis caput longissime prouectam, suspicio, amo, colo Mi Lambeci. Nec vereor ut Italis iam fere congenita & fatalis ignauia laudabiles impetus conatusque tuos obtundat & moretur. Quin potius ab iniquis istis possessoribus erue & eripe defossos pridem bonarum literarum thesauros nobiscum aliquando communicandos. Hic enim tuæ peregrinationis solus verusque fructus ad te redeat oportet, neglecta opera quæ in lustrandis oculo curiosiore vetustis ruderibus frustra plerumque & male collocatur. Cæterum gaudeo impensius & iurisprudentiæ nostræ ex animo gratulor, quod Themidis castissimæ Diuæ sacris volueris initiari. Nec indigna est te sacerdote seuera hæc Dea quæ sui studiosos & religiosos vix finit inhonoratos. Te sane Musarum delictum & carissi-



num alumnum complectetur, & in sinu fouebit. Ita voueo precorque & ut me tuorum in numero habeas bonum & fortem. Virum Magnum Holstenium auunculum tuum, olim mihi apud Antissiodorensē Episcopum cognitum, quęso ni graue est, nomine meo saluta. Utinam autem quę habet infinita veteri Geographiæ illustrandę, tuę fidei committat, dum ille Pontificum vitis, ex antiquis monumentis, adornandis, melius incumbet. Illa enim tuę, hęc eius ætati apprime conuenient. Vale & me ama. Lutetię Parisiorum Calendis Maij. CIOICXLVIII.

CL. SAR. PETRO LAMBECIO.

*Romam.*

**S**erius rescribo Eximie Adolefcens: sed non Spotui citius respondere super Pauli Silentarij ecphrasi. Interrogaui enim Salmasium num posset velle te ea in re ferre suppetias & literariis tuis conatibus gratificari. Ille vero in hunc ferme modum loquutus est. Libenter equidem omne istud onus in prestantissimum Lambecium reicerem. Olim enim recepi me istud opusculum editurum; quippe quod partem faciat Epigrammatum Gręcorum dudum à me promissorum. In eo autem prope sum ut ea recenscam & adornem omissis aliquantisper studiis seuerioribus. Quare excusatum me habeat, ita precor, amicus noster si veteres amores nolo eiurare. Sed habet ille in Vaticana ipsissimum exemplar unde eam pene puer Hei-

delbergę olim descripsi. Occupet ergo si lubet istam palmam, meque tardigradum præuortat. Hęc ille. Dolet vero me non magis apud eum potuisse vt tibi hac in re inferuirem. Sed cum possis ipsum manuscriptum euoluere, cum otio abundes, cum præsto sit, si vllius operam desideres, doctissimus auunculus; quid frustra alios sollicitas, alibi quęrens quod apud te habeas? Itaque syntagma Antiquitatum Byzantinatum tibi vni in solidum debebimus. Scisne autem quid post Heraldum defricatum iam moliatur magnus ille Musagetes? Nempe Catalecta Virgiliana dare parat auctiora & emendatiora cum notis post Scaligerum vberioribus. Vale & me ama. Lutetię Parisiorum VII. Augusti. CIOIOCLVIII.

CL. SARRAVIVS CL. SALMASIO.

*Lugd. Batav.*

**E**GO vt nolim te duce & auspice, in Latium tendere? Quinimo statim atque signum extollis, ecce me ad delectum respondentem, & sequi paratum: & *Agnosco veteris vestigia flammae*. Hac tamen si pateris, lege, ne tu, Romana Militiæ summe Imperator, mecum summo iure agas, neue à me aliud opus quam quod à gregario exigas. Mira sunt quę scribis de *Ligni uermostracis* vel vti ea appellari vis *Elmintboftracis*, quę in Batavia vestra gignuntur. Sed an hoc est huiusce ætatis istiusue quodiam habitas cœli proprium miraculum? an etiam eius veteres meminere? An nondum efficta na-

tura è suo quotidie sinu peregrina & noua multa educit quæ nos in sui admirationem & contemplationem excitent. Paridem quod attinet, nihil vnquam vidi illo homine inconstantius. Quod ultro voluit iam non vult, nec aperte tamen quid velit aut nolit audet dicere. Veretur te infenso deinceps vti, nec tamen tuis consiliis morem gerit. Interea rei bene & honeste gerendæ elabitur occasio, quam frustra postea requirat. Me vero quod spectat, sane auctor tibi non fui eius istuc vocandi: multasque inter vos ea de re reciprocastis literas antequam aliquid inde mihi innotesceret. Rogasti postmodum vt optio tibi accederem; quod feci lubentissime nec quicquam prætermisi quo eum aliis ereptum vobis traderem. Visus est sæpiuscule annuere, nec adhuc totum pedem refert, aut aliquid certi constituisse vult videri. Hedui tui ad te deferunt Cyprianum cum musteis Obseruationibus. Eas statim percurreris: sunt enim breuiusculæ, pro more auctoris, sed intersparsa libertate, quam tamen eruere oportet, amat enim latibula & κρησφύγετα. Possit ergo hæc editio ista ratione commendari. Vereor tamen vt hæc *προῤῥησις* corruperit Galeata Obseruatione, quam & Catholicam dici voluit; in qua dum vult verusta & noua conciliare, omnia susque deque habet & confundit. Hanc *οἱ ἐξ ἐναντίας* in cælum tollunt & toti Cypriano præferunt. Sed non ego credulus illis. Addidit ad Tertullianum *περαλειπόμενα* alteri suæ editioni iungenda, cum Dissertatione *De Pulchritudine corporis* vel potius *Deformitate*

*vultus D. N. Iesu Christi.* Hoc enim postremum asserit; & sane non paucis testimoniis veterum vritur, qui suam sententiam stabiliunt, Exclamare tamen libet, ô miseram diligentiam! quæ tamen & ipsa facile subuertatur. Si enim testibus res agatur vni affirmanti plures opponi possunt, qui contrarium dicant. Hocque iam quendam agere intelligo vt eos componat, nec patiatur hanc labem nomini Christiano infligi, vt auctor salutis nostræ deformis, turpis, inhonestus, *duces dñs* impune audiat. Vale IV. Idus Septembres. CIOIOCXLVIII.

CL. SAR. CL. SALMASIO.

*Lugd. Bat.*

**V**Nis hisce respondebo tuis, quas iam accipio binas Latinas. Mirarer si serio ageres, te, expeditæ facundiæ virum, quique veteris Romæ linguam melius ipso Varrone calleas, & in numerato habeas, vereri eo sermone mecum deinceps agere. Quia autem te iocari non dubito, existimo te mihi hac dialecto loquenti, non eloquenti, voluisse gratificari. Certe præter styli exercitationem, quam non negligendam veteres docent, hoc vnum fere meum est consilium, elegantissimas tuas literas veræ & reconditæ eruditionis succo diffuentes elicere. Audacior etiam ero studiorum tuorum interpellator de variis rebus quas alias nescire cogor. Paridi non amplius scribo: tuas tantum, quas mihi mandas, diligenter curo. Eius res agitur; quia præfert lacum suum mari

vestro , fruatur suo peruerso iudicio. Quod potui immo quod debui eius causa , etiam tua , feci : & hactenus nihil profeci. Cæterum non patitur dignitas mea ut cum huiusmodi viro ulterius , frustra & sine vlla spe successus , me committam. Omnes adhibui artes quas posse conducere arbitratus sum , ut eum ad vota nostra flecterem. Ille vero hoc vnum videtur agere , ut nihil agat. Coaxet ergo ad suam paludem. Tu expecta ἐπὶ μικρὸν ὅσον ἔσῃ , & si pergat in proposito , huiusmodi planos plane omittamus. Animaduersiones Heraldī quæ te spectant , absolutæ sunt : & constare eas audio totis octoginta maioribus foliis qualia priora tria quæ apud te extant. Non tamen statim prodibunt. Typographis enim promisit ut liber vendibilior esset , se additurum *Rerum Quotidianarum* aliquot libros , quibus ornabit iurisprudentiam , millenis Observationibus exquisitis. Vereor ne cum illo magno Assyriæ flumine πολλὸν ἐφ' ὃ δ' ἀπὸ σύρφετον ἔλκε. Interea auguror te constituisse hominem publice defricare , nec expectaturum ut totus defricandus appareat. In ipso limine adscribam, Αἰξ' ἔπε τέτοκεν, ἐρίφους δ' ἐπὶ δώματα παίζει. Video antiquissimos codices manuscriptos Latinos & Græcos , ita exaratos esse ut nullo interstitio voces distinguantur , sed vno literarum ductu inuicem cohæreant. Et hæc est summæ vetustatis nota. Velim autem scire quo auro distingui cæptum sit quod antea confuse habebatur. Hoc enim κριτήριον mitum in modum conducirer diiudicandæ ætati manuscriptorum. Si quid iuare

potes Tu qui plures istiusmodi libros versauisti, quam mortalium quispiam, fer opem & insigni beneficio litteras affeceris. Vale. Lutetiae Parisiorum xviii. Sept. cldccxlviii.

CL. SALMASIVS. CL. SAR.

*Lutetiam.*

**Q**uod petis de distinctione librorum veterum vellem tempore opportuniore eam quaestionem mihi proponere instituisses. Si otio quippe maiori abundarem, neque angustis spatiis excluderem; plenius hac de re possem tibi satisfacere. Nunc quæ in mentem venient, huic chartæ absque vlla meditatione illinam. Quod ad Græca Exemplaria attinet, de quibus primum hic agendum est; ante Aristophanem qui primus *προσῳδῶν* excogitauit & accensus inuenit, nulla fuit literarum distinctio neque subdistinctio. Vno ac perpetuo ductu sine vlllo interstitio voces omnes exarari solebant & sententiæ etiam cōtinuari: nisi quod vbi perfecta fuerat non in eadē linea alteram auspicabantur: sed principium alterius lineæ, siue versus inchoabant. Inde nata distinctio per *versus*, qui maiores aut minores erant, prout sententia pluribus aut paucioribus verbis absoluebatur. Interdū quippe duas, interdum tres aut plures lineas singuli versus occupabant. Græci *σῆξες* appellant. Opera autē ipsa numerabantur per versus; quorum summa in fine libri subducta, notabatur. Inde *πολύστιχον βιβλίον* de grandi volumine dicebant. Diu durauit hæc ratio. In veteri codice Epistolarum Pauli qui penes Puteanos est ad

finem totius Scripturę Sacre librorum *στοιμετρίαν* notatam inuenies. Quęstiones Tuscultas in antiquissimo exemplari B. R. ita per versus distinctas, reperis. At in eodem versu quomodo *περίοδοι* & *κῶλα* distinguerentur, Aristophanes inuenit, & notas ad hęc interualla signanda commentus est. Tres fuere: *τελεία στιγμή*, *ὑποστιμή*, & *μέση*. Primam proprie vocarunt *distinctionem* Latini, secundam *subdistinctionem*, tertiam *medianam*. *τελεία στιγμή* punctum erat quod collocabatur in capite vel apice vltimi elementi in quo periodus desinebat. *ὑποστιμή* in imaliterę parte ponebatur. *Η μέση στιγμή* ad mediam partem. Totidem igitur fuere puncta: sed pro situ aliter atque aliter valentia. Puncta igitur nostra singularia, & virgulę, & duo puncta, veteribus prorsus ignorata fuere. Punctis singulis tota distinctio & subdistinctio librorum constabat, tam apud Latinos, quam apud Gręcos. Nam illi ab istis sumpsere. *τελεία στιγμή* id est punctum in apice litterę collocatum absoluebat sententiam, *ἐπαρπίζει αἰεὶ τὴν διάνοιαν*; & respondet plane nostro puncto. Reliquę duę subdistinctiones punctis etiam singulis notabantur; vno ad litteram mediam vltimę dictionis, altero ad imam partem locato. Hę ostendebant non integratam esse sententiam sed adhuc manere suspensam, cum aliqua tamen differentia *τῆς μέσης στιγμῆς* & *ὑποστιμῆς*, quam etiam alicubi, *ὑποτελείαν στιγμήν* vocatam ostendi. De *μέση* tradunt Technologi Gręci *ἐκ ἐπαρπίζειν τὴν διάνοιαν, ἀλλ' ἀναπαύειν ἐν χειρὶ τὸ πνεῦμα*. De *ὑποστιμῇ* siue subdistinctione notant *ἐκ ἐπαρ-*

τίς ἐν εἰς τὴν διάνοιαν sed ostendere τῷ μέλλοντι  
 εἰρήνης ἀφίεναι ἡμεῖς τῷ πνεύματι ὡς ὅζυ τὸ λοιπὸν  
 ὁ περ τοῦ λόγου περὶ. In veteri Inscriptione Smyr-  
 neorum Arundelliani marmoris sine vlla distin-  
 ctione & subdistinctione, vna ac perpetua serie  
 dictiones omnes inter se coherent: quod & in  
 aliis antiquis Græcis inscriptionibus passim in-  
 uenire est, quæ & sine accentibus scribuntur.  
 Et certum est ad hunc plane modum etiam li-  
 bros ipsos scribi solitos, idque diu obseruatum  
 post repertos accentus & distinctiones. Ab an-  
 tiquariis secundum antiquas rationes scribe-  
 bantur, nempe sine accentu vlllo & sine vl-  
 la distinctione. Postea Grammatici qui eos  
 emendabant & conferebant cum antiquioribus  
 & emendatioribus codicibus, non solum si  
 quid erat titubatum à librariis, corrigebant,  
 sed etiam accentus adponebant, & distin-  
 ctiones. Vidi libros vetustissimos in qui-  
 bus apparebat plane scripturam esse ab anti-  
 quiore manu quam accentus. Nec secus fuit  
 apud Latinos. Quod colligere possumus ex Vita  
 Valerij Probi Grammatici apud Suetonium qui  
 de eo ita scribit. *Multaque exemplaria contracta  
 emendare ac distinguere & adnotare curauit: huic  
 soli nec alij præterea grammatices parti deditus.*  
 Vbi vides eos Grammaticos qui libros aucto-  
 rum emendabant, etiam *distinguere* eosdem so-  
 litos, id est distinctiones & subdistinctiones ap-  
 ponere. Quod Græci dicunt Critici *σίζαι*. Græ-  
 cis Criticis hunc eundem fuisse morem possem  
 probare Epigrammate Græco quod nunc non  
 occurrit, nec etiam querendo est. Duplex ut



in pauca rem contraham distinguendi ratio fuit qua voces singulæ inuicem separabantur & qua periodi & cola. Antiquissima exemplaria neutram habent neque apud Græcos neque apud Latinos. Tales hodie paucissimi reperiuntur. Nam plurimi qui vncialibus & capitalibus litteris scripti sunt, voces inuicem habent distinctas. Quosdam tamen vidi qui nullam fermæ vocum distinctionem ostendebant. Et nisi fallor talis est MS. Liuius Puteanorum. At in illis qui rotundiore & minutiore charactere exarati reperiuntur fere semper dictiones omnes distinctæ inter se apparent: sententiæ vero absolute solis punctis hæc est *τελείαις σγμῶν*, raræ in iis occurrunt subdistinctiones, quas tamen adhibere antiquitus solitos & Ciceronis quidem æuo patet ex Asconij Pediani in Verri- nas notis. Orientales vt Hebræi, Syri, & Arabes voces distinguere soliti sunt, quia literas habent vocum finales alia forma quam quibus principia & prima notata sunt. Addo nonnulla quibus dignosci possit antiquitas exemplarium manu exaratorum. Si quibus in libris MSS. diphthongus reperiatur *Æ*. duabus litteris non in vnam coalitis sed separatis, expressa ad hunc modum *A E*, aut *æ e*, scias codices illos & vetustos esse in primis, & fideli manu confectos. Si aliter effecta occurrat, aut per vnam litteram ex duabus conflata, aut per vnicum *E*, cui nota supposita sit hoc modo *ε*, qui primo modo scripti sunt, paulo maiorem vetustatem redolent: qui secundo ad infimum sæculum relegari debent. Littere capitales non

*Per æ etiam ac nomina. Ch. Manan. 18. 66.*

semper indicium habet maioris vetustatis. Nam & minores Characteres & vere Romani, rotundiore forma expressi, sæpe summam præ se ferunt ἀρχαϊότητα. Sunt & litteræ quæ vocantur *Longobardicæ* quarum usus fuit circa Iustinianum, quibus multos libros olim vidi conscriptos, eosque emendatissimos. Vale. Leydæ Idib. Octob. CIOIOCLVIII.

CL. SAR. CL. SALMASIO.

*Lugd. Batav.*

**R**Edeuntes ad nos Hedui tui, quos istuc bene aduenisse gaudeo, huc quæso deperum Heraldum referant. Ut enim eum mercatorum tantum opera habeamus longior mora foret quam ut eam non impatienter ferremus. Quidni etiam Æoliorum fratrum Apologeticæ Epistolas? Sane per eorum humanitatem licebit: & nostra refert de ista causa quæ ventosi homines scribunt non ignorare. Hæc itaque omnia per illos rogo, habeamus: non enim credo eos in Batavia hiematuuros. Non falsus sum opinionis super Observatione Galeata: quæ nulli cui sanum sit sinciput placere possit. Non in eo tamen, mea sententia, quod existimet Mattheum Ioannem & Paulum non idem loqui de Eucharistia. Hac enim in re pro nobis facit. Nostri enim Doctores omnes affirmant, & recte quidem, Ioannis caput sextum nequitquam intelligendum de manducatione corporis Christi sacramentali, cuius tum temporis nondum institutum fuerat mysterium. Con-

sentiunt etiam è Pontificiis plurimi : illi maxi-  
me qui sæculo præterito contra Bohemos, vtriuf-  
que speciei communionem vrgentes , disputa-  
bant. Vt enim argumento è versiculo LIII. pe-  
tito, *Nisi manducaueritis carnem filij hominis &  
biberitis eius sanguinem non habebitis vitam in  
vobis*, se expedirent ; negabant ibi agi de Eu-  
charistiæ sacramento & manducatione reali vel  
potius orali : sed tantum de manducatione spi-  
rituali quæ sola fide peragitur, sine vlla signo-  
rum participatione. In aliis ergo vapulet Ri-  
galtius : sed hic eum volo non tantum excu-  
satum, sed culpæ immunem. Ante aliquot men-  
ses ab Hugonis Grotij vidua extorquere cona-  
bar Historiam Belgicam, fidiculis 11. M. Librarū  
nostratium ; sed vanus fuit meus labor dum illā  
pluris adhuc licetur. Hinc paucos post dies ad  
vos discedere cogitat, cum isto thesauro, quem  
typographis vestris venditabit. Velim liberalio-  
rem inueniat emptorē, vt aliquando tanto bono  
fruamur. Vale & me ama. Lutetiæ Parisiorum  
xvi. Octob. ciciocxlviii.

CL. SAR. CL. SALMASIO.

*Lugd. Batav.*

**E**Ximia sunt, rara & scitu dignissima quæ  
descripsisti super quæstione quam tibi propo-  
sueram. Vellem & per otium licuisset quærere  
Epigramma Græcum cuius meministi, & anno-  
tatis addere. Verissimum est autem quod affir-  
mas, pluribus manu exaratis codicibus solis  
litteris primitus descriptis, accentus postea su-  
peradditos fuisse. Hoc enim malam manum  
fecisse

fecisse in Paulinarum Epistolarum codice Puteano olim animaduerti: Et idem factum esse in Bibliis Hebraicis B. R. soli cæci dubitare possint. Quo autem sæculo vixerit Aristophanes ille Grammaticus, prosodiæ & accentuum inuentor, adhuc quæro. An ille est cuius meminit Suidas quem Byzantinum facit & ait floruisse *καὶ τὴν μὲν Ὀλυμπιάδα*: quod quid sit fateor me ignorare & locum cubare in mendo existimo. Tres enim istæ litteræ numerales nulli Olympiadi conueniant & ὕψιλον isto loco positum non est numerale. Suidas quo vtor editus est *Venetis ab Aldo anno proxime præteriti sæculi decimo quarto*. Videotamen Æmiliū Portum in sua Suidæ ἐκδόσει legere tantum *μα* quod Olympiadem *XLV.* designat, & melius procedit. Cogitanti mihi de puerili, vt arbitrabatur Heraldus, errore tuo in lege Solonis succurrit vt opinor certissima tui defendendi ratio: quam tamen tuo iudicio submitto. ορύγη enim hisce litteris scriptum in Pandectis Florentinis non est Græcum: & falsum est quod ait Aduocatus in tertia persona Aoristi secundi subiunctiui modi à verbo ορύσσω formari debere ορύγη. Ignorat scilicet, quod olim in schola discipulos suos docuit, verba ab ο paruo incipientia, in Aoristis accipere ω magnum. Legi itaque hic deberet ορύγη & bene asseruisti ορύγη Græca forma non esse percussū. Melius tamen procedit tuum ὀρθώη, nisi longiuscule à recepta lectione abesse videatur. Cæterum ὅς ἴδωμαι καὶ χαίρωμαι καὶ τίρωμαι: inuito enim Ludimagistro licebit mihi cum Aristote-

phanis sarrapa impune βαρβαρίζειν. Nempe p-  
 nes me est Specimen tuum. Præfixi Iambi Ar-  
 cadix pecuaria rudere quam altum cogunt !  
 quam elegantes sunt ! quam acres ! quam  
 atroces ! Ille vero in furias ignemque ruit ἀλλ'  
 ὁλοαῖς μανίας. Dono amicitix nostræ vt obli-  
 uiscar iniuriam mihi nuper à te illatam , dum  
 accommodas aures vel ipsi inuidiæ. Tu alias, iuxta  
 vetus Epicharmi dictum , Μίμνασ' ἀπείν ; ἀρρα  
 γδ πῶτα τῶν φρενῶν. Vale & mutuis animis ame-  
 mus. Lutetix Paris. xxiii. Octob. ciorcxlviij.

## CL. SALMASIUS CL. SAR.

*Lutetiam.*

**N**ON dubium est quin Aristophanes de quo  
 Suidas , sit ille Byzantinus qui Gramma-  
 ticam Alexandriæ docuit ; immo & didicit  
 præceptoribus Callimacho & Zenodoto : isto  
 Alexandrino , illo Cyreneo ; sed in Alexan-  
 dria doctore Grammatico : vnde & quando vi-  
 xerit licet coniectare. Nam dicit ibi Suidas ,  
 puerum quidem, Callimachi discipulum fuisse,  
 at iuuenem , Zenodoti. Callimachum constat  
 floruisse sub Ptolemæo Philadelpho , & poema  
 scripsisse in Berenices vxoris eius crines , quod  
 à Catullo Latinis versibus expressum hodie ex-  
 tat. Usque ad tempora Euergetis Ptolemæi  
 ætatem extendisse proditur ille Callimachus.  
 Inde igitur possumus veritatem quæ corrupta  
 legitur apud Suidam , eruere. In Editione Fro-  
 beniana non habetur vt in tua sed καὶ τὴν με.  
 Atque ita etiam reperies scriptum in Codice

Regio. Sed omnino excidit vna littera, & rescribi debet καὶ τὴν ἑμὰ, centesimam & quadragessimam quintam Olympiadem. Euergetes Ptolemæus sub quo diem suum obiit Callimachus, regnare cepit Olympiade cxxxiiii. Apud Suidam perperam habetur Euergeten regnum auspiciatū esse anno secundo Olympiadis cxxvii. Ex his sane vides si Aristophanes Callimachum puer audiuit qui sub Euergete mortuus est, non abhorrere ut floruerit ipse circa Olympiadem cxliii. Ut ut sit de tempore ferme constat quo vixit hic Aristophanes, nempe sub Ptolemæo Euergete, atque etiam sub Philopatore in cuius imperij finem cadit illa cxliii. Olympias. Ut hinc etiam statui videatur posse sub Epiphane Ptolemæo hunc Aristophanem in Grammatica illustrem fuisse. Iste Aristophanes fecit ut meminere explicare versus illos Poetæ de quibus olim rogaueras, ipse oblitus fueram. In Lystrata scribendum est ὁ μὲν ἄρ' ἦκαν, ut flet versus. In sequenti tam legis metricæ quam orationis Græcæ gratia legendum καὶ τὸ τοῦ πλάβηται. Breue est tempus nubendi mulieribus, quod si non prehenderint, effugit & elabitur. Sensus horū verborum ὁ τλευόμεν δὲ γάμῳ non est quem interpretes hariolati sunt. Nec enim ὁ τλευέω vaticinari est, sed vates consulere, auguriis & ominibus attendere, & quod Græci dicunt κληδονίεω. Hoc vetulæ virgines faciebant quod & nostræ factitant. Consulunt hariolos & sortilegos de nuptiis suis: quando nimirum nupturæ sint, quales maritos habituræ? Sortilegia etiam faciunt ut futurum super

hac re cognoscant. Hoc est plane ὁτίνεστις, ὁιαν-  
νοσκοπεῖν, κληιδωνίζεσθαι, & *auguria captare* de fu-  
turo coniugio. Dido amans apud Virgilium  
ita etiam ὁτίνεσται,

*Æneid. iv. ————— pecudumque reclusis  
Visceribus inbians, spirantia consulit exta.*

Quantum mihi placuerit Commentarij in Apo-  
calypsim Launcij tui lectio, non possum ex-  
primere. Maximam quoque se in eo percur-  
rendo voluptatem cum fructu percepisse, Hor-  
tonus Amstelodamensis Ecclesiastes ad me scri-  
psit. Doleo istud Opus hic edi non posse. In-  
felicia tempora hæc licet clamare, in quibus  
futilia multa scripta editores suos passim nancif-  
cuntur & emptores, cum vtilia iaceant. Quid  
facias? ita viuitur. Non solum πλεῖστοι κακοί,  
quod ille Sophus iactabat olim, sed etiam πλεῖστοι  
ἀπαιδεύτοι. Nihil addam amplius, nisi vt me  
ames; quod scio, facis. Vale Leydæ 11. No-  
uemb. 1610 CXLVIII.

CL. S. IACOB. VSSERIO ARMACHANO:

*Londinum.*

**P**Ridem accepi quam misisti capsulam, Il-  
lustrissime Antistes, in qua multa tua ha-  
bebantur, Puteano, Blondello, Iustello,  
Bootio, Sirmondo & Petauio reddenda. Sta-  
tim mandato officio defunctus sum, nec du-  
bito illos tibi dudum gratias egisse. Ego mihi  
seruaui quæ inueni meo nomine prenotata, pro  
quibus magnas habeo & ago gratias. Πρεσβυτε-  
ρο ὑποβραβη ἡ καρδια μου καὶ ἡ γαλλίασται ἡ γλώσσαι

proviso specimine Alexandrini exemplaris, quod  
istic excudi cœptum est. Sed quare trahitur no-  
bilissimi operis editio? festinato sane opus esset,  
& qualemcumque moram omnes docti & probi  
impatenter ferunt. Magna quippe in Eccle-  
siam utilitas inde redundabit, uti & in summum  
virum Patricium Iunium gloria non vulgaris.  
Cuius tu quoque particeps eris, pro ea quam  
impendis opera, cum in Prolegomenis ador-  
nandis, tum in vrgendo laudabili hoc propo-  
sito. Frustra autem hinc subsidium expecteris.  
Boni illi viri sibi solis sapiunt, si quid sapiunt.  
Negant penes se esse Cardinalis Rupisfucaldi  
Prophetarum MS. codicem, cum tamen eius  
integra supellectile libraria sint potiti. Cogi-  
tauerat aliquando Fronto Duceus de recensenden-  
dis Græcis Sixti Bibliis: & multa ut aiunt, præ-  
clara in eam rem congesserat. Dum autem  
omnem mouet lapidem, ut suam *ἑκδογῇ*, vndi-  
que conquestis opibus, locupleter, scripsit  
de suo consilio Romam, ad Socios, & ad Va-  
ticanæ Bibliothecæ custodes, ut se aliqua iuua-  
rent. Illi vero, eximiis, quos promouere de-  
bebant, conatibus, intercesserunt; his fere ra-  
tionibus, falsis certe & futilibus. Quod om-  
nes istæ Lectionum Varietates turbarent potius  
quam firmarent aut instruerent Christianorum  
animos: quodque post Clementis Vlgatam  
nihil quod alicuius foret momenti superesset.  
Nec hoc dixisse contenti, voluerunt iusserunt  
ut Romam mitteret quæcumque de eo argu-  
mento sibi parauisset. Parere autem necesse  
fuit misero isti mortali, cui ita omnis insum-



pius labor *ἔργου*. Hoc de Frontone nuper didici ab ipso Sitmondo. In Paulinas Epistolas possem ego, otium si nactus essem, aliquam Symbolam conferre: sed per forenses pœne assiduas occupationes, vix licet de istis rebus ire in consilium. Et omnino quæ habeo pauca sunt, nec forsan tanti ut vos morentur. Solida itaque nobilissimi instituti gloria vobis debebitur. Pergite ergo alacriter nec desinite donec postremam manum imposueritis. Quando aliud non possumus, vobis aderimus nostris votis quæ DEVS ita precor & voueo, audiat. Ei ego te, Vir Reuerendissime, ex animo commendo & me Tibi. Vale & ama tui cultorem studiosissimum. Lutetiz Parisiorum ix. Nouemb. ciciocxlviii.

## CL. SAR. CL. SALMASIO.

*Lugd. Bat.*

**N**Vllas ad me dedit literas Paris noster, sed tantum hæc ad te ex industria ut vides, male signatas. Voluit scilicet ut eas legerem & viderem se aliquando tuis consiliis obsecutum, omnes moras rupisse, ut euaderet, erumperet, effugeret: quod iam bonum factum, melius adhuc ante sex septemve menses fuisset. Donec tamen eum sciam extra Allobrogum fines constitutum, non libet epinicium canere *νενίκηκας Σαλμάσις νενίκηκας*; adeo πολλὰ μετὰ πύλαι κύνικος ἢ χείλεος ἀφ᾽ οὗ. Cum tamen ut ait, ex ambone populo valedixerit, eum pudebit consilium mutare. Post anni integri

moram recensere iam recusat Gothofredus parentis notas in corpus iuris ciuilis. Significaui itaque Elzeuiriis se posse quandocumque inchoare præclaram illius operis editionem quam iamdudum meditantur. Sed commoda illis exemplum tuum vt ex eo flores colligant per iurisprudentiæ latifundia spargendos. Dicent antecessores Andegauenses & Aquisextienses te non Iuriconsultum fundamenta iuris conuellere; Nos dicemus illos non sapere. Quam multa enim sunt in iure quæ à notitia sermonis Latini & Græci pendent potius quam à Iuriconsultorum formulis. Sane qui verba nescit, frustra & falso se res intelligere posse sine illis existimet. Quam multa antea occulta & penitus ignota nos docuerunt qui humanioribus litteris diligenter incubuerant Alciatus & Cuiacius, quæ Accursius & Bartolus peruerse fuerant interpretati propter illarum ignorationem? Septimana præterita vexatus fui nephriticis doloribus, qui vires meas mirum in modum fregerunt. Conualescere tamen incipio. Immo morborum sedem deserui, & Valentiam oculis prosequor. Tu vale semper. Lutetiæ Parisiorum  
 IV. Decemb. MDCCXLVIII.

CL. SAR. VINCENTIO FABRICIO.

*Vvarsoviam.*

**H**Astenus me pœnituerat, petentibus Elzeuiriis facilius concessisse, quas diligenter conquisitas, mihi seruabam, Grotij ad Gallos Epistolas. Tot enim mendis deformis edi-

Q<sup>uij</sup>

tæ sunt, ut si reuiuisceret suspiciendus postfuturis sæculis omnibus auctor, eas pro suis vix, saltem non sine verecundia agnosceret. Verumtamen, quia video qualemcumque conatum nostrum tibi non improbari, habeo quod mihi gaudeam, de secunda præsertim, quam apud eisdem procurare non cesso, Editione auctiore & emendatiore. Certe tanti viri amicitia liceat mihi superbire, cui vel innotuisse non potest non esse gloriosum. Quanti autem te fecerit tuamque eruditionem, non ignorabit hæc aut ventura ætas apud quas deposuit meritum tuorum luculentissimum testimonium. Cum eo nempe communicaueram, ut solebam mea fere omnia, sublimis spiritus Elegiam, quam ad me è Biturigibus miseras, humanitatis erga me tuæ sensibus diffluentem: ille vero noluit eam ad me redire sine insigni Elogio, quod mihi tum & postea gratissimum; nunc vero eo magis etiam placet, quod inde nata tibi occasio me suauissimis litteris compellandi. Beatæ ergo illi animæ, vel hoc nomine debeo, debeoque semper plurimum; sicut & tibi proximia tua comitate, quam ut mihi serues perpetuam opto precorque. Ossolinij vestri Orationes hic quod sciam, sui copiam non fecerunt: certe de illis nihil omnino cognoui. At Selenographiam illustris vestratæ Mathematici magnificiunt omnes, præsertim vero Astrologorum filij. Quæ autem Bullialdi nostri sit de ea sententia, melius ab ipso intelliges; nempe ex epistola quam ad ipsum Helenium, me aurem vellentem, bene longam scripsit. Sane

vel istius cœlestis scientiæ imperitis , liber iste non potest non placere propter admirabiles magni illius sideris varias phases , accuratissime delineatas. Addam me quoque tuo exemplo Poëtam factum esse : Imo scripsi carmina *linenda cedro & seruanda cupresso*, vique adeo materia formam nobilitat. Itaque Iconi summi amici mei hoc adscripsi

*Quantum scire hominem Diuina Potentia vellet,  
Qstendit terris, SALMASIVMQ' E dedit.*

Alteri Tabulæ Petri Puteani, qui dum hic esses binos illos Tomos *De Libertatibus Ecclesiæ Gallicanæ* edidit , in quibus De Iurisdictione Regia & Ecclesiastica copiose & solerter agitur , adscripsi

*Hic est qui Terra, qui Cœli diuidit apte  
Imperia, & metas ponit virique suas.*

Diu dubitavi an tuas contra Erpstenium chartas recepisses , quia in postremis tuis , altum de illis silentium. Facile existimo eas non periisse. Desino plura scribere. Vale ergo & me amare perge tui studiosissimum. Lutetiæ Parisiorum  
xvii. Decemb. ciciocxlviii.

## VINCENTII FABRICII ELEGIA

AD

ILLVSTRISSIMVM VIRVM

CL. SARRAVIVM

SENATOREM PARISIENSEM.

**N**on mihi sit Ligeris tanti, formosæque ripa,  
Non Sancerrani plurima vitis agri;  
Si nullæ Aonides nitidis in collibus errant,  
Deque sacro nullus fons Helicone fluit.

*Denique si procul est SARRAVIVS vtere remia  
Nautica ; delitiis nolo carere meis.*

*Vtere equis auriga : piget vitæque , locique :  
Non placuit Musis , non placet ille mihi.*

*Et iubet ipse meus SARRAVIVS inde reuerti ,  
Meque Parisiacis reddere gestit agris.*

*Grande via precium properantis spondet vterque ,  
Quoque vocor Sedes Regia , quique vocat.*

*Illic occurrit per singula compita Phœbus ,  
Auratoque nitens pectine pulsat ebur.*

*Illic conspicias velantes limina lauros ,  
Sacraque Musarum quolibet esse loco.*

*Ara vetus colitur , Regum quæ cura priorum  
Numen adoranda religionis habet.*

*Non aliud toto fanum est augustius Orbe :  
Non alibi tantæ conspiciuntur opes.*

*Maximus antistes quondam Casaubonus illic  
Obtulit innocua splendida thura manu.*

*Successit sacrae Mystes Rigaltius Ara ,  
Atque loci genium quo tueatur habet.*

*Et confert sua vota virum veneranda catervas ,  
Nominis æternum qui meruere decus.*

*Regalem vicit pietatem pane Thuanus :  
Testis erit media nobilis Ara domo.*

*Circumfusa cohors Puteanos vndique Fratres  
Perpetuo Musas thuris bonore colit.*

*Felix , cui procul adstanti semel ista tueri ,  
Participemque sacris vocibus esse licet.*

*Nec tunc, SARRAVI, Domus est sine Numine: nec tu  
Intonsi mystes negligis esse Dei.*

*Indicat hoc Sacrata , & te modo digna Supellex ,  
Splendida selectis BIBLIOTHECA libris.*

*Occupet infami speciosa Lutetia luxu ,*

*Quos delectat iners, & sine laude Venas.  
 Delitiaeque gula. Vanos sectentur honores  
 Ambitio si quos non sinit esse bonos.  
 Me tua, secluso, tecum, dulcissime, vulgo  
 PORTICVS excipiat, restituatque mibi.  
 Hic nos innocuis faciemus vterque Camenis;  
 Hic monitis crescā, proficiamque tuis.  
 Hic nos inuidiam facili transmittere risu,  
 Quodlibet ex quavis parte docebit opus.*

CL. SAR. CL. SALMASIO.

Lugd. Bat.

**B**Ene probasti in nupero specimine, subscri-  
 pta fuisse testamenta antequam signaren-  
 tur. Negas autem quod Gothofredus & alij  
 ex l. penult. D. Qui Test. fac. poss. asserunt  
 subscriptionem testium factam fuisse in hunc  
 modum *Ego L. Titius subscripsi & C. Seij testa-  
 mentum obfirmaui*. Lex sane quod non videris  
 animaduertisse, vult vt testis suum & testato-  
 ris quoque nomen adscribat. Hęc enim verba  
*quis & cuius* testamentum signauerit, id aper-  
 tius probant quā vt negari possit. *Quis* scili-  
 cet testis, *Ego L. Titius subscripsi*, *Cuius*, scili-  
 cet testatoris & *C. Seij* testamentum obfirma-  
 ui. Basilica eodem sensu *πὸ καὶ τῶος*. Secun-  
 do negas *signauerit* ibi intelligendum proprio  
 de testium signis. Quomodo enim inquis pos-  
 sunt testes dicere se signauisse quod nondum  
 fecissent. Quasi vero non possint testes dicere  
 quid iam iam facturi venissent? Dico ergo *si-  
 gnauerit* esse tertiam personam futuri, non

autem præteriti perfecti subiunctiui modi, quod est à *signaui* *signaueris* *signauerit*, non autem à *signauerim* *signaueris* *signauerit*. At inquires, in testamento Gregorij Nazianzeni, non fecere testes ullam obsignandi mentionem. Sed nescio an istud testamentum verum sit. Statim quippe occurrit falsi nota certissima, Γρηγοριος ἐπισκοπος τῆς Καδολλειᾶς ἐκκλησίας τῆς ἐν Κωνσταντινῇ πόλει. Certum est enim, nunquam Gregorium Nazianzenum se gessisse pro Episcopo Constantinopolitano, ut reuera non fuit. Corocottæ ludicrum scriptum licet antiquissimum, non potest certam fidem facere, ut pote ridiculi tantum gratia, non serio factum, aut ad præscriptum Edicti Prætoris, cum testes suum tantum, non etiam testatoris nomen adscribant. Testamentum Remigij si verum sit, potest facessere negotium: sed dudum eius veritas apud antiquarios laborat. Curaui ad amicos quas ad me misisti literas. Vale & me ama. Lutetiæ Paris. xviii. Decemb. cixcxlvi.

CL. SAR. CL. SALMASIO.

Lugd. Batav.

Post diuturnum silentium, non videor commodius posse auspicari, quam ab hisce Apostoli verbis, Ἐρρῦσθμεν ἐκ σώματος λέοντος. Leonem enim voco Principem tuum, ducem bello sane egregium, sed immitem & crudelem. Ungues eius asperrimos sensere nostra περιπόλαια, in quæ ferino plane ritu sequiit, cum ipsam Urbem eiusue suburbia attentare non au-

detet. Liberavit nos vnus DEVS, qui variis supra hominum fidem modis suffecit amplissimæ ciuitati vnde duos hibernos menses viuere infinita pauperum multitudo, cum incolarum, tum ex vastatis vndique agris confluentium. Per Imperatores nimis multos nihil suis viribus dignum fecere Parisienses, in speciem concordēs, sed reuera in varias partes diuisi. Nunc meliora tempora iubent nos bene sperare: bono etiam esse animo: Manet quippe Senatus noster omnibus suis partibus incolumis. Manent integra quæ in Regni commodum obtinuimus anno superiore Edicta. Licebit tantum Regi, per huiusce anni quod superest, totumque sequentem, mutuam sumere pecuniam sub Vsuris vt loquimur duodecimis; quod alij dicunt octo & trientem in centum, cum antea quindecim aut etiam viginti soluere soleret. Nos vero omnem versuram ipsi sustuleramus. Pergit de singulis constituere conuentus qui habetur in prætorio fani Germani. Neustriis multa & varia postulantibus, diutius trahitur quam existimabatur. Omnia tamen ad pacem vergunt; quam det nobis in hac vita diuturnam, & in cælo æternam summus bellorum Arbiter, cui te tuque omnia commendo, & me tibi. Lutet. Paris. xxvi. Martij. cxcxcxlix.

CL. SAR. CLAVDIO SALMASIO.

*Lugd. Bat.*

**Q***Vis potest deserta parria beatus esse? Scribebat olim Cicero Attico. Ego sane de Vrbe deferenda ne quidem cogitaui. Quinim-*



mo cum possem initio Obsidionis , vxorem & liberos foras amandare , vbi videbantur tutius posse degere , malui omnes meos mecum habere , vt nos inuicem iuuaremus vel etiam solaremur. Nec consilio defuit euentus ; securius enim hic viximus quam in vicinis agris , quos fere omnes vastauerunt milites cum animo suo , tum ducis imperio ferocissimi & rapacissimi. Deinde malo exemplo Amplissimum Ordinem reliquistem qui quotidie de maximis rebus deliberabat. Certe *Fracta nunc* , vt ait vetus auctor ad Herennium , *multi incolumes euaserunt ; ex naufragio patria , nemo potest saluum enatare.* Durauimus ergo & rebus si non secundis , saltem aliquanto minus malis , nos seruauimus. Quamuis autem hic semper manserim tamen non potui per Neustriam ad te scribere : non enim procedebat literarum aliudue commercium inter Lutetiam & Rothomagum , incessis vt nuper scribebam , itineribus ; ita vt non licuerit nisi cum summa difficultate , hinc amicos compellare. Facit autem quod iam cum Hispano serio geritur bellum , vt discordie ciuiles , & intestine mitescant. Fruamur hoc qualicumque otio quod nobis DEI benignitas indulget ; de futuris minus solliciti quæ eius Prouidentiæ committamus. Ceterum periculose plenum opus alex aggredieris , Defensionem dico nuper occisi Britanniarum Regis ; maxime cum vestri Ordines mediam viam secent. Lau- do tamen animi tui generosum propositum , quo nefandum scelus aperte damnare sustines. Hac tamen te cautione vt opus est , ne ita Maje-

statem Regiam extollas, vt erga subditos amorem videantur illis gratis largiri. Debent enim illi suis populis præsertim prodesse, quorum causa constituti sunt. Omnes Ministri nostri atrox facinus detestantur. Netamen noui Angliæ Monarchæ in Ecclesia meminerint, obstat vetus quæ hic obtinet, consuetudo, solius nostri Regis, in publicis precibus mentionem faciendi, reliquis omnibus in genere memoratis. Editâ hic est, vti & Rothomagi, & Cadomi, ex Anglico Gallica facta, *Admonitio quadraginta septem Ministrorum Prouinciæ Londinensis Fairfaxio oblata*, quæ cum magna laude ab omnibus legitur. Illic etiam procul dubio visa fuerit, & probata, adeo pie & audacter scripta est. Hic aliquot Poetæ ingenij acumen exercuere super horribili argumento. Rothomagensis amicus, hoc quod mitto, scripsit Carmen, quo in multorum reprehensiones incurrit. An licet, inquiunt, vniuersam gentem diris deuouere, vnius licet atrocissimi facinoris causa, quod quamuis à multis paratum, tamen multi etiam execrantur? Respondi Poëtice dicta, non esse ita *καὶ λέγειν* intelligenda vt hyperbolicam locutionem statim sequi debeat truculentus euentus. Deinde non esse nouum, etiam in sacris litteris, propter multorum peccata vniuersam gentem excidio damnari: in qua si sint multi innoxij, potens est DEVS opt. max. eos huius vitæ ærumnosæ fastidiis liberatos, in cœlis vera & æterna felicitate beare. Vale & me ama. Lutetiæ Parisiorum XVI. Aprilis. CIOIOCXLIIX.

## CL. SAR. CL. SALMASIO.

*Lugd. Bat.*

**A**Bfui Vrbe quindecim dies, filiam ducens in domum mariti: vbi cum essem, tertium turbavit gaudia nostra tristis nuncius, de soceri mei obitu. Excurrendum ergo fuit Blefas versus, ad eius viduam insignis pietatis foeminam; cum qua nudiusextus huc, redimus. Statim audiui, Heraldum olim tuum *ἐγέρτας ἐχέειν*; contra quam ipse arbitraretur. Monumentum enim vt suprema ordinaret, Ecclesiastę suo affini & Medicis dixisse, Ea curabo & in Musęum ibo cras, vel etiam hodie vbi discesseritis: cum tamen decumbens supinus non posset caput attollere. Iussu ergo surgere & musęum petere, non potuisse pedem mouere: & tum demum cognouisse quo esset in statu. Obiit die Martis circa vndecimam horam matutinam: magno quod dudum moliebatur opere imperfecto. Quę contra te scripta sunt, ante aliquot menses sunt absoluta & excusa. Volebat vero illis addere Observationum & Consiliorum iuris Syluam, quibus opus prodiret ornatus. Dum diutius hęc editio tracta est, typographis suis male consuluit. FVIT ERGO DESIDERIVS HERALDVVS. Fuit quoque Iustellus noster, qui nudius tertius ad plures abiit magno bonorum omnium desiderio. Super re amici hoc habe. Hactenus nulli promisit. Si vocabitur quid inde sequuturum sit nescio; nec ipse non mendax iurat se scire. Castę & severę  
femina

feminæ instar, non potest aliquando procos non habere. Vt autem horum alicui morem gerat, facile non erit: nec enim ita liber est ut possit statim & pro arbitrio de se quid velit statuere. Sed magno me afficiunt beneficio, inquit, qui me isto dignantur honore, & qui cum mihi ambiunt: quicumque futurus sit exitus. Scilicet etiam castas iuvat formosas dici & orari quamuis nolint annuere & præbere. Vale & me ama. Lutetiæ Parisiorum xxv. Iunij, CIOIOCXLIx.

## CL. SAR. IA. OLDENBURGIO.

*Salmurium.*

**N**on erant tanti commendatitiæ quas tibi tradidi, Vir Clarissime & Doctissime, ut earum adhuc meminisses. Gaudeo tamen eas viris summis quibus inscriptæ erant non displicuisse: indeque natam occasionem illis quidem vos humanè, ut solent omnes se conuenientes, excipiendi; Tibi vero me ut fecisti, officiosè & comiter compellandi. Magni enim facio abs te viro erudito & solerte, amari: semperque mihi in pretio erunt tempora quibus tibi nobilibusque adolescentibus quorum spei admotus es, potero aliquatenus prodesse aut placere. Proprius autem iam vides & intelligis, Vir Eruditissime, quæ sit nobilissimæ Academiæ in qua nunc degis Theologia: quàmque etiam iniquum odium, quod cum illa maligni homines pertinaciter exercent. Præiudiciis scilicet plerique aguntur, nec in quæstione satis impedita, di-

R

iudicanda, necessariam adhibent diligentiam. Tu vero Salmurienſis, quam male infamant doctrinæ, adyta penetrabis, commoda & ~~opus~~ *ſcila* expendes: tum vero ſine affectibus iudicabis. Tanto cognitore gloriabuntur proculdubio Viri incomparabiles & innocentiffimi; ita ut vel vno tuo ſuffragio cauſam ſuam decidendam ſint permiſſuri: nec tu vlllo maioris momenti negotio otia tua diſtinxeris. Vale & me ama tui amantiſſimum. Lutetiæ Pariſiorum iv. Calendas Iulias cīdīcxlīx.

CL. SAR. CL. SALMASIO.

*Lugd. Batav.*

**Q**Vamuis ego quoque ſim podager, tamen linguam ſolitam non mutabo, quia ſum manuliber. Ante octiduum ſcripſi me nihil à te accepſiſſe: quod tum utique verum erat, ſed paulo poſt tuas habui. Binis ergo tuis reſpondebo & prioribus quidem paucis. Rogavi amicum penes quem eſt exemplum illius tuæ epiſtolæ ut illud ad me mittat, quod ſtatim atque habuero tu quoque habebis. Interea noli propterea diutius trahere Apologetici tui publicationem. Valent enim huiuſmodi ſcriptiones, non tantum qua maxime pollent ratione, ſed præſertim nouitate commendantur. Poſterioribus Magni Eccleſiaſtæ obitum nuncias: acerbum ſane & immaturum ſi ætas, ſi expedita facundia, ſi ſcribendi facilitas & copia attendantur. Quærant iam Æolij fratres quem Hérculi noſtro opponant: non

enim ipsi audent in arenam descendere & pedem pede conferre. Defunctum quod attinet ; voti reus obiit : ἐῖς τὸ δόρυ se calamum nisi cum vita non depositurum. Reges Israelis quod spectat an subditi fuerint Σουρὶ ἀπὸ ἀδελφῶν adhuc disputant eruditi. Affirmauit Baronius , negavit Casaubonus. Fuisse ὑπερδύνας alij contendunt magni nominis viri & in Hebræorum libris exercitati : ita tamen ut fustium pœnæ tantum non etiam capitis subiici potuerint. Probauit Schickardus multis testimoniis, quibus quid sis oppositurus libenter videbimus. Residentis Anglicani cædes luce palam perpetrata inter atrocia deputabitur. Sed quis eius mandator. An enim odio suæ Legationis an priuatæ alicujus vindictæ causa id acciderit, scire interest : quo comperto de reliquis iudicare facilius erit. En tibi dono emédationem, in Plinio , amato tibi auctore. Locus extat lib. xiv. cap. vii. Inter vina quæ Ptolemæo Regi Apollodorus medicus commendabat , præcipuum censetur *Præparentium* ut vulgo legitur. MS. CH. legit *Peparethium* MS. Regius vnus *Perperentium* : vnde vide nûm bene legatur *Perperenium* , laudatum Galeno vinum. *Perperene* ciuitas est Troadis Straboni & Plinio quoque , memorata. Penes Sirmondum, extat vetus nummus , in cuius postica parte, videtur grandis Ῥόγος , cum hac voce ΠΕΡΠΕΡΗΝΩΝ. Lutetiæ Parisiorum xxx. Iulij. CIOICXLIX.

## CL. SARRAVIVS CL. SALMASIO:

*Lugd. Batau.*

**G**Audeo impensius te Chiragra liberatum: quia spes est fore ut etiam breui Podagra discedat. Hæc postrema me adhuc cruciat: vel potius eius affinis Gonagra, hætenus mihi incognita hospita, nec minus tamen molestæ, quam fuit altera. Scire auemus quæ fuerint Batau, cum suprema ordinaret, mandata, super suis vindictis. An iusserit eas ita imperfectas edi an potius supprimi: quidue de tota ista controuersia, quæ procul dubio eius animum turbauerat, dixerit. Tum enim veræ voces erumpunt, nec licet in isto postremo Fabulæ Actu, alterius personam induere: MANET RES. Certe dum Geneuæ vixit, neutiquam Gratia Vniuersali aduersatus est: quin immo fauit memoriæ Cameronis huius veteris sententiæ noui assertoris: eiusque omnia opera simul edi curauit addita etiam sua Præfatione quæ eius erga *νῦ μαναιμῶν* reuerentiam testabatur. Quibus postea consiliis mutauerit, an aliis præterea odij aut amoris causis, difficile erit deinceps scire, nisi ipse, antequam abiret ad plures, significauerit. Laudabile autem est inprimis Regina Gothorum tui videndi desiderium. Quidni sapientem accommodes aurem? Sed proximo vere non hac hieme. Cælum enim frigore rigidum, parum conuenit tuæ ætati & temperamento quod te totum tenet. Quicquid sit, Principibus pla-

cere viris magna semper laus fuit : huiusmodi vero Reginæ qualis hæc inclyta Virago, etiam maxima. Sed de tua ad nos profectioe iamdudum in litteris tuis altum silentium. An cōsilio mutato adhuc differs, donec nostri æstus plane deferbuerint? Sane aduentus Regis, videtur mitioribus & proinde melioribus consiliis locum præbere; hanc urbem quod spectat. Sed in remotioribus regionibus Aquitania scilicet & Prouincia, omnia adhuc turbarum plena; dum Parlamentis Burdigalensi & Aquisextiensi cum Præfectis Regiis male conuenit. Sperandum tamen est, hinc, vnde mala incepterunt, etiam remedia adhibitum iri. Certe adhiberi debent: quod vt fiat & cito, orandus est DEVS opt. Max. cui te tuaque omnia commendo. Vale & me ama: Lutetiæ Parisiorum x. Calend. Augusti c1010cxlix.

## CL. SARRAVIVS AL. MORO:

*Middelburgum.*

SEtio accusabam tuam negligentiam, & de Sea apud amicos exostulabam, quod istic tamdiu immemor nostri viueres, cum ecce nouissimas tuas accepi. Eas vt habui facile præteritæ iniuriæ sum oblitus: ita enim nec mitiori nomine appellabam mei apud te obliuionem. Scio noui cœli & noui hospitij causas, aliquam mereri excusationem. At etiam existimaui posse me meo iure, & pro nostra amicitia, aliquid literarum à te præ aliis expectare imo & exigere. Atqui in ordinem

R. iij



coactus sum & cum ad millenos scriberes nostri quoque puduit dememinisse. Sed vel cum paucis quod maluissem, vel cum omnibus quod factum est, iuuat te mei tandem esse recordatum, & ad officium rediisse. Vide quam libere agam. Ita loqui amant tui iam Bataui: quidni ego quoque veteres mores meos bonos, candidos scilicet & apertos, sine fūco & fallaciis, retineam? Sed omissis istis querimoniis impensius gaudeo & tibi gratulor tam prospera tui aduentus istas in oras initia. Jam vides merito voluisse nos te istic dudum esse. Quā polles eruditione & industria, facile loci tui dignitatem tueberis & augebis. Nec tibi deerit Salmasius noster cuius scis te primam notitiam & amicitiam mihi debere; quanquam postea tuo merito inter vos adoleuerit & creuerit. Fac ut nunquam senescat: quod tamen si obtineri non potest, ut sunt humana omnia ad interitum prona, fac ut nunquam nisi vobiscum moriatur. Ego quā potero tibi prodero, re, opera, consilio bono, hic & alibi vbicunque arbitraberis, me tibi posse inferuire. Vale & me ama. Lutet. Parisiorum v. Nouemb. cīdīdxcxliix.

CL. SAR. CL. SALMASIO.

*Lugd. Batav.*

**D**uturni tui silentij causam ignoro: modo tamen tua valerudo & nostri amor sint in tuto, quamlibet aliam æquo animo feram. Vidimus hic Περσῶπων τηλαυγές Defensionis Regiæ, Omnino magnus est iste tuus labor, & istam

materiam profunde meditatus es. Typi sunt elegantes non paucis tamen erroribus deformati. Quia autem aliquando cogitasti de Hilario Grammaisonio in Titulum Medici promouendo, quod istic fieri erat difficile, propter eius in lingua Latina ignorantiam; didici nuper ab Hoeufdio famoso trapezita Amstelodamensi, qui dudum hic agit, quæ te scire oportet & possint amico tuo prodesse. Narrabat mihi quemdam artis Galenicæ peritissimum, sed linguæ Latinæ ignarum, coactum fuisse à Doctoribus istius facultatis in suum Ordinem adscribi, vel Praxin suam deferere. Priori propositioni facile assensum præbuit Marinus, ita enim vocabatur, modo vellet secum agere sermone patrio id est Belgico; Ultrajectinus enim erat. Cum de eo conuenissent, interrogatus est candidatus senex, ab æmulis Doctoribus, quorum tamen suffragiis, suo merito in eorum collegium cooptatus est. Hæc sibi comperta tanquam Leydæ acta, vir bonus & locupletissimus testis asserbat, circa annum hujus sæculi trigesimum quintum. Postea Amstelodamum secessit Marinus ubi diu vixit, & Hoeufdio aliisque suam opem desiderantibus adfuit. Quæ cum ita sint, quid vetat Grammaisonium eandem fortunam experiri? Iam aliud te volo & enixe rogo. Næmpe ut velis fauere vocationi Blondelli nostri, de qua aliqui cogitant, in locum Vossij. Scimus enim non posse id fieri nisi assentiaris, quæ tua est istic in litterariis negotiis auctoritas. Nosti hominis doctrinam stupen-

dam & prodigiosam ; vnde tibi magnus honor accedat tua commendatione viros eruditione illustres vndiquaque euocatos istuc à te stabilitum iri. Habebis in eo amicum fidelem & modestum. Accipe me de ea re vadem & pro eo sponforem. Nulla in re vobis difficultas ab ipso erit. Omnia erunt plana : quod iterum spondeo & te me hic habiturum adiutorem non inutilem. Vir enim si quisquam optimus , permittit se amicorum arbitrio , quos inter possum gloriari me non postremo esse loco. Hoc si feceris insigni beneficio Historiam sacram affeceris. Hic enim viuit ad alienum arbitrium : & inter familiarium & magnatum diuersas presentationes senescit , Spartam suam non ornans sed potius deferens : quod postremum , est ipsi nobisque molestissimum. Iterum rogo & precor vt velis quod potes in hoc negotio. Nulla maiori gratia me multosque bonos viros deuinxeris. Hoc ergo fac & me ama. Lut. Par. xvi. Nouemb. cidiocxlx.

CL. SAR. IS. VOSSIO.

*Holmiam.*

**M**Ultis de causis gratissimæ mihi fuerunt literæ tuæ , Holmia ad me datæ : pro quibus magnas habeo agoque gratias. Iuuit enim cognoscere , te vel in istis longe dissitis regionibus , non omnem nostri memoriam & curam deposuisse : deinde audire te narrantem tot & tanta Serenissimæ Reginæ splen-

dida & eximia decora , laude immortalī dignissima. Denique datam mihi à te occasione tenue aliquod officium præstandi eius Majestati non ingratum. Quod Magnam Christinam spectat , quid dicam ? Quidquid enim de ea dixerō , dixeris tu Vir Magne & Eloquentissime , dixerint alij , semper id omne longe infra eius merita residet. Satiùs ergo cum silentio eius purpuram adorare , quam inani multiloquio & verborum strepitu argumentum nobilissimum & splendidissimum deterere & obscurare. Amat ergo inclyta illa Heroïna literas nostras ; earum mystas fouet & regaliter habet ; de linguis & scientiis ipsa cognoscit , nec aliorum oculis & sermonibus credit ? Sunt hæc sane magna & summâ digna admiratione. Sed quod præcipuum est , ita literis vacat , ita libros tractat ; ut tamen sceptrum nunquam deponat & imperio regere populos , tanquam propriæ artis suæ , nunquam obliuiscatur. O beatam Suediam tanta suarum fortunarum moderatrice ! O beatum Vossium ! ô beatos omnes , cui datum est suavi eius præsentia , conspectu , colloquio & gratia frui ! Quæsiui , & reperi tuo indicio , Iamblichi librum MS. & iam describitur. Quia repatriavit Græculus Antonius qui tibi aliquando similem laborem sumpsit , alium inueni qui hoc negotium , & in eo iam totus est , peragat. Liber exaratus est elegantibus characteribus : sed habet aliquot lacunas , quas nisi ex alio codice difficile erit replere. Statim atque scribæ imperatum pensum absoluerit ,

curabo ad te istuc mitti. Interea ecce tibi Synopsim capitum libri Blondelliani *De Sybllis* : Spissius enim est volumen , quam ut per cursores sicut postulas , illud mittere debuerim. Si tamen adhuc perstes , facile erit tibi morem gerere. *Ἀποσπασμάτων* est ingentis operis quod in Cardinalem Perronium dudum adornauerat : Quia autem aduersarius Gallice scripserat ideo patrio etiam idiomate Responsionem suam scripsit amicus noster : cum alias huiusmodi doctrinæ & controuersię melius lingua Romana discutiantur. Perstat idem in magno , & vereor ne nimis magno ; opere contra Chiffletium , quod tamen affectum est. Puteanus maior parat alteram editionem *Libertatum* quod vocamus , *Ecclesia Gallicana* , castigatiorem priore & auctiorem : opus quantiuis pretij , & quod , inuitis Romanę aulę mancipiis , merito audit Gallię nostrę Palladium. Post aliquot septimas prælo subiicietur. Quid alij moliantur cum ipsi reticeant & premant , difficile sit dicere. Tota Puteanorum societas volunt te saluere. Ego quoque quem tui crede semper amantissimum. Vale & me amare perge. Lutetię Parisiorum XIX. Nòuembriis. CIOIOEXLIX.

CL. SARRAVIVS IS. VOSSIO.

*Amstelodamum.*

**S**Cripti haud ita pridem , qua via , ista Lud. Iacobi Paralipomena ad te miserim : quæ hic repetere nihil est necesse. Gaudeo ea vel

fero tibi aliquando esse reddita. Quæ Historicos Græcos spectant reliqua, ecce mitto; quandoquidem liber vergit ad vmbilicum. Alias commodam nactus occasionem, habebis etiam quæ idem collegit de Historicis Latinis, cum Bertij Eusebianis, de quibus olim scripsi, Menagij nostri dono. Debemus saltem conferre impensas vobis superba palatia ædificantibus. Gratulor tibi faustum in patriam reditum post vicinas prouincias Instratas, & visos in iis viros eruditos. Chiffletio dixerim libenter, quod olim Achab Regi Syriæ Benadab, *Neglorietur accinctus aque ac discinctus*. Nescit enim cum quo aduersario certamen ei ineundum sit, quantusque in clypeum assurgat, & quo turbine torqueat hastam Blondellus noster. Non dicam indicta ore alio dicturum hunc nostrum, sed ne cogitata quidem; eaque tam multa & tam grandia vt portentum ingenij admiraturus sit Hispanicæ potentix Vindex alias non contemnendus. Sed nimis lentum est inquires, omne istud negotium. Fateor sane & dolet non citius progredi: sed quia omnia etiam minutissima exequitur: quia multa noua & vera lumina accendit, facere non potest quin eius opus in maiorem molem crescat. Præterea non hoc vnum agit noster: quin ad alia sæpiuscule diuertit: vt nuper *De iure Tremollie Ducis in regno Neapolitano*; & *De Sibyllis earumque Carminibus*, ea commentatus est, quæ frustra ab alio quouis expeterentur. Interea ergo triumphet Eques Hispanicus; sed cum ista co-



idem iter infistemus. Cæterum gratulor tibi seriò litterarum commercium quod habes cum Suediæ Regina. Vtinam coram posses eius diuinas audire & reddere voces. Omnia debes posthabere isti colloquio & eo statim auolare. Vale. Lutetiæ Par. xxvii. Decemb. cldccxlix.

CL. SAR. CL. SALMASIO.

*Lugd. Bat.*

**G**Raui hemicraniæ dolore, post leniores Podagræ, nunc afflictus, pauca omnino à me haberes, imo nihil, nisi quæ in opistographo continentur, tibi mittere promississem. Vignerius Oratorianus Presbyter Nicolai Blesensis filius, ea heri attulit & rogauit ut velles meo & suo rogatu, de iis sententiam tuam promere. Dicit habere se affectum Commentarium de huiusmodi nugis, quæ aliquando seria ducunt, te præsertim earum interprete. Hoc facies commodo tuo. Imo cito facies, aut nunquam. Soles enim facile huiusmodi promissorum obliuisci: & possem ex syngrapha aduersus te agere, nisi bona potius verba hoc anno ineunte essent dicenda. Vale & me ama, qui æternum seruo amorem. Lutetiæ Paris. Nonis Ianuariis cldcccl.

Ne mea breuitas nuda & inornata videatur hic habes Carmen Elegans, in cuius titulo voluit me exornatum L. Senator Parisiensis.



## P. L. CARMEN

IN ALBAS LIGÆ PROCESSIONES.

DOCTISSIMO SARRAVIO.

**L** Aruata ritu quod sôdalitas nouo  
 Albo stupentem venit Urbem symmate:  
 Et testâ vultus cernuos, toruum tuens;  
 Gestat retortis lora pendula funibus:  
 Ne tu cachinnos solue, neu misce iocos.  
 Sed tacitus oculis, auribus, lingua faue.  
 Hic pura virtus: Pura cultus hic pij  
 Medulla. Fatis quisquis huc felicibus  
 Fratrum vocatur Candidatorum comes;  
 Compendiosa currit in cælum via;  
 Cæloque victo potitur & victis diis.  
 Rides & agra mentis hoc morbum vocas?  
 Non imperitum vulgus hi possunt doli  
 Nugis superbis fallere, an fallent Deum?  
 Persona vultus muta nequicquam tegit  
 Animi recessus cum penetrales patent.  
 Male in cucullo lineo latet scelus.  
 Quid omineris? Nî taces præsens malum  
 Iram Deorum senties Harpocrates.

CL. SAR. CL. SALMASIO.

*Hagam.*

**R** Em magnam & antequam accidisset, ar-  
 duam omnibus creditam, quin & factu  
 impossibilem, istuc procul dubio velox fama  
 detulerit: iniectas nempe Regiæ mandato

manus in Condæum Principem , eius fratrem Contium , horumque profratrem Longouillanum Ducem ; qui in Vincenarum arce sub arcta custodia iam asservantur. Factum id omnibus mirantibus , die Martis huius mensis decima octava , vesperi. Causas istius facinoris explicuit Rex prægrandi ad Senatum nostrum epistola , cuius exemplum misissem nisi veritus essem fasciculum tuum onerare. Expectabo reditum tuum Leydam , ut illic possis melius & commodius respondere Vignieri quæsitis : quod tamen si omiseris , noli vereri ut ex Syngrapha tecum agam. Nulla enim sunt tribunalia in quibus te reum peragere possem , nisi forsan neglecti officij ; quod , ut sunt tempora , facile contemnitur. Ago gratias quod pollicearis indiculum amicorum , quibus tua DEFENSIO danda erit. Sed memineris eum ocyus mittere. Aquilo enim qui aliquot abhinc diebus continuo flat , naues statim adduxerit , & cum iis librorum tuorum fasciculum : quem non aperire aut saltem spargere certum est , donec promissum catalogum accepero. Sed num addidisti quintæ Editioni quæ Amstelodami adornatur eximiam illam Præfationem quam integro libro olim præferebas. Versionem autem Gallicam posses pluribus vicibus huc mittere , ut citius editio inchoetur. Vidi literas vocationis Blondelli ; & intellexi artes æmulorum qui eam turbare conati sunt. Omnino accipiet conditionem , deserta patria quæ tales viros non meretur habere ; adeo parce & illiberaliter

cum iis agit. Utinam illic lautius & beatius  
 viuat ; quod factu facile omnes existimant.  
 Regis patruus Urbem non vult deferere ; vn-  
 de multi credunt , quidquid simulent , iter  
 non factum iri , duro præsertim hoc frigore :  
 quod etiam me plura scribere vetat. Vale &  
 me ama. Lutetię Parisiorum xxix. Ianuarij  
 cldccl.

CL. SAR. CL. SALMASIO.

*Lugd. Bat.*

**P**AUCIS contentus esto ; nihil enim à te per  
 hunc cursorem habui. An es iam ingressus  
 iter Suedicum ? an saltem ad illud serio te accin-  
 gis ? Omnino bonum factum quod omnes  
 moras rumpas vt eo te conferas. Heri accepi  
 literas à Vossio nostro , qui de suæ Domine  
 virtutibus & eruditione pergit admiranda , &  
 quę tamen apud me facile fidem inueniunt,  
 dicere. Eius munificentia ad me quoque per-  
 uenit. Quia enim illi tenue aliquod officium  
 præstiti , misit ad me aureum nummum qui  
 suam iconem refert. Hoc ego si retuli præ-  
 mium leuissimę operę , qua mercede longin-  
 qua tua peregrinatio & immensa doctrina pen-  
 sabuntur ? Nondum aduenit fasciculus in quo  
 sunt REGIÆ DEFENSIONIS libri : vereor vt se-  
 rius reddatur. Yvlacus enim Anglus typogra-  
 phus curauit ad se istinc per cursorem mitti  
 vnum exemplum eius formę quam in duode-  
 cimo vocant : & iam satagunt operę typogra-  
 phicę , vt diligentissime edatur. Vidi nobilem  
 Anglum

Anglum expostulantem, quod omiseris vnum exemplum mittere ad defuncti Caroli viduam quę hic degit: *Quamuis enim inquiebat, sit in re minime lauta, tamen potuisse soluere pretium tabellarij qui illud attulisset.* Expectabam tuam responſionem ad Vignerij quęſita: quod ſi facere neglexeris, ſolens feceris. Satiuſ eſt tamen adhuc præſtolari, quam ita præcipitanter te damnare. Itaque *ἔτι*. Statim enim viderimus, quid nobis ſperandum ſit. Regis iter Normannicum parum procedit: quia dicunt omnes arces deditum iri, nec neceſſe fore ulterius progredi. Vale & me amare perge, Lutetię Pariſiorum v. Februarij c1010CL.

CL. SAR. CL. SALMASIO.

*Lugd. Batav.*

**Q**uamuis iam ſecundũ ceſſes, iterum ſcribere non deſinam; ea tamen lege ut ſi tertium ſilueris, ego quoque tuo exemplo conticeſcam. Vix enim crediderim te in Suediam nobis inſalutatis eſſe profeſtum: cum præſertim anni tempeſtas ſit adhuc incommoda. An vero meditaris ad Vignerij quęſita prolixam aliquam responſionem? Hoc ſane velim: ſed cum ſis totus itineris, credibile non eſt te iſtis nugis quamuis eruditis, velle, quod ſuper eſt tempus impendere. Modo autem valeas quidquid ſit, bene erit. Nondum aduenerunt tua exemplaria quę ad nos deſtinasti, nimis lenta via maris, quę ea huc debet ſiſtere. Interea procedit editio non inele-

gans , quæ hic in quarto excuditur. Etiam Gallicam versionem volebant adornare , nisi intercessissem & dixissem te auctore hoc iam esse curatum. Vide ergo ut ocyus Latina & Gallica tua habeamus. Inuenies hic multos laudatores: sed aliquos etiam Censores. Qui aliter in tanta sentiendi & quidlibet effutendi licentia? Multi enim Aulæ addictius seruiunt , propter spem præmij : alij vero libertatem magis amant ; quam existimant se in moderato regio imperio , facilius posse tueri. Varia itaque experieris hominum iudicia : sed sat erit melioribus & potioribus placuisse. In Neustria omnia ad pacem vergunt : sed in Heudis tuis turbatur. Fama est eo Regem iturum statim atque de Franciscopoli fuerit transactum , quod breui fore speratur. Cadomenses enim sicut & Diepeneses sunt in Regis obsequio. Vale & me amare perge. Lutetiæ Parisiorum XII. Februarij MDCL.

CL. SAR. CL. SALMASIO.

*Lugd. Bat.*

**P**ostquam te sciui Hagæ viridaria lustrantem , nihil inexpectatius accidit , quam intelligere te lecto affixum , podagra miserabiliter torqueri. Sed hæc deslenda est huius vitæ conditio & omnium humanarum rerum vicissitudo , ut læta & tristia sibi inuicem succedant , ita tamen ut hæc sæpius quam illa recurrant aut saltem diutius inhæreant. Verum tristia hæc vel sola recordatione molesta omit-

tamus. Penes me sunt aliquot quaterniones  
 tuæ Defensionis. Miratus sum, & procul  
 dubio mecum erunt multi in eadem sententia,  
 ubi legi in Præfatione *necessarios tibi videri*  
*Episcopos in regimine Ecclesiæ Anglicanæ.* Ti-  
 bi inquam qui in Vyallone Messalino, adeo  
 acriter eos insectatus es, ut forsitan inde arre-  
 pta sit, si non nata occasio eos penitus amo-  
 uendi. Hoc sane dicent esse ἵπ' χειρῶν δαλεῦεν  
 potius quam ἵπ' ἀνδρείᾳ πείθειν. Reliqua cum  
 voluptate legi. Exemplaria tua non compa-  
 rent. Bonum factum quod laterculum miseris  
 eorum quibus tuo nomine dari debent, quod  
 à me religiose præstabitur. Vereor tamen ne  
 inter Pastores nostros omiseris eorum princi-  
 pem, virum doctissimum tum tui studiosissi-  
 mum Michaellem Falcarium, cum quo πῶν ἐ-  
 κείνῳ impleueris. B. Amici nostri vetus est vi-  
 tium quod istic & hic quoque iuuenesque  
 senesque dudum notauerunt; sed tamen quod  
 multis eximiis dotibus compensetur; & possit  
 frequente Latini sermonis vsu corrigi. Fatebor  
 autem me de amicis sinistre & peruerse sen-  
 tire & scribere, te vero minime obliuiosum  
 esse, ubi ad quæsitæ Oratoriani presbyteri res-  
 ponderis. Interea velim me feras non sine ra-  
 tione ita arbitror conquerentem: hoc enim te  
 possit viuida qua polles memoria docere. Va-  
 le & cum mea παραρτίᾳ patere te sapius inter-  
 pellantem. Si obsequerer desiderio meo nec  
 vereretur esse molestus, plura adhuc huiusmodi  
 de quibus expostulares. Iterum Vale & in  
 Suediam vel vola, veli, vel curre, vel nauig-

ga, vel defertor; sed ad nos postea reuertitor.  
Ita voueo & opto. Lutetiae Parisiorum XVIII.  
Februarij MDCCCL.

CL. SAR. CL. SALMASIO.

*Ludg. Bat.*

**A**Duenerunt quidem exemplaria tuæ Defensionis, sed non tua, quæ nuspiam comparent. Quid hoc est? inquires. Iam rescies, & quid tua causa fecerim bene aut male, prout tibi videbitur. Statimatque audiui in via Iacobza proflare vanales novos à Batauia libros, pro more meo eò aduolaui. Vnam, duas, tres, plures adhuc officinas ingressus quæsiui de tuo Libro quem inueni. Petiit, alios interrogavi quod tuo nomine mihi dare deberent, an quinquaginta iuxta priores literas tuas, an tantum viginti iuxta posteriores. Negavit ille, negauerunt alij se quidquam mihi esse daturos nisi meis sumptibus; nec vlla à quoquam se habuisse mandata quibus mihi aliquid essent daturi. Quid facerem? Dixeram haud ita pridem me tua exemplaria expectare, & largitum esse his & illis: iam vero delusos se conquerentur. Meo periculo inquam, meam & Salmasianam fidem liberabo. Accepi ergo à Petito nouem amplioris chartæ, & duodecim contractioris, viginti scilicet exemplaria & vnum; & syngrapha mea caui me ea de meo soluturum, nisi Tu aut Elzeuius ei satisfaceretis. Existimaui me hoc tibi debere præstare; & Elezeuiriolum obliuione aut incuria id accidisse. Tu vero vide quomodo

nomen istud tuum aut meum, sis expuncturus. Certe si expectassem tuam responsionem, periisset occasio ea donandi Magnatibus & amicis. Malui ergo huius qualiscunque iacturæ aleam subire, quam tres hebdomadas, dum scriberem, tuque rescriberes, expectare. Laterculum tuum impleui, & omnia hic donata vel alio missa. Quia non potuit Petitus omnia in folio suppeditare, coactus sum aliquot in duodecimo accipere. Scribe ergo ut mea cautio mihi restituatur: & alias si quæ amicis destinaveris, vide, ut in vnum fasciculum componantur, mihi aut alij reddendum. Misetum est enim cum istis hominibus contendere, ut non suum reddant. De Vignerij quæsitis, fiet quod voles, & quando voles, imo vel post tuum à Suedia reditum. Vale & ama. Lutetię Parisiorum xxvi. Februarij cxciccl.

CL. SARRAVIVS. CL. SALMASIO.

*Lugd. Bat.*

**N**ihil à te accepimus à postremo vestro tabellatio. Sed ex epistola vxoris tuæ ad viduam Puteanam, intelleximus te adhuc podagra teneri; quod sane prout debeo, feto molestissime. Habuit etiam illa, aliquot chartas Defensionis Gallicæ; quam si statim prælo subijciat, libenter uti promisi, operis typographicis opem feram. Vide tantum ut reliqua ocys mittantur. Interea Latina omnium in manibus versatur. Quia autem inscripta est

S iij



Carolo Secundo Filio, &c. credat aliquis deesse ad eum Epistolam κεφαλίδι ἡ βιβλίῳ, quia in ipso opere nusquam à te compellatur. Totum enim accurate perlegi, cum magna voluptate. Presbyterianos fratres offendet accusatio nefandi criminis, cuius eos facis participes: quamvis enim postmodum videaris istud onus reiicere in Independentes rursum tamen eos insectaris, nec vis istius culpæ esse immunes: quod sane durum est à consecraneo pati. Satis prævidisti eorum querelas quas vitasse consultius fuisset. Sed post editiones vulnus est immedicabile. Quid tamen vetat quin in Gallicis chartis, quæ sunt adhuc penes te, aliquid lenimenti adferatur? Saltem ea populus non legeret nec de te ob istam tuam libertatem male forsan sentiret. Si me audies id in fratrum gratiam præstabis. *De necessitate Episcopatus Anglicani* quod obiter dixeras in Præfatione, vti iam monui, fortius adhuc virges in ipso opere, cōtra dictata Vvallo- nis Messalini; quod tibi vitio vertetur: diceturque te calidum & frigidum eodem ex ore efflare, nec generositati tuæ id convenire existimabitur. Passim negas extare exemplum vilius Regis qui ita publice traductus fuerit & carnifici traditus: Alicubi tamen dicis aliquot Scotiæ Reges, in publico, capitali supplicio esse affectos: quæ conciliatione indigere videntur. Vnum addam, cum capita duodecim in quæ opus diuifisti, singula sua argumenta edisserant, potuisse te vnicuique suum titulum præfigere. Vale si valere potes, &

me ama. Lutetię Parisiorum v. Martij  
CICIDCL.

CL. SAR. CL. SALMASIO.

*Lugd. Bat.*

**T**E ergo habemus reum fatentem. Siue enim tempori seruias, siue causę, nobis perinde est. Atqui dicebatur antea te ἀρετῆος ὡς ἔστιν, qui ne ipsi quidem Ioui, Termini in modum, cederet. Pręterea credo non licere Aduocato vel Regio, in causa domini sui, aliter dicere publice quam priuatim loquatur & sentiat: quemadmodum non sunt diuersę leges quibus domi vtimur, ab illis iuxta quas in foro placita decernuntur. At scripsisti inquis, ex imperio. Ergo potest tibi imperari vt sententiam mutes? Epictetus tamen tuus docet hoc esse τῶν ἐφ' ἡμῶν, idque ita esse in potestate nostra vt inuitis non eripiat. Sed hęc ingrata omitto. Serio hic inchoata est editio Gallica forma quam dicunt quartā, characteribus elegantibus: modo pergas mittere versionem tuam, statim negotium finem accipiet. Scripsi viduę Puteę nę vt specimen suę editionis tibi mitteret. Sue- dici itineris consilium bene est quod non deseras: & digna est Magna Christina quę ex vltimis orbis finibus inuisatur. Menagius eam nuper compellauit & laudauit in Pręfatione *Carminum Latinorum Balzacij*, quę isti Heroine dedicauit. Ita literarum quidquid est, eam iam volat, & pacis egregię artes, belli pręclaris facinoribus succedunt. Postquam vero

S iiij

istam frigidiorē & obscuriorē plagam præsentia tua accenderis & illustraueris, nihil eius glorię deerit; nec quisquam non sibi gloriosum ducet, per tua incedere vestigia, quam non facile sit te passibus æquis sequi, nedum assequi. Sed si cessisti Regi imperanti, noli cedere Reginę roganti ut apud se hiemem transigas, nisi velis æternum ibi manere. Vereor enim, mi Salmasi, ne sequi aeris inclementia corpusculum tuum affligat & perdat. Itaque citius discede, ut citius etiam reuertaris. DEVS iter secundet. Vale & me vel sub axe Arctico ama. Lutetię Parisiorum XII. Martij MDCCCL.

CL. SAR. CL. SALMASIO.

*Lugd. Bat.*

**S**atis prævideram, quę tua est fides & generositas, me extra omnem futurum esse aleam, accipiendo à Petito promissa exemplaria & ea amicis in laterculo comprehensis distribuendõ. Omne id incuria typographorum factum esse arbitror, potius quam malo animo. Scripserunt enim nuper Petito, ut mihi daret viginti exempla maioris formę. Ille vero ut nuper scribebam, quod olim non potuit ne nunc quidem possit, diuenditis illis maioribus. Itaque satis erit, mihi singrapham meam restituat; quod nondum fecit, sed facturum esse dixit meo amarpenſi, quem ad eum istam ob rem miseram. Tuum erit cum Elzeuiriõ inire rationes; quibus tibi nouem tantum maiora &

duodecim minora imputabit. Editio Gallica commodè procedit: sed quia volunt eam, quantum possunt, maturare, deinceps acceptister-tio & quarto capitibus, pollicentur singulis diebus binas chartas: quod si præstiterint paulo post Paschales ferias opus erit absolutum. Constat octoginta aut circiter foliis. Proxi-mus tuus in Suediam discessus facit ut te meis verbis roget Balzacijs, nisi adhuc acceperis fasciculum in quo habentur eius varia opuscu-la Gallica istic edenda, cures te licet absente, eum aperiri & typographo, cuius ea res est, tradi. Præterea scire desiderat, num acceperis chartæ puræ siue albæ grandiusculum *ἱεραγωγόν* quem tibi dono misit. Blondellus etiam no-ster, cuius hic habes literas, auctor mihi est ad te scribendi, num pati velis itineris comi-tem virum bonum, qui etiam in Suediam co-gitat; nullo modo tibi oneri futurum. Respon-di, si solus eas, non ingratum forsân tibi fore eius contubernium: sed si uxorem & familiam tecum ducas, quod potius existimo, me non credere hoc posse fieri sine magno tuo incom-modo. Tu vero vel illi vel mihi scribes, quod præterea eum scire oportet. Penes me est gran-dis Bocharti nostri Epistola, super Anglicana anni proxime præteriti, Tragedia. Ius regium it stabilitum maxime ex Sacra Scriptura, & à nostris suspicionem amolitur qua nonnulli eos infamant. Nisi Morleyus Regis Sacellanus cui inscripta est, eius editionem procuret, hoc alij præstabunt: iniquum enim esset adeo pium & nobilem factum premi & suffocari. Vale &

## CL. SAR. IS. VOSSIO.

*Holmiam.*

**P**Ridem accepi humanissimas literas tuas, ultima Decembris, & duodecima Ianuarij, Holmia ad me datas. Mentiar autem ni statim dixero me vix vnquam maiori perfusum esse lætitia. Vnde ergo factum inquires, vt tamdiu nihil responderis? Serio pudet Mi Vossi: sed audi causam cessationis meę, coram quolibet iudice iustam & legitimam. Nolebam scilicet manibus vacuis me tibi sistere: & per pigerrimum scribam stabat, ne possem promissum codicem exhibere. Quoties ad eum scripserim, miserim, iuerim; quoties me inani spe deluserit, induxerit, totosque quatuor menses frustratus sit: quoties ne mihi occurreret latuerit, dicere nihil attinet, nisi quod id te scire oportet, vt mihi apud te constet officij ratio. Sed tandem aliquando absolutum opus hic habes, quod vtinam Magnę Christianę placeat. Ad exemplar regium à me recensitum est, contralegente Bullialdo nostro, huiusmodi rerum vti & aliarum multarum, peritissimo. Aliquot locos anxi sumus in ora libri leuiter tangere, ita tamen vt primęua manus in ipso textu illibata maneret. Vbicumque deficiente scriptura ductę sunt lineę, scias in exemplari lacunam esse; quam nisi ex alio codice implere insignis fuisset temeritatis: alium au-

tem non habemus. Extant quod scire cupit Serenissima ac Potentissima Regina, in Regis Christianissimi Bibliotheca, Commentarii Procli in Alcibiadem & Parmenidem Platonis, cum aliis plurimis eiusdem auctoris, quorum Indicem hisce adiungam, cum numeris sub quibus habentur, ut facilius inueniantur. Per Amplissimorum Fratrum Puteanorum prolixam & obuiam humanitatem, omnibus ad eam patet aditus: nec verendum est ne sapientissimæ ac vere incomparabili Dominae tuæ quidquam denegetur. Veniat ergo ocyus ille Vpsalienfis descriptor, qui opes nostras vobiscum communicet. Habentur etiam in Bibliotheca Thuanæ & in Puteana Procli edita multa, quorum etiam Catalogum addam, ut si ea desideratis, ea querere & nancisci possitis. Hic omnem operam meam vobis addico, ut voti compotes fiatis: Et si quid negligentia peccatum est, cuius velim me credas infonem, id diligentia non vulgari sarcietur. Inerat autem prioribus literis tuis aureum numisma, Christinae Mineruæ mirabilem vultum referens; pro quo quas debeo magnas habeo & ago gratias. Sed quare non scripsisti num à te illud habeam, nū vero à liberalissima Domina tua? Scio illud vel à te missum, impensius gratum esse debuisse; & sane gratissimum est & fuit; sed si ab incomparabili Heroïna mihi destinatum est, non dubitas longe maximum eius pretium apud me esse futurum. Apud me seruatur qua par est obseruantia, & reuerentia. Ostento regium vultum eum intueri cupientibus: & quis non

cupiat cognoscere æui nostri maximum miraculum, eiusque faciem conspiceret? Undique sane in ædes meas factus est concursus, ut videretur; & ab illo Sole factę sunt illustriores. Expressit diuina hæc facies à me aliquot disticha; quę vide an huic chartę illini digna. Iamblichum autem quem iam mitto offer quęso meo nomine cum humillimi & addictissimi cultus & obsequij deuotione Ter maximę Domine tuę, vel ~~si~~ si à te mihi nummus venit, vel quod malim, *à me deus*, si illa me benigna sua munificentia occupauit. Tuas ad Bochartum sedulo & tuto curauit: & puto iam rescripserit, alia via quam mea usus. Eius liber *De Animalibus Biblicis* absolutus est, & breui typographo tradetur. Non difficulter autem ab eo quod volebas impetrari ut eum inscriberet serenissimę Reginę; quę sane sola digna est huiusmodi opera tractare & tueri: nec etiam hoc opus eius regiis manibus & studiis indignum est. Urgeo quantum possum, editionem; nec despero eam à viro quamuis modestissimo breui extorquere. Idem scripsit nuper à quodam Regis Anglię Sacellano interpellatus, grandem epistolam præcipue *De Iure regio*, quod ex sacra præsertim scriptura asserit fortiter, & pro meritis commendat. Auctor ei fui ut eam edat in lucem. Nostra enim interest huiusmodi scriptiones publicari, ut videant qui nos quasi Regię dominationis aduersarios traducunt, quomodo nostrarum partium doctissimi ius Monarchicum defendant & ament. Blondellum vero quod attinet, pau-

ca habeo quę scribam ; nisi quod totus iam est itineris Batauci. Amstelodamum enim vocatus vt locum *μακρίτε* parentis tui immortalī vita dignissimī , à te reculatū , impletet , conditionem accepit ; & eò DEO volente , proximo Iunio ibit. Sarcinas ergo colligit , & Batauiam tantum cogitat. Cum eo sepius egi *De Critici sacri* editione : nec renuit vir optimus & doctissimus vtilissimū Ecclesię opus posteris tradere. Sed aliis minoribus distractus dum amicis morem gerit , ei totum tempus perit. Hoc autem ei consilium dedi vt inde Historię Ecclesiasticę professionem auspicetur : & vice Apparatus genuinos scriptores sacros à supposititiis discernat. Faciam inquit , si Urbis Consules in quorum potestate sum futurus , aliud mihi pensum non imperauerint. Immo vero dixi , Debes cum priuatorum studiorum tuorum , tum lectionum publicarum Dominus esse , nec ab aliis pendere , modo in ornanda Sparta tua labores. Vide ergo tu qui apud illos plurimum potes , vt quod cupis ipsi mandetur. Criticę Cappelli editionem credo ante Pascha absolutum iri. Opus est improbi laboris , nec vulgaris industrię. Qui literas Hebraicas amant in eo habebunt vnde sitim leuent : æmuli vero iam allatrant , vel priusquam sciant quid in eo contineatur. Ab eius quippe doctrina , sobrie , caste , & pie vtentibus , nihil est metuendum : sed malis animis nec optima placent. Quantum tibi ego & Dalleus debeamus fidem facit editio libri *De Pœnis & Satisfactionibus Humanis* , qua sine te non frue-



remur. Conualefcit iam vir maximus à grauiſſimo morbo quo pœne periit. Habet parata multa quę Blavvio edenda ſtatim ſi velit dabit. Noſtrates enim Gallica tantum excudere amant. Vale. Lutet. Pariſ. xxvi. Martij cıııııcl.

CARMINA IN NVMMVM  
SERENISSIMÆ CHRISTINÆ  
SVEDORVM REGINÆ.

In cuius antica parte eſt PALLAS galeata oliuæ  
ramum aſpectans : In poſtica SOL.

**A**ttica falſa fuit, ſed vera hac Arctica PALLAS;  
Dicere me verum, SOL mihi teſtis adeſt.



Si coluiſſe voles Phoebum & coluiſſe Minervam,  
Tu cole CHRISTINAM, Numen vtrumq; coles.



Obiectam PALLAS galeata aſpectat oliuam:  
Elige ſeu pacem, ſeu magis arma velis.



Imperio digna hac facies armata MINERVÆ,  
Solis ab Eo cardine ad Heſperium.



Sol radios expande tuos, Ecce æmula terris  
CHRISTINA aſſulget lumine inocciduo.



Attica qua quōdam fuerat, nunc Arctica PALLAS  
Dat ſua dat Phoebi pleniffima munera terris.



G. Rousselle Sculp.

CL. SAR. IS. VOSSIO.

*Holmiam.*

**A**Nte mensem prolixè scripsi, cum mitte-  
rem ad vere Incomparabilem Reginam  
dudum promissum Iamblichum, Græce descri-  
ptum: quem opto in regias dignissimas ma-  
nus deuenisse & placuisse. Iam vero tantum  
scribo, ut hæc, summi viri & amici nostri  
Bocharti, ad te allegem. Me auctore aggre-  
ditur Bullialdus libro commentario ornare mis-  
sum Iamblichum: quia certior eum feci  
fore id gratissimum Sapientissimæ vestræ Heroi-  
næ. Non indiligenter enim aliquando versa-  
tus est in huiusmodi Platoniorum scriptis; nec  
dubito eum posse *πολλὰ κἀγαθὰ* aliquid dare. Vale  
& me amare perge: Et apud magnam Chri-  
stinam commenda, tanquam eius virtutibus,  
regiæque dignitati addictissimum. Lutetiæ Pa-  
risiorum XXIII. Aprilis MDCC.

CL. SAR. CL. SALMASIO.

*Lugd. Bat.*

**R**Ecepi à Petito quam ei tradideram cautio-  
nem; & apocham dedi ab eo acceptorum  
exemplarium, ut cum Elzeuiriò possit suas  
expedire rationes, & tu quoque cum illo. Si  
libeat huc mittere Latinam Præfationem quæ  
in editionibus hætenus factis desideratur, com-  
mode addi poterit editioni quæ in quarto hic  
edita est, & totam quanta quanta est reliquit  
Vylacus

Vvlacus ad quem pertinet, viduæ Puteanæ, vt  
eam cum Gallica versione, quæ satis diligen-  
ter excuditur, distrahat. Quotidie vna charta  
conficitur, & duas promittit typographus sta-  
tim atque alium librum, qui dudum sub eius  
prælo sudat, absoluerit: idque proxima septi-  
mana factum iri non vana spes est. Ceterum  
gausus sum cum vidi te in Gallica versione sustu-  
lisse, quæ in Latina editione capite tertio di-  
xeras ad locum Ambrosij, *De remissione pecca-  
torum*, quasi locum non habuerit sub Veteri  
Testamento, quemadmodum habet sub Nouo.  
Hęc enim doctrina offensionis iustam præbe-  
bat materiam: & vel ex ipsis Dauidis verbis  
Psalmi xxxi. *Beati quorum remissa sunt iniqui-  
tates*: quibus vsus est Paulus ad Rom. cap. iv.  
contrarium clare euincitur. Soror vxoris tuæ  
mecum communicauit consilium Suedicæ te-  
cum profectionis; & auctor fui vt tibi morem  
gereret. Alij fortiter obnituntur, nescio quam  
ob causam; mihi que succensent, quod suis  
votis non faueam. Faciet illa & decernet pro  
suo arbitrio. Ego qui rebus nostris bene omi-  
nari non possum, gratulor omnibus, qui hinc  
discedendi honestam habent occasionem. Vti-  
nam fallar opinionis, & bene omnia ex DEI  
constantierga nos indulgentia succedant. Vale  
& me amare perge. Lutetiz Parisiorum xxvi.  
Martij ciciocli.

## CL. SAR. CL. SALMASIO.

*Lugd. Bat.*

**G**Rauiter vt semper, postrema tua dogmata defendis, damnatis prioribus. Ego pauca reponam, nec enim mea res est aut admodum dissentimus. Mutatio sententiæ, pro variis causarum figuris, nolo esse crimen; imo ne quidem delictum. Sed in vno eodemque argumento, modo Episcopos reos peragere violati in eum modum Ecclesiastici Regiminis, vt nullo modo tolerari aut emendari possint, quin potius debeant folio deturbari; modo eos tantum in ordinem cogere, & damnare & quidem verbis atrocibus eos à quibus prior sententia executioni mandata est, saltem inconstantia notam non possit effugere. Hęc dico, eo tamen animo vt existimem in Regno & statu Monarchico melius conuenire regimen Episcoporum, quam Presbyteriorum. Oportet scilicet quantum fieri potest Ecclesiastica temperare seclarium in modum; quamuis in nostra Gallia, Reformatos quod spectat, aliter sit constitutum, nec male nobis succedat. Et hęc hactenus. Quicquid delicatulos nostros suggilles mallent adscripsisses lemmata singulis Defensionis capitibus. Quid agas? ita viuatur. Quidni ergo quod consultò in editione Latina omisisti, in Gallica mutes & addas? Vel ergo ea mitte quæ in libri initio aut fine apponantur, vel patere æquo animo ea ab alio concinnari. Pergitur alacriter in typographio, sed

facit character crassior ut in molem ampliorem crescat liber. Appingent miseri Regis effigiem: volebant & tuam, huiusque ego auctor essem. Dixi me ea de re ad te relaturum. Dic ergo quid facto opus sit. Ego ita sentio, cum omnes sciant opus tuum esse, nihil vetare quin iconi Regiæ, tua quoque addatur. Vale & me amare perge. Lutetiæ Paris. 11. Aprilis 1710.

CL. SARRAVIUS CL. SALMASIO.

*Lugd. Batav.*

**S**cripseram de libris & chartis Balzacij, aliisque, de quibus responsum tuum expectabam. Sed de iis in tuis *et de re*; sicuti neque de quæsitis olim Oratoriani presbyteri. Hæc omnia apud te obliuionis velo tecta sunt, & quando ita vis, sunt. Elzevirij futuri sint tui amplius nec ne, parum mea refert: sed quantum possum amicorum culpas eleuo, nisi de malo animo mihi constet. De presbyterianis nihil omnino loquutus fueram. Tu vero acriter in eos insurgis, & duriora polliceris. Indulge quantumlibet tuis affectibus: aliis mitior placet sententia. Si aliqui tuam erga illos laudant moderationem: aliqui etiam atrocitatem tuam culpant, nec facile est aut necesse horum aut illorum inire numerum, ut constet qui pluribus suffragiis sint potiores. Bocharti epistola, non liber, non Apologeticus prodibit & laudabitur: & culpabitur etiam. Quare enim meliori fato vteretur quam tua Defensio? Presbyterianorum multos excusat, quod facile

est : non omnes ergo damnat , nec sane recessit fuit. Præcipuus ei labor in argumentis è sacro codice desumptis : quod magnifice exequitur , modeste tamen pro suo ingenio. Tu quia rogatus es , scripsisti : ille vero quia interrogatus est , respondit. Tu ad Regem ; ille ad eius Sacellatum. Omnino varia sunt vestramunia & officia. Tibi liberum fuit per varia argumentorum genera expatiari ; illi necesse fuit ad quæsitæ apposite respondere. Nihil habeo quod addam. Vale ergo & me ama. Lutetiae Parisiorum 19. Aprilis 1719.

## CL. SAR. CL. SALMASIO.

*Lugd. Batav.*

**Q**uamuis repugnare videaris , optime fecisti expugnando illam periodum tuæ Defensionis , in qua asserueras , remissionem peccatorum locum non habuisse sub Veteri Fœdere. Ut enim iacet , non quæritur , quæ sit fueritve ea de re Patrum sententia , & an crediderint necne , se salutem consequuturos esse vi & meritis mortis Christi : quod si ageretur facile me iudice obtineres veteres illos confuse tantum *καὶ ἐν αἰνίσματι* , non vero distincte cognovisse venturi Messiae munia , nec proinde eorum effectus aut fructus. Sed non concederem , quamuis remissio peccatorum minus cognita illis fuerit , idcirco eam quasi in suspensio fuisse & incertam. Nec locus Pauli ad Ebræos 19. 8. à te allatus id euincit. Dicit quidem non propalam *μήποτε προπαλάω* , quod est cognitam &

publicatam sanctorum viam : sed non inde sequitur nullam fuisse viam , quia non fuerit cognita. Quam multa enim postea reuelata sunt, quæ illos fugerunt. Nec sententiam tuam iuuat alter ille à te quoque allatus locus Apostoli Rom. iii. 25. in quo negas hæc verba διὰ τὴν πᾶσιν τῶν ἀπολογούντων ἁμαρτημάτων posse intelligi de *remissione* peccatorum , sed tantum de eorum *præmissione* & quasi *præteritione*. Nec enim inquis , πᾶσις potest idem esse quod ἅπασιν. Sed contra te stat accuratus Græci sermonis interpret Hefychius ; qui hunc ipsum Pauli locum explicans ait Πᾶσιν esse ἅπασιν συγχώρησιν *remissionem* vel *concessionem* & quidem gratuitam. Sed te totum iam itineris non oportet hisce , quanquam non contemnendis , diutius detinere. Dedicationem autem si potes , mitte : vel Latinam editioni Vvlaki præfigendam ; vel saltem breuem aliquam Gallicam editioni quam adornamus idoneam. Precor tibi Suedicum iter breue & prosperum. Si enim longius sit , sed nolo male ominari. Vale ergo cum tua & me vel sub plaga Hyperborea ardentè ama. Lutet. Paris. xvi. Aprilis cicioccl.

CL. SAR. CL. SALMASIO.

Lugd. Batav.

**B**Ene est , quod ex editione Defensionis tuæ , quam adornat Ludouicus Elzeuirius , ea tollantur , quæ præbent offensionis materiam ; quod eam reddet exquisitiorem. Curabo in Gallica versione transpositionem & luxatio-



nem quam notas restitui, quod duorum fo-  
 liorum opus erit: non tanti quin melius sit  
 tantulam iacturam facere ut istud vulnus sa-  
 netur. Non poterit idem præstari in Latina  
 Vylaki, quia quotidie distrahitur. Si Morleyus  
 Cappellanus legendam tibi tradidit Bocharti  
 epistolam, cognoveris nihil minus simile esse  
 tuæ Apologiæ quam ista Epistola. Et mirum  
 videri possit, vos idem fere argumentum pro-  
 sequutos, vix unquam eadem via processisse.  
 Episcopis quidquid dicat is cui scripta est, mi-  
 nus fauet eius auctor quam ipse faueas: nec  
 ea potest esse vera causa quare eius editionem  
 procurare nolit. Sed satis est quod non inter-  
 cedat. Alij forsan hoc curabunt; qui iudicant  
 post luculentam tuam mensam, hoc etiam  
 spicilegium non inutiliter legi. Cognoveris  
 etiam quo cultu idem Bochartus te prosequa-  
 tur; qui quæsiuerit occasionem τῶν Μάγαν Sal-  
 masium laudandi. Ita semper solet amicis qua-  
 cunque ratione potest consulere, iisque bene-  
 facere: quod negligunt permulti hoc sæculo;  
 quo nunquam vilior annona ingratorum. Vale  
 & me amare perge. Lutetiæ Parisiorum xxiiii.  
 Aprilis cxcvcl.

CL. SAR. CL. SALMASIO.

*Lugd. Batav.*

**S**I iratior ut vis, scripsi; non ea est causa quam  
 videris anxie inuestigare. Nec enim Elzeui-  
 rios aut Presbyterianos apud te defendere co-  
 gitavi. Aliquando forsan mutata persona, ipse

id facis : eandemque operam miseris Presbyterianis præstabis , quam nuper Episcopis olim à te profligatis , præstitisti : & semper tibi honesta & iusta facti ratio constabit. Tantum querebar , quod ad minuta quædam respondere neglexisses , ad quæ nec postea respondere voluisti. Sed hæc fuerint , nec enim iuvat istis minutiis immorari. Cæterum non heri aut hodie nata est quæstio *De Iure ac Potestate Regum* : nempe *an Legibus subiiciantur , an vero illas impune calcare possint* ; quod postremum magnifice & fortiter defendisti. Apollonius contrariam sententiam si foueat , mirandum non est in Republica , Legum causam videri potiore , nec destitui Assertoribus. Vt enim quisquam sanæ mentis , nedum ille qui vit doctus & cordatus audit , probe quod immaniter & atrociter in Anglia superiore anno patratum est , vix credi potest. Nondum hic quidquam contra tuam Defensionem legitur , quamvis vulgo feratur plures iam calamum in te strinxisse , qui tuis vestigiis insistentes dure & acerbè agunt. Quia Morleyus negat vt scribis , editionem epistolæ Bocharti nostri , hic excudetur cum bona eius gratia. Poterit enim nostris jam prodesse , quod aliquando Regi Angliæ non inutile futurum agnoscit. Sed heus tu , amice , verumne est quod hic iactatur , te perfectionis Suedicæ consilium abiecisse ? Vel quia times in Anglorum itineri tuo insidiantium classem incidere : vel quia Christina mutato animo ; nullum vult amplius cum peregrinis , præcipue autem Gallis , exercere commercium.

Prior causa tua est, altera vero Reginæ. Ne-  
ta autem mihi verisimilis videtur. Potes enim  
terra iter faciendo securitati tuæ consulere, quod  
etiam sanitati tuæ magis conducit; & ita ἐγκα-  
θίσῃς si quī sint, frustraberis & vitabis. Nec  
ea sunt negotia quæ te in Suediam vocant, ut  
Regni Gotthici Magnatibus possint suspicionem  
facere. Quicquid sit si eo non eas, aiunt quod  
me solatur, spem esse te huc venturum. Vale  
& me amare perge. Lutetiæ Parisiorum xxx.  
Aprilis ciorcl.

CL. SAR. CL. SALMASIO.

*Lugd. Bat.*

**P**ost explicationem in postremis tuis literis  
allatam, facile de plurimis conveniemus.  
Tecum enim sentio, rudem omnino & infir-  
mam fuisse Patrum Veteris Testamenti in Mes-  
siam fidem; quæ Christum tantum existima-  
verit liberatorem servitutis temporalis, non  
autem spirituales redemptorem suo sanguine  
ab æternis propter peccata pœnis. Eandem  
quoque fuisse sententiam Apostolorum & pri-  
morum fidelium, post Christum natum, imo  
quamdiu vixit in terris, & post eius in cælum  
ascensum; donec die Pentecostes misit super  
fideles Spiritum sanctum, qui eis omnia reve-  
lavit iuxta promissionem Christi Ioh. xiv. 26.  
ὁ δὲ παράκλητος τὸ πνεῦμα τὸ ἅγιον, &c. ἐκείνος ὑμᾶς  
διδάξει πάντα. Tum demum enim Apostoli qui  
antea idiotæ, Christum θεοῦ υἱὸν καὶ ζωτὴν  
τοῦ κόσμου ἐν τῷ αἵματι αὐτοῦ ignorabant, facti sunt

Doctores myſteriorum fidei Chriſtianæ ; eam-  
que Iudæis primum deinde & Gentilibus præ-  
dicarunt. Ignorata ergo fuit olim mors Chriſti  
eiufque meritum & proinde remiſſio peccato-  
rum quæ ab ea proueniebat. Quamuis autem  
ignorata fuerit , fuit tamen reuera ; & in vim  
eius meriti , non quidem præſentis , ſed ali-  
quando certo futuri, Patres V. T. peccatorum  
remiſſionem ſunt conſequuti. Si enim eam  
non ſunt conſequuti , ergo perpetuis cruciati-  
bus addiſti fuerunt : quod non arbitror velle  
te de iis dicere aut credere. Contra aſſers locum  
Pauli ad Ebr. xi. 8. ex quo à contrario ſenſu  
argumentaris & dicis. *Ergo quamdiu fuit obla-  
tio pro peccatis , non fuit remiſſio peccatorum.*  
Reſpondeo Quemadmodum iſtæ oblationes ſa-  
crificiorum legalium non erant *ἱσασιγὰ* per ſe ,  
hoc eſt actu & vi ſua non poterant ſatisfacere  
pro peccatis , ſed operabantur tamen in vim  
cruenti Chriſti ſacrificij aliquando futuri , ita  
actu non fuiſſe iſtis Patribus indultam remiſ-  
ſionem peccatorum ; quia reuera nondum ſo-  
lutum erat pretium redemptionis. Verumta-  
men agnus ille qui tollit peccata mundi , im-  
molatus *ὑπὸ καταβολῆς κόσμου* Apoc. xiii. 8.  
ab eo tempore exeruit ſuam efficaciam. *Ἰησοῦς  
χρὶςτὸς χθὲς καὶ σήμερον ὁ αὐτὸς καὶ εἰς τὴν αἰῶνα.* Sed  
inutile videatur poſtquam offenſionis cauſam  
remouiſti amplius ea de re verba facere. De  
tua in ſeptentrionem profectione , quia ſiles  
pergam quærere an verus ſit rumor qui per-  
crebuit te conſilium eo eundi depoſuiſſe ; quod  
ſane factum nolim. Vale & me amare perge.

CL. SAR. CL. SALMASIO.

*Lugd. Bat.*

**Q**Vod iterum neque tu neque vxor vllas  
 cuiquam scribatis, secius aliquid nos co-  
 git suspicari. Tempus sane podagris iniquius  
 fuit: quod ipse quoque aliquot dies sum ex-  
 pertus; sed statim conualui. Interea scias oportet  
 Versionis Gallicæ chartas quas habuimus,  
 esse fere absolutas: & cessabunt operæ nisi  
 eas quæ desiderantur proximus nuncius attu-  
 lerit. Optant omnes periocham capitum. Vide  
 ergo num hæc à me concinnata, fidelis sit: &  
 vel aliam mitte vel patere hanc apponi. Ho-  
 die incidi in locum Senecæ epist. LIII. quem  
 tecum communicabo: vt scilicet podagra ali-  
 quod à te accipiat beneficium pro omnibus il-  
 lis quibus te vexat cruciatibus. *Dubio & in-  
 cipiente morbo queritur nomen: Qui talaria caput  
 intendere & utrosque pedes dextros fecit, ne-  
 cesse est podagram fateri.* Quid sit talaria in-  
 tendere scio: quid utrosque pedes dextros facere  
 nescio & tamen podagram dudum fateor. Sci-  
 licet ignarus podager à doctissimo podagro  
 huius loci verum intellectum scire velit. Vale  
 & me ama. Lutetiæ Parisiorum x v. Maij,  
 pœne fatali ante XL. annos huic Vibi & Regno  
 die. MDCCCL.

CL. SARRAVIVS IS. VOSSIO.

*Holmiam.*

**V**T respondeam tuis , quas iam , sine die & contule , accipio literis , hoc primum dicam , Mi Vossi , frustra te esse tum vereris ne tui aliquando non meminerim. Ingratissimus enim sim quotquot viuunt mortalium , nisi quamdiu spiritus hos reget artus , omnem tibi placendi & inseruiendi sedulo captem occasionem. Sed iam ut puto acceperis diutius quam par erat , fateor sed causam dixi , expectatum fasciculum in quo Iamblichus cum aliquot aliis chartis quæ Serenissimæ Reginæ non displicuerint. Vnde hunc præcipue fructum colligam , ut deinceps me obliuiosum non existimes eorum , quibus officij & amicitia legibus teneor. Ego vero impatienter expectabo responsionem tuam , qua resciscam meum fasciculum in manus tuas deuenisse. Extremo Martio eum commisi communi amico Clarissimo Vvicquefortio , qui onus libenter in se suscipit eum ad te curandi. Magna me liberaueris sollicitudine si statim me feceris ea de re certio-riorem. Ab illo tempore bis etiam ad te scripsi. Bochartum quod attinet hoc tantum dicam , quia nimis modestus est , sibi etiam nimis diffidit , nec de iis est quos *ἡ γνώμη ποιεῖ*. Itaque veretur Regiis oculis exponere foetum , ut ait , minus adhuc iis dignum. Urgeo quantum possum editionem , quam semper differt. Iam scripsi absolutam esse Criticam Sacram

Cappelli : sed nondum prostat : nempe quia chartæ componuntur. Eam curabo statim atque fieri poterit ad te mitti , quandoquidem eius fama ad aures Magnæ Christianæ peruenit. Id , quæso precorque , tibi debeam , ut sciat me eius magnorum meritorum esse studiosissimum , & prout debeo , deuotissimum cultorem. Vale & me libere vtere : sic enim me à te constanter amari non dubitabo. Suedus descriptor adhuc expectatur. Lutetiæ Parisiorum xiv. Maij ciorcl.

CL. SAR. CL. SALMASIO.

*Lugd. Batav.*

**Q**Via intellexeramus te in Zelandia fuisse , existimaueramus te illinc in Suediam soluisse ; quod querelis Viduæ Mathurini à Puteo locuin dabat. Expostulabat scilicet quod discessisses , antequam vltimum Defensionis Gallicæ caput transmisisses : quod si haberemus absolutum esset opus quod iam languet μένειν. Sed bene est , quod illud proxima occasione polliceris. Apponentur ergo lemmata capitum , quæ ego confeci , tu probasti : sine quibus videbatur aliquid desiderari. Ecebolij factum nec miror nec inoror ; ὅς λησάμενη εἰς κύλισμα βορβόρου. Cognoscit suos DEVS cuius δῶρα ἀμείβεσθαι. Si Pastoribus nostris maledixerit , recident istiusmodi sputa in eius os impurum , quod inde adhuc magis putrescet. Bene sit , quod non oneritas consilium profectionis ad incomparabilem Reginam ; quæ procul dubio à te aliquid eli-

ciet te & se dignum. Iam hic prostat Critica Sacra Cappelli : magnum opus & arduum, quod mihi vitam debet. Præbebit adhuc occasionem æmulis Salmurienſium eos inſectandi : ſed ſufficiunt aduerſariorum iſtibus ſuſtinendis & propulſandis. Si hiemem tranſigas Holmiæ, quod futurum puto, noli noſtri, inter regiones apparatus & aulicas delicias, obliuiſci, qui tui ſemper meminerimus. Iter tuum ſecundet, qui id facere poteſt DEVS Opt. Max. Vale & me ama. Lutetiæ Pariſiorum 111. Iunij 1713. CL.

CL. SAR. CL. SALMASIO.

*Lugd. Batav.*

**A**Bſui fere octiduum, generum & filiam inuiſens: idcirco nullas à me proxime præteritus tabellarius tibi reddiderit. Reuerſus, Gallicas tuas hic inueni, quibus iam reſpondeo; nihil enim à te poſtremus cursor nobis attulit. Scribe quacumque dialecto libuerit, vel in Belgio vel in Suedia, ſed ſcribe. Bene eſt, quod tandem aliquando poſtremum Gallicæ Deſenſionis caput miſiſti. Tota iam proſtaret ſi citius illud habuiſſemus. Ceſſauerunt enim operæ quindecim fere dies, quæ nunc pergunt alacriter. *Dextri pedes* in Seneca ignorati minus nos torquebunt quam ipſa podagra ſæpius eheu! ſæpiuſque, moleſtiſſime recurrens. Forſan diſcemus experientia & malo noſtro quod lectio aut meditatio nos haſtenus docere non potuit. A Bocharto nihil vnquam procedet, quod non ſit ciuile & tui valde ſtudioſum. Ger-



sant enim in eo viro summa modestia cum pari eruditione. Nescio an legeris eius Epistolam ad Morleyum, quæ hic summopere laudatur. In Anglia autem Independentibus parricidis valde improbatur. Vidi Ecebolij literas, & miratus sum hominis *δυμὸν ἀλλοτρίοτατον*. Aliquid ultro adferet voluenda dies, quo palam fiet, quid præsertim istis mutationibus sectatus sit homo si quisquam, vanissimus & confidentissimus. De itinere tuo quamvis nihil dicas, illi tamen bene precari non desinam. Sed i cito ut cito redire possis. Vale & me amare perge. Lute-  
tiae Parisiorum XVII. Iunij CIOICL.

## CL. SAR. CL. SALMASIO.

*Lugd. Bat.*

**O**Lim inter *ἀδιάφορα* fere deputabam, siue Gallicas à te haberem siue Latinas literas. Posteriores enim vel sola sua dialecto placebant; priores vero, quia ut plurimum erant prolixiores, non ideo minus erant gratæ. Iam vero Gallicas tantum, valde breves, & raras scribis: quod videor tecum queri posse. Vel ergo muta linguam, vel saltem adde paginas. Imo ex Suedia Latinas tantum easque bene longas habere me par est: larga enim se præbebit materia; & ut quidem reor, nec aliter DEVS sinit, scriptu iucundissima. Absolvitur hodie Gallica tua Apologia: quæ eius pro te mihi dederit Vidua Puteana, diligenter ad Morum curabuntur. An etiam ad eum mittentur, quas tibi Holmiam scribemus, scribe. Faustum vobis

iter precamur. Vale & abi. Lutetiæ Parisio-  
rum Cal. Iuliis c1616CL.

## SACRÆ MAIESTATI

SERENISSIMÆ AC POTENTISSIMÆ

SVEDIÆ REGINÆ.

*Holmiam.*S  
SERENISSIMA REGINA,

Quamuis intellexissem non ingrata tibi fuisse minuta quædam officia quæ tibi præstiteram; nunquam tamen ea tanti feci, ut existimauerim me ea tibi debere venditare. Satisque mihi fuit quod in meis ad Vossium tuum litteris, aliquando legeres, quomodo erga Regias virtutes tuas essem affectus. Postquam vero idem ille vir doctissimus & vetus amicus meus, coram animum addidit te compellendi, spoponditque liberum, & tutum mihi fore ad te aditum, audacior factus, Ecce me tibi sisto ô MAXIMA REGINARVM, cum precibus ut me quem fortem promitto & bonum, tuorum in numero habere velis. Possem hic rationes addere quæ me tuum effecerunt. Sed quid aliud facere me oporteret, quam in hanc chartam coniicere, tot Panegyricos, tot Odas, tot Epistolas; quæ licet nihil indictum omisisse videantur, nunquam tamen laudum tuarum argumentum impleuerint. Crescunt enim in te cum ætate virtutes, erga quas tanto impetu

ferris , vt nemo te sequi , vel eas assequi possit. Harum inexhausta scaturigo tibi quicquid est bonorum conciliauit & me cum illis. Quamquam & priuatim etiam tibi teneor , honorario quod serius cognoui à te esse profectum ; pro quo gratias ago summas. Hoc quoque mihi fiduciam addidit has ad te scribendi. Nempe dixi , Bene volumus iis erga quos benigni sumus. Nec displicere possit INCOMPARABILI REGINÆ gratus animus. Tradiderit tibi Vossius , quos ei dedi tibi offerendos Manuscriptos De Concilio Florentino : quos tibi placuisse summopere opto. Ceterum crede omnia mea , meque ipsum in tua plane esse potestate ; quibus vtere , rogo precorque pro arbitratu. Ego tibi cum fide & diligentia inseruiam. Vale SERENISSIMA AC POTENTISSIMA REGINA , & regna diu & feliciter. Hęc sunt vota

TVÆ MAIESTATI

*Deditissimi ac deuotissimi*

CL. SARRAVII.

Lutetia Parisiorum III.

Septemb. MDCL.

A MON.

A MONSIEVR SARRAV,  
CONSEILLER DV PARLE-  
MENT DE PARIS.

**M**ONSIEVR, Je vous demande par-  
don de ce que ie ne vous ay pas plustost  
remercié de cét excellent present que vous m'a-  
ués enuoyé par le Sieur Vossins, & de ce que ie  
n'ay pas fait plustost responce à la lettre que vous  
aués pris la peine de m'escire. Ne croyés pas,  
Monsieur, que ie sois méconnoissante enuers vne  
personne qui m'a voulu donner part d'un si pre-  
cieux tresor, qui est celuy que j'ay receu de vous.  
Ny que ie sois insensible enuers les offres d'af-  
fection qu'un homme de vostre merite m'a faites  
par vne lettre si ciuile. Je vous coniure de croire  
que ie sçay estimer & l'un & l'autre comme ie  
dois: & que ie ne me rendray iamais indigne ny  
par ingratitude, ny par insensibilité, de l'esti-  
me que vous temoignés auoir pour moy. Et puis-  
que vostre ciuilité s'est seruie de ces termes pour  
m'assurer de vostre affection, par lesquels vous  
me voulés faire accroire que vous vous estes don-  
né à moy, Je vous diray que c'est avec ioye que  
ie vous accepte au nombre des miens. Et ce sera  
d'oresnauant avec vostre permission que ie me van-  
teray de cette acquisition. Je vous prie de croire  
que i'vsray du droit que vous m'aués donné sur  
vous, avec la reserue & la discretion que ie dois  
auoir pour un homme de vostre merite. Et ie ne  
vous feray iamais sentir combien ie suis absolu &

*qu'en vous commandant de changer la qualité de  
serviteur en celle d'amy. C'est en cette qualité  
que ie vous accepte entre les miens : & c'est en  
ce seul regard que ie pretens d'exercer le pouuoir  
que vous m'aués donné. Si apres cela il me reste  
encore quelque autorité : Je vous diray que ie de-  
sire de vous la conseruation du bien que vous  
m'aués accordé. Ne me refusés pas la continua-  
tion de vostre amitié apres me l'auoir donnée si  
generousement. Il est vray ie ne la merite pas.  
Aussi n'est-ce pas par merite que i'y pretens.  
C'est vostre generosité & non pas mon merite qui  
a iustificié ma pretention. Neantmoins ie vous  
puis assurer en reuange que vous aués entierement  
acquis l'estime & l'amitié de*

CHRISTINE.

De Stocholme 23.  
Nouembre 1650.

CL. SAR. DAVIDI BLONDELLO.

*Amstelodamum.*

**M**E rogauit eximius hic adolescens, vt se  
tibi commendarem : quod facio liben-  
tissime ; cum propter eius haud vulgarem eru-  
ditionem, est enim supra ætatem doctus, tum  
etiam propter amicitiam, quæ inter nos inter-  
cedit. Ei nomen est Petrus Lambecius, patria  
Hamburgum. Vixit Romæ apud auunculum

Lucam Holstenium duos annos, quos humanioribus litteris excolendis & Historiæ impendit : postea Tolosæ totum annum moratus est, & iuris studiis diligenter incubuit. Iam vero parentum vora eum ad se reuocant : quod priusquam faciat, Amstelodami aliquamdiu subsistet, tui præsertim videndi & audiendi causa : quod ut ipsi benigne concedas, quanquam tu orandus non es, cui bene facere omnibus à natura datum est, tamen enixe precor ut aliquantulam priuati tui temporis vsuram ei largiaris. Ille se statim tibi commendauerit, & magnam à me gratiam iniueris. Iam vero aliud te volo. Interrogor quotidie ab amicis communibus, quid te factum sit. De tuo enim pertinaci quod vocant, silentio, plurimi exoptulant. Respondeo me nihil à te ex quo discessisti habuisse. Ceterum ex aliquot familiarium literis ad me aliosque datis, cognouisse, te Franciscopoli secundo vento soluisse, & in Bataviam feliciter appulisse : quinetiam Salmasium inuississe, antequam in Suediam profisceretur. Præterea nihil esse, quod dicam. Tu vero veteres amicos noli ita negligere & de te rebusque tuis fac nos certiores. Interea Vale tu cum tua & me amare perge. Lutetiæ Parisiorum xxii, Septembris cxcxc.

CL. SAR. DAVIDI BLONDELLO.

*Amstelodamum.*

**I**Am antea ex variis variorum literis, intellexeram, te prospera nauigatione usum feliciter istuc appulisse; tibi que gratulatus sum adeo

V ij

fortunatum aduentum , literis quas à Petro Lambecio vel iam habuisti , vel breui habiturus es. Idipsum autem à te ipso cognoscere fuit sane perquam jucundum. Statim autem pudore suffusus sum tam proluxa gratiarum actione: nihil enim inexpectatius mihi dudum accidit. Nec enim minutula quædam officia quæ tibi præstiti , digna erant quæ memoria asseruares. Itineris tui fortunam cum voluptate legi. Consulum Amstelodamensium pronus & beneuolus erga te animus magno incitamento tibi erit ad aliquid , famæ tuæ conueniens, aggrediendum. Baronius vocetur ad partes , aliis forsân metuendus aduersarius , sed tibi facili negotio debellandus. Ille ergo te totum occupet , cum in publicis lectionibus , tum in priuatis studiis : valeantque alia omnia , præsertim vero Chiffletiana. Nec enim , quod coram sæpius dixi , adeo bene de te merita est patria , vt eius ergo debeas causam DEI eiusque Ecclesiæ , propria commoda , amicorum preces , patronorum denique iam tuorum vota & expectationem insuper habere. Patere me quæso precorque , libere tecum per literas agentem , sicut olim , dum licebat loqui , solebam. Hęc enim tibi oggerere , non desinam , donec sciuerō te magnum illud opus inchoasse , in quo etiam solo te exerceas. Tum enim meminisse te oportebit eius quod sæpius mihi dixisti , *Non posse te duobus vacare & necesse esse vt vni rei omiſſis aliis incumbas.* Valerudo mea aliquantum procedit : & meliorem in dies sperare ligeret , nisi lateri hereret lethalis arundo. Cal-

culus enim quo dudum laborat ren dexter, ei dum se affricuit, vlcus fecit; quod diuturnum morbum facere solere, eumque pœne insana- bilem dicunt Medicorum filij. Remediis ta- men vtor iisque continuis, lacte asinino sum- mo mane bibendo: & hydromelite non alio vlllo potu me proluendo. Trochiscis etiam à Gordonio dictis, vtor. Hęc mea iam vita est. Vale. Luteriæ Parisi. Calend. Octob. cııııçł.

CL. SAR. CL. SALMASIO.

*Holmiam.*

**E**X Vxoris tuæ ad meam literis, certior factus sum de tuo Holmiam aduentu, quem ante ex incertis pœne rumoribus intellexeram: & lætatus sum te hanc itineris tui metam feliciter attigisse. Sed quod istic valerudinem minus commoda vtaris molestissime fero. Omnis enim tam longæ peregrinationis fructus, nempe cum Serenissima Regina literarium & familiare commercium, pœne perierit, si te perpetuo oporteat lecto decumbere. Opto ergo tibi conuenientem cœli tempestatem, qua deinceps vsus pedum tibi constet, vt ad doctissimam Christinam itare possis. Quid in eius Coronatione memoriæ dignum videris, à te expectabo: sed præsertim quomodo tibi conueniat cum istius Aulæ eruditis: an fasces submittant libenter: gaudeant an doleant eum coram videre, à quo tam multa edocti tam multa adhuc doceantur. Hinc nescio quid tibi narrare possim. Omittere tamen non debeo,

V iij



prodiisse haud ita pridem ingentem Tomum, nisi quod in duas partes diuiditur, Petauij veteris scilicet amici tui, *De Incarnatione*. Addidit Appendicem *De Hierarchia Ecclesiastica*; qua te praesertim Apparatumque tuum petit, deinde & Blondellum. Aduersum te more solito impotenter & furiose debacchatur: cum Blondello agit minus inclementer. Hic si me audiet aliud curabit potius quam vt ad eum confutandum se accingat: & sane Amstelodamenses Consules hoc ab eo non requirunt. Decernes tu pro arbitrio quid te facere oporteat. Sane Sapientissima & Incomparabilis Regina aliud te rogabit, quam vt Petauios aut etiam Heraldos pro suis meritis maletractes. Vale Tu cum Tua, à me meaque. Lutetiae Parisiorum XXIII. VIIIbris MDCL.

## CL. SAR. IS. VOSSIO.

*Holmiam.*

**I**Am acceperis opinor, quas ad te & ad Serenissimam Reginam tertia die mensis proxime praeteriti scripsi: ex quibus cognoueris cessationis meae nimis iustam rationem. Sciam libenter an Incomparabili Principi non displicuerit libertas qua usus sum. Sine te nunquam id aggressus fuisset: nec enim æquum est nos homunciones regis & immortalibus curis imprudenter obstrepere. Vide tamen vt quod te auctore factum est fortiter tuearis. Quamquam vereor ne mea culpa dicam an temeritate ita peccauerim vt veniæ

non sit locus. Nondum enim satis liber eram à morbo ut de huius momenti negotio debuerim cogitare. Quomodocunque autem fors ceciderit, de isto casu fac me quæso certiores. Tibi gratulor faustum in Suediam ad eximiam Dominam reditum; cui placuisse munusculum quod à me obtulisti, cum voluntate intellexi. Magna ei procul dubio ex tua commendatione, gratia accesserit; quanquam per se non est omnino indignum quod laudetur & ametur. Cæterum faciam libenter quod Regina suo iure imperare poterat, tu vero pro tua modestia eius nomine rogare maluisti: nempe ut quæ noua alicuius pretij hic & alibi noua in Gallia nostra prodibunt ea ad te allegem; minuta per cursores, mole ampliora per aliam occasionem minus expeditam. Sed ut quod illa mandat plenius exequar scire me oportet an etiam Theologica omnis generis habere velit. Scribuntur scilicet aduersarij libelli quam plurimi quibus Sorbonistæ, Monachi & alij de Gratia aliisque articulis se mutuis vulneribus confodiunt; An etiam omnes istos desiderat? An quæ Gallica lingua quotidie eduntur otiosorum oblectamenta & delicias, infinita opera fictas historias narrantia? Præterea libros istos compactos an incompactos, regia magnificentia vestitos, an priuata tantum modestia decoros mittere oportet? Hæc te mihi explicare velim: postea in me nulla mora erit. Doleo vicem Magni Viri & Summi amici nostri, Salmasium intelligi non dubitas, eiusque afflictæ valetudinis.

me miseret. De eius statu quoties scribes raro enim scribit, noli quæso obliuisci me monere. Sane vereor ne cæli vestri pœne damnata frigora ei sint inolestissima. Hiemem enim necesse est istic transigat. Qua autem in re eius opera & præsentia vtatur Maxima Regina, cuius rei eum destinet scire laboro. Velim ego vt Nouum Fœdus coram ea legat sua lingua, Græcam intelligo, in qua vix credas quam multa *δυσκόλιστα* possit explicare & enarrare; idque te coram eius sensus excipiente & literis mandante. Caussabitur autem procul dubio sibi ad manum non esse Variarum Lectionum immensam segetem quibus diuinum istud opus ornari meretur. Sed propterea non desinite eum vrgere: habet enim in numero omnia quæ vnquam legit & expedita facundia pollet qua ea eloquatur. Præterea Valla, Erasmus, Camerarius, Beza, Heinsius, Grotius quorum illi suppeditabitis monumenta, satis largam differendi materiam præbeant: & aliquando poterit accuratius ea retractare. Nullo certe diuiniore labore possit literarium vestrum commercium nobilitari. Puteani te salutant. Ego quoque qui tui sum, eroque semper amantissimus. Vale. Lutetiae Paris. xxii. Octob. cidiacæ.

CL. SARRAVIVS IS. VOSSIO.

*Holmiam.*

**S**ecundum tuum, an potius Serenissimæ Reginæ, mandatum, mitto, & quidem vt

iussit per cursores , musteum adhuc opus & à prælo recentissimum , contra Cappelli nostri Criticam Sacram. Quamvis enim aperte faueam & causæ & viro qui hic oppugnatur certe non expugnatur , absit tamen vt nolim in istam controuersiam penitus inquiri. Anglus quia proximior , prior insurgit , quem alij mox sequentur. Omnibus autem etiam coniunctis sufficiet Andegauensis Professor , haud impar isti oneri : & suam doctrinam assertum ibit contra horum animosos conatus. Non indigna est hæc cognitio doctissimæ Dominae tuæ studiis ; sed iudicare non festinet , priusquam reo sua defendenti benignas aures præbuerit. Habuit hic olim harum rerum callentissimum Hugonem Grotium sibi consentientem ; cuius extat de Critica nostra luculentum testimonium inter eius epistolas ad Gallos pag. 465. cuius *ιδιόχρεον* penes me est. Sed ille fuit , nec potest Bootio , nisi magni quod nunquam morietur nominis auctoritate , refragari. At superest , diuque super sit , precor , ὁ μέγας Bochartus harum literarū Princeps Cappello ὁμόψυχος , qui litem istam possit suam facere , & aduersariorum conatus infringere. Sed bona causa non indiget istis præiudiciis , & coram vniuerso doctorum Senatu deinceps disceptabitur. quidni Præside Magna Christina , cui me semper commendatum volo. Ante ocelliduum nouissimis tuis respondi , nec aliud iam occurrit quod dicam. Vale & me amare perge. Lutetiae Parisiorum XXIX. VIIIBRIS CIOIOCL.

## CL. SAR. DAVIDI BLONDELLO.

*Amstelodamum.*

SERius ante octiduum alteram tuam Epistolam accepi, quam ut ei per reditum eiusdem cursoris respondere potuerim. Id itaque iam exequar. Laudo consilium tuum de Critico Sacro tractando; ita tamen ut postea Baronius te totum habeat. Sed quando fiet ut istam *κρίσις* aggrediaris? Audio enim te postulasse & impetrasse à Scholæ tuæ Curatoribus, ut tibi porro liceret Chiffletium defricare. Miror sane te eo animo fieri circa opus quod cane peius & angue odisse deberes. Sed quod coram obtinere non potui, ut istud onus deponeres, frustra iam tanta locorum intercapedine, consequi sperem. Fac ergo quod animo allubescet tuo. Sed tibi multum iam temporis in isto labore periit, & adhuc peribit, quod rebus melioribus & magis necessariis impendisses. Idem dicam de Versione Tractatus tui De Primatu; quam absit ut aggrediaris. Hoc iuuenis aliquis Gallicæ & Latinæ linguæ peritus faciat: tu enim ad maiora vocaris quam ut in istis bonas horas male colloques. Totus iam est Bochartus noster in describendo libro suo De Animalibus Biblicis, quem istic potius quam hic edi velit propter typorum vestrorum elegantiam. Sciam quæso num Typographorum Princeps suo merito Blavvius, velit hanc gratiam inire ab optimo & eruditissimo, viro, qui libenter cum omnibus aliis

prætulit. Hoc enim ut à te cognoscerem dedit mihi in mandatis. Nec opus est quidquam addam in Auctoris aut operis commendationem. Vtrumque enim apprime nosti, & verum pretium utrique pones. Dallæo nostro eam literarum partem prælegi, qua cupiebas ut Latinam faceret suam Apologiam: quid statuet ea de re faciam statim resciscas. De Salmasij fortuna Suedica audiam quæcunque dices libentissime. Nullas adhuc ab eo ex quo in ista Aula degit accepi. Sed eius vxor de suo aduentu meam monuit & aduersam mariti valetudinem caussata est. Tu rescribes quando libebit, & licebit, sine vlllo tuo incommodo, de rebus tuis præsertim; quibus si aliqua ratione consulere & prodesse potero tum me beatum arbitrabor. Vale. Lutetiæ Paris. v. Nou. cicioccl.

CL. SARRAVIVS IS. VOSSIO.

*Holmiam.*

**H**ic habes linguæ nostræ Origines, collector & editore Menagio: cuius votum est tantum scire quantum scit eius liber. Omnibus paginis à *margéins* pater tuus, Salmasius & Bochartus laudantur. Quia ita iussisti, mittitur per cursores: saltem dixi Bidalio ut id ita curaret, te enim ita velle. Hoc exemplum petij & impetraui à Menagio pro Serenissima Regina: vulgo enim minus superbe compinguntur. Multa addentur in secunda editione, de qua iam cogitatur. In tam vasto

quippe argumento , semper suppetet scribendi materia , & possit quilibet symbolam conferre. Grandi isti volumini , comitem dedi pusillum tractatum. Materia plane regia est : nec displicebit Reginæ , videre nostros Gallos , pro regia auctoritate contendentes. An placuerit epistola qua te auctore eam compellaui , scire desidero. Vale & me amare perge. Lutetia Parisiorum v. ixbris c1713CL.

CL. SAR. IO. FRED. GRON.

*Dauentriam.*

**Q**Uod tardius humanissimis tuis literis quinta Iulij datis , respondeam , tuebor me duabus exceptionibus ; quæ tibi etiam legitimæ videbuntur. Prior est morbus trimestris à febre sæpius recurrente , quæ ita me afflixit , ut aliquando spes nulla salutis superesset. Quintilis Sextilis & September aduersa ista valetudine impeditum detinuerunt. Horum autem mensium primus acerbissimus mihi fuit , cum morbi vehementia , tum præsentia Vossij & Bocharti , qua frui non licebat. Ego enim qui ambos magnopere videre desideraueram , & eorum suavi consortio proficere , lecto affixus illis & mihi inutilis factus sum. Altera est , quod cum in extrema tua epistola , me rogasses , ut Crucei librum ad te mitterem , nuper admodum exemplar quod hic habes reperire potuerim : & pudebat sine eo te conuenire. Hæc est gemina silentij mei excusatio. Ut enim obliuione aut incuria in hoc erga te of-

ficio peccem , ingratus sim si faciam. Adeo enim comiter agis , adeo amanter , vt ferreus sim si eo non mouear aut exciter ad diligentiam tuam imitandam. Naudæo tuas in Senecas Notas tradidi. Mihi sane eximix videntur: ferre enim omnes ad ipsum textum contuli , vt melius de illis iudicarem. Tibi gratulor quod istic nactus sis Typographum virum honestum , & locupletem : nec possit typos suos nobilitate meliori & magis vendibili libro. Istius enim generis scripta , cum per varios auctores ambulent , omnibus placent , quia omnes ibi reperiunt quod suo palato sapiat. De Seneca Tragico videris curam deposuisse , adeo de illo siles. Caue facias. Cum enim habeas vnde eum meliorem facias , & ornes ; non est indignus cura & amore tuo. Perge ergo in isto quoque Seneca literas demereri. Te sane solum istis in regionibus excellere video , & eruditam crism exercere. Nec enim illos qui Florum , Suetonium , Curtium , aliosque auctores nuper adornarunt , tibi æquiparem. Sola typorum elegantia istas editiones commendat , non autem eorum labor qui nobis eos ita belle & nitide cultos exhibent. Tu vero altiora sapis , & penetras in ipsum profundum : quod vt diu cum tua gloria , & publica vtilitate facias DEVM ex animo precor. Vale & me amare perge. Lutetix Parisiorum XII. Nouembris MDCL.



## CL. SAR. DAVIDI BLONDELLO.

*Amstelodamum.*

**F**iat ergo de tuis Chiffletianis quodcunque volueris : De illis in posterum nihil à me, auersa aure audies. Bene est tamen quod ea prelo subieceris : id enim tibi finem iis tandem aliquando imponendi necessitatem adferet : urgente nimirum presente typographo , ne suus tuusque labor imperfectus maneat. Addam huic chartæ aliquot excerpta ex Appendice Petauij , quæ legisse iuuabit , donec ipsum librum habeas ; quem non dubito Cramoyssium istuc statim curaturum. Quanquam lentum est omne istud negotium libros maritima via transmittendi. Pergit Salmasius ægrotare Holmię , sicut eius vxor ad meam scribit : nam nec ego, nec alius quispiam , vllas ab eo habuimus, ex quo eò appulit. Quæ de eo scribis sunt verissimillima. Mitius & cautius forsan aget deinceps, cum suis aduersariis. Eius vehementior impetus bonis & grauibz dudum improbatus est : sed non solet facilem se præbere amicorum monitis ; vt nec alij plurimi præstantissimi viri, qui se suaque amant , & priuatis affectibus indulgent. Hodie ad Bochartum scribam , & faciam vt resciscat pronum erga se Blavvijanum. Si quæ sint icones sculpendę , erunt omnino paucę. Sed crescit opus inter manus auctoris , qui dum illud nitidius describit , vt operarum laborem minuat , multa ex libris Arabicis præsertim addit , Latinis Græcis aliisq;

que Europæis hætenus ignorata. Aderam heri Præfidi Belleurço qui destinatur ad Ordines Fœderatos extra ordinem Legatus : nec istud onus abnuir vir sapientissimus ; quoque magis idoneus ad negotij de quo agitur procuratorem mitti non potest. Tui iniectâ mentione cognoui quanti te faceret ; adeo ut diceret , si tum cum discessit Blondellus potuissem apud Magnates quod iam possum , nunquam sinissem eum à Gallia discedere : quin aperte intercessissem , iis conditionibus quas ipse bonas honestas & tutas iudicasset. Memmius Auauixius fato functus est ante octiduum , maxima Regni iactura. Maussacus etiam λίπε φάος ήέλιου dysuria quam vesicę sectione medici curare voluerunt , extinctus. Tu vale cum tua quam felicissime & me amare perge. Lutetię Parisiorum xxvi. Nouembris cicioccl.

CL. SAR. ISAACO VOSSIO.

*Holmiam.*

**I**Am accipio litteras tuas , quibus meis respondes quas ad te xxii. proxime præteriti Octobris scripseram. Illę autem de aliis tuis quas ad me dedisse te memoras , mentionem faciunt , quas tamen nullus vidi. Nescio qui factum sit ut in via hæserint. Nolo enim credere eas periisse , quod sane mihi molestissimum accideret. Ex posterioribus enim colligo priores tuas meminisse earum quas te auctore & fundo ad Incomparabilem Reginam , ausus sum , insigni audacia , adhuc eger , scribere. Vehementius

menter autem scire desidero quæ fuerit earum fortuna, & quo vultu acceptæ fuerint. Ne tamen existimem eas successu caruisse, facit quod ais Serenissimam Reginam de respondendo cogitasse: quod si quidquam aliquando, erit certe mihi non tantum gratum sed etiam gloriosum. Sed dum diuinas illas lineas expecto, graue tibi non sit amicissime Vossi, rursus mihi scribere, quod prioribus illis tuis iam me rescire ea de re voluisti. Quamuis enim illis nolum male ominari, vereor tamen ne serius in manus meas deueniant: & licet statim earum futurus sim compos, non insuaue fuerit *δὲ καὶ τοῖς πῶτα τὰ χαλὰ* audire. De libris autem & libellis istuc mittendis faciam omnino quod præscribis. Cappellus Bootio respondit: liber Salmurij excuditur. Eius collega Amyraldus scripsit sermone vulgari eximiam Paraphrasim in Euangelium Ioannis, quæ nuper admodum prodit. Bidalio à me dabitur cum duobus Tomis Petauianis. Minutum nihil habeo quod per cursores mittatur. Perge quæso de Salmasio aliquid narrare: nescio quare amicos Parisienses obliuioni mandauerit. Sed modo sciamus eum valere & aliquid se & Regina apud quam degit dignum commentari, satis erit nobis. Ei à me si placet multam salutem: tibi quoque Vir Amicissime. Regine vero omnia fausta & optata bene precari nunquam desinam; nec quæcunque iusserit animo promptissimo & deditissimo exequi. Vtinam autè paria votis meis eius causa præstare possem. Vale & me amare perge tui semper studiosissimū. Lut. Paris. **XXIV. Dec. MDCL.**

CL. SAR;

CL. SAR. ISAACO VOSSIO.

*Holmiam.*

**I**mpatienter expecto fasciculum, quem red-  
dere mihi debet nauta, qui eum à te ac-  
cepit. Interea pascam mentem & oculos as-  
pectu & lectione regiarum literarum, quas  
cum tuis heri accepi. Beasti me amicissime  
Vossi; ingenti & inexpectata felicitate. Quid  
enim illis suavius! quid humanius! quid ama-  
bilius! In illis nemo me agnoscat, adeo est  
supra sortem meam, quod me tanto honore  
dignata sit; dum nempe iis verbis me compel-  
lat, quæ regię fortunæ minus conuenire vi-  
derentur, nisi in tanta sublimitate magnum  
quoque esset etiam infimos comiter affari.  
Quam blande autem mecum agat cogitare  
non possum, quin animum meum subeat  
infinitæ virtutis admiratio. Cæterum Galli-  
cam nostram linguam expedite eloquitur &  
cum summa facilitate & elegantia. Bene sit  
Suediæ cui talem Dominam habere contigit,  
& diu habeat opto & precor. Non ausim  
autem eius Majestati rescribere, nisi iterum  
auctor sis. Sed sciat quæso, me eius futurum  
quandiu viuam cultorem studiosissimum &  
ad omnia seruitia paratissimum. Ante men-  
sem Bidalio tradideram *Origines Menagij* per-  
cursores vti significaueras, ad te mittendas;  
quas tamen insuper habitis monitis meis,  
misi tantum cum Manuscriptis codicibus  
Petauij Senatoris. Quod dico non ut eius

factum culpam, crassior enim est liber quam ut per veredos mittendus fuerit, sed quia ita volueras, volo etiam mihi apud te constare officij rationem. Heri ingenti vulnere percussa est Gallia & præsertim Senatus noster morte Præsidis Memmij, Auauxij fratris, cui sex septimanas tantum superfuit. Iruallius trium fratrum natu minimus in dignitatis honorem succedet. Patrono suo orbatus Henricus Valesius de Suedica professione facilius cogitabit & statuet. Bodini librum cuius meministi non habeo, nec habent Puteani: sed scio ubi extet & curabo statim atque eum habuero, ut diligentissime describatur. Interea vide de isto opere Magni Grotij iudicium, in collectione eius Epistolarum ad Gallos epistola CLVIII. pag. 431 & 432: & habeat in mandatis Bidalius mittendi per cursores quæ per huiusmodi viam istuc destinabo. Salmasius vel non potest vel non vult ad nos scribere, & Parisiensem videtur omnem memoriam abjecisse. Semel tantum, aut saltem bis, eius vxor meam compellauit, ex quo Holmiam appulere: itaque rem mihi feceris gratissimam si de eius rebus, & præsertim valetudine diligenter perscripseris. Amici te salutant, ego quoque qui semper tuus ἐξ ὅλης τῆς καρδίας. Vale & me amare perge. Lutetia Parisiorum xxx. Decembris cxcjcccl.

CL. SAR. DAVIDI BLONDELLO.

*Amstelodamum.*

**E**Xperientia propria edoctus, Vir Reuerende ac Præstantissime, scio quanta sit

boni fratris iactura : idcirco magis doleo vicem tuam , quod tui ad plures discessum lugere cogaris. Sed quid agas , hac lege viuimus , ut quodcumque DEVS iusserit uoluerit nos mori oporteat. Hanc fati necessitatem sensit heri Præses Memmius vetus amicus noster. Auauxij Fratris obitum ubi vidit, Durior est inquit , hic ictus quam ut ei ferendo par esse possim , aut diutius superesse. Septem tantum dies ægrotauit. Vniuersa Gallia , sed præsertim Senatus noster , fert eius obitum cum summo animi mœtore. Valebat enim auctoritate , & facundia cum usu rerum coniuncta , quæ eius consiliis magnum pondus addebat. Iruallius Frater è tribus solus superstes , in dignitatis honorem succedet. Gaudeo istic esse Petauij *De Incarnatione* volumina ; ex quibus cognosces num & quomodo te respondere oporteat. Nolim sane ut grauioribus omis- sis de istis cogites. Sed si aliquando id facere decreueris , de Salmasio nihil omnino tibi dicendum erit , sua ipse defendat : & appendicis vice responsio tua maiori operi accedat. Utinam serio facias quod ais te meditari , ut scilicet Chiffletiana tua abiicias. Improbis enim iste labor , quamuis omnibus Gallis utilis , paucis tamē gratus erit , quia pauci id est vel duo vel nemo , eius meritum intelligent. Interea perierit tibi in eo opere multum temporis , quod melioribus deberi videbatur. Belleuæus paratus est istuc proficisci ; sed dum ei de viatico gaza regia non prospicit , lentum est omne istud negotium. Bene autem feceris si

Hagam eius videndi causa, postquam eo venerit, excurras. Est enim vir humanissimus & qui viros eruditione insignes, qualis tu es in primis, magnificat. Quid in Suedia agat amicus noster, nondum scire potui. Ab incomparabili regni istius Regina accepi nudius tertius literas admodum civiles: & si quid in eis culpare liceret, humanitatis & mansuetudinis excessum improbarem. Sed quia rarum est hoc in tanto fastigio vitium, ideo facile & nullo periculo omittetur. Valent omnes amici: valet etiam familia, quæ te cum tua saluere cupit. Ego in primis quem ut amare pergas etiam atque etiam rogo. Lut. Parisiorum  
xxx. Decembris c1713cl.

CL. SAR. IS. VOSSIO.

*Holmiam.*

TRistiani Sanctamantij scriptum contentiosum, & non ineruditum hic habes; in quo bonus Sirmondus male habetur. Ita vivitur & difficile est servare modum. Mitto etiam *Vindicias Catholicorum Hibernia*, quibus multa continentur hætenus ignorata, de istius regni rebus. Rigaltij *Commodianum* non misi; quia prodiit sub tempus discessus tui, paulo ante vel paulo post; quod definire non finit morbus quo dudum laboravi. Nisi eum tecum abstuleris, facile erit eum istuc transmittere. Tradidi autem Bidalio haud ita pridem Gallicos libros quinque, ut eos compingi curaret, & istuc mitteret: *Hippolyti Cardinalis*

*Estensis Negociationes : Drelincurtij nostri Ecclesiæ Considerationes*, viro Christiano de morte cogitanti apprime vtilis, opus est insignis pietatis : *Petri Launæi Commentariorum in Epistolas Paulinas* tomos duos : Eiusdem *Paraphrasin & Expositiones in Apocalypsin*. Bibliographia Parisiensis anni superioris nondum absoluta est : quod ubi factum fuerit eam mittam, ut in ea videas quos libros hic editos non habeas, & quos habere velis. Bodini liber quem rogas repertu est difficilis ; nec exat in Bibliotheca Regia neque in Thuana, aut Richeliana, aut Mazarina. Neque Puteani fratres, neque Bignonius, neque Patinus, neque Moræus eum habent. Audio tamen haberi inter libros nuper fato functi Præsidis Memmij, quos eius Vidua diligenter custodit. Operam suam mihi addixit Valesius, ut inde eum educat ; quod viuento domino pœne impossibile fuisset, ita sollicitè sua sibi vni seruabat, cum nullo communicanda. Interea nactus sum priorem librum è septem quibus opus constat, quem statim describendum curabo, & ad incomparabilem Reginam allegabo. Ei me semper commendatum quæso precorque. Nondum eius navis oris nostris apulit. Doleo vicem Salmasij nostri quem opto melius valere ; Te vero semper optime, & me amare tui studiosissimum. Vale. Lutetia Parisiorum XXI. Ianu. CIOCCCL.



CL. SAR. IS. VOSSIO.

*Holmiam.*

**S**I qui sint libri in hac Bibliographia , & Serunt procul dubio aliquot , quos habere velis , statim atque monueris ad te mittentur. Qui dicuntur prodijisse hoc anno 1651. nondum prodire ; sed breui prodibūt & antequam rescripseris. Nondum aduenit naus Suedica quæ mihi tabulam Regiam adfert , & vereor ne cæternum caream. Audio enim coactos nautas ad Angliæ littora appellere , ibi detineri : quo inhumano facinore , vota mea frustrata video cum summo animi mœore. Valeat tamen incomparabilis Regina , Tu quoque Præstantissime Vossi & me amare perge tui semper studiosissimum. Lutetiæ Parisiorum xxviii. Ianu. cxcvcll.

Quas ad me mittes litteras , include fasciculo Bidalij , qui diligentius eas ad me curabit quam soleant tabellariorum famuli.

CL. SAR. IS. VOSSIO.

*Holmiam.*

**B**Odini de abditis rerum sublimium arcanis , hunc tantum quem iam mitto librum primum , hætenus nancisci potui. Eum olim ex auctoris autographo qui tum erat Ioannis Cordesij , descripsit Ardusius vir doctus in Castellato quod vocatur Consiliarius. Priusquam autem reliqua perfecisset , repetitus est liber,

quī iam nūspiam comparet. Dicunt Cordesij ex sorore nepotem eum secum in quemdam Lemouicensē pagum asportasse : Sed quid isto nepote factum sit nescitur. Dicunt alij scriptum horribilis carminis visum flammis vlttricibus esse datum : certe esse dandum, potius quam cum quoquam communicandum. Præsīde Memmio vita functo fiet, vt moris est, descriptio omnium eius mobilium, quæ inter etiam librorum. Valeſius suam operam pollicitus est isti apographo recipiendo, quod inde expectare par est. Quamuis enim omnem adhibuerim diligentiam in eo inuestigando neminem tamen noui apud quem cubet vel lateat. Pergam tamen quærere, & forſan eius compos ſiam, quando de eo reperiundo ſpem, non ſane curam depoſuero. Superiora ita λεπτομερῶς explicare oportuit, vt ſcires me omnem mouere lapidem vt Maximæ Reginæ inferuiam ; quod porro libenter faciam & cum ſummo ſtudio. Aliud iam dicam, quod licet tenue, tamen cum voluptate ſcribam. Vxor mea, partu nouiſſimo filiam peperit, quam, ſacro fonte dum abluitur, in honorem Summæ & Incomparabilis Reginæ nominari volui CHRISTINAM. Factum id poſtrema die Dominica, Carentoni, in publico Eccleſiæ noſtræ coetu. Quamuis enim ſit Gallis noſtris fere inuſitatum iſtud nomen, iſt eſt tamen apud me eius honor & reuerentia vt gauiſus ſim hanc mihi datam imo natam occaſionem illud familiæ meæ inferendi. Quærentibus autem quæ ſit iſtius denomina-

tionis ratio , non inuitus excurro in laudes diuinæ vestræ Principis , cuius quoties filiam meam videro , meminisse iuuabit. Nondum nauta nec proinde icon regia , aut numismata aduenere ; neque literæ : quæ omnia dudum impatienter expecto. Male sit istis Insularibus , qui tamdiu gaudia nostra morantur. Sciat quæso immortalis vita , sicut & fama , dignissima Regina , me eius semper fore cultorem addictissimum. Vale tu & me amare perge Tui quoque amantissimum. Lut. Parisiorum XII. Februarij MDCLII.

## CL. SAR. DAVIDI BLONDELLO.

*Amstelodamum.*

**M**erito Menantij nostri acerbum & infelicem casum deploras , Vir Reuerende & Præstantissime. Magna quippe in isto amico nostro iactura facta est. Quid eo factum sit iuxta cum ignarissimis scio , adeo varij de eo sparguntur rumores ; qui tamen eo fere recidunt ἢ ὅτι κέχρηται ἢ ὅτι πέπεν ἀπὸ τοῦ ὅτι utrumlibet sane miseratione dignissimum. Eius pietatis insignis & in vera fide constantiæ possum me iactare testem idoneum : quo fit vt quoties de eo cogito , cogito autem sapissime , toties animū meum subeat nescio quis horror humanæ imbecillitatis , quando præsertim DEVS nos nobis permittit. Riuetus stadium suum decurrerat , & possit Ecclesia carere Schola Bredana , & eius casu ruitura est : Tot enim in prouinciis vestris sunt huiusmodi ἀνεργονία , vt sua co-

pia laborent ; satiusque sit ea redigi ad minorem numerum. Quid faciat in Suedia amicus noster ex tuis pœne solis literis intelligo : ipse enim videtur sibi silentium indixisse : nullas fane ex quo ibi degit ab eo habuimus. Rem autem mihi feceris gratissimam si perrexeris me monere de iis quæ de illo cognoueris. Filia mea , quando & hoc scire desideras , dudum me fecit auum. Peperit enim Augusto præterito filium qui valet , & cum bono DEO vitalis erit. De studiis tuis nihil omnino scripsisti , quod tamen præcipue scire laboro : quando videlicet auspicaturus sis tuas publicas lectiones ; quodque earum , quod etiam priuatarum tuarum lucubrationum argumentum ; quæ quæso diligenter exponas mihi valde velim ; num etiam Dallæi nostri opuscula prælo suo commiserit Blavvius , nam Albertini grande opus præcedere debent. Heri & hodie omnia hic festiuitatis plena , reuersis Francisco-poli Principibus captiuis. In Senatu nostro Condæus & Contius fratres hodie sederunt , & debitas pro sua libertate nobis egerunt gratias. Tanto autem applausu excepti sunt , vt vsque ad Fanum Dionysianum populus fere totus obuiam effusus procurreret. Faxit DEVS vt hic reditus concordiam regiæ familiæ sanciat , auctoritatem regiam firmet , pacemque cum priuatam tum publicam procurret & pariat. Opto te cum tua beneualere. Lut. Paris. xvii. Feb. ciciocli.

SACRÆ MAIESTATI  
SERENISSIMÆ AC POTENTISSIMÆ  
SVEDIÆ REGINÆ.

*Holmiam.*

SERENISSIMA REGINA,

Aduolutus genibus tuis , apud Majestatem tuam supplex deprecor alteram hanc temeritatis meæ culpam ; qua rursus audeo tibi esse molestus. Sed animum mihi addidit insignis & pæne nimia illa tua bonitas , quam eximiam haud ita pridem expertus sum , quando prioribus literis meis respondere voluisti. Tuis enim ita sum affectus cum eas primum legentem , ut mei vix compos essem , adeo in eis omnia excelsa & laudabilia , supra famam & fidem. Postquam vero eas iterumque iterumque ex intervallo reuolui , animum meum subiit non vulgaris admiratio tot variarum virtutum in te congestarum. Ita enim te deprimis ut semper Maxima sis & videaris : ita rursus dignitatem summam tuam tueris , ut vel infimis quales ego imprimis , te æquiparare non dedigneris. Absit tamen à moribus meis , & sane abest quam longissime , ut ita mihi metum ignotus , ut non intelligam excessum humanitatis tuæ. Non ibo per singula Epistolæ tuæ capita , sed vnum tantum leuiter attingam , quo tamen plenissime constet de ista tua incredibili humilitate. Gloriosum mihi fore arbitratus fue-

ram , aliqua tibi inferuire , ideoque ex animo totum me tibi addixeram. Tu vero me non vt Dominus seruum , non vt Patronus clientem aut libertum , sed vt amicus amicum habere vis. Pæce tua DOCTISSIMA ET SAPIENTISSIMA REGINA , me videris ignorare : Amicus enim tuus dici recuso : apprime gnarus discriminis quod intercedit inter fastigij Regij sublimitatem , & hominis priuati tenuem fortunam ; & inter adeo disparata amicitiam conuenire non posse. Sim ergo , quando ita gratum est , tuus , sed meis non tuis conditionibus ; liceatque mihi pretium ponere rei & personæ meæ. Obsequio meo quod proprium feci Maieſtati tuæ , vttere , MAXIMA REGINARVM , sed ea lege qua tibi sum auctoratus. Possum quippe personam sustinere humillimi serui & obsequentissimi ; non possum autem , nec si possim velim , alterius inuidiosi nominis , quo nimis premerer. Imperabis ergo iure tuo , ego parebo libenter & decorum mihi erit & iucundum mandata tua implere. Faciam certe quod potero , sicut nuper feci in tibi comparanda libraria supellectile Memmiana. Hactenus negat Præses Iruallius & reluctatur , quanquam ciuilitè : sed vidua binarum filiarum mater , rei familiaris augendæ , quamuis in re admodum lauta , studiosissima , fauet empturienti Bidalio , qui egregiam vt solet Maieſtati Tuæ nauat operam , vti & Valeſius in ea domo dudum familiaris. Hoc negotium cum tempore maturascet , illudque quantum fieri poterit caleſca-

ciam : sed nondum ut aiunt absoluto catalogo in quo lente festinatur , difficile sit certi aliquid ea de re pronunciare. Caterum DOMINA , gratias ago tibi summas pro multis tuis erga me beneficiis , Pro humanissimis LITERIS PROPRIA TUA MANUSCRIPTIS , pro TABULA DIVINI VULTUS TUI , & pro NUMMO AUREO TUE CORONATIONIS. Poteras ista seorsim distribuendo , plures gratiarum actiones mereri ; Aliquis diceret manu oportuisse serere , non ipso sacco. Tu vero liberalitate & magnificentia veterum & recentiorum exempla , non tantum prouocas , sed etiam superas ; nouamque benefaciendi viam aperis , quam verendum non est ne nimis multi ingrediantur. In LITERIS TUIS iucundissimum fuit videre faciles doctissimæ tuæ manus ductus & elegantes apices , vulgarisque nostri Gallici sermonis facundiam ipsis indigenis parem : sed præcipue sublimia animi sensa & meram bonitatem gratissimum fuit cognoscere. In DIVINI VULTUS TUI IMAGINE , faciem vere dignam imperio , in qua grauitas cum comitate suauiter conjuncta est , libentissime intuemur. In NUMISMATE TUE INAUGURATIONIS , populorum omnium vota cælo tandem exaudita Maiestati tuæ ipsisque gratulamur. Nec enim sacro-sanctus & splendidus iste Coronationis ritus , mera est , quod quidam somniant , cæremonia , quæ dicis causa peragitur ; sed est verum fœdus quod initur inter Principem & subditos : vnde fit ut ille legitime præsit , illi vero debitum cultum præ-

stare teneantur. Diutissime autem duret sacrum istud vinculum, quod nulla malignitate aut discordia solvatur: quin potius in dies fortius stringatur; ut tui populi Te Domina floreat & vigeant; Tu vero in illorum obedientia æternum gaudeas, domineris, regnes fœliciter. Ita voueo & spero ego

## TVÆ MAIESTATI

*Deditissimus ac deuotissimus.*  
CL. SARRAVIVS.

Lutetiæ Parisiorum XVII.  
Martij. CXCICLI.

CL. SAR. ISAACO VOSSIO:

*Holmiam.*

**N**ON sine ratione dubitavi, an Serenissimæ Reginæ rescriberem: quamvis enim pro summa sua bonitate, non dedignata sit semel nostras legere literas, iisque respondere, verebar tamen ne sæpius eam compellendo molestus euaderem. Cum vero tu, qui propius eius animum nosti, suaseris hoc rursus subire periculum, arbitratum sum tuum consilium sequendo, me non posse errare. Rescribo ergo eius Majestati, cui meas offeres, tunc



cum molliſſima fandī tempora , ſimul cum omni cultu & obſequio meo. Tandem aliquando Εικὼν βασιλική, meo nomine ſignata tua manu , in meas deuenit : quam præcellere cæteris facile credidi ; tum quia ita tibi affirmanti facile aſſentior , tum quia aliis duabus eſt formoſior. Miror in ea *ἔτιδος ἀξίον περιειδος* & modeſtiam in vultu ſingularem. Nummos quoque accepi , quorum vnum mihi ſeruauī ; reliquos vero Dallæo , Guieto , & Menagio tradidi , qui vt puto gratias egerint. Hactenus altquot libros maiores tradidi Bidalio tibi mittendos : ſed negat curſor illis ſarcinaſ ſuas implete : itaque ſerius eos habebis , cum forſan iis perierit gratia nouitatis. Omnium Elenchū Bidalius ſtatim mittet. Memmianam Bibliothecam quod attinet nondum deſperamus voti compotes fieri. Negat Præſes Irualius , ſed deſuncti Vidua , bonarum literarum rudis , mauult eam vendere quam retinere. Sed quia eſt admodum locuples vereor ne duras admodum conditiones apponat , quas tamen induſtria & patientia , quantum fieri poterit, emolliemus. Heinſij poemata & Claudianum etiam habuimus , pro quibus auctori pro ſua liberalitate , & magis pro animo noſtri ſemper memore gratias à te agi , ni graue eſt, velim: quod vt facias quæſo precorque. Salmaſium noſtrum opto bene valere: nullas adhuc ab eo Suedicas habuimus literas , quod faciet quando ei libuerit. Vale vir amiciffime & præſtantiffime: & me amare perge Tui ſemper ſtudioſiſſimum & amantiſſimum. Lut. Pariſ. xvii. Martij ciciocli.

CL. SARRAVIVS IS. VOSSIO.

*Holmiam.*

**F**atebor tibi vni crimen meum, quod vide ne dispalescat. Quem ad Serenissimā Reginam mitto catalogum manuscriptorum codicum Bibliothecæ Memmianæ, nescio an furatus sim, quia nescio an inuita domina eum contrectauerim; certe ea inscia eum habui & descripsi. In eo neque laudatum *Varronem* inueni neque desideratum *Bodini* Dialogum quos procul dubio aliquis surripuerit. Venales sunt, sed in aurem tantum dicitur, nec auctioni publicæ permittuntur. Apposuerūt primo pretium quod scriber *Bidalius*, erubesceret enim hæc charta si ei inscriberetur: postea dixerunt se aliquatenus diminuere paratos. Fecit autem hæc pretij iniquitas vt existimauerimus ego & *Bidalius* negotium esse trahendum, vt cognoscant nos non cæco affectu duci erga rem pæne ignotam. Quod enim miretis nondum potuimus ipsos codices inspicere vt de eorum ætate id est bonitate constaret. Quibus adscripsi lineolam scias ita vocari in catalogo quo vsus sum satis mendoso. Sunt adhuc fere centum Gallici qui apud me parui pretij, apud vos vero nullius futuri sunt. Omnes tamen habendi sunt, quia illis omissis nihil remitterent de pretio. Credat autem Serenissima Regina me omnem curam adhibiturum vt voti compos fiat, ita tamen vt semper meminerim *Pliniani dicti Mala emptio semper ingrata est*; eo maxime quod exprobrare

emptoris stultitiam suam videatur. Vale & me amare perge Tui semper studiosissimum & amantissimum. Lutetiæ Parisiorum xxv. Martij MDCLII.

SACRÆ MAIESTATI  
SERENISSIMÆ AC POTENTISSIMÆ  
SVEDIÆ REGINÆ.

*Holmiam.*

SERENISSIMA REGINA,

Mitto tibi quem hic habes, Catalogum Manuscriptorum codicum Græcorum & Latinorum Bibliothecæ Memmianæ: Sunt præterea aliquot Gallici, quæ res nostras spectant; nullius usus istis futuri. Omnino eximia est ista libraria suppellex: sed ei ponitur pretium adeo immensum & iniquum, ut crediderim venditores velle abuti laudabili tuo desiderio eam comparandi. Itaque consultius & tutius iudicauimus, trahere aliquot dies istud negotium, donec aliquid de isto suo malo animo remiserint. Hanc moram velis quæso patienter ferre SERENISSIMA REGINA, & rescribere ocys quid nos facere oporteat; ut Tuæ Majestati ex præscripta formula inferuiamus. Si tamen benigna affulgeat occasio, eam non sinemus elabi, certe nihil omittere quo isto thesauro cito potiaris. Certe eo digna sola videris cum eum habere tantum cupias, ut, postquam eo usa fueris, typographiæ beneficio, cum orbe literario

literario communicetur. Hoc cedet magnæ tuæ gloriæ , & publicæ vtilitati , cui nata & facta videris. Ego MAXIMA REGINA , summi beneficij loco deputo , quacunque in re tibi obsequi & obedire; votorumque meorum summa fuerit placere & seruire Majestati tuæ; cui ab omnium bonorum largitore DEO OPT. MAX. omnia magna & fausta nunquam desinam precari. Vale SERENISSIMA ET POTENTISSIMA REGINA & regna diu ac fœliciter.

TVÆ MAIESTATI

*Deditissimus ac deuotissimus*  
CL. SARRAVIVS.

Lutetiæ Parisiorum xxv.

Martij c1616cli.

A MONSIEVR SARRAV,  
CONSEILLER DV PARLE-  
MENT DE PARIS.

**M**ONSIEVR, Vos deux lettres que ie receus hier m'ont donné des mouuemens si diuers , que ie me trouue empeschée de vous exprimer les sentimens qu'elles m'ont causé. Et puisque vous auez pris la peine de me rendre de si bons offices sans que ie les aye merités , ie me vois engagée de vous en témoigner ma reconnois-

Y

sance. Je desirerois de pouvoir le faire dignement par la presente, encore que ie ne pretende pas de m'aquitter à si bon marche enuers vous. Je vous proteste que ie n'ignore pas combien ie dois estimer la generosité qui vous porte à trauailler avec tant d'affection à seruir vne personne qui en est si indigne que moy; puisque par aucun merite ie n'ay pu pretendre à vous obliger de prendre tant de peine pour mes affaires. Vous m'aués voulu témoigner par l'achapt de mes MSS. que ie ne m'estois pas trompée lors que i'esperois de vostre generosité, l'effet des protestations que vous m'aués faites. Je vous prie de croire celle que ie vous fais à present, & de ne douter point de la resolution que i'ay prise de rechercher avec soin les occasions par lesquelles ie puisse m'aquitter enuers vous. Si ie le fais iamais au point que ie le desire, ie m'assure que vous n'aurez point sujet de vous repentir de m'auoir donné quelque lieu en vostre affection. Au reste Monsieur, ie vous diray touchant la Bibliotheque que vous marchandés pour moy, que ceux qui s'en veulent deffaire sont iniustes d'en demander vne somme qui estonneroît tout autre que moy. Je vous laisse la disposition d'accorder avec eux, & d'en faire le prix. Mais sur tout Monsieur, ayés soin que l'on n'oste aucun MS. des Anciens. J'ay ouy dire de ceux qui ont connoissance de cette Bibliotheque qu'il y auoit vn Varron que ie ne trouue pas dans le Catalogue. Ce qui me fait apprehender que l'on n'oste celuy là, & d'autres de mesme importance. Mais ie m'en remets tout à fait à vous, & i'espere que vostre soin me rendra entierement content.

*Cependant Monsieur vous m'obligerés de commander à mon Marchand qu'il dépeche mon navire, & qu'il ne me priue pas long-temps de ce que j'attens, afin que ie puisse auoir icy quelque goust des belles choses dont vostre belle France abonde. J'ay commandé au Sieur Vossius de vous prier de ma part de me faire auoir vn Secretaire qui soit sage & fidelle; & qui soit pourueu des bonnes qualités qu'il vous a amplement dépeintes dans sa lettre. Si vous prenés la peine de me satisfaire en cette rencontre, ie vous seray obligée toute ma vie comme d'un office le plus signalé qu'on me puisse rendre. Voyés Monsieur avec combien de rigueur i' vse du pouuoir que vous m'aués donné sur vous. Vostre ciuilité l'excusera puisque vous voulés que ie fasse ainsi. Pour moy ie desirerois que cette façon d'agir vous fust importune, afin qu'il me fust permis de vous traiter en amy; Car ie vous ay accepté comme tel dès le premier moment que ie receus vos protestations. Mais puisque vous ne le voulés pas; ie veux différer de vous donner l'amitié d'une Reyne, puisque celles des Rois sont tousiours suspecttes, iusqu'à ce que la mienne puisse estre hors de soupçon. Alors vous connoistrés que malgré tous les changemens, j'auray pour vous vne affection inébranlable, & vne estime telle que ie dois auoir pour vostre merite; Et que ie suis tousiours*

CHRISTINE.

De Stocholme le 12.

Avril 1651.

Y ij

TAN. FABER CL. SARRAVIO.

*Lutetiam.*

**P** Ovidium Nasōnem tibi in amoribus esse  
 cū accipio , Clarissime Sarraui , non pos-  
 sum , ita me diſſument , non mihi plane & ex  
 animo gratulari , quando ea re factum eſſe vi-  
 deo vt riuales ſimus. Quem autem magis le-  
 pidum , venuſtum magis , *bonarumque* , vt ait  
 ille, *artium magis principem* colamus? Sane, niſi  
 me animus fallit, neminem. In eo enim Cha-  
 rites & ſuauior Musæ quid efficere poſſint,  
 expertæ videntur. Sed illum proh dolor! &  
 librariorum oſcitantia , & deteriorum ſæculorum  
 incuria , tot maculis turparunt , vix vt locis  
 aliquot poſſit agnoſci, cuius tamen olim

*In toto nuſquam corpore menda fuit.*

Ac ne te pluribus morer , quis , niſi plumbeus,  
 ferat eam labem , quæ his verſibus aſperſa eſt:

Triftium Eleg. 2. Lib. 4.

*Drufus in his meruit quondam cognomina terris,*

*Quæ bona progenies digna parente fuit.*

Nemini , opinor , qui vel tantillum quid ſapiat,  
 erit dubium , quin ſcripſerit poetarum ingenio-  
 ſiſſimus *Quæ bona progenies digna parente tulit;*  
 hac ſententia; Druſum Nerōnem olim in Ger-  
 mania nouum ſibi cognomen peperiffe, quod  
 eius filius , digna tanto patre progenies , tulit ;  
 quippe qui Germanicus Cæſar dictus ſit ( eum  
 autem in primis coluit noſter .) Itaque adeo co-  
 gnomen Germanici meruit Drufus pater , filius  
 tulit. Sic Aſinius Pollio ab Salonis Dalma-

tiz expugnatis Salonini cognomen ferendum  
filio transiit : &c.

Quis autem satis pro dignitate defleat locum  
hunc Ponticorum L. II. Eleg. v. ad Solanum?  
*Surgit Juleo iuuenis cognomine dignus*

*Qualis ab Eois Lucifer ortus aquis ;*

*Dumque silent, astat, status est vultusque discreti ;*  
*Spemque docens doctæ vocis amicus habet.*

Ibi interpretum mira ἀφασία est ; neque inju-  
ria ; quando posteriores duo versus in mendo  
cubant , ita scilicet Musis approbantibus resti-  
tuendi :

*Dumque silens astat, status est vultusque discreti ;*  
*Spemque docens doctæ vocis amicus habet.*

Quo nihil esse potest venustius. Hæc autem  
διανοία vis est : Vbi in suggestum ascendit Ger-  
manicus Cæsar, vt καλῆτιν aliquam rhetoricam  
pronunciet, facile cuius apparere, vel ex ipso  
corporis statu, vel ex modesta illa compo-  
sitæ vestis εὐρημοσύνη, miræ cuiusdam singu-  
larisque facundie orationem esse ab illo ex-  
pectandam. Quod quin tibi placeat, Vir Cla-  
rissime, qui tuus in his litteris genius est, nul-  
lus dubito. Verum nisi molestum est, quid  
illud, quod Eleg. III. ad Maximum legitur ?

*Quaque ita concussa est vt iam casura putetur,*

*Restat adhuc humeris fulta carina tuis.*

ὦ πόποι ! Carina casura ! quo tandem ? nisi  
fortean in chaos Hesiodum. dein, carina  
fulta humeris. χαλιδῶν μουσα. Lege mihi si-  
denter, idque manucente, Ouidio :

*Restat adhuc humeris fulta ruina tuis.*

Ipsomet, inquam, Ouidio præeunte ; quippe qui  
alibi dixerit



*Te mea supposita veluti trabe fulva ruina est.*

qui locus est huic plane germanus. Verum, Sarraui Clarissime, quando non erubescit Epistola, & iam gnauiter frontem perfricui, non possum facere, quin de quodam Platonis loco agam, priusquam scribendi finem facio, sed tamen, quoad eius poterit fieri, paucissimis. Locus ipse est. II. Πολιτείας edit. Stephanianæ p. ccclix. Læmarianæ autem ccccxxiii. εἴη δ' αὖ ἡ ὁξυσία, ἣν λέγουσι μάλιστα, εἰ αὐτῷ γένοιτο διαποτὲ φασὶ δυνάμει τῷ Γύγῃ τῷ Λύδῃ περιόνομα εἶναι. εἶναι μὲν γὰρ αὐτὸν, &c. Vides quid sit, Clarissime Sarraui. Vt autem quod sentio dicam, sic habeto. Nunquam non miratus sum, locum adeo illustrem à viris doctis olim emendatum non fuisse (nam hodie quidem qui hosce libros legant, sunt perquam pauci.) Ceterum à veteribus libris nihil auxiliij, quidquam est. Et ita plane in codice illo legebatur quo vsus est Clarissimus Ficinus; nam ille alter Interpres, Serranus, inquam, scis ipse, vel re ipsa expertus, vel Casauboni auctoritate admonitus, (eius enim commentarium in Theophrasti characteres legisti) quam imparatus ad hanc interpretandi tanti scriptoris prouinciam accesserit: Quamobrem omnia sunt ab ingenio & diligenti Platonis lectione, nec non Ciceronis testimonio petenda. Primum omnium agitur de mirabili illo annulo; quem oblatum fuisse τῷ τῷ Γύγῃ περιόνομα, nullus est qui è veteribus dixerit. Itaque nihil quidquam causæ esse videtur quin audacter affirmemus locum hunc esse corruptum. Sed dixerit fortasse quispiam,

Platoni aliam, quam quæ apud posteriores scriptores inualuit, παρέσθαι sequi placuisse. Verum id fieri haud quaquam potest. Nam infra lib. videlicet X. hunc ipsum locum respiciens & ad ipsum nos remittens, scripsit, ἀλλ' αὐτὴν τὴν δικαιοσύνην αὐτῇ ψυχῇ ἄριστον εὖ εἰμεν, καὶ ποιητέον αὐτῇ τα δίκαια εἶναι τ' ἔχει τὸν γύγην δακτυλίον, εἶναι τε μή. Præterea M. Tullius, qui locum superiorem libro de Officiis tertio transtulit, aliter scripsisse Platonem, probat. Ita enim ille: *Satis enim nobis, ( si modo in philosophia aliquid profecimus ) persuasum esse debet, si omnes deos, hominesque celare possimus, nihil tamen auare, nihil iniuste, nihil libidinosè, nihil incontinentèr esse faciendum. Hinc ille Gyges inducitur à Platone; qui; cum terra discessisset, & cetera; quæ ille verbum de verbo expressa extulit; sed nil opus est transcribere. Quamobrem ut ne quid in hac re operæ ponamus amplius, lego & suppleo, τῷ γύγῃ Κρείσσῃ τῷ Λύδῃ πατρὶος γενέσθαι. Gygi qui vnus ex Cræsi Lydi maioribus seu progenitoribus fuit. Cræsi autem stemma à Gyge repetere non vacat. Nam id cuius ex Herodoto perquam facile factu est. Verùm hoc abierit; nunc autem*

εἰ ἐδάλας ἕτερον σοι λόγον ἐκκαρυφώσω

εὐχὴ ἐπισταμένους

Locus enim est in Curculione Plautina Act. i. Scen. i. non corruptus ille quidem, sed plane audiant licet interpretes, à nemine intellectus.

PH. Nunc ara Veneris hæc est ante harum fores  
Me inferre Veneri noui iam ientaculum.

Y iiij

*PA. Quid antepones Veneri à ientaculo?*

*PH. Me, te, atque hosce omnes. PA. Tum tu Venerem vomere Vis.*

Ex istis verbis, *Me, te, atque hosce*, &c. quæ delirantis amatoris sunt, vt satis apparet, nil difficilius quam responsionem Palinuri intelligere, scil. *Vis igitur Venerem vomere*; neque se hinc expedierit Oedipus. Vbi nihil video mihi apud interpretes subsidij quidquam esse, (ita perspicaces, ita Lyncei sunt) nil ego melius fore opportuniussue iudicaui, quam si versum illum Græcum olim (comoedia enim hæc, vt cæteræ Plautinæ, Græca est) sua lingua denuo cuderem; fore sperans vt aliquis locus coniecturæ se se aperiret. Statim itaque sumpto in manum stylo iambicum trimetrum reposui, quem ego arbitror ipsissimum esse qui à Comædiæ auctore (quicumque ille sit) scriptus fuerat. Totidem enim vocibus Græcis plane redditur, quot à Plauto Latinis conuersus est. *audire atque togam iubeo componere.*

*Φ. ἐμὲ σὲ καὶ τούτους. ΠΑ. ἴδὲ γὰρ Ἀφροδίτην θέλεις ἐμέσσι* ————— *Id vbi video, ὦ πόποι* exclamo, istuc ipsum est quod quæris. Videlicet venustula res est Græce, & argutiolam plane vernilem (seruus enim loquitur) redolens, allusio facta ad ἐμὲ σὲ, reddita autem per ἐμέσσι quod vomere est. Cæterum & imprudenter & infelicitè hæc à Plauto conuersa videntur. At interim me hominem ineptum, & rusticæ cuiusdā simplicitatis scilicet; quicū ne nomen quidem meum fando vnquam audieris, neque vllum ad te aditum habeam,

nisi quem singularis tua in omnes qui literas amplectuntur, beneuolentia aperuit, tam inuerecunda tamen libertate utar, ad te ut scribere hæc nugas non dubitarim. Sed enim cum magna mihi religio esset id facere, vicit meum aut metum aut pudorem, Clarissimorum virorum L. Cappelli ac M. Amyraldi, consilium; qui quanta tua sit humanitas experti, ita mihi persuaferunt, nunquam fore ut indigne feres, si quid huius generis mihi apud te permitterem. Eorum itaque auctoritate me tuebor, & si quid in his literulis possim, ad te mittam, modo si meum hunc conatum tibi non ingratum accidisse intellexero. Vale. Salmurij  
xiv. Cal. April. cxcxccli.

CL. SAR. IS. SARRAVIO.

*Salmurium.*

**E**legantissimam & doctissimam, Mi Fili, accepi ab Eruditissimo Fabro epistolam. Meministi cum istuc proficisceris me eum tibi inter eos quos colere deberes præcipue commendasse. Sola tamen fama eum mihi indicauerat, quem non arbitrabar istud scientiarum culmen attigisse. Iam vero neminem de eius meritis interrogabo, quin alios docebo & confidenter prædicabo tanti viri omni laude dignas virtutes. Non enim tantum castigatè & ornatè scribit, sed auctorum sensus reconditos eruit solerter, & candide proponit & perspicue explicat. Qui has omnes dotes possideat, verum dico, noui neminem. Vide

Mi Fili vt in eius amicitiam quoquo modo vel irrepas vel irrumpas , nec vlllo meliori compendio tuas subsecuias horas prodegeris. Quas ad eum scribo offeres cum omni opera mea quam ei libentissime impendam. Num pergas insinuare te in Philosophiam cum voluptate intelligam. Hoc sit tuum ἔργον : περὲργον vicem iam obtineant quæ olim præcipua erant vtriusque linguæ Latinæ & Græcæ assidua pœne consuetudo & familiaritas. Nec Ebræam omiseris, quæ omnium non solum prima & antiquissima & proinde præstantissima sed etiam sola diuina est & hætenus in sacris Bibliis ab omni labe immunis. Stilum præcipuè exercere iuuet. *Latine loqui est in magna laude ponendum*, inquit Cicero. Et qui laudis huius cupidine non tangitur frustra eruditi nomen speret Vale & me ama , tuî semper si mereberis , amantissimum. Lutetiæ Parisiorum XXIX. Martij MDCLX.

## CL. SARRAVIVS TAN. FABRO.

*Salmurium.*

**I**N deliciis mihi suo merito semper habitum Ouidium Nasonem in posterum si fieri possit , magis adhuc diligam ; eo quod tibi præbuerit occasionem me compellandi , nostræque notitiæ & amicitiae primum gradum fecerit. Non heri tamen aut hodie demum mihi notus es , Vir Doctissime & Præstantissime, sed tua pridem mihi audita eruditio , & cognita virtus. Quantum in lingua Græca & Latina supra doctorum vulgus sapias, & valeas,

nemo fere hic ignorat. Ipse ego filio mandaueram cum istuc proficilceretur, vt quiduis tentaret quo posset tibi fieri familiaris; certus eum ex tuo consortio nunquam nisi doctiorem & meliorem discessurum. Hunc igitur quæso meum amare velis: & pati vt de tuo plenissimo & exundante fonte aliquando os proluat, auribusque hauriat, semper & vbique profutura. Quod vero me occupaueris elegantissima & doctissima tua epistola, grâtiâs habeo magnas & si possem referren. In ea miratus sum, & mecum non pauci quibuscum eam communicauî, puritatem sermonis singularem, iudicium solers & accuratnm, & sagacitatem in veris Auctorum sensibus indagandis eximiam, vt constât ex quinq; locis fœliciter restitutis. Bonæ enim mentis plane vacuus sit, nec harum litterarum vllum gustum habens, qui statim *inuso* *id est* tuam non perspiciat. Vtinam autem Critico tuo pumice expolitum totum illum Poëtam haberemus: tum certe cuiusuis animaduersionibus facile careremus, nedum illius viri qui decem abhinc annis inani suarum expectatione nos lactat. De tuis quoque in Platonem & Plautum eruditâs Observationibus tibi gratulor, mihi gaudeo. Cæterum perge nos huiusmodi munusculis beare, quæ grata manu magisque grato animo accipiemus. Sed te beatum cui vacat ista meditari, & penitissime scrutari. Hunc fundum si diligenter colere pergas, vberri mos inde gloriæ & famæ fructus colliges. Ego quantum potero lauda-

biles conatus tuos cum vtilitate publica coniunctos iuuabo & promouebo. Ita credas velim, Mi Faber, meque ex animo semper fore tui studiosissimum & amantissimum. Vale.  
Lut. Paris. xxix. Martij cldccll.

## CL. SAR. DAVIDI BLONDELLO.

*Amstelodamum.*

Contuli dubia tua cum Pontificia Bulla Editionis Romanæ; quam ipsam ad te misissem, si mea fuisset: sed quia necesse fuit eam restituere, idcirco hisce animaduersionibus contentus esto. Pag. 3. tuæ editionis legitur ut ais, *accepimus quod per plures annos Osnabrug.* In editione Rom. sic habetur *accepimus quod per complures vnus Osnabrugis die vi. Augusti.* Verum autem *paucis* quod desiderari existimas non habetur ibi, sed habetur postea. Ibidem *pactis turnis ac iuribus*: editio Rom. habet, *rebus, bonis, ac iuribus.* Pagina tibi quinta, *tenores etiam veriores & datas*: ita etiam habet editio Romana, totidem apicibus. Data dicitur xxvi. Nouembris Pontificatus anno quinto. In editione Rom. quam vidi nulla legitur facta publicatio. Hæc tantum habeo quæ rescribam ad tuæ quæsitæ. Dicunt Salmasium nostrum in Suecia periculosissimo morbo laborare, quod valde me cruciat. Bene est quod Recitationes tuas inchoaueris; sed melius erit in iis pergere, & tandem aliquando Spartam tuam ornare. Sirmondus de Pœnitentia publica com-

mentatiunculam edidit : addiditque tractatum quo docet , quod & verum est , olim panem communem vsitatum fuisse in Sacramento Eucharistiæ. Audomarus Talæus noster forem ad Reginam habuit Orationem , ex auctoritate Senatus nostri , contra Cardinales, etiam Gallos : publicabitur & eam ad te mittam. Interea Vale cnm Tua & nos amare perge tui semper studiosissimos & amantissimos. Lut. Parif. Cal. April. c1616CL1.

CL. SAR. IS. VOSSIO.

*Holmiam.*

**P**Ridie quam Lutetia in hanc Cenomanorum urbem venirem à Senatu nostro delegatus , Vir Præstantissime & Eruditissime, vidi M. B. codices MSS. vt proculdubio tibi scripserit Bidalius. Quod tum autem mihi non licuit negotiorum mole oppressus , id iam faciam. De iis ergo dicam vt est in Prouerbio *Θησαυρὸς ἀσπράγξ*. Sed reuera minuit præsentia famam nec ij sunt quales fama eos prædicat. Græcorum enim plerique sunt chartacei ; pauci omnino , quinque , credo , aut sex in membrana scripti , nec omnes valde antiqui. Ii enim quos chartaceos dixi vix excedunt ætatem captæ Constantinopolis quo tempore multi Græculi per Europam diuagantes , secum aliquot libros asportarunt ; quos tenuis victus aut pecuniæ ratione in gratiam eruditorum & curiosorum describebant. Latino- rum plures quidem sunt membranacei siue in



pergamena exarati, qui tamen quartam aut quintam eorum partem vix faciunt. Ex Catalogo videris eorum qualitatem, quantitatem, quæ non accedit ad sextam partem Petauianorum. Gallicos enim parui facio. Audio tamen non esse vanales nisi XLV. M. libris nostratibus; quod sane iniquissimum pretium mihi videtur. Suasi Bidalio ut offerret XX. M. quamquam & hoc adhuc immensum est & abnorme. Sed quia res nobis est cum D. quæ ideo tantum vendit quia grandem pecuniam inde sperat: Et Serenissima Regina videtur hanc librariam supellectilem auidè expetere, existimaui posse eò usque istam annonam incendi. Si præterea aliquid faciendum sit, ipse præscribes ex mandato Sapientissimæ Reginæ. Mihi quippe pudendum aliquatenus visum est ex eorum φιλαργυρία ita pendere ut simus postea omnibus ludibrio quasi verum vel etiam, ut aiunt Iurisperiti, affectionis pretium ignorauerimus. Potest autem suo iure Regina imperare quod libuerit; Et quod nobis probrosum esset ipsi laudi cederet, Pecunia scilicet venditores pæne obrueret, ut istud quidquid id est sibi acquirat. Quicquid autem contra sentias Bodini Dialogus cuius primum librum misi is est quem postulat Serenissima Regina. Quæ enim Iudaicam & Christianam Religionem spectant habentur in sequentibus. Repertum est eius apographum M. sed nolunt, illud communicare, imo nec ipse vidi: seruatur enim velut pretiosissimum κειμήλιον Bibliothecæ Cluniacensis li-

## EPISTOLÆ.

351

ber non faciliè reperitur. Statimatque in Vr-  
dem rediero , quæretur diligentissime. Sacra  
Majestati semper me seriò & ex animo com-  
mendatum volo. Quod vt sedulò facias, rogo.  
precorque. Vale. Ama nos , charosque habe,  
qui te plus nostris oculis amamus. Apud Ce-  
nomanorum urbem xiiiv. April cccxcii.



IN EXIMIVM OPVS SVMMI VIRI  
SAMVELIS BOCHARTI  
DE GEOGRAPHIA SACRA.

**N**Vmine placato facies cum reddita terris  
Prima fuit, solis octo superstitibus:  
Queis prima emergēs regio est habitata colonis;  
Traxit & vnde suos insula quæque viros:  
Priscorum mendax commenta est fabula vatū,  
Sincerumque nihil, nil sine labe fuit.  
Sordibus existis densa & caligine lucem  
Eruere, humanæ non fuit artis opus.  
Desperata aliis vnus tentare BOCHARTVS  
Ausus, & ignotas primæ inire vias.  
Huic promūt Arabes, Phœnix, Chaldeus & Ind<sup>us</sup>,  
Quas proprio gazas continuere sinu.  
Purior & lacris hauritur fontibus vnda,  
Diuite quam venâ nobile fundit opus.

CL. SARRAVIVS  
*Senator Parisiensis.*

IN CRITICAM SACRAM  
Viri Reuerendi & doctissimi  
LVD. CAPPELLI.

**E**Narratores Antiqui Fœderis, illi  
Clari, *Theudotion*, *Symmachus*, atque *Aquila*,  
Et DECIES SEPTEM faciunt queis nomina *CELLÆ*,  
Hellenistarum vt fabula nota canit:  
In varios abeunt sensus, concordia sæpe  
Exulat, hisque vno non datur ore loqui.  
Scilicet humano captu scribuntque leguntque;  
Inde errant varijs ille vel ille modis.  
Est tamen Hebræi certissima lectio textus:  
Vna est, sincera est; intemerata manet.  
Hactenus ambigua est peruersi erroris origo: &  
Quis velit horrentes explicuisse vias,  
Quæritur? Ecce tibi CAPPELLVS pellere doctus  
Nubila, quæ mentes obtenebrare solent;  
Et calami incertos titubantis quærere lapsus;  
Et lucem obscuris addere mille locis.  
Conuenient omnes, nulla est discordia: In vno  
PRIMÆVO HEBRÆO CODICE certa fides.  
Frustra es Buxtorfi, nulla est hic causa timoris,  
Est hoc pacis Opus, nec noua bella seret,

CL. SARRAVIVS  
*Senator Parisiensis*,

**Q**uid causæ sit, SARRAVI CLARISSIME, cur, cum infinita prope puerorum multitudo quotidie literarum professoribus in disciplinam tradatur, tam paucos tamen reperias, qui vel mediocrem aliquam illorum cognitionem post incredibilem & temporis & pecuniæ jacturam assequantur? Scio esse perquam plurimos, qui præpropere parentum studia, nimiamque pervicaciam accusent, qui videlicet à scholarum moderatoribus ea impetrant quæ & ipsis damnosa sunt & liberis perniciofa. Vbi enim admissi in eum ordinem pueri fuerunt, quem sua sibi imbecillitate atque imperitia præcluserant, quid, quæso, aliud par est expectari, quam certissimam studiorum calamitatem? Sed alij altius repetentes, totum hoc negotium *πλατωνικά τε εἰσι θεωρεῖσιν*. Delectum enim ingeniorum, rem & priuatim & publice salutarem, haberi vellent; quod patrum nostrorum memoria ab egregio scriptore tentatum vidimus, irritò conatu. Neque adeo mirum; iis enim opus esset principibus, qui ut dignitate, ita & sapientia & rerum præclararum cognitione cæteris præstarent hominibus. Quamobrem hujusmodi delectum optes facilius quam habeas. Alij vero superciliosi, sed timidiore paulo atque inertiores, corruptos sæculi mores queruntur, veteris disciplinæ neglectum deplorant. Alij porro corruisse literarum studia prædicant, quod illi quibus

Imperia & Resp. administrantur, has artes fere plerumque aspernantur. Verùm si malum adeo multiplex & varium scrutari lubeat, ejusque causas omnes inuestigare paremus, tempus nos, vti existimo, quam res, maturius deferet. Quid enim quæso de indiligentia atque imperitia plerorumque omnium sentire debemus, quos erudiendæ puerorum atque adolescentum ætati præesse videmus? Quam paucos reperiās qui literas recte atque liberaliter tractent? Quid quod eorum plerique nihil aliud sibi videntur quærere, quam vt incon-sultis possint gratificari parentibus? Quid quod viam illam plane ignorant, qua majores nostros ad æternæ famæ claritudinem peruenisse videmus? Quænam illa sit fortasse roges, Vir Clarissime; nulla certe alia quam veterum scriptorum accurata lectio. Ea Budæos, & Scaligeros: Ea Turnebos, Passeratios & tot ingentia nomina edidit; Et absque ea sit, malim equidem liberos meos opiliones esse & merum rus, quam iis literis dare operam, quas hodie doceri videmus. Itaque adeo, si mihi sententiæ jus in re tam grauis momenti esset, sic censerem: Debere nos à fabellis seu Apologis auspicari, statim atque primulis linguæ Latinæ Elementis informati pueri sint; cœperintque sentire quid sit compositio; idque dico sapientissimorum virorum, totiusque antiquitatis auctoritate adductus. Ea autem re fiet maxime vt teneros puerorum mores & adhuc *ευαγυνος* mollire & subigere queas facilius: idque vbi rite factum fuerit, & virtus

tis in iis quædam *συναγχαία* cœperit apparere,  
 tum porro pergendum erit alacrius, neque in his  
 fabellis amplius immorandum : sed exemplis  
 ea erunt confirmanda atque illustranda, quæ  
 legendis Apologis fuerint tradita. Id autem, ut  
 opinor, perfici non potest commodius, quam  
 si breuissimos quosque historicos prælegamus  
 eosque potissimum qui res à primis Græciæ  
 & Urbis Romanæ temporibus perscripserint.  
 Et quoniam absque Terrarum, Maris, Mon-  
 tium, Fluminumque descriptione, non est ut  
 quisquam ad veterum librorum, quibus om-  
 nis liberalis scientia atque humanitas contine-  
 tur, cognitionem possit peruenire; maximum  
 operæ pretium fore judico, si scriptor aliquis  
 pueris tradatur, qui illa omnia si minus *ἐς τὸ*  
*λεπτομερὲς καὶ δι' ἀκριβείας*, *ἀλλὰ πύργῳ*, ut aiunt, do-  
 ceat. Ea autem omnia, quinam è veteribus  
 præstiterunt rectius quam Phædrus, Apollo-  
 dorus, Eutropius, Cornelius Nepos, & Pom-  
 ponius Mela? Qui libelli intra vnius anni cur-  
 riculum, si quæ modo adhibita diligentia  
 fuerit, nullo poterunt negotio perlegi. Quod  
 ubi effectum fuerit, quam lætæ segetis spes  
 in annum sequentem erit? Quam facile fue-  
 rit, Sallustium, Suetonium, Ovidij Metamor-  
 phosin & Fastos legere tam feliciter institu-  
 tis. Tertio autem anno, quis nisi inertissi-  
 mus, neget legi perquam facile posse, Te-  
 rentium, Virgilium, Horatium? Tam id equi-  
 dem scio perfici posse quam me scio viuere;  
 re enim ipsa expertus dico: qui amicis aliquot  
 anno superiori per hibernas *ἀνδραγῆδας* Teren-

tium, Horatium, Lucretium, Iuvenalemque iterata lectione explicauerim; cum tamen à literarum humaniorum cognitione & illa *græcistia* quam in primo & sequenti anno constituimus, essent imparati; ideoque longe plus temporis in explicatione ponendum fuisse vides, Vir Clarissime, ac multo plura legi potuisse, si ipsis ea adfuissent subsidia, quæ primis annis sibi parare debuerant. Tot igitur & tanta si intra triennium absoluta fuerint, quis anno sequenti Ciceronem, atque Homerum non facile legerit? Nisi quod (vera enim fateari cum summo nostro dolore necesse est) ubi ad eam studiorum partem ventum est, quam vulgus (jamdudum enim vera rerum vocabula amisimus) Philosophiam vocare solet, graue piaculum esse ducunt Magistri, libros meliores primo tantum digitulo attingi à discipulis; Quorsum enim, inquiunt, Philosophiæ Majestatem, puerilium literarum nugis & grammaticæ quisquiliis (videlicet libri principes quisquiliæ sunt) attaminari deceat? Recte sane & ut illo hominum genere dignum est, qui postquam insulsam barbariem bene ac fideliter combiberunt, noui repente Thales prodeunt. Quidni enim? postquam per integrum biennium ea dedidicerunt quæ sibi comparauerant; gypsati & palliolati in publicum procedunt, ibique tria aut quatuor *δύστυχα πινυμένα* postquam vix atque ægre balbutierunt, librorum eis omnium arcana extemplo referantur, illarumque omnium artium, quæ libero homine dignæ sunt, profitendarum facultas da-



tur. Atque utinam tam eis facile esset doctis fieri, quam impudentibus licet. Næ illa *μαμμά-  
κιδων ευφορία* non esset, quam hodie passim vi-  
demus; tot pulpitorum crepitacula occurrunt,  
tot mundi cymbala, tot sæcli incommoda, tot  
pestes aurium. Hinc itaque est quod cum cer-  
torum fortasse hominum offensione dicere so-  
leo (*πὶ γὰρ ἀνθρώπων τρόπῳ ἄξιόν τε εἶναι ἢ ἀληθεύειν;*)  
dicere inquam, soleo, Clarissime Sarraui, ita  
comparatum esse totum illud studiorum ge-  
nus, ut quo quisque in eo perfectior est at-  
que consummator, eo sit incommodior omni-  
bus atque molestior. At utinam Patrū nostrorū,  
qui sædam hanc & inhumanam studiorum ra-  
tionem mutare tam feliciter tentauerant, ve-  
stigiis insisteremus: Haud dubium quidem est,  
quin deterso situ & squalore humaniores literæ  
excitarentur; Et Nobilitas nostra illarum orna-  
menta & cultum tam quæreretur studiose, quam  
hodie obstinate aspernatur. Neque sane inju-  
ria. Iis enim literis, quæ hodie traduntur,  
quid, quæso, agrestius, quid minus utile? quid  
dediscendum maturius, si tibi cum viris libe-  
rali præditis ingenio sit agendum? Verum nes-  
cio quomodo altius processi & liberius paulo,  
dum me tantæ corruptelæ piget puderque; cui  
remedium si poterit vnquam fieri, vel ea via  
& ratione fiat necesse est, quam modo com-  
memorabam, vel nulla. Illos igitur scriptores;  
Clarissime & doctissime Sarraui, (eò enim,  
vnde digressa fuit, reuocanda oratio est) quos  
meis vel conjecturis vel notis factos meliores  
habeo, etsi bibliopolis nostris cupiam trade-

re, vel, quia splendidius multo & luculentius  
 totum illud negotium futurum est, Lutetiam  
 transmittere, nihil tamen ante moliri decre-  
 tum est, quam me tuo consilio adjuveris,  
 ostenderisque pro tua singulari humanitate,  
 quæ tua sit sententia. Præfationem satis lu-  
 culentam postulare videntur hi libelli; illam  
 itaque adornabimus sedulo, dabimusque ope-  
 ram, ut consilium nostrum viris bonis probe-  
 mus, Atque utinam te mihi Deus ille Opt.  
 Max. diu seruet incolumem. Nam etsi tenui-  
 tatem meam satis norim, erit tamen fortasse  
 olim, ut aliquam ex me utilitatem percipiant  
 studiosi.

*Hæc mihi certè animo spes surgit, si modo  
 Virtus,*

*Cuius sacra fero, nostro sub pectore  
 feruet,*

*Nos ex ab ignava certat secernere turba.*

Vale plurimum, Vir Clarissime, & me ama.  
 Salmurij Nonis Maiis c1612.



## A MADAME SARRAU.

**M**ADAME, Je suis touchée si sensible-  
ment de la perte que vous auez faite de  
Monsieur Sarrau, que je ne me sens pas capable  
de faire apresent autre chose pour vostre con-  
solation, que de joindre ma douleur a la  
vostre, & de plaindre avec vous & tous les  
gens de bien un personnage d'un si rare merite.  
Ce regret augmente encore d'auantage lorsque  
je pense a l'affection qu'il a tousiours conseruee  
pour mon service: & que pendant sa vie je  
n'ay pas eu l'occasion de luy resmoigner comme  
j'eusse soubaite, la passion que j'ay de m'en res-  
sentir. Et c'est ce qui m'oblige a vous conuier  
a me donner lieu de faire connoistre a ses pro-  
ches la gratitude dont la mort a preuenu les  
effets; & que j'aye sujet de me justifier enuers  
la memoire d'un si digne homme, de la recon-  
noissance que je deuois a son zela & a son am-  
itie. Vous trouuerez en moy vne parfaite incli-  
nation a vous gratifier, & la volonte de vous  
estre constamment,

CHRISTINE.

De Stokolme le premier  
Iuillet 1651.

IN OBITVM  
CLAVDII  
SARRAVII  
SENATORIS  
PARISIENSIS  
CARMINA.

IN ORBIT

OF A VUL

THEY CAN

BE OF THE

THEY CAN



VIRI ILLVSTRIS,  
**CL. SARRAVII**  
SENATORIS PARISIENSIS  
MEMORIAE.



VR immaturo SARRAVIVS occidit  
quo?

Maturæ mētis quippe Senator erat.  
sic matura cadunt æstivo tempore  
Poma,

Sicque citò repetit mens generosa polum.  
Hic licet ante decem raptus sit funere lustra,  
Creditus est animi dotibus esse Senex.  
Nullus in exiguo tam multa volumina legit  
Tempore: nil, quod non hic didicisset, erat,  
Iam satur à mensa veluti conuiua recedit,  
Vbere doctrinâ sic satiatus obit.  
Cessat, vt extremam tetigit prudentia metam;  
Vita nec vltcrius quod doceatur, habet.

PHILIPPVS SVDORIVS PETIVILLÆVS  
*Senator Rotbomagensis.*

SVR LA MORT DE MO NSIEVR

SARRAV

CONSEILLER DV ROY AV

PARLEMENT DE PARIS.

STANCES.

**P** Assât ne preten pas qu'en ces vers je querelle  
Nyls Cieux ny le Sort ;  
S'ils n'ont rendu la vie aussi longue que belle  
De cet Illustre Mort.



Trop & trop chez plusieurs ces importantes plaintes  
Grossissent des escrits ;  
Quand par la nouveauté de pareilles atteintes  
Ils se treuvent surpris.



Ils veulent que le Ciel responde des desastres  
Qui les vont attaquer ,  
Comme si son deuoir interessoit les astres  
A ne les pas choquer.



Mais celuy qui de près considere les choses  
Et sçait mieux discourir ,  
Voit en tout ce qui vit l'enchainement des causes  
Du naistre & du mourir.



Au sortir du neant estoit-il necessaire  
Que tu visses le jour ?  
Et te treuvant icy quel droit as tu d'y faire  
Plus ou moins de sejour ?

*Tout le monde au salut du plus parfait des hommes  
Prend-il tant d'intérêt;  
Que quand il cesseroit d'estre ce que nous sommes,  
Luy fust moins ce qu'il est?*



*Croy moy, ce nous seroit vne esperance vaine  
Que SARRAV bien que tel,  
Estant né sous les loix de la nature humaine  
Ne fust pas né mortel.*



*Et quel plaisir de vivre à cette ame heroique  
En vn siecle de fer,  
Où la guerre produit ce que de plus tragique  
Peut produire l'enfer?*



*Luy qui tout plein de zele a fait pour sa Patrie  
Cent belles actions;  
Pourroit-il sans horreur voir sa gloire fectrie  
Par nos dissensions?*



*Luy qui fut autrefois des plus dignes Ministres  
Du Temple de Themis;  
Verroit-il son pouuoir par des succès sinistres  
Indignement soumis?*



*Luy qui fut la candeur & la probité même  
Auroit-il des humeurs,  
Propres à l'imposture & la malice extrême  
Qui corrompent nos mœurs?*



*Non, non, il a bien fait de chercher sa retraite  
En vn lieu plus heureux;*



Où son ame se voit pleinement satisfaite,  
Et jouit de ses vœux.



Là dans vn doux repos qu'aucun trouble n'altère  
Il fait son entretien,  
Des plaisirs inouys que l'homme Sage espere  
Pour son souverain bien,



Et certes regretter vne si juste absence,  
C'est ne le pas aymer,  
Où bien ne sçavoir pas que cette jouissance  
Ne peut trop s'estimer.

M. DE LA LVZERNE GARABY.

*Subscribendum Imagini*

CLAVDII SARRAVII

*Senatoris Parisiensis,*

ROMVLIDÆ COLVERE THEMİN,  
COLVERE CHARINQVE;  
ME COLVITQVE THEMIS, ME  
COLVITQVE CHARIS.

*Nobilissimo Adolescenti,*  
**ISACIO SARRAVIO.**

**F**Los Iuuenū, magni defles quid acerba parētis  
Funera, non obiit; scilicet ille abiit.  
Non obiit totum cuius vaga fama per Orbem;  
Illustre & nomen docta per ora volat.  
Non obiit simili qui se se in prole reliquit,  
Quæque ipsi tritas it generosa vias.  
Denique non obiit, æternis viuere chartis;  
Post cineres, nati cui pia cura dedit.  
Debitor es patri, patri idem es creditor; illi  
Tu vitam debes; debet & ille tibi.

**EIDEM.**

**C**Andide SARRAVI tātis ne laudibus effer,  
Quā breue Cadmæi tam rude vatis opus.  
Pace tua illius non possunt mira videri  
Carmina, cui tardo frigore sanguis hebet.  
Nunc mihi lac stolidæ gelidum potatur asellæ:  
Nec volucris bibitur nobilis humor equi.  
Hôc dum vena calet diues fluit: Hôc bonus ibat  
Ennius, haud vino potus ad arma pater.  
Hôc alias vatum madeam si nectare, versu  
Teque Patremque tuum fors meliore canam.

**ANTONIUS HALLEY,**  
*Regius in Academia Cadomensis  
Eloquentiæ Professor.*

Sur la Mort de Monsieur  
**SARRAV**  
CONSEILLER DV ROY  
AV PARLEMENT DE PARIS.

SONNET.

**A**ppollon est en dueil, les Muses sont voilées,  
Sur Parnasse on n'oit rien que lamētatiōs:  
Et ce cri dont il yse aux exultations,  
**PEAN**, ne s'entend plus dans ces belles valées.

Daulis n'oit plus le cœur de ses troupes ailées;  
Philomele s'y tait, oyant les Halcyons  
D'ynchāt plaintif & propre aux tristes passiōs,  
Crier, Sarrau n'est plus, loin de leurs eaux sallées.

L'echo sur l'Helicon à ces tristes chansons  
Répond, Sarrau n'est plus, en de lugubres sons;  
Mais l'Olympe au rebours en fait beaucoup de feste:

Et dit, le voyant seoir à la table des Dieux  
Qui de rayons de gloire ont couronné sa teste,  
Celuy-là n'est pas mort qui regne dās les cieux.

M. DE GRENTMESNIL.

*Sur la mort de Monsieur*

SARRAV

CONSEILLER DV ROY AV  
PARLEMENT DE PARIS.

ÉPIGRAMME.

**S**ARRAV, pour qui nos yeux ne deueroient  
point sécher,  
Je croy que qui voudroit soigneusement chercher  
Quel fut l'aspect des Cieux au point de ta naissance  
Trouueroit que pour lors le Soleil s'estoit mis  
Dans le signe de la Balance,  
Puisque tu fus si iuste en celle de Themis.

Pour le mesme

SONNET.

**I**LLUSTRES Ornemens du Tèple de Memoire  
Vous par qui tant de noms sont exèts du tôteau:  
Muses, qui sçauiez l'art d'allumer vn flambeau  
Qui dissipe l'horreur de la nuit la plus noire.

Si pour m'aider à peindre vne fameuse histoire  
Vostre main quelquefois a conduit mon pinceau;  
Prestez moy des couleurs pour traçer vn tableau  
Qui du sçauant SARRAV fasse briller la gloire.

Contez moy donc les soins qu'il eut de cet Estat,  
Le zele qu'il fist voir pour nostre Potentat,  
Et les vertus qu'en luy le Ciel auoit infuses;

Mais au point que sa mort nous reduit aujourd'hui  
N'est-ce pas vainement que i'inuoque les Muses  
Puisq; leur Docte Troupe est morte avecque luy.

M. BARDOY. A

ELEGIDION  
IN OBITVM  
CL. SARRAVII

SENATORIS PARISIENSIS.

**F**unereū mihi pange melos crudelis Erynny,  
Quæ tragicos casus explicuisse soles.  
Non iuuat in luctu Turbā implorasse Disertam,  
Planctibus & lacrymis obruta, muta fuit.  
Calliope lacerata comis, velataque taxo,  
(Tunc aderat Clio) talia verba dedit.  
Deliciæ cessere tuæ Parnassia Rupes,  
Heu periit Gemini Gloria Prima lugi!  
Cyrtha! Helicon! hinc iam infaustas plantate  
cupressos:

Et luctus turbet Castalios latices.  
Iam citharæ ac arti Phœbeæ nullus honos est:  
Musica flebilibus exululato modis.  
Hic resides cessant elegi; vox faucibus hæret,  
Suscipium questus vixque referre potest.  
O Parcæ ingrata! Diræ inclementia fati!  
Eheu barbaries imperiosa nimis!  
Dulces quem Charites curis aluere tenellis,  
Cuique Aganippæus proluit ora liquor:  
Occidit; Et turbæ EXANIMIS data præda furenti,  
Deserit augustum PURPURA Palladium.  
Marmoreum Saxum, si te mea nœnia mollit,  
SARRAVI meritis accine id elogium:  
*Conditur hoc tumulo, multis heu flebilis Heros,  
Nais cum in notis Sequana luget aquis.*

*Busta Themis struxit, peplum sumpsero Camæna,  
Thuscærum Sirenum immaduere genæ.  
Balsamini rores informe cadauer odorant:  
Ast animam condit suaue AMARANTHVS olens;*

I D E M  
DEFIETVR SVB PERSONA  
THYRSIDIS.

*Mœris. Amyntæ.*

- M. **O** cœli infidas leges! Quid, THYRSIS,  
Amyntæ,  
Et tuus & meus est crudeli funere raptus?  
Deploret Mopsus Daphnim, Cytheræaque  
Adonim:  
Pastorum vnus honos THYRSIS mihi  
flebilis esto.
- A. Flebilis ille mihi quoque; verum, luctus  
inanis.  
Sorte viri sæuo releuemur, Mœri, dolore:  
INDIGETES Cyrrhæ, Pindi, Nemo-  
rumque Virentum  
Gloria vbi alma manet condi iussere sacello.

PIIS MANIBVS  
ILLVSTRISSIMI VIRI  
CL. SARRAVII

SENATORIS PARISIENSIS:

**F**errea nunc verè est etas, nam fusa per orbem  
Ferrea progenies, Marsque scelusq, ruunt.  
Nunc prostrata iacet veneranda scientia, candor,  
Et simul alma fides, integritasque iacent;  
Ipsaque nunc verè terras Astræa reliquit,  
Nam iacet, & petijt sidera SARRAVIVS.

MOSANTIVS DE BRIEVX.

SOPRA LA MORTE  
DELL' ILLVSTRISSIMO SENATORE  
IL SIGNOR DI SARRAV.

**O** Che cruda morte ! o che fier dolore !  
Piangono tutti vn si gran Senatore;  
Perche si crede le virtudi in iscompiglio  
Esser salite al Ciel con lui;  
Non è da pianger ? il Padre è morto per lui;  
Ma le virtù restan tutte nel Figlio.

*Subscribendum Imagini*

CLAVDII SARRAVII  
*Senatoris Parisiei sic.*

**S**i quid cana Fides & Honor Doctrinaq; possēt  
Adversus tygii iura leuera Dei:  
Quem pictum artificum nunc contēplamur in ære,  
Quanto debuerat serius ille mori.

TAN. FABER.

SVR LA MORT DE MONSIEVR

SARRAV

CONSEILLER DV ROY AV  
PARLEMENT DE PARIS.

SONNET.

**S**ARRAV nous a quittés & les Parques  
cruelles

*Qui de sa belle vie ont retranché le cours;  
Viennent en ce moment de ravier a nos iours  
D'un Auguste Senat les Lumieres plus belles.*

*Themis puisoit chez luy ses conseils plus fidelles;  
Et voyoit par ses yeux les plus cachés detours,  
Et comme Elle trouuoit en luy tout son secours  
Elle verse pour luy des larmes Eternelles:*

*Les Muses qui le plus perdent en cette mort,  
S'arrachant les cheveux, font voir par ce transport  
Que de mille tourmens leurs ames sont atteintes;*

*Apollon en gemit, ses yeux fondent en eau,  
Et le Parnasse en deuil tout resonnant de plaintes  
Deuiét pour ce grand Homme vn superbe tombeau.*

M. DES RANGEES HAVTON.

Aa iij



IN OBITVM  
ILLVSTRIS VIRI  
CL. SARRAVII  
SENATORIS PARISIENSIS  
LACRYMÆ.


**A**H! timeo, nequis me tardius ire queratur,  
Et meus ambitio ne videatur amor:  
Ibo tamen: spargam flores, & floribus addam  
Carmina cum lacrymis qualiacunque meis,  
Magna licet seræ veniant ad busta Camœnæ,  
Nec modus his lacrymis, nec pudor ullus erit.  
Cætera damna dies, alias sapientia curas  
Leniat; hic nulla vincitur arte dolor;  
Flebilis in longos SARRAVIVS occidit annos,  
Et nunquam pietas non habet ista locum.  
Nec solû hoc tantis æuum virtutibus orbem est,  
Fas tibi posteritas hoc quoque flere caput:  
Omnia lugebunt, similem cui nulla videbunt  
Secula; non natos hæc pia cura manet:  
Nam qui non vlllo cecidit reparabilis æuo,  
Si qua fides, moritur quolibet ille die.  
Inuenit omne dolor spatium breue: tẽpore nullo  
Nec licet hæc vlllo claudere iusta loco.  
Gallia prima quidem passis discincta capillis  
Planxit in illustri pectora sancta rogo:  
Curia tota Patrum, quos ardens purpura vestit  
Tunc benè pullata maluit ire togâ.  
Quis tibi tũc Astræa, animus? pars magna tuorũ

Cùm propior tumulo diceret, Almā Vale.  
 Diceris heu ! nostras voluisse relinquere terras  
 Et propè mutato visa colore mori :  
 Nec flores risere tui : delapsaque cœlo  
 Lilia sunt nigris liuida facta notis :  
 Regia magnifico licet inuidiosa tumultu  
 Aula , tamen fidum sensit abesse caput :  
 In partem Rex ipse venit; pluresque ministros  
 Optari similes optima vota putat.  
 Docta Thuanæo quā gens subit vndique tecto  
 Musarum indoluit semper apërta domus.  
 Ossa Charentoniæ dilecti corporis Ædes  
 Accipiunt sacro contumulata sinu :  
 Mœstā iacet magno pietas enicta dolore;  
 Musica non lætos reddit vt ante sonos :  
 Auditi balare greges , quasi Pane perempto ,  
 Pastoresque ouibus collacrymare suis :  
 Mens quoque LAVNÆI cœlestis conscia regni  
 Ausa est hîc gemitus non tenuisse suos.  
 Et multū ISACIDE flesti, patre digna propago;  
 Improbiusque malis publica damna tuis.  
 Ante oculos orbæ Aonides , & culmina Pindî  
 Sola : Aganippæis lux prope nulla iugis.  
 Præcipuè Diuæ, Tu quondam eris alter ab illo  
 Cùm tibi dixerunt , fletibus ora rigas :  
 Et voluere quidem : Tu nunc eris alter ab illo;  
 Parcere sed fronti iussit Apollo tuæ :  
 Vna tuæ dixit conuitia multa iuuentæ ,  
 Nam nos interea quid faciemus ! ait.  
 Cui Phœbus : tristes Elegos , Epicedia , lessos,  
 Materies nobis hæc satis vna decem.  
 Protinus aruerat, sed enim Permessius humor  
 Largus ad hæc Domini verba repente salit.

Aonij exurgunt latices, & quælibet unda  
 Adicere officio gestiit ora pio.  
 Sequana, non tuus est dolor hic: parteq; Garūna  
 Vendicat, & sua te damna dolere putat.  
 Nec tantum Ligeris tot amœnis vrbibus oram  
 Prætextus querulas in mare voluit aquas:  
 Ipse pater quæ primùm moritur, maiorq; resurgit  
 Cùm latuit, Rhodanus desit esse ferox:  
 Funus idem pariter Tiberim, pariterq; Lemani  
 Causa duos agitat non tamen una lacus:  
 Hic dolet amissam castæ pietatis honorem,  
 Ille decus docti præsidiumque chori.  
 Binaque cui faciunt coeuntia nomina nomen  
 Sensit & hoc Tamesis, turbidiorque fuit.  
 Teutonici plorant amnes, & Rhenus & Albis,  
 Et quos præterea longa referre mora est:  
 Denique submittit fasces cui doctior orbis,  
 Et totis Helicon cui famulatur aquis;  
 Ingemuit CHRISTINA altum, decus illa regentum,  
 Sydera pro sceptro digna tenere suo.  
 Quem terræ ereptum Themidis desiderat Aula  
 Illustres vatum concinuerunt chori.  
 Nos Bataui gēs lenta sumus: mora longa, fatemur  
 Ipse Ego post alios ultimus ecce cano.  
 Sic amor est; properent alij: præpostera lessum  
 Non tempestivum carmina nostra putas?  
 Falleris. In medio nam quis non funere plorat?  
 Unus post alios qui dolet, ille dolet.

ALEXANDER MORVS.











*Haptychius amandatus* p. 121.

*Trochura* p. 121. et seq.

De suspensione pecuniæ Adami

*De gratia universalis* p. 169. et 180.<sup>136.</sup>

*De Blandellibello de Ioanna Papiffa*

*Aristophanes primus* p. 229.

*invenit accensum*, p. 235.

*Ratio scribendi versuum*, ibid.

Quis hic Aristophanes p. 242.

*Aristophanes Comicus explicatur* p. 243.

*De obitu Heraldii* p. 256.

*Blandellus de Sibyllis* p. 267.

*Boetius de iure regis* p. 284.

*Iustellii obitus* 256.

Adde p. 297. *Πάρεος et ἄρεος non differunt* p. 293.

*Totus iunioris* 285. 293.

*Maffaeus obiit Anno 1650.* p. 319.

*Vindictæ Catholicorum Hiberniæ*, qui

bus malis continetur hactenus igno-  
ruta de istius regni rebus. 329.



